



BIBLIOTECA NAZ.  
Vittorio Emanuele III

XXVI

D

9 POLI

XXVI

Ø

9









2

# HERMANNI CONRINGII PROPQ LITICA

Sive Brevis Introductio in Civilem  
Philosophiam.

Adjecta sunt Ejusdem ut & J. Hopperi  
nonnulla de Varia & Vera Jurispru-  
dencia.



HELMESTADII,  
Typis & sumptibus HENNINGI MVLLERI  
Acad. Iuliz Typographi.

CIS IO C LXIII.

*Cum privilegio perpetuo Vicariorum S.R. Imperii*



### *SYMMA PRIVILEGIORVM.*

**P**roximo interregno cautum est privilegiis Serenissimorum Potentissimorumque S.R.I. Vicariorum, ne quis unquam libros Hermanni Conringii cura scriptos vel editos, citra eius heredumque consensum, intra limites Vicariatum inprimat, aut alibi impressos divendat: pœna delinquentibus dicta, amissionis omnium ejusmodi librorum, & solutionis decem marcarum auri. Prout latius definitur ipsis Privilegiorum tabulis.





*SERENISSIMO AC EMINENTISSIMO  
PRINCIPI ET DOMINO*

**AUGUSTO**

**ADMINISTRATORI** Primatus & Archiepiscopatus Magdeburgensis, DVCI Saxoniae Juliaci Cliviae & Montium, LANDGRAVIO Thuringiae, MARCHIONI Misniae ut & Superioris Inferiorisque Lusatiae, COMITI Marchiae Ravensburgi & Barbij, DOMINO Ravensteinij

*FELICIA OMNIA PRAECATUR*

**HERMANN. CONRINGIUS:**



Onsecrare ausus Eminentissimo  
nomini Tuo, SERENISSIME  
PRINCEPS, exiguum hunc libellum,  
non equidem ignoro, posse me facile varias  
):( 2 in

in aliorum criminationes incidere: qui vel  
argumentum vel parvitatem libri non con-  
venire satis magnitudini Tuæ existimabunt.  
Illis tamen ego rationibus, fateor, à senten-  
tia dimoveri me passus haud sum: idque  
pōtissimum, quod magni Principis auctori-  
tate, qualis Tuæ est SERENISSIMÆ CEL-  
SITUDINIS, opus sit ad id, ut impo-  
sterum, saltim nonnulli, Civilem Philoso-  
phiam veramque adeo regendæ reipubli-  
cæ ferendarumque legum Prudentiam, cu-  
jus naturam, & docendi pariter discendi-  
que rationem, compendio tradere insti-  
tuti mei fuit, solito rectius & sectentur &  
excolant. Enimvero summe in publicum  
utile fuerit, melior illa nobilissimæ Philo-  
sophiæ cultura: ast hominum animos ad  
illa & ignota fere & inusitata studia addu-  
cere, non tam rationibus licet quam emi-  
nente

nente quâdam approbatione. Non dubito autem illam non minus à SERENISSIMA TUA CELSITUDINE mihi polliceri, quàm illam fortunato fidere jam consequutus sum à Germaniæ nostræ sapientissimo Nestore, Principe & Domino meo Optimo, cujus ut AUGUSTUM nomen gerit CELSITUDO Tua ita virtutes eximias felicissime æmulatur. Et vero illa, quam superiore anno summa cum delectatione observavi, utriusque Principis animorum in dispari licet ætate conjunctio, simul etiam stimulum addidit, ejusdem argumenti librum utrique offerre audendi. Neque enim nunc dicam, autem haud parum istam fiduciam, singulari isthac benevolentia, qua in conventu illo longe illustrissimo SERENISSIMA CELSITUDO Tua me quamis aliàs igno-

):( 3

tum

tum est prosecuta. Cæterum si non fallace conjectura futurum arbitror, ut tua gratia digneris SERENIS. PRINCEPS hoc quicquid est libelli, equidem me felicem prædicavero. Deum vero obsecro ut novus hic annus SERENITATI TUÆ novum addat pristinæ felicitatis incrementum. Helmeſtadij in Acad. Julia Nonis Januarij MD C LXIII.

BENE-



# BENEVOLO LECTORI

S. P.



Didimus nuper librum, titulo quidē  
De civili prudentia, quo tamen  
duntaxat Philosophia illius verā na-  
turā in mediū proponere, erroribus  
qui circa eam plurimi etiā ab iis qui docti audi-  
unt committuntur, eliminatis, fuit propositum.  
Ejusdē argumenti sunt qua nunc damus PRO-  
POLITICA. Quinimō hac ipsa libri prioris  
prima quasi sunt rudimenta. Eoq, si conscriptionis  
tempus attendas, atate hac etiā antecedunt;  
jam scilicet anno post quadragesimum secu-  
li hujus nono in gratiam selectorum aliquōt ju-  
venum confecta; si conscriptionem ipsam, sta-  
men merito hac dixeris, cui altero illo libro addi-  
tum sit subtegmen, Et quidem ita, ut in utroq,  
sapissime eadem etiam verba liceat reperire,  
Propolitica tamen hac alterius voluminis sint  
quasi compendium. Enimvero ea est ratio  
Politicae Philosophiae, ut in ore quidem tantum  
non omnium sit, non duntaxat desiderium ejus  
sed etiam professio; si dicere tamen fas quod res

c. 11.

*est*, paucissimis haecenus contigit vel rudem  
 ejus imaginem animo comprehendere. Quis  
 scilicet paulo emunctior, non existimat sese  
 aptum reipublica regenda? Et vero regunt  
 illam adeoque agunt Politicos pragmaticos com-  
 plurimi, qui nihil tale didicerunt ullo magistro  
 praecunte: nemo non censuram temere insti-  
 tuit eorum quae geruntur in civitate: eoq; nemo  
 non facile arrogat sibi civilem sapientiam.  
 Attamen quod in proverbio est, thyrsigeri  
 multi pauci Bacchi, quodq; de Medicis pro-  
 nunciavit Hippocrates, οἱ ἰντεγὶ Φήμιν μὲν πολλοὶ  
 ἔργω δὲ πάλιν βαυοί, aut de Philosophis Plato:  
 multi somniant pauci philosophantur:  
 id de Politicis profecto jure maximo potest dici;  
 reapse illos tanto in profitentium numero per-  
 esse paucos. Tam divite enim ingenio nati sunt  
 quidem nonnulli, ut quamvis solis natura fue-  
 rint dotibus instructi, sic satis feliciter ta-  
 men reipublica clarum regant: imo dubiam  
 faciant palmam multis qui regenda civitatis  
 prudentiam molestam operam didicerunt; eoque du-  
 bites, utrum natura an ars in civilibus expedi-  
 endis

endis negotiis praevalcant. Verum oppido rarius horum numerus est: ac proinde qua reliqua est indoctorum turba frustra paucorum istorum exemplo suam velat ruditatem. Alij si usu quid agere didicerint quod ex re est alicujus civitatis, sese aptissimos credunt quibus summa rerum concedatur. Alii Politicos sese venditant, sive quod urbaniores nonnihil sint, & moribus ad vulgi auram captandam quasi tornatis; sive quod fas nefas juxta aestimantes praesentis commodi specie omnia metantur; sive quod legum civilium notitiam aliquam sibi comparare. Nonnulli & elementa quadam Politica ubi mandaverint memoria, nihil ad sapientiam civilem parandam ultra requiri arbitrantur. Quirimo nullos non horum videas haberi quoque Civilis peritos Prudentia, eoque summum conscendere in republica fastigium. Id quod tamen cum maximo fieri detrimento publico, usu ipso profecto experimur. Quantumvis enim recepti pene moris sit, illorum hominum imprudentiam & insanos errores, vel non advertere praeter imperitia & multitudine eorum qui in eodem insci-

) : ( ) (

tiæ

tia luto hærent, vel fati rempublicam urgentis  
necessitatibus defendere (ut Medicorum scilicet  
errores terra, ita Politicorum fato tegente)  
certum tamen est, quod infinita mala rebuspu-  
blicis à sola regnandi imperitia creari passim  
terrarum soleant. Qui inscitia fructus conspi-  
cui maxime sunt, si quando respublica in di-  
scrimen aliquod ingens incidit, & undique  
imminet periculum: neque enim bis peccare  
tum licet, & nisi in promptu sit rectum con-  
siliium, sæpe adsunt extrema. Perinde nimi-  
rum atque in tranquillo facile est clavum na-  
vis regere, & commissus error facile corrigi-  
tur, certe vacat periculo: ita rebus secundis  
etiam inepti & stolidi non statim rempublicam  
perdunt, in adversis autem nihil illorum regimi-  
ne est perniciosius. Quandoquidem autem vera  
exquisitaque Civilis prudentia ea est utilitas, imo  
illa necessitas, & tamen in ipso illam profiten-  
tiam vulgo passim summa ejus penuria;  
bonum factum utique præstatur, etiamsi ad pa-  
randam illam Prudentiam proba duntaxat fiat  
manuductio. Ac mihi quidem hoc agere u-  
troque libro propositum fuit: dum persuasum  
scilicet

7  
scilicet mihi est, ex re esse cum vita humana omnis,  
tum civilis societatis, nihil negligere, quod ad  
Prudentiam illam, cum integritati sua restitu-  
endam, tum inculcandam promovendamque  
possit facere. Hinc sane duxi opera me fa-  
cturum pretium, si etiam idem bis doceam, quin  
imo si sapius repetam unum idemque: modo tamen  
docendi aliquod discrimen observetur, quemad-  
modum non una etiam est discendum conditio.  
Et vero aliis subtilius omne et prolixius pla-  
ne est inutile; quoniam aut captum superat  
aut negotiis diversis excluditur: quibus proin-  
de nihil, nisi quod est rudius et contractum in  
paucis, cum fructu proposueris. Qui adspi-  
rant tamen ad plenam exactamque sapientiam,  
iis compendia quoque, sunt pene studiorum dispen-  
dia, et nihil aequè prodest atque quod omnibus  
est absolutum numeris. Id quod maximi doc-  
cendi artifices, eosque inter princeps Aristoteles,  
observantes, de omni pene argumento, duo li-  
brorum genera confecere, duplicemque docendi  
methodum, pro discipulorum discrimine secuti  
sunt. Quorum ego institutum hic fere expres-  
si, compendium nunc exhibens ejus quod alias

plene abs me jam est traditum. Ut scilicet liber de Civili Prudentia & hac Propolitica inserviant quidem omnibus Scientiam illam amulantibus: illud tamen opus accuratioris doctrinae sectatoribus magis sit commodum, hoc reliquis.

Subjunxi porro Propoliticis, partem ejus mea Epistola qua non ita pridem nova editioni Hopperiani Voluminis praemissa: quae vera & genuina Prudentia Juris forma & natura, remotâ errorum crassa nube, claram in lucem protracta est. Feci autem idipsum duplici potissimum causa inductus. Prior est, quod ipsismet illis in Propoliticis capite secundo de eodem hoc argumento jam differuissem; cum vero nonnihil à vulgo receptis passim decantatisque sententiis illa abhorrentia videri queant, magis magisque veritatem illustrare & patefacere, visum est ex bono futurum mea illius doctrina. Liberanda scilicet mihi fuit vera Civilis Prudentia, ab illa perquam noxia vulgi opinione; qua persuasum est, Juris inter & Civitatis gubernanda peritiam nullum discrimen interce-

tercedere, eoque ad reipublicæ curationem sufficere Peritiam Juris. Id autem fieri non potuit, nisi simul ostensis variis Peritiæ ejus differentis, quantumvis hætenus illa non ita observata aut prodita fuissent. Ratio Altera est, quandoquidem gravissime peccatur vulgo, dum non attenduntur illa Peritiæ Juris discrimina. Eosane fit, ut non tantum Schola, in docenda discendaque doctrina illa longe utilissima pariter & præclarissima, verum & Respublica, maximo afficiantur damno; præsertim quia Legislatoriæ prudentia fere passim ex Schola pariter & Republica hinc exulat ignoraturque, in ejus gloriam longe aliis Peritiæ Juris speciebus, utilibus quidem illis longe tamen infra Nomotheticam merito subsistentibus, per summam inscitiam vulgo cooptatis. Intolerandus sanè est inultorum in fœda illa inscitia fastus; dum non tantum soli Legislatoriæ Prudentiæ convenientibus præconis suas ineptias jactitare, sed etiam omni alij meliori doctrina contumeliose insultare audent. Quales charta non adeo pridem mihi oblata sunt: quarum auctor cum nihil sapiat ultra maxime plebeiam

*Juris notitiam, non erubuit tamen affirmare: suam illam peritiam solam Regiam esse & Regum, cæteras autem tantum instrumentales & administras; illam certam esse finitam & perfectam, has vero vagas fluxas incertas & imperfectas. Quæ omnia quædmin-sana sint, nisi fallor, liquidum est à me factum, cum in ipsis Propoliticis tum in subjuncta illis Epistolâ.*

*Quandoquidem porrò Latarum jam legum veram exactamq; scientiam in Politica earum interpretatione versari demonstravi, illa vero quemadmodum sit instituenda, nonnihil clarius docui in ea parte Dissertationis meæ ad L. I. Codic. Theodosiani de studiis Liberatibus V. R. & C. qua hujus ipsius interpretationis specimen exhibui: propter maximam argumenti affinitatem, illud quod huc pertinet itidem sub-jungere volui.*

*Non alia de causa addidi postremo ejusdem note nonnulla Hopperiani operis longe præclarissima Excerpta. Aliquot scilicet annis demum, post illa Propolitica mea conscripta, imo*  
*Et post*



¶ post editam in lucem tertium caput libri de  
Civili Prudentia, oblatum fuit Hopperia-  
num hæcenus mihi ignotum volumen illud, de  
Verâ Jurisprudencia inſcriptum; eſtq; nonni-  
hil aliter quam ab Hoppero factum, à me de  
variis Jurisperitia differentiis diſſertatum:  
quandoquidem tamen, quod ſummam rei at-  
tinet, planè conſentimus, quadam ab Hoppero  
etiam luculentius ſunt tradita, tanti viri doctri-  
na meam roborare, ex uſu fore cenſui. Non de-  
ſunt ſcilicet, qui rationibus adductis nihil move-  
antur, ſive quod vim earum aſſequi neque-  
ant, ſive quod præfractè nolint dediscere quæ  
male didicerunt; hi proinde auctoritate qua-  
dam magiſtrorum nonnihil ſunt mitigandi at-  
que ad veritatem admittendam componen-  
di. Debet autem merito magna eſſe Hopp-  
eri exiſtimatio: utpote qui & in Academia  
Lovanienſi ſummo applauſu docuerit, & in Ju-  
diciis pariter & in Senatu maximarum rerum  
ſederit arbiter, ampliſſimis perfunctus in Belgio  
pariter & Hiſpania honoribus. Spero ſane,  
illa Hopperi auctoritate ſaltim nonnullos,  
durio-

*duriores cateroquin & indociles, in meliorem  
sententiam flexum iri.*

*Deum obsecro, ut quemadmodum unius  
boni publici causa hac omnia ita edidi, sic ver-  
gant etiam in reipublica commoda. Abunde e-  
quidem fecisse me pretium opera arbitrabor,  
Benevole Lector, si meus hic labor tibi approba-  
bitur, mihiq; tu favere perrexeris.*


HER-

I.  
HERMANNI CONRINGII  
PROPOLITICORVM  
LIBER VNVS.

---

CAPVT. I.

*Politicam prudentiam non consistere, in morum elegantia aut peritia omnibus blandiendi; ut nec in quavis reipublica curatione; non item in religionis & honesti neglecto cultu.*

ivilis prudentia, quæ & qualis sit, unde quibusve modis & possit & debeat comparari, quo ordine doceri ac disci oporteat, quodnam denique in docenda illa pretium operæ fecerint omnis ævi scriptores, interque eos qui maxime præstent cæteris, qui secundum vel tertium locum commeruerint, aliquanto accuratius, non nisi compendio tamen, tradituris, ante omnia vocis ipsius recta significatio & verus usus eruendus.

Etenim idem quid illà notari atque voce Politices, certum quidem est. Cæterum & hoc nomen ambigui est usus. Cum enim Politicus sit is, qui Politicâ est imbutus, si vulgus audias, Politicus est, quisquis morum aliqua urbanitate & cultu valet præ reliquis, in quo plus nonnihil est salis quam in aliquo de vulgo, quique adeo in communi vita elegantius sese gerit, qua sermone, qua incessu, qua gestu. Ut proinde Politica fuerit peritia cultioris illius vitæ, morumque omnium elegantia.

A

Vc.

Verumenimvero est quidem & illa peritia Prudentiæ ac virtutis cuiusdam digna nomine, nec qui eam non tenet, verè & simpliciter prudens est. Ad civilem quoq; congressum & societatem non utilis tantum sed & necessaria est elegantia istæ: utpote cum morosum difficilem & agrestem hominem ad res gerendas minus aptum esse, omnibus sit compertum. Adcoque non potest neque debet in Politico desiderari hoc quicquid est tum virtutis tum prudentiæ. Multum tamen abest, ut illa mereatur Politicæ prudentiæ laudem & cognomentum; aut uti is qui hac valet eo ipso verè sit Politicus. In confesso nimirum est: Politici officium maxime occupari in regenda quavis republ.; eaq; vel instituenda vel corrigenda vel conservanda: quod profecto peritia istæ elegantioris vitæ minimè effeceris. Imo ut sis agrestior & incultior, fieri tamen potest, ut licet non ex omni magna tamen ex parte pro sis plurimum. Quemadmodum C. Marius Rom. reip. plus commodi profecto tulit quàm ex nobilitate elegantes plurimi; etsi quod exprobrabant ipsi vulgo, *sordidum illum esse & incultis moribus, & parum seise convivium exornare*, negare haud potuerit, in excusationem adferens, *munditiem mulieribus viris laborem convenire*; quod refert Sallustius in belli lugurthini historia.

Et vero omnis illa civilitas morumque cultura tantum eò spectat, quo nemini sis eorum quibuscum verfaris molestus, sed potius jucundus, ceu rectè observatum Aristoteli. Id ipsum autem à reip. vitæque humanæ negotiis potissimis multum est diversum: eòque quicquid illius est *ὀμιλητικῆς*, longè infra naturam reliquarum est virtutum, ac proinde haud male vulgò semivirtutis titulo solet nuncupari. Politi itaque sunt quidem

dem elegantes illi, & civiles, & urbani, utque Græci loquuntur *αἰσίοι*; verè Politici autem nequaquam sunt nec audiri debent.

Hinc verò etiam manifestum est, non mereri Politici cognomentum eos, qui blandiri tantum norunt omnibus aut assentari, quod tamen itidem vulgo solet videri. Multo certeminus laudem illam hi promerentur; utpote cum ne boni quidem viri sit istud agere; quamvis (ut ille in Comœdia inquit) *hic questus in vita multo sit uberrimus*. Etenim *Si vel honestum ipsi siferis vel damnosum etiam obsequi, id minime faciet vir bonus; sed gravare se gerere, potiusque esse molestus vobis. Si item obsequium facienti, aus dedecus atque id non parvum, aut damnum, adversario autem dolorem parvum allatura sit, non admittes sed agere feres ac repudiabis*: ceu itidem recte docet Aristoteles. 4. Ethic. 12.

Sunt qui Politicos appellent omnes promiscuè; quotquot in reip. sunt negotiis occupati: quasi Politica sit quævis in civilibus negotiis versandi dexteritas. Constat autem multos horum per esse imprudentes & rudes, & tamen verè Politicum prudentiâ quadam exactâ instructum esse, in confesso est. Ad hoc varia admodum cum sint reip. munia, sit sæpenumero, ut qui una in re præstat, in aliis parum possit: creditur tamen, Politicum hominem reipubl. regendæ omni esse ex parte idoneum. Est igitur & isthæc significatio multum à vero Politici nominis usu aliena.

Jam porro apud quamplures inolevit, ut Politici demum audiant, qui omnia utilitate & commodo metientes, ita gerunt sese in vita & republ. ut modò sibi aut civitati sit bene, Dei & honesti nullam censeant habendam rationem. Nata autem hæc infamis significatio primum

est in Galliâ superiore seculo, circa annum 1568, per Henoricam factionem, illo tempore sub religionis specie in omnes publicæ quietis amantes summè contumeliosam: quod notatum est Iacobo Augusto Thuanolib. 44. *historiarum*.

Non multum aliâ verò in significatione hodie Politici vocantur, omnes versuti & callidi, inque omnem partem mobiles, & tanquam polypi mutantes colorem, dummodo sibi caveant. Qualem *πλύτροπον* Homerus Vlysses suum descripsit, & Aristophanes in *Ranis* traduxit (per calumniam tamen) Theramenem illum, qui cum in numero esset quadringentorum tyrannorum verso animo applicavit se mox Populi partibus.

Cæterum etsi jam tum olim apud Græcos nonnulli prudentiæ titulum indiderint impiæ ejusmodi versutiæ; non dubitante Thrasymacho, l. 2. de Rep. apud Platonem virtutem & honestatem generosam stultitiam nuncupare. Neque nostro seculo commendandæ illi defuerit magister, cymbalum vulgo Politicorum existimatus, Machiavelius. Plurimum tamen abest, ut vera aliqua prudentia citra honestatis comitatum inveniatur, aut ut civitas prudenter possit administrari neglectâ justitiâ & in Deum religione. Certe quotquot extant civilis prudentiæ meliores magistri, plane diversum statuunt, idque longo rerum usu edocti. Imo ipsemet Machiavelius coactus est fateri, saltem simulata pietate & virtute opus esse quàm maximè. Quo ipso propriam ille sententiam damnat: quippe cum simulari istæc non possint, ita ut non facile pelluceat fucus ap. cautiore, qui sit idem sunt impii, ex Machiavelli utique disciplinâ nequeunt coerceri, & regi, cum deberent maximè. Religio sane Plu-  
tar-

tarcho ipsi est συνελκόν ἀπὸ τῆς κοινότητος ἡ νομοθεσίας ἱερῶμα,  
*coagulum omnis societatis & fundamentum legislationis. Pie-*  
*tate sublata* (inquit. Cic. l. 1. de nat. Deorum) *fides etiam*  
*& societas humani generis & una excellentissima virtus iustitia*  
*solitur.* Id quod cum alibi demonstratum à nobis pro-  
 lixius sit, non est cur hic verbum addamus.

Per summam vero injuriam Politicorum nomen il-  
 lis impietatis patronis tribuitur καὶ ἑξοχὴν quandam :  
 tanquam ejus notæ sint veri Politici, & Politica impiæ  
 cujusdam & injustæ versutię sit magistra. Certè omni retro  
 ævo is vocum illarum usus nunquam fuit auditus, &  
 planè diversa docuerunt omnes sapientes Politici. Sanè  
 cum aliæ resp. sint rectæ ac justæ, aliæ non item : hæc qui-  
 dem per solas bonas artes servari aut institui non pos-  
 sunt : illas quoque vix est ut integras tuearis nisi inter-  
 dum dolo aliquo commissio : (est autem & καλὴ ἡ ἐπαρτή  
 πειρῶν τῆς honestæ & laudabilis calliditas quadam, dicente  
 S. Basilio) frustra profectò fueris, nisi omnium fraudum  
 humanarum sis gnarus, Eoque omnia istæ saltem tenere,  
 est quidem Politici. At profectò rectæ respUBLICÆ, im-  
 mo & depravatæ magna ex parte, bonis artibus conser-  
 vantur. Et malarum rerump. artes, fraudes item dolosque  
 quibus bonæ quoq; civitates corrumpuntur & intereunt,  
 etsi intelligat, non probat tamen Politicus; tantum abest  
 ut palmarium prudentiæ in illis collocet, aut eas quàm  
 maximè sedetetur. Etsi porò respUBLICÆ illa minus rectæ  
 exigant Politicum rectorem non omnino bonum : non  
 propterea tamen simpliciter omnis reipUBLICÆ cujuslibet  
 curator, necessum est ut non sit vir bonus. Vitium certe  
 unius per injuriam simpliciter omni-bus attribuitur.

Inique igitur illud ab omni ævo laudatum Poli-

tici cognomentum insensum improbum deflexit. Plane quemadmodum in Gallia, mere ex odio, improba significatione detorta est vox illa, in viros optimos & religionis honestique non minus quam pacis publicæ studiosos.

## CAPVT II.

*De Iuris & Civilis Prudentiæ affinitate & discrimine.*

**A**ntiquior quidem priore, tamen non nisi proximis seculis ortus est mos alius, solis qui appellantur Ictis Politices scientiam attribuendi: quasi illi soli verè sint Politici, & Iurisperitia sit illa omnibus commendata Civilis prudentia. Hinc sanè factum est aliquamdiu, cum alibi passim, tum per Germaniam maxime, ut vel solis Ictis, vel iis potissimum, reipubl. cura fuerit commissa: tanquam alius nemo huic negotio sit aptior, & is qui in foro valet in senatu quoque ac consilio reliquis præstet omnibus.

Is mos quando & qua coeperit occasione, mox apparebit. Vt autem initio constet, num istæ persuasio sit veritati consentanea nec ne, necessum est, ante omnia definiamus Iurisconsultum & Iurisperitiam, quoniam & illa vocabula à variis variè accipiuntur.

Primùm itaque vulgo à quamplurimis usque seculis Iurisperitia dicta fuit quælibet cognitio juris illius, quod uni alicui est civitati proprium. Ita Romanis periti & consulti juris audierunt qui civile Romanum ius callere; Iudæis νομοδιδασκαλοι, γραμματεῖς & ρημικοι fuerunt olim, quiduntaxat circa leges Hebræorum occupa-

ban-



bantur. Sed & ejusmodi Iuris peritos, quælibet civitas proprios aliquos habet semper. Etsi peritia istæ minus operosa sit & difficilis, ubicunque leges sunt planæ & paucæ; alibi illa in immensum sæpe adolescat, per *repugnantium sibi legum dissidias*, ut scite loquitur Ammianus Marcellinus.

11.

Porro cum Ius civile cujuslibet civitatis aliud publicum aliud privatum sit, Romæ quidem olim Icti dicti, non tam qui illius quam qui hujus sibi peritiam comparaverant. Hinc Antonius ap. Ciceronem l. 1. de Orat: *Si quæresur, inquit, quisnam Ictus vere nominaretur: cum dicerem, qui legum & consuetudinis ejus, quæ privati in civitate utuntur, & ad respondendum & ad agendum & ad cavendum peritus esset.* Finem quoque Iuris civilis ponit ibidem ipsemet Crassus, ex Scævola Icti mente: *legitima atque usitata in rebus causisque civium aequalitatis conservatio- nem.* Antonius vero eodem loci non dubitat affirmare: *Ictum ipsum per se nihil esse, nisi legulejum quendam cautum & acutum, præconem actionum, cautores formularum, aucupem syllabarum.* Cicero ipsemet l. 1. de Legibus dicit: *qui cum jus civile populo interpretari & respondere sunt soliti summos viros, magna professos in parvis esse versatos: ideoque Q. Fratri ad Iuris civilis scriptionem se adhortanti respondet: Quo me vocas? aut quid hortari? ut libellos conficiam de stillicidiorum ac de parietum jure? aut ut stipulationum & judiciorum formulas componam?* Nec vero Ciceronis tantum ævo intra hosce limites continuit se Romæ Iuris civilis professio, sed multis etiam seculis sequentibus. Quamvis enim non defuerint in Ictorum ordine etiam tum majore animo viri, circa jus ipsum publicum occupati; attamen nunquam non plerique illius ordinis ad solum jus privatum ope-  
ram

ram appulerunt, & nihilominus Icti titulum sunt com-  
meriti. Id quod à nostri quoque temporis moribus a-  
lienum non esse, nemini est ignotum. Qua in re prævit  
quasi ipsemet Tribonianus, cum in Iuris Romani Institu-  
tionibus vix semel facta publici juris mentione: tum Pan-  
dectis & Codici paucis insertis quæ juris sunt publici;  
quæ ad privatum jus pertinent in grande volumen excre-  
scentibus.

III. Quoniam porro jamdudum inolevit, ut κατ' ἐξοχήν  
Ius civile nuncupetur, non id quod in quaque civitate  
obtinet, sed Romanum, & quidem illud quod Tribonia-  
ni curâ Iustinianus Cæsar quondam digessit, cujus mul-  
ta pars in ijs, quæ jam florent, rebus pul. locum non in-  
venit: Hinc passim usu venit hodieque, ut periti Iuris ci-  
vilis habeantur, & usurpentur, non tam qui jura ac leges  
suarum civitatum, quàm qui jus illud Romanum percal-  
lent. Quæ peritia tamen, quantum ab illâ alterâ usitati  
juris scientiâ differat, in aperto est.

IV. Potest præterea esse Iuris verè civilis, sive publici si-  
ve privati, peritia quædam, sine concomitante aptitudi-  
ne cavendi, aut ad factum propositum leges applicandi.  
Certe quamvis prius qui potest vere item posterius valeat  
agere; tamen reapse aliud esse, peritum esse juris forensis,  
aliud, idoneum respondere de factis & negotiis hominum  
secundum jura, vel ex eo patet, quod is qui applicat jus ad  
factum, legibus utatur tanquam principijs, & pronuntiet  
non tam quid juris, quàm quid juri sit consentaneum. Seco  
quàm facit is, qui juris peritiâ tantum est instructus, igno-  
rans modum applicandi leges ad factum. Eo sane discrimi-  
ne differt uterque hic Iuris peritus, quemadmodum Philo-  
sophus ab Oratore distinguitur in opere Problematum.

Ari-

Aristoteli vulgo, perperam tamen, adscribitur, *sect. 13. Probl. 5.* Vt nempe alter quid iustitiae, alter quis justus sit attendat. Observare quoque est, haud paucos ita quidem esse peritos juris, ut quid sit lege constitutum norint optimè, non tamen ut iidem & cavere aut causas agere sint idonei. Vt proinde manifestum sit, quantum utraque hæc jurisperitia inter se dissideat.

Jus porro cujuslibet civitatis, vel nude tantum sci-  
tur, ignorata omni juris illius cum utilitate tum ratione; vel ita accurate intelligitur, ut non tantum pernoscas legislata mentem, sed quoque simul, quam illa sit vel naturali juri atque æquitati consentanea necne, vel reip. usibus commoda aut adversa. Quamvis autem prior cognitio multum alterâ sit rudior, tamen & illa vulgo Iurisprudentia appellatur: imo posterior à quam multis creditur Iurisperitiæ limites excedere. In quam sententiam ivit sanè & Tribonianus. Quo autore hæc Iuliani: *non omnium quæ à majoribus constituta sunt ratio reddi potest;* & illa Neratij: *ideo rationes eorum quæ constituntur inquiri non oportet, alioqui multas ex his quæ certa sunt subvertentur;* in leges translata sunt. *ff. de legibus.* Certum tamen nec minus in aperto est: si commoda & incommoda, rationesque legum sive Privatarum sive Publicarum, unâ cum earum sensu intelligantur, longe eam notitiam Iurisperitiæ & Prudentiæ titulo esse digniorem, quam est illa rudior, & huic istam multum anteferendam.

Si postremò vim vocum spectemus, juris & periti-  
tiae & prudentia, eoque ars boni & æqui, divinarum item humanarumque rerum scientia dicenda maxime est, non tam legum unius atque alterius civitatis scientia, quam

in universum illa, qua tenemus, quæ leges rei publicæ cuiusque speciei cōveniant, cum publice tum privatim, quemadmodum illæ ferendæ, aliæ vero abrogandæ. Quæ cognitio ab omnibus illis, quæ hæcenus enumeravimus, Jurisperitiæ speciebus, immane quantum differt. Nec verò quæ talis est, meretur duntaxat titulum peritiæ juris, sed & præ aliis meretur, utpote quæ sola momentum nominis expleat. Passim etiam hoc nomine venit, & ita quidem, ut quæ huic uni debetur gloria illis ante dictis speciebus per errorem à quàm multis tribuatur.

Cum autē adeo multiplex & varia doctrina uno eodemque Juris prudentiæ aut peritiæ nomine significetur, non potest in universum pronunciari, quantū illa cum vera civili Prudentia habeat nec ne affinitatis. Omnes quippe illæ peritiæ Juris duntaxat nomine idem quid, reapse autem plurimum sunt diversæ. Ea propter uti appareat, quo merito Jurisperitia à quàm multis Politica ipsa, & Jurisperiti Politici censeantur, distinctim agendum, & per singulas quasque species est eundum.

1. Primo igitur, cum verus Politicus sit aptus omnibus omnino rebus, administrandis, teneatque in universum omnium earum naturam, & sive conservandi sive mutandi sive instituendi rationem; Nemo autem eorum qui jura callet unius cujusdam civitatis, ut ut exactissimè illa calleat, eo ipso, plus quam uni illi civitati regendæ fiat idoneus: illam verè Politicam prudentiam à qualibet prudentia juris ejus, quod in una alteraque civitate obtinet, plurimum diversam esse, manifestum est. Fieri porro non potest, ut omnia, quorum in rep. usus est, legibus sint definita; imo identidem præter & contra leges multa committuntur, eoque in singulis etiam rebus plu-

plurima in deliberationem veniunt, & longè maxima agenda sunt, & accuratâ quidem prudentiâ, à Politico, quæ ex legibus peti nequeunt. Quamvis igitur nihil te fugiat legum tuæ civitatis, & omne ejus publicum privatumque jus teneas, non tamen hoc unico sufficis ad omnia consilia & negotia vel unius tuæ civitatis: sed alia quædam prudentia tibi in auxilium fuerit advocanda. Ea autem ipsa est quam Politicam nuncupamus. Et verò plene hoc in causa est, ut multi legum ignari antecellant nonnunquam in consilio dando, etiam iis qui legum omnium sunt peritissimi.

Quod si vero Peritia cum Publici tum Privati juris illius, quod in civitatibus singulis obtinet, adeo multum à Civili prudentia differt, manifestum utique secundò est, adhuc remotius ab illo abesse Juris forensis cognitionem. Enimvero quæ ad publicum jus pertinent majori longè in rep. sunt autoritate, quàm quæ privatim in foris solent decidi. Imo hæc statum ipsum reip. levicule tantum attingunt. Negari quidem haud potest, Privatum quoque illud jus Prudentiæ quid civilis continere, ceu alias demonstrabitur: Caterum integræ Prudentiæ civilis non nisi partem attingit; & præterea non qui gnarus est juris privati unius aut alterius civitatis, eo ipso peritus est simpliciter omnis privati juris; ita ut illud, prout postulat salus publica, in singulis rebusp. queat instituere.

Tertio, illa peritia Juris, quæ destituitur notitiâ rationis & æquitatis utilitatisque legum, tantùm abest à Civili prudentia, ut ne ullius quidem Prudentiæ titulum jure videatur mereri. Verè enim prudens ille est, qui novit id quod homini in vita utile est atque inutile: simili-

ter Prudentia peritia quædam est eorum quæ homini ob-  
sunt & conducunt. At vero is qui novit tantum, quid  
lege sit constitutum, eo ipso haud intelligit quid expedi-  
at necne, adeoque eo ipso non est prudens, nec peritia il-  
la est prudentiæ quædam species. Ne Artis quidem aut  
Scientiæ nomen potest ista peritia tueri; utpote cum &  
vera Ars rectâ ratione omnia efficiat, & Scientia nulla  
sit, sine certa ejus quod scitur approbatione, eâque potis-  
simum ex causis rerum deductâ. Certè de hac Iurispe-  
ritia verum est, id quod Iacobus Zabarella lib. de Nat. sci-  
entiæ constitut. c. 33. & Angelus Thius in Præcognitis  
Logices, aliique sunt professi: eam esse *simplicem quan-*  
*dam peritiam*, quæ proprie quidem *nec Scientia, nec Pruden-*  
*tia, nec Ars appellari mereatur*. Quemadmodum videlicet  
Plato in Gorgia differit, de nonnullis, ut ipse loquitur,  
adulatoriis disciplinis. Uideretur autem peritia istæ optimo  
jure Historica dici: non quòd ex historiis vulgò ita ap-  
pellatis petenda sit; aut quasi ejus qui vulgò Historicus  
audit, non autem Iurisperiti, in officio sit illam tradere.  
Sed quoniam, id scire quid lege latum sit, perinde se  
habeat, atque scire quid dictum gestum factum aliàs sit;  
quæ utiq; est historica cognitio. Quoniam item docere,  
quænam leges sint constitutæ aut abrogatæ, simile sit qua-  
si quis historiam narret. Nec verò ad peritiam illam juri-  
s consequendam, aliis est opus adminiculis, quàm quæ re-  
quiruntur ad intelligentiam alicujus Historiæ. Præter  
communia nimirum interpretandi præcepta, satis est si  
teneas vocabulorum usum, & locorum temporumque  
habeas rationem. Et si enim *scire leges non est verba earum*  
*tenere, sed vim ac potestatem*, ut rectè inquit Ictus Celsus:  
hanc tamen vim ac potestatem percipere in facili est,  
pau-

paucis duntaxat illis adminiculis suffulto. Quemadmodum igitur antiquis Grammaticis illa Grammaticæ species, quæ circa interpretationem Oratorum ac Poëtarum occupabatur, *Historica* dicebatur: ita hanc Iurisperitiæ speciem haud incommode Historicam appellaveris.

Quàmmaximè porro conspicua est (quod quarto loco notandum venit) *Historicæ* illius cognitionis natura, in juris Romani peritiâ istâ, quæ itidem omni caret notitia ejus quod naturâ justum est aut utile. Quoniam videlicet illius juris permulta in foro hodie usû non habent; hinc omnia illa perinde à nobis sciuntur, atque solent intelligi antiquæ quælibet historiæ. Certe quid Athenis, quid Sparta, quid alibi fuerit constitutum, quidque adeo olim in rep. & judiciis obtinuerit, illud scire Historicum esse fatentur omnes. Nihil autem refert, siue Atticam legem siue Romanam noscas, si utraque usum amiserit. Et vero hac ipsâ Romani juris peritiâ gaudere haud perinde quos videas, quam qui Antiquitatum Linguarumque studium sectantur: quales sunt Philologi. Certe hi maxime hoc in loco aliis præstant: ceu de Alciato, Budæo, Cujacio, fratribus Pithoeis, & Fabris, aliisque viris clarissimis, est notissimum. Nec abs ratione est *Grammaticorum* & *Humanistarum* nomen, quod in maximos hujus ordinis jurisperitos per conuitium à Pragmaticis nonnullis solet torqueri: ut ipsemet Hotomannus agnoscit *Antitriboniani sui c. 15.* Qui etiam *c. 7.* Franciscum Duarenum & Antonium Govianum de jure accrescendi Grammaticè tantum commentatos esse, fatetur.

Quamvis, quintò, nuda ejusmodi jurisperitiâ nihil habeat prudentiæ, tamen eâ posse uti ad dijudicandas hominum actiones, est prudentiæ non levis. Quoniam

utique eo ipso intelligitur quodammodo, id quod in vitare ædum justum aut utile est. Prudentiæ quoque est, ita leges negotiis humanis aptare posse, ut siue ipsimet tibi siue aliis secundum eas possis cavere. Id quod maximè elucet tum, quando in civitate obtinent leges obscuræ, & intellectu difficiles, aut formulis multis intricatæ. Quales cum olim essent leges Romanæ, hinc prudentium cognomentum præ aliis tum meruerunt, illa cavendi peritiâ præditi. Ut adeo non tam ipsa legum cognitio, quam illa cavendi juxta leges facultas prudentiæ nomine etiam tum venerit. Hinc de C. Aquilio Icto Cicero ipse *Orat. pro Cæcinnâ*: ejusque prudentiam pop. Rom. in cavendo non in decipiendo perspexit. Jamdudum ante de C. Ælio Sexto Ennius:

*Egregie cordatus homo, catus Æliu Sextus.*

Licet vero in illa facultate aptandi leges humanis negotiis prudentiæ aliquid reperiatur; à civili tamen prudentiâ hanc multum esse diversam, jam tum patet ex iis quæ primo loco adduximus. Verisimilius à nonnullis *judiciaria* appellata est. Cæterum ne hoc quidè simpliciter vero est consentaneum. Rectius enim ita appellaveris facultatem illam magis communem, qua instructus, omnes siue juris siue facti quaestiones potes expedire: adeoque cum leges quasque solerti interpretatione potes extendere, coarctare, & propositæ controversiæ adaptare; tum si de facto etiam sit controversia, callide illud dignoscere, & per testimonia, per confessionem propriam, per arcana indicia, in lucem vales educere. Revera enim talis aliqua reperitur facultas, etsi literis fortasse haud sit hæcenus tradita; nec alia judicè magis absolverit. Veruntamen cum omnia judicia in singulis rebus publ. juxta proprias le-



as leges instituuntur, adeoque iudex si officio velit in rep. fungi, teneat necessum est illius suæ reip. forenses leges; hinc patet, talem Iurisperitiam, etsi non unice absoluat vim prudentiæ judiciariæ, ad exercitium tamen ejus in hac aut illa rep. esse necessariam, ac proinde hætenus ejus partem censi posse.

At verò qui in foro valet, non is etiam reip. eo ipso est aptus, quam iuvet consilio aut servet à lapsu, vel collapsam restituat. Bene Paulus Iovius l. 2. de vita Leonis X. notat: in tractatione Mantuæ instituta de Medicæ is Florentiam reducendis, Iohannem Victorium, Soderini fratrem, *scientia juris & æqui potius, quam his artibus instructum, quæ ad res gravissimas tractandas necessaria existimantur, rem totam corrupisse*. Quid? quod multi eo ipso ad reip. difficillima negotia fiant ineptiores, quo causis agendis totos magis sese dedunt? Quoniam scilicet contendendi litigandique libido, frequenter hinc succrescat; qua infecti difficiles sunt in componendis populi negotiis & publica concordia conservanda, summo civitatis malo. Eoque tantum abest, reip. unice utiles esse id genus homines, ut Plato l. 2. de republ. iudicaverit, in beata rep. ne tolerandos quidem illos esse.

Nec tamen non fieri potest, ut quis simul & hac *δικαιοσύνη & σωφροσύνη* imò *δολιχόνοια* Prudentiâ sit instructus. Imò tantum ingenii vires si in promptu sint, percommode exerceri istæ omnia ab uno possunt. Quod usu quotidiano omnibus est compertum.

Observandum porrò venit: Politicæ prudentiæ vocem solere jam olim accipi, pro omni ea cujus in reip. administratione aliquis est usus: ideoque cum in judiciis haud exigua consistat publici regiminis portio, haud male &

δικαστηρίῳ isthæc hætenus quidem pars sive species quædam Civilis prudentiæ censeripotest. Idque jam tum factum est ab ipso Aristotele: quod infra distinctius explicabitur.

VI.

Longe majoris adhuc prudentiæ est, si non teneas tantum, quid lege sit constitutum, sed simul etiam per noscas, num, quod ita constitutum, utile sit reip. nec ne. Et vero intelligi hoc utique potest, sive privatum sive publicum jus spectes. Estque in illa intelligentia plurimum profectio collocatum. Etsi enim originem legum omnium tuæ reipubl. quæque earum ferendarum fuerit occasio, non liceat semper assequi, adeoque hætenus omnium quæ à majoribus sunt constituta ratio reddi nequeat: tamen æquitas & utilitas legum omnium ab homine prudente facile dignoscitur. Similiter non oportet quidem in rationes latarum legum ideo inquirere, ut si illæ fortassis laborent aliqua parte, tu vitia earum publicè cum tumultu quodam traducas. Nec si tu haud possis rationem earum assequi præ judicii hebetudine, statim fas est leges illas contemnere aut vocare in dubium. Ita enim sane *ex his multa quæ certa sunt subvertentur*, ut dixit Neratius, simulque reip. salus periclitabitur. Attamen qui verè est Iurisprudens, non potest non simul in legum æquitatem & usum animadvertere. Expediit quoque reip. ut nonnulli tales reperiantur, quo laborantibus legibus succurri possit novâ legislatione, quæ autem bene se habent jura queant conservari. Facile verò apparet, de æquitate & usu legum judicare, non esse, nisi ejus qui novit, *primo*, quid in sese æquum & cuilibet reip. conveniens, *deinde* illius populi & illius reip. cujus sunt leges, indolem, mores & instituta. Perinde aimirum atque

que, Medicus iudicaturus de ægroti alicujus statu omni, necessum est teneat & Medicam artem ipsam & ægroti sui constitutionem. Jam vero quid æquum & cuilibet reip. expediens sit, Politicæ est prudentiæ intelligere; ceu mox patebit. Ideoque quo de nunc agimus Iurisprudens Politicâ prudentiâ oportet sit instructus.

Attamen cum singularum legum notitia non sit Prudentiæ civilis ejus, quæ generatim omnibus prospicit rebus publ. (perinde atque in arte Medica de singulis ægrotis non agitur) singula autem reip. suæ instituta intelligat hic Iurisprudens noster: consequens est hanc singularis prudentiam juris fluere quidem ex parte è prudentiâ Politicâ, non omnino tamen esse eandem, sed esse aliquam ad singularem quandam rempublicam restrictam prudentiam.

Etsi porro utilitatem æquitatemque privati juris non ex alijs quam Civilis Philosophiæ fontibus liceat haurire, facile tamen apparet, si teneas tantum privati juris rationem, publicarum legum usu ignorato, longius te à Civilis prudentiæ ambitu abesse: utpote cum leges publicæ privatis longe antecellant, & reip. statum ac salutem omnem contineant.

Quâ de ultimo loco diximus Iurisprudentia, ipsissi-  
ma est prudentia Civilis: ceu ex ijs quæ in posterum differemus patebit. Revera tamen non ex omni parte amplitudinem illius Civilis prudentiæ exæquat: utpote cum ad reip. gubernationem multa pertineant, quæ legibus certis definiri nequeunt, adeoque consultatio de longe alijs plurimis identidem instituatur. Pars igitur quidem est Iurisprudentiæ hæc Politicæ, & quidem pars nobilis, non tamen omnino ipsamet illa est. Verum non so-

let ejusmodi prudentia venire vulgò Jurisprudentiæ vocabulo, nec qui jurisprudentes vulgo audiunt hanc solent profiteri, sed in longe alijs versantur. Eoque non etiam est fortasse, quamobrem scrupulose hanc quidem Jurisprudentiam cum Politica contendamus.

Quid de singulis igitur Jurisperitiæ speciebus sit sentiendum, factum jam est manifestum. Simul autem constat, fere omnium minimè Politicos esse illos, qui vulgò ita singulariter dictâ Jurisperitiâ duntaxat sunt imbuti. Nec vero etsi illi agant passim id quod est verè Politicum, suæ id Jurisperitiæ agunt habitu; sed vel quadam *ratione* naturali, vel acquisitâ aliunde, minimè autem suæ ex artis libris comparata, prudentia.

Eoque passim gentium, imo in ipsa Germania nostra, ad reip. consilia identidem plane alij admoventur. Quod verò ex ijs qui inter eruditos censentur, Jurisperiti diu sapius sint admissi, nulla alia de causa factum est, quam quoniam reip. negotijs ea quæ ad leges & judicia pertinent sint permista, omniaque illa ab iisdem optimè exerceri posse, fuerit persuasum. Accedit, quod pacis tempore in judicijs magnam partem resp. sit occupata, eoque saltem tum ijs qui judicijs præsumt tota resp. haud incommode administranda possit committi; præsertim si illa exiguis limitibus atque adeò in paucis negotijs fuerit constricta. Non ferunt etiam parvarum rerum sumptus, ut alij judicijs, alij consultationibus publicis præficiantur. Creditum denique hætenus permultis est, Civilem Prudentiam ex libris aut à doctores singularem opera petendam non esse; sed ad remp. gerendam sufficere nativam aliquam solertiam, quâ peritos juris destitui non sit verisimile.

CAP.

## CAPUT III.

*Rhetoricam artem magno errore à Sophistis antiquis  
Græciæ habitam cum Politicâ eandem esse. Differre item Poli-  
ticam prudentiam à σοφίᾳ, ut & usu aliquo re-  
rum parva prudentiæ.*

**Q**uemadmodum nostra ætate Iurisperitia, ita olim  
Rhetorica sive Oratoria Politicæ speciem assumpsit.  
Etenim apud Græcos Socrate adhuc vivente, adeoque  
circa Platonis & Aristotelis tempora, Sophistæ qui ap-  
pellabantur (erant autem iidem Rhetores) Politicam do-  
cendam susceperunt.

Hac certe de causâ Plato veram de rep. doctrinam  
propositurus, atque ab ijs quibus tum laborabat vanita-  
tibus liberaturus, Sophistarum aliquos in scenam intro-  
duxit, tanquam hujus doctrinæ ineptos magistros.  
Aristoteles quoque disertâ oratione Sophistas hoc no-  
mine perstringit sub finem Ethici operis ad Nicoma-  
chum: & in eandem sententiam scribit *lib. 1. Rhet. c. 2. n.*  
*16. §. Ὡποδύεται ὑπὸ τὸ ἄχρημα τὴν πολιτικὴν ἡ ῥητορικὴν* adeoque  
ejus professores pro Politicis se conari venditare. Cæ-  
terum recte addit idem Aristoteles, fieri illud partim per  
ignorantiam, partim per arrogantiam, partim alias ob  
causas, quibus interdum hominum animi moveri solent.  
Atque arrogantia quidem & inscitia Sophistarum aliàs  
nota est, cum ex eo, quod omnium rerum scientia sese in-  
struâos non dubitaverint venditare, quamvis longe es-  
sent imperitissimi; tum quod Civilem prudentiam susce-  
perint docendam, neque ipsi in rep. versati, neque eam  
nisi perineptè docti, ceu apparet ex docendi ratione  
quam instituerunt, qua de infra erit dissectendum.

- Non difficile autem ostensu etiam est ingens discrimen, quod est inter Rhetoricam & Civilem Philosophiam.
1. Primo enim solent quidem & Oratores potissimum versari in argumento Politico, eoquæ rectè dictum ab Alexandro Aphrodisiense: ἡ ρητορικὴ μὴ περὶ πάντων ὕλην ἐμολύει, περὶ τῇ Διδακτικῇ, περὶ γὰρ τὴν πολιτικὴν μάλλον ὁ ῥήτωρ. Ab autore quoque Rhetoricorum ad Alexandrum (quisquis tandem sit) ipsa Rhetorica haud omnino perperam appellatur μέθοδος τῶν πολιτικῶν λόγων, & orationes ipsæ extremo Sophisticorum Elenchorum audiunt πολιτικοὶ λόγοι. Attamen aptus quoque Orator est longè alijs argumentis tractandis; solet item in longe alijs identidem versari. Hinc Aristoteles describit, *non unius certis ac definiti generis esse Rhetoricam, perinde ut & Dialecticam.* Verba ejusdem sunt: ἡ ρητορικὴ περὶ τὰ δοκίμα, ὥς ἐπιτείν, ἐοικὸς δὲ τὰς θεωρεῖν τὸ πιθανόν. Cui hac in re potius assentendum, quam Hermagoræ, *civiles quaestiones solas materiam Oratoris esse profitenti.* Ad hoc rarò Orator ἐκείναι Politicum aliquod argumentum tractat sed plerumque versatur in hypothesi. Vnde rectè Alexander: *de rebus singularibus magis dicitur Orator, de his enim sunt iudicia & consultationes & encomias.* Ex adverso Politicus, Philosophus quidem, in thesi versatur unice, hypothesin relinquens pragmaticis. Modus porro tractandi Oratorius & vere Politicus multum est diversus. Philosophus enim civilis doctrinam suam haurit ex proprijs & domesticis principijs, veritatemque unice habet propositam: Orator vero utitur tantum ijs quæ vulgò probantur, qualia sæpe sunt à vero multum aliena: nec adeo spectat id quod veritati est consentaneum, modò id quod vult persuadeat auditori: nullo proinde non in illum finem utens adminiculo.
  - 2.
  - 3.

niculo, non rationum duntaxat verum etiam actionis & sermonis. Hinc Orator aptus est contraria persuadere, habetque in omnem partem ad manus argumenta. Civilis contra Philosophus unum de quavis re tantum affirmat, quemadmodum una tantum in qualibet re est veritas. Denique in Rhetoricis non docentur ipsa *maxima* sed tantum ars quædam sive *facultas percipiendi*, quid in quaque re excogitari potest idoneum ad persuadendum: ut præclare loquitur Aristoteles. Etsi igitur Orator ope suæ Oratoriæ possit in civilibus etiam controversijs perspicere, quod ad persuadendum est aptum: tamen ipsa facultas Oratoria circa civilia istæ non est occupata. Perinde atque Logicæ quidem auxilio Philosophus omne genus scientiæ indagat, ipsa tamen logica id facit minime.

4.

Cæterum hæc pluribus exponere non est necessarium, cum vel ex hisce paucis unicuique liquidò appareat, quid Politicam & Rhetoricam intersit.

Multo potiori jure Politici audiunt qui longo usu peritiam rerum civilium sibi comparaverunt, ita ut cum laude in rep. versentur. Quales olim præ multis celebrati Miltiades, Cimon, Themistocles inter Græcos; Numa, Scipio, Cato, Augustus alijque complures apud Latinos: apud alios alij. Cæterum nec illos exactè Politicoseffe, argumento est, quod cum prudentia hæc nihil sit præclarius & præstabilius, tamen nequeant illam docere istos, quibus quàm optimè cupiunt, cujusmodi sunt utique amici & liberi. Est nimirum scientiæ signum posse docere id quod novisti. Qui ergo exactè tenent hanc prudentiam, necesse est ut & docere illam possint. Experientiam itaque politicam habent quidem id genus præstantes viri: & *omni* quadam nativa sunt

præditi; certam tamen aliquam prudentiæ viam, scientiamque civilium rerum, minimè sibi acquisiverunt. Id quod jam olim præclare monuit Aristoteles, sine operis Ethici ad Nicomachum.

## CAPVT IV.

*De Subjecto ejusque affectionibus, circa que Politica doctrina versatur.*

POSTeaquam exposuimus varias & Politicæ & Politici vocum significationes, in vulgo quidem usitatas, ab eo tamen quod nobis describere est propositum abeunt, consequens est ut subjungamus tandem, quid nosmet ipsi vocabulis illis intellectum velimus: atque adeo quid sit Politica illa quâ de nobis sermo est, quis Politicus quem nos isthoc titulo honoramus.

Hoc ipsum autem ordine fiet, si *in initio*, circa quod Subjectum, *deinde* quas circa Subjecti sui affectiones, versetur Politica, doceamus. Omnis quippe doctrina materiam aliquam certam, certasque affectiones habet, in quibus occupetur. Quin hoc ipso maxime altera ab altera distinguitur.

Ac Subjectum quidem quod attinet, videtur illud ipsa vocum vi statim indicari. Politicam scilicet seu Civilem doctrinam circa civitatem aut rem publicam versari. Est autem civitas (ut rudi cam stylo nunc describamus) liber aliquis & sui juris multorum hominum coetus, bene vivendi causa coactus. Eodem sensu nunc licet accipere reip. sive *politiques* vocem; quæ alioquin proprie notat non civitatem integram sed regimen & constitutionem civitatis.

Hactenus itaque extra controversiam est, Politicæ seu Civilis doctrina Subjectum; nempe quod Civitas, aut civilis.



civilis societas. Politicæ subjectum sit. Porro pergentibus autem observare est, in hujus doctrinæ scriptoribus, non unam de illo sententiam. Alios enim videas describere remp. aliquam ex voto optimam; Alios singularem quandam sive veterem, sive novam, cujusmodi est gratia exempli nostra Germanica, idque cum faciant, profiteri eos, abs se tradi Politicam sive Civilem doctrinam. Qui proinde necessum est affirmant, vel unam illam optimam, vel unam illam singularem suam rempubl. doctrinæ hujus subjectum esse: nisi ipsimet fateri malint, magna profectos in exiguo se versari.

Perspicuum autem est *primo* quidem: Civitatem & Rempublicam genus quoddam esse, multas ac varias species comprehendens, easque non omnes ex voto optimas: nec enim una est ratio rerump. & civitatum omnium sed perversa. Constat *secundo*, integri illius generis omniumque ejus specierum, unam aliquam doctrinam unamque scientiam esse. Artium nimirum & scientiarum aliæ integrum aliquod genus occupant, aliæ non nisi particulam quasi abscindunt. Sunt autem earum, illæ demum perfectæ & absolutæ, hæc portiones tantum perfectarum. Ceu doctrinæ de metallis, de plantis, de animalibus Naturalis philosophiæ nonnisi partes sunt, ipsâ hac Philosophia omnia motui obnoxia complectente. Hinc porro consequens est, illam quæ circa omne civitatum rerumque publicarum genus occupata est, doctrinam, quàm maximè esse perfectam, maximeque dignam nomine Politicæ sive Civilis doctrinæ. Vt pote quæ unica omnem omnino, quæ de civitate & republica est, scientiam exhauriat, adeoque nominis sui mensuram adimpleat.

Neque

Neque vero Civilis scientia simpliciter meretur audire ea quæ est unius optimæ reipubl. aut alterius alijus reip. speciei, regni fortasse, peritia: ut ut etiam illa sit aliquid Civilis scientiæ. Particula enim duntaxat est ejus quæ simpliciter Civilis scientiæ nomine digna est: utpote quam altera isthæc unâ cum alijs multis ambitu suo comprehendat. Perinde nimirum atque Medicæ artis nomen simpliciter non impetrat peritia sanandi calculi, aut febris, aut oculi affectuum; sed illa demum, quæ & horum & omnium omnino morborum aliorum, omnisque plane sanitatis, curam habet.

Pertinent huc quæ præclare ab Aristotele differuntur *lib. 4. Polit. c. 1.* adversus eos Politicæ magistros, qui optimæ ex voto reipublicæ doctrinâ traditâ, officio suo sese perfunctos existimabant. Et vero illa ex voto optima respublica vix est uti alicubi constitui possit: quare etiam ejus peritia in vitâ parum utilis est, tantum abest, ut absolvat omne illud, quod ad civitatem quamq; administrandam est necessarium. Ignorare verò non oportet, etiam illam *ἐκ τῶν ὑποκειμένων αἰτιῶν*, ad cujus scilicet res impetrandas non multis adeo votis opus est, ideoque minus difficulter potest obtineri. Inio interest maximè, uti sciamus, quemadmodum qualibet omnino respubl., cujusmodiunque etiam illa sit, cum ab initio constitui, tum constituta queat conservari. Nec enim qualibet civitas potest attingere vel medium illum felicitatis gradum; & tamen æquum est, ne ignoret is qui vere est Politicus, quomodo & his liceat mederi: adeoque necessum est teneat is omnium omnino rerum publicarum species, nullâ vel minimâ neglectâ. Plane ut prudentis medici est, non habere propositam semper omnibus numeris absolutam sani-

sanitatem, sed frequenter mediocrem quam neutram vo-  
cant: imo saepe contentum esse ea quæ omni ex parte  
non est deplorata. Quem proinde itidem necessum est te-  
nere omnem plane sanitatis morborumque rationem,  
quantumvis ingens horum omnium sit diversitas.

Tametsi autem Politicæ sit, per omnes respublicas  
curam diffundere, non tamen ad singulas quasque neces-  
sum est descendat. Eo ipso enim quo omnes rerump.  
species pernoscit, etsi non actu, virtualiter tamen ut ita  
loquar, etiam singulas jam intelligit. Adeoque singula-  
rium notitia ipsi quidem huic scientiæ est supervacanea.  
Infinitorum porro numero sunt singulæ quidem resp. infini-  
tum autem quod est ab intellectu humano comprehendendi  
non potest. Ac proinde nulla fuerit Politica scientia,  
si illa infinitarum rerumpubl. notitiam requirit.

Cum omnium verò rerump. hætenus quidem ea-  
dem sit ratio, si non omnium singularium notitia ad Po-  
liticam pertinet, nullius plane singularis reip. curam Po-  
liticæ Philosophiæ esse manifestum est. Neque enim ra-  
tio ulla est, quare huius singularis reip. magis quam alte-  
rius alicujus cura istuc spectet. Quæ si vera sunt, (sunt  
autem verissima) liquet profecto, quàm illi Politicæ na-  
turam ignorent, qui in unius aut alterius reip. peritia  
integræ huius scientiæ vim collocant. Quales tamen  
non deesse, ante notavimus.

Et vero quæ omnium scientiarum artiumque, ea &  
veræ Politicæ est natura. Omnes enim artes & scientiæ  
pro subiecto habent, res non singulares & individuas, sed  
universales: genera nimirum & species rerum; adeoque  
omnia sua considerant abstractive à materia singulari,  
ut loquuntur scholæ. Longe alia, videlicet est ratio

D

ipsa-

ipfarummet artium, alia artificum artibus instructorum, vel jam tum in actu rerum versantium. Namque hi in singularibus aut individuis toti sunt occupati, adjuvum quidem artibus suis, non ijs tamen solis, sed præterea cujusdam cognitionis particularis beneficio. Sic Ars quidem medica simpliciter agit de febricitantibus aut epilepticis: Medicus autem Petrum, Paulum, Johannem, sive febricitantem sive epilepticum curandum suscipit, idque uti faciat, ab Arte medica quidem accipit, quemadmodum febricitans aliquis aut epilepticus, sanandus sit: aliunde vero intelligit, Petrum, Paulum, Johannem, vel febre vel epilepsia laborare. Politicus igitur quidem omnino occupatur circa res singulares, ab ipsa tamen Politica scientia isthæ cura aliena est.

Cæterum subiectum quodnam sit Politicæ, satis fortasse jam claret. Accedet tamen lux aliqua, ubi exposuerimus quænam subiecti illius affectiones propriæ & verè sint Politicæ considerationis: quæ altera est pars institutæ hujus nostræ operæ. Et vero ne hic quidem omnes consentiunt. Sunt enim qui omne quod in civitate usum aliquem habet ad Politicam referunt. Ideoque Prudentiam Moralem, Oeconomicam, Bellicam, ludiciariam, arbitrantur partes esse Politicæ, idque magnis autoribus eunt adstructum. Dixeris sane illa in sententia fuisse & Gabrielem Naudæum, quoniam in sua Bibliographia Politica recenset etiam eos qui scripserunt de Oeconomicis, Ethicis, Arte conscribendarum epistolarum, alijsque; tanquam omnia illa pertineant ad Politicam. Alij tantum ea quæ maximè universaliter insunt rebus, hujus censent argumenti esse, quæ ad specialiorum vero earum spectant administrationem aliarum artium

tium, cum primis vero Juris esse prudentiæ: quasi sententiam Christophorus Besoldus nonnullis persuasit.

Vt vero id quod res est hic etiam pateat, ponendum est ante omnia, id quod in Analyticis demonstratur: eas omnes solasque affectiones scientijs atque artibus esse domesticas ac proprias, quæ de subjectis ipsarum primò prædicantur, nec per accidens sed per se, idque in primo & secundo dicendi per se modo. Igitur quæ non insunt Civili societati aut reipublicæ primò ac per se, sed quæ tametsi insint non nisi ex accidente illi competunt, ea in universum à Politica scientia aliena sunt. Insunt autem per accidens, quæcunque sive adsint sive absint, nihil ad salutem aut detrimentum reip. alicujus interest. Quæcunque vero omninò competunt reipublicæ, sive omni sive ulli ejus speciei, & quidem ita competunt ut non nisi ad naturam rationemque civitatis sive reip. pertineant, adeoque genera & differentia, principia item, partes, causæ, propriæque affectiones rerum publicarum, universa Politici sunt argumenti, atque huic scientiæ plane domestica.

Hiscæ autem positis non obscurum est amplius, quid de modò propositis sententijs sit existimandum. Et vero ut ordine retrogrado Besoldi opinionem primò excutiamus; constat utique, ad salutem cujuslibet reip. plurimum referre, quemadmodum non duntaxat communissima quædam sed & quæ maximè videntur specialia sese habeant; sive personas spectes sive res quaslibet, quarum in civitate usus est. Igitur non tantum communissima illa reip. administrandæ præcepta, aut universalis quædam civilium rerum peritia ad Politicam pertinet; sed omnino in illius officio est specialia etiam quæque, sive res sive personas attingant, definire, quem-

D 2

admò

admodum illa habere sese debeant, aut simpliciter in rebusp. universis, aut in alijs arque alijs earum speciebus.

Vnde palam & illud est non solummodo jus publicum sed etiam privatum hujus disciplinæ esse. Quod ipsum Platoni quoque olim visum fuisse, perspicere est ex integro de Legibus opere. Non aliter autem & Aristoteli placuisse, cum ex eo manifestum est, quod simpliciter hæc scientia passim ipsi audiat *κοινη*, quo nomine indigna esset si privatum jus ad eam non pertinet: tum vel ex ijs paucis, quæ in superstitie nobis parte Politici voluminis de optima rep. adferuntur, circa connubia, primam nativitatem & educationem liberorum. Alios autores idem nobiscum sentientes non est operæ nunc pretium in testimonium heic adducere.

Quam primò loco proposuimus sententiam à vero aberrare, argumento est, quod isthac admittenda dicendum veniat: omnes omnino artes & scientias ad Politicam pertinere ejusque partes esse. Quo nihil dictu est absurdus. Scilicet nulla non artium & scientiarum aliquem in rep. habet usum. Si omnia ergo quæ commodi non nihil reip. præstant Politici sunt argumenti, omnes utique scientiæ & artes omnes Politicæ partes fuerint. Igitur est quidem Politicæ Philosophiæ de omnibus omnino dispicere, non tamen ulterius quam quatenus illa reip. vel utilia vel noxia sunt; reliqua omnis rerum quarumlibet consideratio scientiarum & artium quarumvis propria est. Hinc etiam hætenus artium scientiarumque omnium quasi architectonica & princeps est Politicæ quidem (quippe cum ea sit, ut recte loquitur Aristoteles l. 1. Ethic. c. 1. *quæ quasnam esse in civitatibus scientias oporteat, sum quæ quemque discere & quousque, consituar*) non tamen

tamen ut ipsamet illa omnia omnia mente teneat necessum est. Multum vero interest, usumne duntaxat civilem rei alicujus intelligas, an vero integram ejus habear scientiam. Nec verò Architecti est plenam habere peritiam omnium quæ ad ædium structuram faciunt operum: sufficit si noverit, quantum eorum unumquodque ad propositum scopum possit conducere. Poterit sanè etiam ita satis rectè omnibus imperare.

## CAPVT V.

*Politiciam prudentiam differre, à Prudentia qualibet, ut & à Militari, Oeconomica, Chrematistica & Morali.*

**H**æc cum ita sese habeant, haud difficile amplius defini-  
tū etiam est, quid seorsim cū de omnigena Prudentia, tū de Militari, de Oeconomica, de Pecuniaria quam *χρηματιστική* Græci appellant, postremo & de Morali sit sentiendum: num sc. partes sint Politicæ nec ne.

Scilicet omnes quidem illæ civitati administrandæ per sunt utiles, hinc tamen haud est colligere, omnes illas Politicæ partes esse.

Non esse autem, illud porrò firmo argumento est: quod nihil horum primò & per sese faciat ad civitatem, sed extra etiam illam locum suum inveniant. Licet nimirum vitam instituere non in civili tantum societate, sed etiam extra illam; idque multis modis. An æque commode, nec ne, non est quod hic disputemus.

Iam vero PRVDENTIA omnigenâ opus esse, in omni etiam non civili vita, manifestum est. Ideoque non profecto omnis Prudentia unicè inservit civitati: ac proinde non omnis etiam Politicæ est accensenda. Potest quidem Politica, imo debet, in usum suum adlascere universæ prudentiæ monita; (nec enim absque

jis civitati recte consulueris) attamen id quando fit, cum communia præcepta non amplius communia manent, sed ad civilem materiam restricta sunt Politicæ domestica: usurpante nimirum illâ *τὴν κοινὰ ἰδίαν*, ut Aristotelicis loquamur verbis. Id quod in omni doctrinæ genere recte fieri, ex Analyticis discimus.

Similiter & MILITAREM prudentiam unicè quidem haud pertinere ad civilem societatem, patet: quoniam illa uti possunt, etiam qui civilem societatem non colunt. Dirigit igitur quidem militiam suam in usum civitatis Politica, Arte etiam militari subindeutitur tanquam ministra, attamen ipsa artem illam non facit suam. De illo in Militarem artem Politicæ imperio, memoratu digna sunt verba Græci Paraphrastæ operis Ethici ad Nicomachum, qui Andronicus Rhodius vulgo, perperam tamen, usurpatur. *Ὀψιλὺς sciencia* (inquit l. 1. c. 2.) *neq. eum qui imperare potest aut servare rempubl. coriariū esse sinit, nec eum qui melius inter milites versatur ad imperatorium munus vocat. Sed & temporā maxime exercendis idonea artibus designat: ne quis e. gr. cum præstas quiescere ducat exercitū. Etenim & cum opus est imperatorem mittere, mittet eum Politicū: & cum præstabit quiescere, hoc quoque imperabit. Quamvis enim non raro ipse sibi tempus præscribat imperator, non tamen id facit arte sua militari. Omnes enim artis alicujus regula artis illius finem duntaxat spectant: quæ vero vel in contrarium vel in aliud aliquod fertur non est artis illius regula. Sic imperator considerans quando bellum oporteat gerere & eapropter interdum quiescens, & pacis causa legatos mittens, manifeste non amplius ex regula imperatorie artis agit, sed alterius alicujus artis, majoris & superioris, quæ est ipsa Politica. Hæc ille. Est autem hoc Politicæ & mili-*



Militaris artis discrimen usque adeo clarum, ut à doctissimis plerisque sit animadversum; qui proinde vulgò Militarem artem inter Politicæ ministras connumerant.

Iure vero idem censendum est & de OECONOMICA. Nec enim domesticum omne tota natura sua ad civilem spectat societatem; etsi domus ejus pars sit. Perinde scilicet ut simplicia corpora quæ elementa appellamus partes etiam sunt compositorum, & tamen citra omnem compositionem quoque recte sibi constant. Alia nimirum ita in partium sunt numero, ut à toto composito sejuncta perdant statim omnem essentiam suam. Suntque illa totâ naturâ suâ facta ad totius alicujus integritatem. De quibus proinde verum est Aristotelis illud: *ἡ μέρει ἢ μόνον ἄλλα ὅτι μέρει ἄλλα καὶ ὅλως ἄλλα; Pars non duntaxat alterius pars est, sed omnino alterius.* Alia quadamtenus quidem comparata sunt ad integrandum totum aliquod, quadamtenus tamen, idque non leviter, ita sese habent, ut solitaria etiam tueantur vim propriæ naturæ suæ. Cujus posterioris ordinis esse domesticam societatem, (ut alia nunc taceam) satis ostendit vita primorum hominum, per domos duntaxat, absque civitate, nec infelicitè tamen (ipso quippe autore Deo) instituta. Nec enim fieri id possit, si domus, quanta quanta est, salutem suam unice debeat civitati. Cum ad hunc verò modum domus sese habeat, manifestum est, illam non omni ex parte, primò, & per sese, ad civilem societatem pertinere: ac proinde nec Oeconomicam omnem artem Politicæ portionem censendam esse.

Cæterum Oeconomicen partem vel appendicem esse Politices, non desunt tamen viri præclari, Averroëm secuti, qui profiteantur. Quin possit videri haud immerito

merito, facere cum ijs & Aristoteles. Ea enim passim Politicæ ascribit de rebus domesticis tractanda, quæ singularem Oeconomicam doctrinam tollunt è medio.

Fortassis tamen haud adeo clara est hac in re ipsiusmet Aristotelis sententia. *Primo* enim diversa parte certum est, nusquam ab illo disertis verbis, Oeconomicen dictam esse Politicæ partem. Superest *deinde* hodieque Aristotelis nomine singularis & à Politico opere separatus liber Oeconomicus. Imo in ejus limine statim legitur: utramque doctrinam cum aliàs tum eo etiam inter sese differre, quod Politicæ subjectum civitas sit, Oeconomica domus; hanc etiam illa esse origine priorem perinde ut opus ejus prius est, cum pars urbis sit domus. Sed ille liber num sit Aristotelicus merito dubites, eoque nihil certi docet hoc etiam testimonium.

Majoris ponderis dixeris, quod initio statim Nicomachiorum Ethicorum asseratur, *finem Oeconomica divitiarum esse*, qui finis utique non est Politices. Fortassis verò & ille locus est mendosus; legendumque ibi *ἐν τῇ οἰκονομικῇ* vocabulum. Etenim hujus demum scopum divitias & pecuniam esse, domesticam autem societatem ne desiderare quidem simpliciter divitias, sed nonnihil duntaxat opum quantum ad usum sufficit quotidianum, nec Oeconomicum tam laborare debere, ut vel mediocres illas divitias acquirat, quàm ut recte jam acquisitas disponat & usurpet, præclare Aristoteles docet. *1. Polit. c. 5. §. 2. & 10.*

Magis extra controversiam est, Aristotelica esse, quæ libro 6. Ethic. c. 8. & passim lib. 1. Polit. decentur, ubi *ἡ οἰκονομία* & *οἰκονομικὴ* distinctim collocatur non minus à Legislatoria sive vera Civili Philosophia, quàm à Politica speciali sive Consultatoria, Politicus item & Oeconomicus.

onomicus tanquam duo distincti artifices numerantur. Quod minus recte fieri, si vel pars vel appendix Politices Oeconomica sit habenda, manifestum est.

Difficile tamen est definitu, quidnam secundum Aristotelem Oeconomici proprium sit à Politico distinctum. Nec enim Aristoteli est consentaneum id quod nonnulli ajunt, Oeconomicam versari circa rationem divitiarum acquirendarum, ceu jam tum est dictum. De conjunctione verò & consuetudine omni domestica maris & foeminae, de educatione item liberorum, de rei familiaris usu, quæ Oeconomica maxime videntur, agere Aristoteles Politicum jubet. Diserte nimirum ita loquitur 1. Polit. c. ult. *De femina autem & viri, de liberorum & parentum singulis conveniente virtute, deque ea qua inter illos est consuetudine, quid rectum quid prauum sit, & quemadmodum rectum quidem persequi oporteat, quod prauum fugere, in ijs quæ de republ. necessario sunt explicanda.* Addit rationem: quoniam enim omnis quidem domus pars est civitatis, hi autem domus, partis autem virtutem ad totius virtutem spectare oportet, necessario in civitatem insuantes instituere debent & liberos & uxores, si quid interest ad hoc ut civitas sit bona, liberos quoque esse bonos & uxores bonas. Interesse autem necessum est: nam femina quidem pars dimidia sunt liberorum capitum, ex liberis autem participes civitatis oriuntur. Hæc Aristoteles. Idem septimo & octavo libro accurate adeo differere incepit de maris & foeminae conjunctione, ut & de educatione liberorum, ut quid ejus tandem Oeconomici maneat argumenti, vix appareat. Certe melior parseorum quæ in libro Oeconomico leguntur, rectius in Politicis & accuratius pertractatur. Et verò si domus est talis pars civitatis qualem esse vult Aristoteles, h. e. quæ totâ naturâ suâ ad ci-  

E

vita-

vitatem feratur, nihil utique ad salutem & conservatio-  
nem ejus pertinet quod non curæ Politicæ debeatur, ad-  
coque ex præscripto Politicæ administrandum sit.

Quæcunque verò fuerit Aristotelis sententia, id sa-  
ne est falsum, ea quæ ad domus salutem pertinent, pri-  
mò & per sese ad civitatem facere. Interesse civitatis  
ut recte & pro usu reip. domus sese habeat: partem item  
civitatis esse domum; proindeque in Politices officio esse  
definire, quemadmodum non in beatâ tantum rep. sed  
in alijs quoque rerump. speciebus, domestica omnia ha-  
bere sese debeant: præclare ab Aristotele est observatum  
& monitum. At verò partes quoque civitatis sunt omnis  
generis artifices, nec minus refert publicè plurimum, re-  
cte an perperam illorum opera exerceantur; non tamen  
quæ ad artes pertinent omnia Politici est præscribere.  
Scilicet cum partium alia atque alia sit natura, non ita  
domus est civitatis pars, ut tota ad civitatem spectet. Ne  
quidem verum est, domesticæ societati, aut in univer-  
sum homini, extra civilem vitam obtingere felicitatem  
non posse. Et tamen hæc adversæ sententiæ sunt funda-  
menta: quibus subruit etiam ipsa jam eversa est. Igitur  
id quidem Politicæ est definire, num quæ ad domesticæ  
societatis salutem requirit Oeconomica; sint in beatâ re-  
publ. observanda nec ne: & si sint, num præter hæc et-  
iam alia veniant in vitâ istâ domesticâ commodi publici  
ergò agenda an non; præterea num in alijs omnibus re-  
bus publ. illa beatæ domus præcepta locum inveniant  
nec ne; & quæ alia sunt hujusmodi ad reipublicæ usum  
spectantia. Simpliciter tamen de felici domus statu,  
quisille, quibusve medijs comparetur, tractare non Po-  
liticæ sed Oeconomicæ est disciplina. Hinc in Politicis  
non

non etiam est, cur operosè agas de ratione feliciter instituendæ domûs; ne quidem est, quare vel ad Aristotelis exemplum in istis te diffundas; sed sufficit, si in solis ijs occuperis, quæ à domo in usum reipublicæ possunt conferri.

ΧΡΗΜΑΤΙΣΤΙΚΗΝ non esse partem Politicæ, in promptu est colligere ijs rationibus, quibus Aristoteles probat *1. Polit.* non esse eam partem Oeconomicæ. Primo enim ἡ χρηματιστική cum pro fine habeat opes, quælibet autem ars quasi in infinitum quærat finem suum, opes quoque hæc sine fine & modo studet acquirere. Respublica verò non in alium usum opes desiderat, quàm ut sint instrumenta agendarum rerum; atque ita neuiquam pro scopo eas habet, sed expetit eas ut instrumenta. Id quod autem toto sine abit à fine Politicæ, & à reipublicæ desiderijs, id Politicæ pars esse nequit. Deinde quamcunque artem acquirendarum opum respexeris (sunt enim multæ species τῆς χρηματιστικῆς, *aliæ naturales magis*, ut rusticæ & metallicæ; *aliæ magis artificiales*, ut omnis generis mercatorix & usurariæ; *aliæ sordidiores*, in quibus corporis labores locantur) habet illarum quæque locum suum etiam extra civitatem; adeoque nulla species τῆς χρηματιστικῆς primò ac per sese reip. est domestica. Ad hoc nonnullæ artes χρηματιστικῆς, vel optimæ reipublicæ vel aliquibus reipubl. alijs speciebus, potius obesse videntur quam prodesse: itaque saltem hæ non fuerint partes Politicæ; & per consequens ἡ χρηματιστική in universum pars ejus censeretur non debet.

Fieri tamen non potest, ut respublica sit salva sine opibus, eoque nec sine artibus opum quærendarum. Omnino igitur Politicæ etiam est scire, quantum quæque

istarum artium reip. vel omni vel alicui possit inservire; ac proinde præscribere, quanam illarum cum publicè tum privatim sit usurpanda. Ipsas artes uti teneat Politicus, necessum non est, si autem teneat sit illud per accidens. Et vero (ut Aristotelis verba faciã mea) *dubitareris quis, cur Ars quidem rei quærenda pars sit Politicæ, Ars vero medendi non sit pars. Atqui eos qui in civitate degunt oportet valere non minus quam vivere; certe magis ex re est ut sani sint cives, quam in re lauta. Quia vero aliquo modo quidem est Politici aut reip. præfecti videre quoque de sanitate, aliquo autem modo non sed Medici: sic opes curare est quidem quadamtenus Politicæ, est etiam quadamtenus non, sed artis administræ. Administra igitur Politicæ est ἡ ἡγεμονιστική.*

Cum vero non sit una natura ministrantium artium, uti recte notat Aristoteles *l. 1. Polit. c. 5.* (nam arti textoriæ ex. gr. ministrat & illa quæ instrumenta textoria conficit, & quæ præparat lanam unde pannum artifex texat) haud difficile porro intellectu est, ἡ ἡγεμονιστική omnis cujus generis administra sit. Nempe non ejus quæ circa ipsam materiam civitatis (homines enim ipsi materiæ sunt loco,) sed quæ in comparandis vitæ civilis instrumentis occupantur.

- ETHICAM sive Moralem doctrinam ab Aristotele esse accessitam Politicæ, clarius videtur quàm ut vocari possit in dubium. Primùm enim disertis verbis non semel id ab illo est pronuntiatum. *1. Eth. Nic. c. 1. ἡ ἡγεμονιστική τῶν ἐφ' ἑαυτῇ πολιτικῇ τῆς πόλεως.* Statim initio Mag-  
 1. norum moralium: *Pars igitur est, uti videtur, & principium Politicæ illa quæ de moribus est tractatio, & in totum jure mihi videtur omnis hæc disputatio non Ethica sed Politicæ appellanda.* Similiter *1. Rhetor. c. 4.* Ethica nuncupatur ἡ περὶ τῶν ἡγεμονικῶν.



ἡθικὴ πολιτικὴ. Huc spectat, quod auditorem Moralis doctrinæ appellet ἀρεγατὴν τῆς πολιτικῆς.

II.

Non tantum verò loquitur ita Aristoteles, sed hanc ipsam sententiam conatus est rationibus ostendere. Ex professo enim 1. *Nicom. c. 1.* quæstionem hanc in medium proponit, cujusnam sit Scientiæ ac Facultatis de summo hominis bono agere, respondetque: *videtur ejus esse quæ maxime principalis maximeq. est architectonica*, cujusmodi manifesto est Politica. Similiter in limine Magnorū moralium proposita quæstione, cujus sit de moribus agere, cum addidisset: *ut summam dicam, videtur non aliterius quam Politicæ pars esse*; mox subjungit rationem, qua id credit effici posse. Non alia de causa, jam absoluta omni de virtutibus & felicitate humana disputatione, negat tamen *l. 10. Ethic. c. 10.* finem adhuc operi esse impositum, eòq; Politica cum Ethicis plane connectit. Ea porrò de felicitate humana ab Aristotele sunt affirmata, unde necesse fariò consequitur, omnem ejus doctrinam unicè ad Politicam pertinere. Sane si homini non obtingit felicitas sua nisi in civitate & per civilia instituta, (id quod passim ille docet) utique primò & per sese omne istud ad civitatem facit, adeoque & tractatio isthæc Politicæ prorsus est domestica.

Faremur igitur omnino, rectius longe ab Averroë perceptam esse Aristotelis sententiam, quam ab interpretibus Græcis & Latinis plerisque; ac proinde Clarissimos viros Franciscum Piccolominium *Introduetione in Civilem Philosophiam c. 8. & 9.* Felicem Accorombonum *in commentariis Ethicorum*, Jacobum Mazonium *Preludiorum Aristotelicæ & Platonice Philosophiæ sect. 6. c. 2.* Michaëlem Piccartum *de lineatione Aristotelicæ Philosophicæ c. 8.* Conradum Horneii *l. 1.*

*Ethic. c. 2.* & alios, qui Ethicen faciunt Politicæ partem, ab Aristotelis quidem placitis non discedere; à Montecatino autem iniquè hoc nomine Averroem perstringi. Nec tamen convenire satis Aristotelicæ menti videtur, id quod Averroës ille docuit, *in initio Paraphrascos librorum Platonis de republ.* quasi in Ethicis tradantur *ἡγεμονία* in Politicis ea quæ *πραχτικότητα* sunt: ac respondere Ethicen doctrinæ de sanitate & ægritudine, illi quam Medici instituunt, Politicam vero isti, quæ docet modum sanitatis vel tuendæ vel restituendæ in integrum. Etenim illa de sanitate & morbis doctrina non est propria Medicæ arti sed Naturali Philosophiæ: (ceu alias ostenditur) Medico acceptante in usum suum quæ à Philosopho sunt demonstrata. Nec apparet, quæ illa, quæ ad omne genus virtutum pertinent, magis contemplativa sint his, quæ ad regimen faciunt civitatis, cum beatitudo hominis non in habitu aut possessione virtutum, sed in eorum exercitio tota consistat. Rectius ad Aristotelis mentem dixeris; *in Ethicis agi de summa hominis felicitate simpliciter, in Politicis de adminiculis quæ ad obtinendum summum illud bonum ex civitatis administratione & possunt & necessario debent proficisci.*

Sed quamvis ea sit Aristotelis sententia, non possumus tamen non cum plarisque ejus interpretibus, alijsq; viris maximis, Moralem Philosophiam, tanquam specie diversam disciplinâ, à Civili sejungere; eo nitentes argumento, quod felicitas humana à civili societate non nisi per accidens dependeat, utpote quam detur assequi, non quidem extra omnem societatem (neque enim homini commodum est solitarium vivere) citra tamen societatem civilem. Id quod exemplo vitæ ab ipso Deo primâ humani generis ætate institutæ, jam tum ostendimus.

Et ve-



Et verò quibus probare nititur Aristoteles, hominem naturâ Politicum animal esse, illæ rationes non tam hoc, quàm natum esse hominem societati & benevolentiae mutuae, evincunt, si in vim earum inquisiveris. Coiisse autem initio homines perquam multos in civilem coetum, sive alijs per potentiam inferendæ, sive arcendæ aliorum potentium, injuriæ ergò, & historiæ nos docent, & jam observatum est Platoni *lib. 3. de legibus*. Sed & usus docet, ijs maximè de causis homines hodieque in civili societate contineri.

Igitur quæ primò, per se, adeoque simpliciter, faciunt ad felicitatem humanæ vitæ, illa propriè non sunt Politicæ, sed unius Ethicæ: sola autem quæ per accedens, beneficio coetus civilis, eòdem pertinent Politici sunt argumenti. Est nimirum quadamtenus quidem unus idemque finis propositus, & simpliciter humanæ vitæ, & civitati, quadamtenus tamen diversus. Quo simul fit, ut civis boni alia sit virtus seu perfectio, alia viri boni, quod & Aristoteles præclare docuit *3. Polit. c. 3*. Par ratio igitur est Politicæ etiam atque Ethicæ. Qua dere latius disputare non est hujus loci.

Non sunt porrò solutu difficilia argumenta, quibus Aristoteles Ethicam Politicæ conjunxit. Nam in Magnis quidem Moralibus non alia quàm hæc collectio reperitur: in civili societate opus est virtute, ergo quæ de virtute agit doctrina, Politicæ pars est. Ast in civili societate etiam sanitas, etiam opes necessariæ sunt; fuerit igitur & Medica ars & *ὑγιασιτική* partes Politicæ, si firma sit consequentia. Reverà autem nihil probat aliud Syllogismus ille, quàm Politicæ incumbere aliquam virtutis curam. Et sane incumbit illi, ut in bona quidem republica

blica curet per leges & instituta civilia, cum roborare quod in Ethicis est traditum, tum vitiorum occasiones, quas civilis vita magno numero suggerit, quoad fieri licet, è medio tollere. Quas virtutes aliæ admittant respública nec ne, itidem ipsi videndum est; neque enim ubi vis par virtuti locus conceditur. In Nicomachijs Politicæ ascribitur doctrina de summo hominis bono, prætextu sumpto, quoniam Politice est architectonica artium, ad maxime architectonicam autem spectet agere de supremo omnium fine. Verum est quidem Politice architectonica artium omnium, attamen non nisi respectu usus civilis; simpliciter enim dignitatem hanc potius ad Ethicam pertinere dixerimus.

## CAPVT VI.

*Prudentiam civilem non esse peritiam aliquam mere  
experimentalem: neque solam experientiam satis esse sive  
ad scientiam sive ad usum civilium rerum.*

**P**roximè limites definivimus Politicæ, ultra quos citraque quicquid est, id ab hac methodo est alienum. Consequens est, ut investigemus quæ & qualis cognitio eorum quæ Politicæ diximus esse propria, queat comparari. Multiplex videlicet est humanæ cognitionis varietas. Et quidem alia non nisi sensu & experientia, alia beneficio ratiocinationis acquiritur: iterum alia certa est omnem erroris metum excludens, alia incertior, constans duntaxat quadam verisimilitudine: porro alia tantum quid sit res, alia simul & propter quid perspectum habet. Est vero haud leve sententiarum dissidium, cujus generis sit Politica prudentia. Sed & multum refert, accurate istæ cognoscere; ne vel frustra de-  
spires

spires ad subtilem quandam doctrinæ acrimoniam, vel inutiliter hæreas in crasso rudimento.

Principiò igitur videndum, an omnis peritia civilis sola experienciâ comparetur nec ne. Prius sane videtur vulgo plarisque placere. Etenim vulgo respublica plarumque committitur ijs, qui experienciâ aliquam duntaxat habent rerum civilium. Cum velint autem omnes indubiè ijs qui periti censentur rempublicam committere, apparet utique, plarisque videri, Politicam esse Empiricam aliquam scientiam. Non videntur autem & in eruditorum ordine nonnulli multum dissentire. Quotquot sane Prudentiam civilem usu & memoria duntaxat parari existimant, dissentire non debent si suam velint thesin defendere. Vsum enim describunt cum Lipsio l. 1. civ. prud. cap. 8, *notitiam humanarum rerum ex visu vel tractatu*: Memoriam *notitiam similem ex auditu vel lectu*. Est autem utraque notitia mere Empirica; tantum quod illa propriæ, hæc alienæ experienciæ innitatur.

Cum placeat verò istæ sententia, & plarisque vulgi, & doctis quam multis, jam tum manifestum est, eam si non veram, saltem per esse verisimilem: plerisque enim vulgi & doctorum multis placere, id vero est esse verisimile.

Videtur autem eadem confirmari etiam experimento. I. quotidiano omnium gentium & seculorum. Homines enim usu tantum & experientia instructos videre est optime consulere reipublicæ; quod tamen non facerent nisi iidem civilium rerum tenerent scientiam. Nec vero aliter edocti sunt, etiam qui inter Græcos & Romanos olim prudentiæ dotibus inclaruerunt. Sane non Themistoclis; non Miltiadis, non multorum aliorum magistros prudentiæ laudant historiæ: haud temere tacituræ tanti

boni autores. Imo solâ hâc Empirica eos notitia fuisse imbutos, ipsemet Aristoteles sine operis Nicomachij probat illo signo, quod prudentiam ad alios docendo transmittere non potuerint; docturi scilicet indubie alios, saltem amicos & liberos suos, si potuissent, cum in nullo alio par potuerit præstari beneficium, & acquisitæ veræ scientiæ signum sit, posse id quod tenes alios docere. **II.** Ostendit porro usus, illorum quam multos qui aliam aliquam præter hanc Empiricam prudentiam sibi acquisiverunt, nihil Empiricis istis præstare; haud paucos publici otij turbatores esse, & civitatum eversores potius, quàm solertes rerum administratos. Quod videtur esse argumento, quam isti existimant prudentiam non nisi ejus simulacrum aliquod esse: jure enim solam illam Empiricam nomen illud ad gustum promereri.

Cæterum ut clarè pateat veritas, breviter (etsi alieno loco) hic exponendum ante omnia est, quid reapse sit Experientia. Habet autem sese hunc in modum. Quæcunque sensuum aliquo percipiuntur illa singularia sunt: intellectus ex diverso singulare nihil percipit, sed sola ea quæ abstracta nuncupantur à singulari materie. Si quando ejus quod sensu est acceptum, imago remanet in animo, post factam sensationem, Memoria nascitur. Est enim proprie Memoria, *ἡ ἐν αὐτῇ ὥστε ἔχει τὴν φαντασίαν*, sive imaginum sensu acceptarum. Talis Memoria unius ejusdemque rei sæpius iterata dicitur Experientia: quæ proinde & ipsa singularium duntaxat est rerum non universalium. Ut, si tu sæpius observaveris Petro febricitanti vini potum malè cecidisse, ejus jam experientiam es consecutus; ut tuto pronunciare possis, febricitanti Petro vinum esse noxium: nondum tamen hoc ipso habes

compertum, nulli febricitanti vinum convenire. Vti ex multis singularibus experimentis universalem quandam communemque formes notionem, opus est porro collectione quadam, non multâ tamen & operosa, sed plerumque illa simplicissimâ quam inductionem appellamus. Pertinent autem ejusmodi universales notiones, (si propriè quidem loquaris) non amplius ad *Experientiam*, etsi ex multis sint experimentis elicite sed jam sunt exordia ipsarummet artium ac sententiarum. *Exordia*, inquam, sunt, non enim artes ac scientias omni ex parte absolvunt. Ideoque non alio sensu etiam sunt accipienda Aristotelis illa, lib. 1. *Metaph. c. 1. per experientiam ars & scientia hominibus efficiuntur*: aut illud Poëta veteris Afranij in *Sapientiam*:

*Ufus me genuit, mater peperit Memoria.*

aut hoc Manilij:

*Per varios usus artem experientia fecit.*

Et vero ad principia artium scientiarumque ipsemet hæc restrinxit Aristoteles, cum alibi, tum sub finem l. 2. *Analyt. post.*

Multo minus ad experientiam pertinet, ex ejusmodi universalibus notionibus ulterior deductio, etiamsi ad causarum investigationem nondum processeris.

Porro Historicis monumentis vix alia præterquam singularia narrantur, quæ nimirum cognoscuntur sensu atque experientia. Vtenim historia narret universaliora, ex multis experimentis collecta, rarius fit & à paucis est tentatum. Rarissimi certe exempli est Historia Animalium ab Aristotele, Stirpium à Theophrasto, Rerum subterranearum à Georgio Agricola conscripta. Quæ ex Historia itaque lecta vel audita proxime quidem



oritur cognitio, itidem non diversa est ab ea quæ per experientiam accipitur, nisi quod alienâ narrantium fide nitatur.

Hæc ex Aristotelicis monumentis, cum l. 2. Analyt. posterior. cap. ultimo, tum l. 1. Metaphysicorum capite 1. & libello de Memoria, deprompta; omnem errorem faciliè discutiunt. *Primum* enim constat utrique, id quod jam supra dictum est, notitiâ quandam civilium rerum inveniri, & quidem maximè præclaram, quæ in universalibus occupetur. Cum Experientia igitur hæreat duntaxat in singularibus, manifestum profecto est, potissimam illam rerum civilium scientiam Empiricam non esse. *Ad hoc* cum impossibile sit, ut unus aliquis omnium eorum quæ in quavis reip. specie eveniunt, usum & experientiam habeat; ne id quidem fieri potest, ut ex proprijs quidem experimentis, unusquis extruat omnia illa, quæ in communi de republ. qualiter sciri aut dici possunt ab experimentis petita: tantum abest, ut quis possit, ex proprijs experimentis integram hanc prudentiam haurire, aut quod idem est, solo usu omnem illam sibi comparare. Fac enim quem probe versatum esse in regia administratione, is non eo ipso jam usu didicit, Popularis aut Aristocratici regiminis statum, & tamen omnia hæc scire ex æquo est Politicæ prudentiæ. Historia plus experimentorum civilium quam usus ipse exhibet: eòque inservire etiam ac prodesse magis potest ad exstruendam communem illam prudentiam atque ipsemet usus. Veruntamen quoniam omnis ejusmodi ex historijs collectio nitatur quidem Experientia, non debeat tamen Experimentiæ sed Artis aut Scientiæ, manifestum est, ne quidem illam ex historijs enatam ita peritiam Empiricam meritò vel haberi vel nuncupari debere.

Vno.

Vno verbo: nulla universalis civilium rerum cognitio verè Empirica est. Ac proinde quotquot eam habent, in quantum habent, Empirici non sunt, sed saltem aliquid civilis scientiæ jam sunt consecuti; adeoque hætenus perperam Empirici audiunt. Plane quemadmodū olim Medicorum illa ab Acrone Agrigentino instituta schola, inique Empiricum nomen affectavit; cum tamen universalia pronunciata jactitaret ex multis experimentis exstructa, imo ab ijs transitum ad similia usu nondum comperta admitterent ipsi sectæ primores; si Celso credimus, evidentes etiam morborum causas ad medendum esse necessarias, faterentur:

Et vero quod res ipsa expressit Empiricis illis Medicis, ut confiterentur, dari in negotijs medicis aliquem ad similia nondum usu comprobata progressum: posse itidem causarum morbi sanitatisque aliquam scientiam dari: artem denique facturo necessariam esse saltem aliquam causarum notitiam: id omne in civilibus quoque habere locum, usque est adeo perspicuum, ut negari sine impudentiæ aut inscitæ nota haud possit. Enimverò id utique constat, etiam de ijs, quorum neque Experientiam, sive usu proprio sive ex historijs, neque Scientiam aliquam sumus assecuti, posse nos rectum consilium dare. Id vero fieri non potest, nisi ratiocinatione quadam, adæoque deductione ignotæ rei ex notis.

Eorum porro quæ in civilibus contingunt, certæ causæ non minus sunt atque naturalium eventuum. Neque enim quidquam sit sine causis, etiam in humanis negotijs. Certe omnes omnino actiones civiles suos fines habent quamobrem fiant, suas causas efficientes, principales & instrumentales, materiam item suam circa

quam versentur: in eo vero, quod fiant quomodo quando & ubi oportet, forma sive essentia earum civilis consistit. Jam vero non ita abdita sunt causæ illæ ut humani ingenij vim effugiant. Imò à prudentissimis nonnullis auctoribus pleraque horum, si non omnia, jam tum literarum monumentis sunt prodita. Certe quo quis est prudentior eò magis perspectas habet civilium rerum causas.

Ad res denique feliciter gerendas plurimum prodesse, imo per esse necessariam, causarum notitiam, cum usus docet, tum per se clarum est. Qui enim possis reipublicæ salutare leges præscribere, nisi teneas quæ causæ rempublicam conseruent? qui possis mala averruncare, nisi itidem scias, quid sit quod rempublicam perdit, & quare perdere soleat? Sane quo minus causas illas habes perspectas, eo minus licet tibi reipublicæ consulere.

Huic sententiæ tamen videtur haud parum refragari id quod Aristoteles observavit de experientia; quippe qui in hæc verba non dubitavit loqui l. 1. Metaph. 1. *Ad agendum nil videtur Experientia differre ab Arte: quin imo videmus Expertos magis id quod intendunt consequi, quam illos qui rationem absque Experientia tenent. Causa vero hujus est, quod Experientia singularium Ars autem universalium cognitio est. Actiones autem ac generationes omnes circa singulare sunt. Non enim hominem nisi per accidens sanat qui medetur, sed Calliam aut Socratem, aut alium quempiam eorum qui sic dicuntur, cui accedit homini esse. Si quis itaque rationem absque Experientia teneat, & universale quidem cognoscat, quod autem sub eo particulare est ignoret, sæpenumero errabit à sanando. Idenim magis sanabile est quod singulare est.* Hæc omnia Aristoteles.

Sunt autem omninò dextrè hæc accipienda, alioquin &



quin minime veritati consentiunt. Fatemur scilicet nos etiam, actionem omnem in singulari opere versari, eoque necessarium esse, ut quisquis opus aliquod studet efficere, sensu atque experientia isthæc quæ ad opus requiruntur habeat cognita; ac proinde, qui tantum in communi illa tenet, particulatim autem ignorat, eum ad rem istam agendam minimè idoneum, adeoque hæcenus quidem Experientiam Arti ac Scientiæ præferendam esse. Reuera tamen is, qui sola est Experientia instructus, nihil aliud potest, quam quod est expertus. Itaque non nisi paucissimis agendis est aptus, & nihil valet si quid novi agendum veniat. Jam verò in vita civili plurima occurrunt & per varia, sæpe & inopinatò accidunt quæ antehac nunquam contigerant, quædam antehac usitata præstat mutare. Itaque etsi ad quædam opera peragenda is qui Experientia instructus est sufficiat, simpliciter tamen toti reip. curandæ non est par, neque licet illi rem publicam omnem tutò committere. Vt proinde ad res agendas multum intersit inter Experientiam & Artem: etsi aliqua ratione intersit nihil, & Experientia ipsi Arti sit præferenda.

Hic sic expositis facile jam est, quæ initio pro Empirica civilium rerum peritia producta sunt, confutare. *Primum* enim qui res præclare gerunt in republicâ, illi, tamen usu tantum valere credantur, non tamen revera usu solo & experientia sunt instructi, sed quidam eorum ingenij beneficio, ex usu compertis, etsi non scientiam Civilem integram, aliquid tamen ejus, quantum ad res quasdam agendas satis est, didicerunt. Enimvero quotquot tali laude præ alijs commendantur, celeritate ingenij solent eminere: quâ qui pollent, Artes & Scientias proprio,

Ad I.

prio, quod ajunt, Marte condere idonei sunt. Sanè Græcæ Romanæque gentis illustria lumina, quàm præclaris ingenij dotibus fuerint præditi, loquuntur monumenta.

Non sanè à solo usu proficisci, eam quæ in viris magnis, nulla tamen doctrina imbutis, civilium est rerum peritia, argumento illud est, quod hi subinde multa agant, & quidem prudenter agant, quorum experientiam sibi ante non comparaverunt. Talibus igitur quando respública conceditur, non meris Empiricis illa committitur, sed artificibus, imperfectioribus tamen, propriaque duntaxat industriâ Artem edoctis.

Nec vero etsi docere alios nequeant, destituuntur illi omni scientia. Ut enim doceas necessum est, & Scientiam integram teneas, & ipsam docendi viam: hos vero neque nos dixerimus Scientiam civilem integram sibi parasse, aut docendi rationem calluisse.

Fatemur præterea, solo usu civilium rerum qui sunt instructi, illos rectè præfici posse nonnullis negotijs in quibus sunt exercitati: minime tamen hinc sequitur, omni civili Prudentia eosdem instructos esse, aut rempublicam omnem committi ijs posse.

Obiter hic observari meretur: non fortassis omnes illos veteribus à prudentia laudatos viros nullâ fuisse doctrinâ institutos. De Themistocle sanè id negat Socrates apud Xenophontem l. 4. Memorab. addens: *stultum esse existimare, exigui quidem momenti artes absque magistris idoneis percipi à studiosis haud posse, cum imperio autem civitati præesse, fortuito valere homines, cum tamen opus sit omnium maximum.* Sed fortasse non quod ita reverà sentiret, id dictum est à Socrate, sed ut excitaret Euthidemum; cui in-  
nuît

aut ipse Xenophon. Licetque proinde Thucydidi secure fidem habere, omnem viri illius prudentiam solius ingenij nativis viribus attribuenti. *Illum enim fuisse Themistoclem qui quàm maximè indicaret, quantum natura valeat: dignus ipse quem quodammodo supra modum ob naturæ præstantiam magis atq. alium quem miremur: quomodo Thucydidem Latine loqui fecit Joannes Caselius.* Quicquid vero sit de Themistocle; alijs nonnullis, ut Pericli, Epaminondæ, & Scipioni Africano utrique, & Ciceroni, & Casari, & Pompejo, non defuisse magistros, notissimum est.

Quod in *Altero argumento* objicitur, nihilo præstare Ad II. empiricis eos, qui creduntur scientiam Politicam didicisse, id profecto à vero alienum est. Nec enim nisi in paucis, ijsque usitatis, in ætate item jam senili, quicquam hi possunt: è contrario alteri illi ad quævis promiscue rei publicæ negotia sunt apti, idque ætate adhuc integra. Quod aliorum nonnulli itidem aliquid ultra usitata possint præstare, non id usui & experientiæ, sed ingenij dotibus, & per consequens Scientiæ vel Arti acceptum est ferendum: supplente nimirum doctrinæ defectum ingenij nativo acumine.

Eorum qui doctrina Politica instituti sunt, si qui Ad III. minus recte se gerunt, non id doctrinæ illius vitio contingit. Ne quid enim dicam, quod multi didicisse credantur id quod nequaquam didicerunt; in ijs quæ speciem quidem Politicæ mentiuntur versati, ipsam vero hanc prudentiam planè ignorantes. Observandum est, esse haud paucos, qui doctrinâ ore tenus exerciti, animum bonis artibus non induerunt: nec satis esse ad bene agendum, scire quid expediat, sed præterea requiri & bene agendi voluntatem: quâ interdum carere rerum civilium etiam maxime gnaros, neque nos diffitemur.

G

CA.

*Civilium rerum certam peritiam aliquam posse accipi,  
idq; demonstratiuis ratiocinationibus; etsi illa non sint  
demonstrationes primi ordinis atq; omnium  
exactissimæ.*

Civilium rerum exactā cognitionem, etsi illa innitatur  
Cusui & experientiæ, tamen non usu sed mentis ratiocinatione comparari, fecimus perspicuum. Nunc porro est videndum, quam illa cerra sit aut lubrica, eaque num demonstratione admittat, & si admittit quales illæ sint, cum demonstrationū omnium non æque exacta sit ratio.

Ac demonstrationibus quidem nullum hic locum esse, passim recepta sententia est. Enimvero plerosque argumenti Politici scriptores, oratorijs videre est rationibus omnia probare. Philosophi quoque vulgò ipsi demonstrationes omnes ut artibus, ita & huic methodo circa res agendas occupatæ, abjudicant.

Neque id videntur facere abs ratione. Civiles nimirum res fluxæ sunt atque instabiles, utpote quæ ab humano arbitrio imò à fortuna dependeant. Rerum autem incertarum nulla certa datur scientia: eòque nec demonstratio; quippe quæ est syllogismus *Ἀποδεικτικός*, & cum ex necessarijs præmissis constat, tum circa sola ea quæ non aliter atque aliter sese habent, aut habere sese possunt, occupatur. Econtrario illa est vita omnis humana, ut jam olim non dubitaverit ipsemer Theophrastus, longo rerum usu edoctus, probare illud:

*Τυχὴν τὰ βιωτῶν προέγµατα σὺν ἐυβουλίᾳ*

Unde expressum illud Latinum proverbium: *Vitam regis fortuna non sapientia.* Ut quod ille in Fabula de amore id meritò de republica pronunciaveris: *quæ res neq; consulunt.*

*filium neq. modum habet ullum, eam consilio regere non potes. In republica hæc omnia insunt viria, injuria, suspiciones, inimizie, inducia, bellum, pax rursus. Incerta hæc si tu postulas ratione certa facere, nihilo plus agas, quam si des operam, ne cum ratione insanias.*

Quamvis autem hæc speciose dicantur aganturque magnis autoribus, multum tamen absunt à vero. Nec enim probari debet illa quæ passim a plerisque instituitur civilis doctrinæ rudis & oratoria tractatio. Sane ad vulgus quidem Rhetorica illa per sunt utilia, imo necessaria: (nec enim alijs argumentis quam illis in vulgo receptis *Προσχηµατος* pertraxeris populum aut alium aliquem indoctiorem in sententiam tuam, aut illi quod reip. expedit persuaseris) attamen cum Rhetorica argumenta laborent plerumque incertitudine, & veritati raro sint omni ex parte consentanea, ac proin nihil certæ veritatis doceant; Oratoriæ etiam nihil sit prius quam persuadere, quibuscunque tandem id fiat modis; contrà vero rerum civilium omnino detur certà aliqua cognitio; non profecto illi rite funguntur officio doctorum, qui doctrinam omnem Politicam Oratorijs declamationibus expedere annuntiantur.

Philosophos nostri temporis quàm multos Politicæ doctrinæ vim demonstrationum detrahare, non est mirum, cum iidem ita differant de demonstratione omni, quasi illa pene nusquam habeat locum, ineptos interim parologismos loco demonstrationum ostentantes. Enimvero & in Mathematicis disciplinis, & in Physicis, & in Metaphysicis, eorundem quàm multi negant hodie demonstrationes reperiri. Quod cum ab omni veterum Philosophia alienissimum, ac manifesto sit indicio, eos minus recte Ana-

Iticam doctrinam callere, non est proinde quod eorum  
 autoritate terreamur. Et vero Aristotelem aliter sensisse o-  
 lim, vel inde apparet: quod opus suum Politicum volu-  
 erit ἀρεγαντικόν censerī, libri autem ἀρεγαντικοὶ fuerint  
 ἀποδεικτικοὶ, ut alibi ostendimus. Recentiores qui rectam  
 sententiam tenuerunt hic laudare, nihil attinet.

Levia porro sunt, quibus vulgo adducuntur nonnul-  
 li, sinistre adeo de Civili doctrina arbitrari. Res civiles  
 enim ita fluxas esse & lubricas, quasi omni careant certitu-  
 dine, non est profecto veritati consentaneum. Habent s. se  
 illæ non aliter atque res naturales, & illæ circa quas occu-  
 pantur Artes: quæ scilicet etiam ipsæ obnoxia sunt mu-  
 tationibus & vicissitudinibus, & tamen perpetuam cer-  
 tamque habent veritatem. Scilicet singulæ res inquan-  
 tum tales fluxæ quidem sunt, ac proin nihil de ijs sciri  
 potest quod perpetuò sit verum; at eadem in communi,  
 & quatenus generum specierumque naturam habent,  
 stabiles sunt atque æternæ. Nec enim etsi ex arbitrio  
 gerantur res humanæ, omni illæ ex parte meri arbitrij  
 nostri sunt. Namque & illa ex arbitrio gesta habent ef-  
 fectus certos, nec amplius in arbitrio nostro collocatos.  
 Perinde ac humani quidem est arbitrij cor gladio trans-  
 fodere nec ne, mors tamen necessario consequitur si id fe-  
 ceris. Itafane & dissidium excitatur in rep. sponte qui-  
 dem nostra; necessario autem multa hinc mala nascun-  
 tur, quæ non æque amplius nostræ sunt potestatis; quo-  
 rum proin necessaria & perpetua dari scientia potest.

Ita præterea fortuita esse rerump. negotia, quasi  
 non sapientiam, non rationem, non consilium admit-  
 tant, usu profecto quotidiano confutatur. Longe sane  
 alia ille persuadet, propeque facit credere illud:

*Nullum*



*Nullum Numen abest si sit prudentia: sed nos*

*Te facimus Fortuna deam cælog, locamus.*

Theophrastus sane videtur tantum notare voluisse dicto suo imprudentiam plerorumque hominum: quâ sit, ut non tam ratione, quam forte fortuna id quod sibi commodum est assequantur. Fortassis etiam respexit ad ea, quæ in republicâ singulari fato fiunt. Qualia sæpenumero contingere, neminem potest latere, qui paulò accuratius in res civiles intuetur. Perperam verò illa Theophrastus fortunæ tribuit, cum divinæ essent providentiæ ascribenda. Et tametsi illa regere non sit omninò virium humanarum, tamen prudentia etiam hic vim suam aliquam retinet: cum ut precibus flectas Numen ejusque iram depreceris, tum ut mala cœlitus immissa modereris nonnihil, perinde ut tempestatem prudens nauta. Qua de re aliàs commodior dicendi locus est.

Tantum abest igitur, ut istis quidem argumentis evinci possit, Civilium rerum certam nullam scientiam atque demonstrationem dari: ut invertere illa liceat, & ex ijs contrarium liquidò ostendere. Etenim quæcunque pertinent ad rerump. constitutionem, salutem, & corruptionem, illa non habere sese possunt diversimode, tanquam sint fortuita; adeoq; omni tempore & loco vera & certa sunt. Nec verò hodie Regna, Aristocratix, Democratix, aliæque rerumpublicarum species, aut alijs vitijs corrumpuntur, aut alijs remedijs conservantur, quam vel factum est olim, vel in posterum futurum est. Illa porò à nobis cognosci possunt non tantum quemadmodum fiant, sed & quamobrem. Imo tum demum, vulgi etiam consensu, Prudentes credimur, quando rerum quæ aguntur aut agenda sunt causas intime cogno-

scimus. Atqui omnis certa cognitio rerum stabilium, Scientiæ utique dignitatem habet. Scire enim dicimur quotiescunque aliquid intelligimus secluso errandi metu, multo magis quando simul causas habemus perspectas.

Talis verò certa cognitio, cum aut inductione ex singularibus, aut demonstratione duntaxat comparetur, inductione vero omnis Civilium rerum peritiâ accipi nequeat, (ceu jam supra probavimus) vel hinc manifestum est, Politicam scientiam demonstrationibus esse acquisitam.

Constat porrò & alias, ex principijs per experimenta constructis de rebus Civilibus plurima doceri: hoc ipsum autem est demonstrare ex principijs proprijs.

Ad hoc probat usus, in Civili etiam doctrinâ, non minus atque in Physicis & Mathematicis, alia probari deductione ad impossibile, alia à signo, alia ab effectu, alia à causa proxima. Ut proinde nulla demonstrationis species in Politicis locum suum non inveniat.

Quamvis autem hæc ita sese habeant, fatemur tamen, non adeo exactam civilium rerum scientiam haberi posse, ut non interdum illa fallat, utque non ejus pronunciata quandoque egeant emendatione. In causa verò est infinita civilium rerum propter circumstantias multitudo & varietas: quam proinde omnem sive animo sive scripto comprehendere ingenij humani captum exsuperat.

Non sola tamen Politice ita est imperfecta, sed commune hoc illi est cum omnibus Artibus, imò cum ipsa Naturali Philosophia. Neque vero nisi in solis Mathematicis disciplinis, earumque duntaxat ijsquæ puræ vocantur, concessa est numeris omnibus absoluta scientia  
omni-



omninoque vacans exceptione; idque quoniam sola illæ occupantur circa subiectum, quod tanquam abstractum ab omni materialitate, h. e. omni vicissitudine, consideratur, adeoque alijs atque alijs circumstantijs non est obnoxium. Quod ipsum autor & Minoris Methaphysicorum c. 3. (Aristoteles, perperam tamen, vulgo creditus, sive is Pasocrates sive alius quis fuerit) observans scribit: τὴν δὲ ἀκριβοστάτην τὴν μαθηματικὴν, οὐκ ἐστὶν ἀπαιτῆσον, ἀλλὰ ἐστὶν πῶς μὴ ἔχοντι ὕλῳ. διότι τὸ φυσικὸς ὁ τρεῖς, ἀπὸ τοῦ ὅτι οὐκ ἔστιν ἔχει ὕλῳ. In eandem sententiam doctissimus Paraphrastes Græcus l. 1. Nicom. c. 3. *Fieri non potest ut in quovis similiter subiecto exquisitissimam inveniamus veritatem. Sed in Mathematicis quidem disciplinis, utpote quæ necessarium est semper sui simile habent subiectum, simplex est veritas, nec quicquam ibi accuratam tractandi rationem impedit subiectum. In reliquis vero, in quibus nec necessaria sunt subiecta, nec eodem semper modo se habent, ea sufficit docendi ratio, quæ ex iis quæ ut plurimum ita se habent aliquid colligit.* Ipsemet Aristoteles eadem de causa lib. 1. Nicom. c. 1. jubet, nos in Politicis contentos esse doctrina, quæ veritatem ostendit non nisi παχυλῶς καὶ τύπῳ, quod ipsum repetit l. 2. ejusdem operis cap. 2.

Deprehenditur idem in Legibus Civilibus: quæ sunt opus aliquod τῆς νομοθετικῆς, adeoque Politicæ. Recte enim Julianus ICrusin Digestis tit. de Legibus: Neque Leges neque SCia ita scribi possunt, ut omnes casus qui quandoque inciderint comprehendantur. Item: Non possunt omnes articuli singillatim aut legibus aut SCis comprehendendi. Et verò hinc adeo fit, ut ad omnes leges opus sit τῇ ἀπαιτείᾳ aut æquitate, quæ (ut scite definit Aristoteles l. 5. Ethic. c. 10.) ἐστὶν ἐπιτέλεσμα νομικῆς δικαιοσύνης. Quam

Quam rem prolixius quidem non nihil, adeo eleganter tamen & perspicue illustravit Ethici operis Paraphrastes Græcus, quem modò laudabamus, ut sit pretium operæ doctrinam ejus integram huc afferre, ex lib. 5. c. 16. *Hujus vero emendationis (quæ sit per Anaximandram) causa hæc est, quod universaliter pronuntiet lex omnis: quibusdam autem singularibus secundum rectam rationem accommodari hoc non possit. Quia ut definitum quid lex est, ita definitum quid respicit; indefinita autem sunt nec uno modo se habens singularia. Ut e. gr. Lex jubet in genere, omnem peregrinum qui muros ascendit, mori. Forse fortuna aliquis ascendit, qui egregium virtutis documentum dedit. Si ergo Legem hanc illi qui rem gessit strenue accomodemus, atq. interficiamus hominem, præter rectam rationem & id quod justum est agemus. Eodemq. modo in multis habet alius. Nec tamen hoc erratum siue in Lege, siue in Legislatore est, sed in ipsa negotiarum natura. Etenim Legislator (quia impossibile est singulare omne comprehendere & quæ numero sunt infinita) id, quod ut plurimum fit, sumit, eoque respiciens fert Legem. Neg. propterea quod vitium sale ignores Legislatore, nihil definitis in Lege: sed quis fieri non potest, ut negotiarum natura definitione circumferibatur, aliter illis atq. aliter se habentibus. Indefinita enim rerum agendarum est materia, multasq. patitur mutationes. Ideoque illa quæ ut plurimum accidunt, Legislatores respiciunt. Etenim ut peregrinus aliquis belli tempore muros ascendat, atq. ex iis belli tempore ferat suppetias, raro evenit: sæpius vero ut in detrimentum urbis ascendat. Cum ergo necessario sit sciendum, quo pacto ejusmodi sint servandæ leges, præterea quando, & in quibus: oportet quoque habitum dari aliquem, quo emendari errata ejusmodi possint. Talis vero est Æquitas quæ defectus Legis suppletur, & quod erratum est corrigitur, novaque definitio, quam prætermisit illa, quod singularia omnia hæc non*  
*verit,*



Notandum vero est quod diximus, mereri Scientiæ nomen illam cognitionem, quæ ut plurimum rebus est consentaneâ, ita ut non nisi raro occurrat quod fuerit præter visum. Farentur nimirum & nos, indignū te esse illo titulo, si ea duntaxat noveris quæ raro & infrequentius contingunt. Si eadem habeas perinde ac si plerumque eveniant, etiam erras. Quamvis sua laude privandus non sis, si quæ raro contingunt ex merito suo æstimes, h. e. in numero habeas eorum quæ raro occurrunt. Non sane illa, quæ etiam discedunt ab eo quod plerumque fit, in demonstrativo aliquo syllogismo civilium rerum locum inveniunt. Recte enim Galenus l. 4. de ratione victus in morbis acutis: *Omnis doctrina ex universalibus recipit incrementum: quæ si perpetua fuerint, primam habent utilitatem: si vero magna ex parte, secundam; quod si anceps quippiam vel ratum fuerit, id ad doctrinam inutile censendum est.* Certe nullum ex raris illis eventis construere præceptum potest, quod reip. sit utile. Eoque verum est quod dixit Iulius Celsus: *Ex his quæ forte uno aliquo casu accidere possunt, iura non constituntur.* Recte etiam Pomponius probavit illud Theophrasti: *iura constitui oportere in his quæ ἐν τῷ πλείστοις accidunt non quæ ἐν παρρησίᾳ λόγῳ.*

## CAPUT IIX.

*Quo nomine certa Civilium rerum cognitio  
debeat appellari; qua item dignitate  
æstimari.*

**R**erum civilium certam & qualis demonstratione comparatur notitiam dari, secus quàm multis vulgò est persuasum, firmis nisi fallor argumentis constituimus. Ea vero res jubet nos deinceps statim inquirere, paucis tamen, quale nam ergo nomen & quem dignitatis gradum cognitio isthac contineatur.

Tan-

Tantum quinque scilicet numerantur, Aristotele quidem autore, mentis nostræ habitus, qui certam rerum veritatem percipiant : Sapientia , Scientia , Prudentia , Ars, & quem *ἡ* Græci Interpretes Latini Intellectum appellant: neque est quare nos, idem qui valeant, plures habitus mentis numeremus. Quamvis vero apud scriptores passim hæ voces non semper eodem sensu accipiantur, adeoque sæpius altera pro altera, sive per imperitiam sive ex vulgi consuetudine, soleat poni, nos tamen nunc sequimur accuratorem illam doctrinam quam hac de re instituit Aristoteles *1.6. Eth. Nicom.* Et vero Aristoteli urique fuit consilium, isthoc loci accurate ista tractare: eoque semper alibi, & in ipsis Metaphysicis, solet nos hoc in argumento rejicere ad hunc locum. Igitur extra controversiam nunc collocabimus, quas ibi significationes vocibus illis Aristoteles adscribit, eas maximè esse genuinas: ut eò expeditius liceat nobis definire, cujusmodi sit mentis habitus nostra illa, qua de agimus, civilium rerum cognitio.

Antequam vero id præstemus unus alterque error est eximendus, quem qui Aristotelem volunt videri quam maximè sectari, solent vulgò errare. *Primò* enim creditur, ita hos quinque memoratos habitus inter sese distingui, quasi circa unum idemque objectum nulla ratione occupentur. *Deinde* cum Aristoteli Ars *ποίησις* dicatur, Prudentia *πρᾶξις*, *πρᾶξις* & *ποίησις* existimantur eo inter se differre, quod hæc semper opus aliquod sensile producat, (Ut sutoria producit calceum, Architectonica domum,) illa non item.

At vero primum quidem illud Aristotelex doctrinæ non esse consentaneum, vel inde liquet, quod Sapientiam ex Scientia & Intellectu quasi componi Aristoteles docuerit. Hinc

vero omnino est consequens, Scientiam aliquam & Intellectum versari circa easdem res, circa quas & Sapientia versatur, etsi non vicissim omnium illarum rerum quarum est Scientia vel Intellectus etiam sit Sapientia.

Liquet vero idem etiam ex eo, quod Aristoteles in libris Acroamaticis (ubi quam accuratissime loquitur) non ex præscripto illo vulgi vocabula istæ Scientiæ, Prudentiæ, Artis, distinctim usurpet. Statim initio quippe ipsius Eth. c. operis, memorat ille ἐπιστήμας πραγματικές: libro 1. r. Metaphys. c. 6. & 7. ἐπιστήμας ποιητικές, addito Medicinæ Gymnasticæ Architectonicæ & Musicæ exemplo. Lib. 1. Metaphys. cap. 1. mentio fit ἐπιστημῶν ad vitam utilium, quæ ipsæ ibidem mox Artes appellantur: imo discrete scribitur, τὴν τέχνην τῆς ἐμπειρίας οἰόμεθα μᾶλλον ἐπιστήμῃ εἶναι. Libro 1. Polit. cap. 4. memorantur ἐπιστήμαι δ' ἄλλα, item ἐπιστήμη διοποτική quæ sit χρηστική δ' ἄλλα. Libro 2. Polit. c. 6. ubi dictum fuisset, præfuisse nonnullis scientiis antiquorum institutorum mutationem, additur pro exemplo οἷον ἰατρική καὶ γυμναστική καὶ ὅλως αἱ τέχναι πᾶσαι. Lib. 8. Polit. c. 6. fit mentio ἐπιστήμας χειρουργικῆς, ut 2. Eudemiorum c. 3. πρῶτως ἐπιστημονικῆς. Mitto alia Aristotelis loca, quæ passim reperiuntur haud pauca.

Non est vero quod dicas, Aristotelem minus ibi exacte locutum esse. Utique enim debuit ille in Acroamaticis loqui quàm accuratissime. Hic itaque prætextus est reapse Aristotelis accusatio, illaque cum ejus injuriâ conjuncta. Et vero libro 1. Metaphys. statim atque Artes scientiæ nomine appellasset subjungit: *Dictum autem in Moralibus est, quænam sit Artis & Scientiæ differentia.* Unde liquet, saltem rum Aristoteli in mente fuisse definitiones Artis & Scientiæ n. Ethicis propositas.

Eam porro in Ethicis & Analyticis alibique Scientiæ definitio.



finitionem tradit Aristoteles, quasi cognitio demonstrativa omnis debeat Scientia appellari. Jam vero possunt & Artium & Prudentiæ præcepta universalia demonstratione cognosci.

Nec obstat, quod Scientia secundum Aristotelem circa theoretica versetur. Nam & universalia illa præcepta Artium & Prudentiæ, in quantum talia, theoretica sunt, *πραγματικὰ* autem aut *ποιντικὰ* demum censentur quatenus singularibus operationibus moderantur.

Similiter & alterum illud arbitramur non esse Aristotelicæ doctrinæ consentaneum: quantumvis Aristotelem ita acceperit etiam Alexander, (sive quis alius est Græcus Metaphysicorum interpres, cujus versionem Latinam publicavit Johannes Sepulveda,) *l. 6. metaphys. num. 2. lib. 11. num. 25.* ut & Eustratius *l. 6. Ethic. c. 5.* Imo quamvis alij s jam olim ita visum fuisse, liqueat ex Quintiliani *l. 2. Instit. cap. 19.* Primo enim certum est, nusquam id disertis quidem verbis ab Aristotele doceri, quod fieri tamen omnino debuisset in Ethicis, hoc est loco proprio. Deinde ubique Aristoteles non alias artes agnoscit quàm *παιντικὰς*, & tamen passim hoc nomine dignatur eas, quæ nequaquam operis, quod oculus subicitur, consummatione finem accipiunt: prout tamen loqui amabat Fabius. Ita Aristoteli passim artes audiunt: Musicæ omnes, inque iis Citharistica, Orchestrica, item Dialectica, Rhetorica, Medica, Gymnastica: quarum nullum opus est sensibile, nisi per accidens: ut oratio scripta opus est Rhetoricæ.

Quod usque adeo clarum est, ut Alexander, Eustratius & alii, coacti fuerint artes quasdam practicas agnoscere. Non tamen ad mentem Aristotelis: utpote qui simpliciter Artem definiverit *ἐν ποιντικῇ*. Disertis porro verbis de præxi pronuntiat Aristoteles, non illam propter seipsam esse, sed

interdum ob finem quendam alienum *lib. 6. Nicomach. cap. 5.*  
*τῆς μὲν γὰρ ποιήσεως ἔπει τοῦ τέλους, τῆς δὲ πρακτικῆς οὐκ αἰετ.*  
 quæ totidem verbis reperias *lib. 5. Eudemiorum c. 5.*

Sic igitur sese res habet. Scientia non tantum circa merè theoretica, sed & circa *ποιητὶς* & *πρακτικὴ* simul cum Arte & Prudentia versatur. Eoque fit, ut cognitio aliqua nunc Scientia sit, nunc Ars aut Prudentia. Aliter tamen Scientia aliter Ars & Prudentia circa subiectum occupantur. Scientia enim consistit in nuda cognitione æternæ veritatis, cum aliorum, tum eorum etiam, quæ aut agi aut effici possunt, adeoque quatenus & illa sunt aliquo modo theoretica. Artis verò & Prudentiæ officium est, videre quemadmodum illa si-ve *πρακτικὴ* si-ve *ποιητικὴ* quadam singulari in effectu possint deduci. Hinc Ars & Prudentia non sunt quidem universalis, norunt vero potissimum tanquam principia operationum: Scientiæ autem illa magis conclusionum sunt loco, ex principiis nimirum propriis & indemonstrabilibus demonstrata.

Et vero tum Prudentia tum Ars quam maximè circa particularia occupantur, ut præclare docet Aristoteles in Ethicis: etsi præcepta artis & prudentiæ sint universalis. Hoc ipsum vidit Joan. Baptista Montanus Philosophus non minus quam Medicus doctissimus: qui proinde ad cap. 2. Fen. 1. l. 1. Canonis Avicennæ ita est locutus: *Ars dupliciter considerari potest: uno modo ut versatur circa materiam & subiectum extrinsecum, circa quod operatur: altero ut versatur circa universalis & rationem faciendi. Priori modo Medicina est Ars, posteriori Scientia. Respectu Platonis vel Socratis quem curare debet, Medicina est Ars: respectu vero artificis, ut ipse mederi novit in mente, est Scientia.*

Hoc observato, patet simul, minus recte sentire, qui omne problema Euclidean Artem esse pronuntiant, non Scientiam.

Et si



Et si enim problemata illa effici aliquid postulent, quoniam tamen illa effectio non pertingit ad aliquod opus singulare, hinc Problemata non minus quam Theoremata ad scientiam mathematicam pertinent, & per consequens unà cum theorematibus locum suum in methodis mathematicis inveniunt, secus quam fieret si problemata artes essent.

Differentiam *πραξις* & *ποιησις* porro quod attinet, videtur illa potissimum in eo collocari, quod praxis maxime proprie ita dicta sit summi boni humani, *ποιησις* vero singularis alicujus usus gratia instituta operatio. Hinc sanè fit, ut operationes virtutum sint *πραξις*. & quoniam in talibus operationibus practicis plarisque ipsa consistit felicitas, *πραξις* etiam plaræque non alieni finis ergo ineantur, sed earum paucæ tantum: quæ scilicet non proximè quidem ex virtute fluunt, juvant tamen ad virtutem comparandam vel auxiliandam ornandamque. Ex aduerso non potest non *ποιησις* quilibet respicere finem à sese distinctum; est scilicet *ποιησις* effectio operis propter finem alienum. Jam verò fieri utique potest, ut una aliqua operatio nunc summi boni, nunc particularis commodi causa exerceatur; cœu in bello subit pericula miles, alius lucri, alius reipubl. causa, quorum hic *πραξις* alter autem lucrum efficit. Hinc adeò fit, ut eadem quodammodo operatio & *πραξις* & *ποιησις* sit, pro diversa finis ratione. Eadem ajo quodammodo. Accurate enim si loquaris, reuèra non est eadem; utpote cum fine distinguantur, fini autem potissimum essentiam suam operatio quæque debeat. Et vero cum summum bonum & particulare aliquod commodum toto genere differant, necessum utique est, tales operationes reuèra toto genere differre, prout de omni *ποιησι* & praxi Aristoteles etiam pronuntiavit.

Hinc liquet, Artem & Prudentiam, quarum illa circa  
*ταῖς*

his nominis hæc *negotius* occupatur, quàm maximè scopo differre: fieri tamen interdum posse, ut quodammodo Ars & Prudentia unum idemque agat, diverso licet scopo.

Ex hisce quæ diximus lucem accipit Aristotelis doctrina, cum alia tum illa, quam habet *l. 5. Polit. cap. 6.* ubi ingenuum & ad optima quæque educandum juvenem negat in Musicis instituendum esse *τεχνικὴ παιδεία*. *Τεχνικὴ δὲ* ait, *πῆμεν τὴν πρὸς τοῖς ἀγῶσι εἰς αὐτὴν γὰρ ὁ περὶ τῶν, ὅς τῃς αὐτῷ μεταχειρίζεται χάριν ἀρετῆς, ἀλλὰ τῆς τῶν ἀναύτων ἡδονῆς καὶ ταύτης φορτικῆς.* Verum hæc prolixius docere non potitur instituti ratio.

HISCE obiter ita explicatis, Politicam, qua de nos agimus, veram & propriè dictam esse SCIENTIAM affirmamus. Quandoquidem versetur circa subjectum non minus perperuum & constans atque sunt res naturales; demonstrationes quoque admittat certas ac genuinas; axiomatibus denique aliisque longo usu compertis principiis innitatur. Locutus vero ad eum modum Aristoteles est non semel. Etenim initio Nicomachiorum non obscurè illam appellat ἐπιστήμη ἀρχιπολιτική. Ipsomet lib. 6. (ubi quam accuratissime voces illas exponit) cap. 7. ἐπιστήμη πολιτική memorat distinctè ἀπὸ τῆς φρονησεως. Lib. 4. etiam Polit. cap. 1. scribit his verbis : τῆς αὐτῆς ἐπιστήμης esse, describere ὁ ἀριστὰν τὴν republ. illam quæ maxime est ex νόμῳ, ὁ ἰλλὰμ quæ multis conveniat. Alia loca adducere non attinet. Omnino vero huc pertinet excusatio, quam prolixiori de rerum publicarum differtentiis doctrinæ præmittit. lib. 3. Polit. c. 1. τῶ δὲ τοῦ ἐκάστη μεθόδου φιλοσοφῆντι, καὶ μὴ μόνον ἀπεβλέποντι τοὺς τὸ πράττειν, οἰκίον ἐπὶ τὸ μὴ παρῆναι μὲν τι καταλείπειν, ἀλλὰ διὰ τὴν τοῦ ἐκάστη ἀλήθειαν. Unumquemque circa methodum sive doctrinam aliquam philosophanti, non autem

tem ad solam operationem spectantem, oportet nihil prater videre & nihil negligere, siue cuiuslibet omnino rei veritatem ostendere. Hisce sane verbis apertè significavit, doctrinam Politicam non omni ex parte aut unicè τὴν πρᾶξιν spectare sed habere aliquid θεωρητικόν, quod tamen in doctrina Politica negligi non debeat, sed accurate tradi. Similiter lib. 1. Polit. c. 11. cum de omni arte χρηματιστικῇ prolixè egisset, subiungit: ἐπὶ δὲ τὰ πρὸς τὴν γνῶσιν διατρέκαμεν ἱκανῶς, τὰ πρὸς τὴν χρῆσιν δὲ διελτεῖν, πάντα δὲ τὰ τοιαῦτα τὴν μὲν θεωρίαν ἐλάττωσεν ἔχει, τὴν δὲ ἐμπειρίαν ἀναγκαίαν. Unde itidem patet, Theoreticum aliquid occurrere in doctrina Politica, quodque proximè ad τὴν πρᾶξιν non faciat. Proxime, inquam. Revera enim etiam istuc facit, non quamvis proximè. Quod enim nullo modo usui civili inservit, non etiam est Politici argumenti.

Si Politica autem Scientiæ nomen jure meretur, patet doctrinam etiam aliquam de Legibus idem haud injuria mereri. Non quamlibet tamen plebeiam, aut illam quæ totam se occupat in legibus unius alicujus singularis republicæ, Romanæ scilicet. Sed generaliore illam, quæ circa Leges omnium reipublicæ specierum versatur, ut ex ijs quibus patet est fontibus & accurata ratione tradatur: cum utiq; sit Politicæ verissimum munus ferre leges, ut supra docuimus. Qui ergo ita loquuntur de Legum peritiâ quadam, illoque vocabulo eam nuncupant, non loquuntur improprie: etsi unius Romanæ aut alterius alicujus civitatis jurium peritiâ nomen illud perquam improprie mereatur.

Eadem porro Politica jure censeretur etiam PRUDENTIA potest, in quantum cum primis hæc scientia qui est imbutus, redditur aptus reipublicæ gerendæ, adeoque ijs quæ humanæ societati sunt commoda administrandis. Etenim

qui isthæc generalia Politica tenet præcepta, illi non est multum difficile in rem & usum isthæc transferre. Certè nisi isthæc teneat, non poterit omni reipublicæ omnibusq; negotijs rectè consulere; utpotè cum præcepta isthæc sint omnis rectæ civilis administrationis principia. Quod si tamen quis illa non possit transferre in usum, is (fateor) non est Prudens. Adeoque revera, ad id ut Prudentiæ nomen commercetur hæc scientia civilis, necessum est accedat illa in singularibus civitatis negotijs versandi & humanis rebus rectè consulendi facultas. Optimè Aristoteles *lib. 6. Ethic. c. 8. Prudentia non tantum est rerum universalium, sed opus est, ut singularia etiam cognoscat. Est enim activa, at actio circa singularia versatur.* Cæterum cum isthæc agendi facultas plerumque adsit, si teneas civilem scientiam, certè facili negotio ab homine intelligente possit addisci: hinc adeò praxeos illius respectu, haud malè etiam & potest pariter & solet universalis isthæc quoque civilium rerum peritia Prudentiæ nomine usurpari. Perinde nimirum, ut consimiles omnes scientiæ *πρῶτον* simpliciter Artes audiunt, cum primis ipsamet doctrina Medica artis titulo usurpatur.

Nec tamen universalis hæc peritia est propriè illa Prudentiæ species, quam Aristoteles *δεξιπαινεύω* præ alijs existimat. Id quod tamen multi vulgo arbitrantur; eo decepti, quod Aristoteles reliquas Prudentiæ species *particulares* appellet sæpe laudati *libri 6. Nic. c. 8.* Etenim qua de agit Aristoteles illa *σοφία* est, adeoque etiam ipsa circa leges singulares ferendas occupatur. Nec vero alia de causa hæc *σοφία* *ὑπερβολικὴ* Universalior, alia autem species *particulares* Prudentiæ, Aristoteli dicuntur: quam quoniam hæc tantum sive in consilijs, sive in judicijs, adeoque in singularibus nego-

negotijs tantum versentur, νομοθετικὴ autem vel Legislatoria prudentia in universum negotijs civilibus leges præscribat.

SAPIENTIÆ aut σοφίας nomen, Aristotele quidem accuratissimo Græcarum vocum censore iudice, scientiæ civili propriè non convenit: audit tamen ita omnis Prudentia cum alijs multis tum sacris etiam scriptoribus. Verum hi eadem voce omnem omnino Philosophiam comprehendunt, ceu cum alias liquet, tum præcipue de sacris quidem autoribus manifestum est ex Salomonis encomio illo quod legitur 1. Reg. 4. Ut hi proinde σοφίας vocabulo non voluerint distinctim significatam scientiam omnium nobilissimam. Itaque illo quidem apud Hebræos aliosque recepto vocabuli usu, non prohibetur, quo minus σοφία nuncupetur civilis scientia, ceu mox clarius patebit: posita autem Aristotelica vocis interpretatione, vetatur id ipsum, & quidem maximè ideo, quod civiles & in universum omnes humanæ res nequaquam sint eorum quæ à nobis cognosci possunt nobilissima, ad illa verò unicè Sapiencia sese exporrigat. Quo argumenti genere ipsemet utitur Aristoteles 1. 6. *Ethic. cap. 7.*

Plato porro in dialogo cui Politico nomen est, βασιλικὴ καὶ πολιτικὴ ΤΕΧΝΗΝ agnoscit. Aristoteles quoque 1. 6. *Politic. c. 5.* τὸ πρῶτον usurpat de civilibus sophismatibus quæ appellantur. Obscurius idem 1. 2. *Polit. c. 8.* Politicam accenset Artibus. Porro si Ars est, quæ opus efficit permanens, videtur quoque & Politica ars esse: utpote cum respublica non minus sit opus aliquod permanens atque sanitas humana, quam effici ab arte Medica omnes consentiunt. Verum Platonis quidem testimonium non est quod nos moveat: usque enim adeo ille abusus in Dialogo illo est voce Artis, ut contemplativas quasque scien-



tias ea comprehenderit: perinde ut à Galeno, Luciano & alijs factum est. Ab Aristotele autem Artis titulum Politicæ esse inditum, *lib. 2. Polit.*, non sane liquet: imo videtur hanc potius scientiam ibi appellatam. Nec vero etiam est, quare vocem Artis juxta vulgarem definitionem accipiamus: cum in vitio illam cubare paulo ante sit demonstratum. E contrario autem indignum esse, uti Artis nomine audiat Politica, manifestum ex eo est, quod societas civilis etsi non omnino, ut nunc tamen plerumque sunt mores, ad summum faciat hominis bonum, artium vero materies longe sit ignobilior. Quoniam tamen nonnullæ civiles societates nomine magis tales sunt quam reapse, eoque non ad illam felicitatem summam, sed ad alia (divitias scilicet aut potentiam) referantur, neque bonis ac laudatis medijs sed fraudibus etiam ac sceleribus studeant id quod propositum habent assequi; haud inscitè fortassis Artium nomine tales Politicæ scientiæ sive species sive partes appellaveris. Sane ejusmodi sunt illa sophismata, de quibus Aristoteles τὸ πᾶσι παρὰ φύσιν usurpavit, quæque vulgo πᾶσι παρὰ φύσιν audiunt.

VERUM de hisce satis. Antea tamen quam hunc locum deseramus, monet rei affinitas verbo etiam indicare, jurene an injuria Politica Philosophiæ pars habeatur, & num sit revera omnium scientiarum maximè Architectonica. **I.** Ac prius quidem ut brevibus expediamus, ponimus nunc extra controversiam: Philosophiam non esse, vel quamlibet, vel quarumlibet rerum scientiam; sed eam demum, quæ & certior est, & earum rerum, quarum cognitio animi hominis reddit beatiorē. Absurdum scilicet fuerit quamvis rerum sine discrimine licet certissimam cognitionem

nem Philosophiæ titulo donare: utpote cum ita & artes quæq; serviles imo ludicræ, inter Philosophiæ species fuerint numerandæ. Quo nihil dictu est absurdius. Quo sensu autem nos Philosophiæ vocem intelligendam diximus, eo sensu semper disputatū est & olim, utrum Physica & Mathematica & Logica sint Philosophiæ partes. Jam vero, qualia nunc sunt tempora, fieri vix potest ut feliciter homo vivat, nisi accedentibus civilibus institutis. Quandoquidem igitur ea quæ felicitatem humanam iuvant, ignorari nequeunt absque felicitatis humanæ dispendio: proinde non est dubitandum, merito Politicam inter Philosophiæ partes recenseri.

Similiter facile est expeditu & Alterum: si ponamus maximè Architectonicam cognitionem esse illam demum, quæ definit, quantum quælibet scientia homini conducatur, adeoque in quantum & quare sive omni sive nonneminī eorum in universum quælibet sit discenda. Non esse autem Politicæ definire, quid simpliciter felicitati humanæ sed duntaxat quid reipublicæ & civili sit societati commodum: quippè cum non simpliciter ad beatitudinem huius vitæ opus sit societate ista, sed tantum propter mores, qui nunc passim terrarum obtinent, ut alibi demonstratur. *ΑΡΧΙΤΕΚΤΟΝΙΚΗ* itaque omnium scientiarum est quidem Politice respectu civilis societatis, quandoquidem nulla earum debeat ab illa societate abesse. Simpliciter tamen Architectonica omnium non est, sed potius Ethica hanc dignitatem videtur promereri: utpote quæ omnia illa, quæ ad vitæ humanæ pertinent felicitatem prosequatur simpliciter ac universim.

II.

*Quemadmodum Experientia cum propria tum aliena inserviat comparanda civili prudentiæ: Vtq. aliena quam optima possit ex historicis monumentis accipi.*

**Q**ui limites sint & quæ natura Civilis doctrinæ, hæcenus exposuimus. Consequens est ut viam muniamus, quâ ad illam liceat pervenire. Etsi enim jam tum docuerimus, ipsam quidem illam Philosophiâ per demonstratorem ex ijs quæ experimento sunt percepta comparari, eâque occasione de utroque illo nonnulla nobis dicta sint; instituti tamen ratio postulat, uti & exactius & clarius isthæc expendantur. Ordine igitur progrediemur, initio ab Experientia factò, utpote quæ ut aliarum artium & scientiarum plerarumque ita & civilis hujus quasi mater est. Nec verò hoc quidem loco docebimus, quid usus & experientia conducat ad id, ut queas præcepta Civilis prudentiæ in rem transferre, & secundum ea reipubl. cuivis consulere, id enim post dicendum: nunc tantum videbimus, quemadmodum Experientiæ beneficio principia Civilis scientiæ quàm commodissimè comparentur.

Ac quousque porrigere quidem sese debeat Experientia omnis Civili scientiæ inserviens, haud difficile est definire. Quum enim illa unice suggerat quasi principia omnis civilis doctrinæ, hæc autem versetur circa civitatem & rempubl. non in genere tantum, verum etiam circa omnes ejus species harumque affectiones, virtutes, inquam, vitia, salutem & interitum, adeoque & circa leges ac instituta omnium; manifestum est, Experientiam illam in omnibus omnino reipubl. speciebus, earumque casibus, eventis, moribus, & institutis, occupandam esse,

Est



Est autem Experientia duplicis ordinis: propria alia, alia aliena. Propria indubiè animum nostrum quàm maximè reddit certum. Rectè enim de illa Plinius loquitur: *Usus est efficacissimus rerum omnium magister.* Eoque anniti sanè oportet, ut quantum datur nostrapte opera quicquid ad rempubl. facit, usu addiscamus. *Quisquis profectò in re civili intelligens haberi volet, illi opus est experientia;* ut scitè dixit Aristoteles x. Ethicor. c. ult.

At verò ut omnia reipubl. negotia usu comperta habeat homo unus, id neutiquam potest fieri: quamvis ad maximè seram ille ætatem perveniat & operam omnem in id impendat. Ea enim est multitudo negotiorum & casuum, quarumcunq; etiam reipubl. specierum, regni, democratiæ, aristocratiæ, aliarumq; ut vel unius speciei omnibus usu addiscendis unius hominis ætas & industria haud sufficiat; tantùm abest, unum aliquem parem esse rerumpubl. omnium quibuslibet rebus experiundis. Proinde etiam, aut fieri non potest ut scientiam civilem homo unus consequatur (utpote quàm nisi principiis cognitis non hæc parari, nec principia intelligi nisi per experientiam possint) aut præter propriam aliena experientia in auxilium advocanda est, quò Civilis scientiæ fias compos. Absurdum autem creditu est, Scientiam Politicam ab uno aliquo homine parari non posse. Porro propria Experientia in senectute demum complementum suum accipit; etenim *seris venit usus ab annis*, ut ait Poëta. Itaque si illâ solâ liceat uti, tum demum possit homo Civilis esse scientiæ particeps, quando ad res gerendas minùs amplius est aptus. Alienum autem est à naturæ providentiâ, ut illa servaverit summè utilem scientiam illi demum ætati, quæ in idonea est scientiam istam in usum, cui unicè est consecrata, transferre,

Igitur

Igitur vel hinc patet, jubere quasi naturam rerum, ut à sola nostrapre experientia non omnia expectemus, sed confugiamus etiam ad alienam. Posse verò & illam plurimum benefacere, res docet. Nec verò ulla ars & scientia non maximam partem alienæ illi innititur. Videmus verò planè idem evenire in civilium rerum scientia: utpote quum, ut Tacitus l. s. Annal. ait, *plures aliorum eventis doceantur*. Tutam verò illam esse & certam, modò rectè sese habeat, alibi pluribus demonstratur.

Ceterum Experientiæ alienæ compendium omnium locupletissimum est Historia. Non enim inscitè Empiricis Medicis Historia olim definita est: *oratio eorum qua visu perspecta sunt aut quasi perspecta*: si tu per visu perspecta intelligas omnia usu comperta. Quocirca quod Polybius lib. I. dixit, ἀληθινώτατον παιδείαν καὶ γυμνασίαν πρὸς τὰς πολιτικὰς περὶ τὴν τῶν ἐκ τῆς ἱστορίας μάθησιν εἶναι, i. e. *verissimam institutionem exercitationemq.* ad civiles actiones esse eam qua ex historia petitur doctrinam; id de hoc usu scientiæ civilis comparandæ quò de nunc agimus, non minùs verissimum est, quàm de commodo quod eadem proximè præstat rebus gerendis. Et verò omnis generis Regna, Aristocratias, Democratias, Oligarchias, aliasque respubl. quemadmodum illæ omni tempore fuerint legibus ac moribus institutæ, unde ortæ, quare perierint; quid fecerit illas florere, quid mutare; non uno aut altero sed plurimis exemplis, & tamen citra magnum laborem, citraq; longi temporis jacturam, animo item nullis affectibus præpedito, ex historiâ licet pernoscere. Quod ipsum usque est adeo omnibus cognitum, ut, quanquam in promptu sint plurima ab optimis scriptoribus prodita in hanc rem Historiæ præconia, tamen testimonijs isthac in luce non sit opus.

Verum

Verum enimvero magna est monumentorum historicorum varietas: eoque non omnia perinde huic quidem nostro proposito benefaciunt, sed delectus aliquis prudenter est instituendus. Primum enim naturalium aut medicarum utique rerum historia nihil hic juvat, sed sola ea quæ in civilium narratione occupatur. Est autem & hæc alia ficta, alia vera & ex rebus ipsis quasi expressa. Ficta aut versatur apertè in humanis rebus aut per simulachrum. Prioris generis sunt Fabulæ poetarum, aliorumque nonnullorum, qui descripserunt confictas à se vel respublicas vel res gestas. Posterioris ordinis sunt Apologi; sive de plantarum brutorumque animalium actibus ad humanarum rerum effigiem compositæ narrationes.

Quamvis verò usum suum omnia illa habeant, ad experientiam tamen civilem comparandam non nisi per accidens conducunt. Nec enim inde discere est quid reapse evenire soleat; sed duntaxat, quid figmentorum illorum scriptoribus fuerit visum, contingere in humanis rebus solere. Qua in re fieri indubiè potest uti errent ipsi: immo eorum multi plurimum jam erraverunt, Poetæ præsertim Græci Romanique. Ac proinde certæ quidem experientiz nihil inde consequi poteris. Minimè omnium isthuc faciunt Apologi; utpote quorum argumentum à rebus ipsis omnium maximè remotum est.

Et verò omnis in universum Historia ficta, quamvis ingeniosissimè elaborata fuerit, auctoritatem suam & fidem non à rebus ipsis sed ab existimatione narrantis accipit: proindeque utut delectet, neminem tamen certâ aliquâ notitia, sed tantum opinione probabili instruere apta est, & quidem prout auctor ipse majori est in prudentiæ laude.

In figmentis itaque ejusmodi non profectò est cur

terat tempus, cui certam civilium rerum scientiam comparare consilium; sed omninò vera historia illi est adeunda, quam tu quo signo dignoscas, non est huius loci exponere.

Est verò & Historiæ veræ ingens diversitas. Quædam enim non attingit ipsa reipubl. sed alia quævis hominū negotia: qualis est quæ domestica, aut privatorum itinera, aut etiam prælia narrat, vel quæ in temporibus & familijs digerendis occupatur. Ac proinde licet ejusmodi Historia sit nonnunquam apprimè ad viram utilis: ad civilem tamen usum per se non adjuvat, nec Politicæ prudentiæ consulit, utpote quæ à reliquis prudentiæ speciebus diversa est. *Per se*, inquam, non juvant historiæ illæ prudentiam quæ propriè Politica est; per accidens tamen etiam huic profunt, quoniam omnia vitæ humanæ negotia solent in reipubl. actibus locum suum obtinere; ac proinde ad hunc quoque ordinem istæ historiæ hætenus possunt referri.

Ceterum quæ res civiles commemorant Historiæ, pertinent huc indubie quam maximè. Solent autem illarum pleræque in rebus gestis enarrandis occupari: quædam tamen potissimum ipsas reipubl. formas, mores, eventa & instituta describere annuntur. Ad hoc aliæ nudè tantum casus, actus, resque omnes enarrant, ad horum causas non attendentes: aliæ verò ne has quidem solent silentio præterire.

Quin autem in universum omnes hæ multum queant experientiæ Politicæ conducere, non est dubitandum: simul tamen manifestum est, illas quæ causas eventuum civilium exponere haud negligunt, alijs istis longè utiliores esse. Nec verò abs re est, quod Polybius gravis scriptor olim dixit: *Ab historia si quis auferat quære, quomodo, quo fine*

111111111

*unumquodque sit gestum, & num id quod actum est ex ratione satis ceciderit: quod ejus reliquum est exercitationi quidem prodest, non tamen doctrina.*

Prima laus porro videtur rerum publ. descriptionibus tribuenda; utpote quæ, siquidem rectè sese habeant, & multò plurima & nobilissima, quæque ut ita dixerim ad ipsam pertinent reipubl. animam, nos possint edocere; quum reliquæ in ijs quæ non nisi à rerum publ. institutis vii & speciem suam nanciscuntur magis hæreant, potissimis quibus res publ. quævis innititur plerumque prætermisissis. Hac sanè ratione permotus videtur fuisse Aristoteles, ut Politicam scientiam traditurus, non actorum civilium (prout vulgò adsolet fieri) sed rerum publ. & quidem multarum adeo historias conscriberet: utque extremo Nicomachiorum promitteret, *ἐκ τῶν συνηγμένων πολιτικῶν* sese docturum, quid cōseruet aut perdat civitates, quæve quamlibet reipubl. benè aut secus faciant administrari.

Pertinent porro ad hanc historiam, Legum quoque ac institutorum civilium recensio. Plurimum certè ad usum civilem facit, si teneas, quid apud varias gentes aut civitates, de ijs quæ ad omnem vitam civilem pertinent, vel legibus sit cautum vel receptum consuetudine, quantumque commodi aut incommodi instituta illa singulis civitatibus adferre soleant. Unicè sanè prodest ad *τῶν νομοθεσιῶν* variarum hæc legum experientia: idque disertis verbis jam monuit Aristoteles *lib. 1. Rhetor. c. 4.* jubens proinde *νομοθεσίας* causâ consulere libros quibus *τῆς γῆς ἀριθμοὶ* continentur, quoniam ex ijs leges & instituta gentium queant hauriri. Quin & Theophrasto Eresio Aristotelis in Lyceo successori usus idem observatus est: qui quatuor & viginti Legum libros congescit, *ex quo omnium civitatum non Græcia solum sed*

*etiam Barbaria leges cognosci*, apud Tullium Piso profite-  
tur.

Solet porro de rerum publ. negotijs non tantum ijs in monumentis agi, quæ propriè historica nuncupantur, sed & in Epistolis & Orationibus perquam multis. Immo ex Epistolis sæpe gravissima, & maximè cæteroquin arcana, petere est; nunquam magis animum suum exporrigente scriptorum stylo. Eadem pæneratio est Orationum nonnullarum deliberativi, interdum & demonstrativi generis.

Quocirca hæc etiam versanda diligenter fuerint, ad experientiæ civilium rerum decus aliquod adspiranti. Si istamen observetur delectus, quem circa libros historicos sic propriè dictos commendavimus; utpote quum neq; hîc desint qui præ alijs in latentes negotiorum causas penetrantes, actorum quorumcunque consilia exponant, adeoque maximo queant esse adiumento.

Neque verò alia cautela in delectu videtur opus circa ipsa etiam historica monumenta. Quod sanè quidam suadent, nova veteribus præferenda, id quidem ad prudentiam illam quæ jam circa res agendas occupanda est, fateor, per est utile. Simpliciter verò usui rerum consequendo, aut parandis Politicæ scientiæ principijs, non est cur aut novis vetera aut veteribus nova anteponas. In rebus videlicet humanis eadem semper agitur fabula; ut qui nôrit quæ olim contingere solita, idem ignorare nequeat nostrorum etiam temporum similes casus fortunamque.

Ast vero quicquid horum est historicorum operum, revera non nisi materiam exhibet parandæ Civili Experientiæ. Ut nimirum illam ipsam Civilem Experientiam ex monumentis istis historicis consequaris, necessû porro est,

*primum*

*primum* ut summa attentione historias quasque in animum admittas, *deinde* vero omnia illa firmiter memoriâ comprehendas sæpiusque reperas & animo volvas. Est nempe, quod jam tum supra dictum, Experientia aliud nihil, quàm unius rei iterata sæpius memoria, sive ut Aristotelis utamur verbis, *αἰ πολλὰ μῆμαί τι αὐτὸ πέφυματ'· μίᾳς ἐμπειρίας διώαμιν ὀνομαλῶσι*. *Multa memoria ejusdem rei vim unius Experientie absolunt.* Ac proinde illi, qui nec animum probè possunt attendere ad res civiles, sive eas proprio usu versent sive in Historijs spectent, quique nullâ memoriæ dote sunt instructi, non est quod ullo labore Experientiam hanc civilem studeant acquirere.

## CAPUT. X.

*Experientiam rerum civilium sive usu sive historiarum lectione comparatam, non sufficere ad Prudentiam sive Scientiam Politicam acquirendam.*

**V**ERùm de Experientia civilium rerum, qualis ad Scientiam Politicam requiritur, comparanda, satis est dictum. Expediendum nunc etiam est, quemadmodum Scientiam ipsam commodissimè assequaris.

Videtur autem fortassis in facili id esse, modò Experientiâ instructus sis. Et sanè multos hodie Politicæ magistros, Usus civilem & Historiæ lectionem videas unicè laudare; quasi quod reliquum est nullo negotio, soleat accedere, quandoquidem in promptu sit ad similia progredi. Ejusdem fere sententiæ fuerunt apud Græcos illi qui Sapientiæ docendæ causâ tum audiebant superbo nomine Sophistæ, circa Socratis Platonis & Aristotelis ætatem. Namque & hi existimaverunt, legum ferendarum peritiam, quæ utique Politicæ scientiæ pars nobilis est, facilem esse, si

tu habeas præclaras aliquot Legēs in unum collectas; inde enim id quod optimum est à nemine non posse promi: quo nomine in eos animadvertit Aristoteles sub finem operis Nicomachij. Et vero videntur Sophistæ illi pæne eam Politicæ doctrinæ institutionem laudavisse, quali ad Dialecticam & Rhetoricam comparandam usos illos esse, narrat idem Aristoteles in calce librorum de Sophisticis elenchis; proponendo nimirum in exemplum orationes ac disputationes de argumentis maximè obvijs, præterea autem docentes nihil. Sed & veterum probabiliumque maximè auctorum nonnulli ijs laudibus usum civilem & Historiam commendant, ut dixeris haud injuriâ; illos quoque palmarium operæ, quæ civili est scientiæ impendenda, tantum non unicè ijs tribuisse. Livium sanè ipsummet ita existimasse, non est vero absimile, quoniam ita locutus est. *l. x. Hoc illud est in cognitione rerum salubre & frugiferum, omni te exempli documenta in illustri posita loco intueri; unde tibi tuasq; reipubl. quod imitere capias, unde factum inceptu factum exitu quod vites.*

VERUM enimvero id utique certum est; nullum usum nullamque Historiam parere scientiam aut etiam scientiæ principia, nisi illa, quæ Experimentiâ propriâ alienaq; sunt comperta, transferant ante in universales regulas. Ut-pote quum omnis Scientia in solis ejusmodi universalibus occupetur. Igitur nec exempla ex Historijs civilibus aut usu civilium rerum desumpta ad res agendas quicquam juvant, nisi ex illis universalem aliquam adferriorem Politicam extruxeris. Nec enim vel quisquam artificum, exemplis inductus agendum aliquid aut omittendum sibi sumit, propterea quòd semel aut iterum hoc vel illud benè successerit; sed quòd existimet alia quæ-



quæque ad propositum exemplum successura: alioquin certe non nisi periculum faciat & casui rem omnem committat.

Jam autem universalem aliquam regulam ex singulis eventis eruere, non vacat profectò difficultate. Enimvero quod de Experientia medica dixit olim Hippocrates: *ἡ πᾶσα σφαλέρη*, idem & de civili longè est verissimum. Fit autem ipsum hoc, cum quoniam facile nobis imponitur, ut existimemus multa contigisse eas ob causas, quæ per se nihil aut parum ad rem fecerunt, sed eam forte fortuna & per accidens sunt comitatæ: tum quoniam nimis sæpe præcipitamus sententiam, nondum facto justo exemplorum numero. Quæ per accidens autem sese habent, à veris & proprijs rerum causis discernere, non profectò est cuiuslibet, ut nec sufficientem exemplorum recensionem institueret.

Porro etiam si ad manum habeas multa eaque utilissima variarum rerum publ. instituta, non tamen facile adeò est, ex ijs id quod aut tibi aut singulis rebus publ. conducit, seligere. Nec enim eo ipso jam tenes rationem quælibet commodè in usum traducendi. Planè quemadmodum non est facile de artificum opetibus exactum iudicium ferre, & quod inter ea est optimum eligere. Soli id possunt & artifices, & qui circa opera illa accuratè examinanda multum studij posuerunt, suntque in ijs quasi *παιδευμένοι*. Nec tamen etiam qui sic satis benè judicant, de pictura ex. gr. aut calceo, eo ipso jam artem pictoriam & sutoriam addiscunt.

Hoc ipsum Sophistarum institutioni Politicæ jam tum olim Aristoteles obiecit; ridens eos, quod electionem legum facilem esse pronunciasent, quasi illa electio non singularis

*gularem postulet suam, & rectè judicare non maximum quid sit. Idem alibi scitè Sophistas perstringit, quòd Rhetoricam & Dialecticam ita docuerint, quasi tironi sutoris artis multos duntaxat calceos tu tradas, atq; ad eorum formam jubeas alios conficere. In universum videlicet verum est de variarum historiarum experimentorumque civilium ad Politicam Scientiam utilitate, quod de legum collectionibus idem Aristoteles pronunciat. Legum, inquit ille, & rerum publ. collectiones his qui contemplari possunt & judicare, quidnam rectè aut contrà se habeat, aut qualia qualibet conveniant, utiles sunt: at qui sine isthoc habitu talia pertractant, his judicare quidem rectè non licet, nisi fortuito; tamen illi ipsi ad ejusmodi negotia fiunt perspicaciores*

Observandum porro hîc est, id quod jam tum supra inculcavimus, illorum quæ ad rem publ. attinent, non omnia posse exstrui ex solis experimentis, neq; id uti efficere coneris necessarium esse. In promptu autem causa est. Quoniam videlicet firmæ collectionis beneficio mentè nostra longè ulterius quàm experimentis pertingente, illa & possit ulterius & debeat tendere. Jam verò non in omnium esse potestate collocatum, subtili ratiocinatione veritatem invenire, notissimum est: ac proinde etiam hoc modo patet, non satis esse ad integram plenamque Scientiam civilem parandam, vel usum rerum civilium vel historiarum quamvis diligentissimam lectionem, sed majorem aliquam operam omnino exigi.

Ceterum non est fortassis, cur errori isti confutando argumenta multa in medium conferantur, quum sufficiat refellendo illi solum id quod usu cernimus quotidie evenire. Videre nimirum est, nonnullos historiarum civilium longè peritissimos Prudentiæ nihilominus Politicæ rudes

rudesa aut parum intelligentes, eoque nec consilijs idoneos: alios ex aduerso minùs longè in historijs & usu versatos, civilis tamen doctrinæ eximie gnaros, & in quammultis negotijs ad benè consulendum reipubl. promptos atque expeditos esse.

## CAPUT XI.

*Quibus adminiculis debeat esse instructus, is qui civilem prudentiam sibi comparare vult; quidq; illum porro agere in id oporteat.*

**I**gitur non quidem vel sine usu vel absq; historiæ peritia ad scientiam civilem datur temere pertingere: exigitur tamen omnino præterea aliud quid, ut scientiæ illi fias compos. Imo etiam ad id ut ex historia & usu rerum suum fructum capias, opus est quibusdam quasi adminiculis. Id quod vel inde liquet, quoniam sine illis neminem assequi Civilem hanc Prudentiam aut Scientiam solere, usu ipso docemur. Igitur ante omnia de illis adminiculis dicendum nobis venit. Quænam videlicet illa sint, quæ Politicæ discendæ inserviunt.

Videtur autem non aliud quippiam huic rei parandæ exigi præter ea, quæ ad omnem omnino scientiam comparandam sunt necessaria. Certè etiam hisce ad Politicam scientiam adspiraturo opus est. Sunt autem hæc quatuor numero, ceu aliàs pluribus ostenditur.

*Primum* eorum est *Philosophia*. Quæ profectò necessaria est futuro Politico, non in id tantùm ut experientiam sibi compareret civilium rerum partim usu proprio partim diligente historiarum omnis generis lectione, sed cum primis etiam, ut porrò ad scientiæ ipsius exactam perveniat possessionem. Latè quippe patent scientiæ hujus limites, nec

facile est addiscere id omne, quod ad quamque reipubl. speciem benefacit aut eandem corrumpit. Ipsamet itaque Politicæ amplitudo ostendit, labore & industria opus esse ad illam capiendam. Laborem autem nemo impenderit, nisi idem sit φιλέμιον, & fugiens desidis otij.

*Alterum* est φιλαλήθεια aut veritatis studium: quo ad Politicam scientiam maximè est opus, quoniam amore & odio facillimè hic peccatur. Qua sanè ratione fit, ut multi unam alteramque reipubl. formam immodicis laudibus aut vituperijs prosequantur: ceu olim Athenienses popularem statum, Spartani optimatum regimen, Persæ alijque Asiatici populi principatum, omnibus alijs damnatis, tantum non in cælum evexerunt.

Necessum est *tertio* adsit *εὐφροία* quædam ingenij, eaque in acumine inveniendi, potissimum tamen in judicandi facultate posita: nec enim fieri potest, ut absque ejusmodi indole ullam aliquam scientiam atque adeò Politicam consequaris. Econtrario quò illa solertia est præstantior, eò major ad scientiam quamque comparandam est aptitudo. Ea certe dos est nativa ingenij, ut nonnulli hinc existiment, non esse opus ullo magistro ad Artes & Scientias parandas. Quam in rem quæ de Rhetoricis disputat Quintilianus *l. 2. cap. 20.* operæ fuerit pretium legere. Est verò excellentissima omnium *εὐφροία*, quam Græci *αγχινοία* vocant, Aristoteles autem *l. 1. cap. ult. Analyt. posterior.* scitè definivit: *εὐστοχία πρὸς τὰ ἀσκήσιμα χεῖρω τὸ μέτρον.* *Quandam, momentaneo temporis spacio, ejus quod probandum est aut sciendum medijs, feliciter conjectandi facultatem.* Tanta certe hujus etiam ad Civilem scientiam interdum vis est, ut nonnulli, si non omnem, magnā ejus partem, nullo magistro, modò accedat aliquis rerum singularium usus, sive proprius

proprius, sive ex historia aut aliorum relatione comparatus, consequantur. Quin imo & mediocris tantum vis si fuerit ingenij, hac sola haud parum licet proficere. Et verò hac una dote videas in vulgo plurimos rerum civilium haud proletariè peritos reddi: præsertim simulac usus aliquis accedit aut historiarum diligentior lectio. Ut forte haud injuria de Politica etiam prudentia quæras, utrum illi plus conferat doctrina an natura.

Ceterum ἀρχή quidem illa rara naturæ dos est. Nec fieri temerè potest, ut solo mediocris indolis beneficio veritatem semper ab eo quod falsum est, aut quod similitudine veri decipit, discernas. Quòd si itaque ars quæpiam datur inveniendi veritatem, illam omnino etiam ad Politicam scientiam comparandam adhiberi oportere, & *quartii* adminiculi loco censendam esse, manifestum est. Talis autem est quam Logicam hodie nuncupamus: cujus pars ἀναλυτική accuratam quærendæ veritatis viam docet: Dialectica autem manuducit ad opinionem, ac proinde inservit etiam scientijs, si quando ad veritatem omni ex parte exquisitam non licet pervenire, quod sanè ut aliàs ita & in Politicis frequenter satis usuvenit. Certè Logicæ artis ἀπειρολογία unicè efficit, quòd paucis admodum, etiam usu rerum & ingenij indole præstantibus, datum sit hætenus, Politicam scientiam omnibus numeris perfectam consequi, quodque multi adeò passim errores committantur.

Præter hæc autem quatuor nihil superest, quod experientia civili instructo necessum sit ad Politicam porro ad discendam. Hæc verò si adfuerint, non videtur illa comparatu multum difficilis: utpote quum hisce adminiculis liceat uni homini quicquid est scientiæ adipisci. Quod profectò Aristotelis alijque nonnullis certum est obrigisse.

Vix est tamen ut rectè sese hæc habeant; nisi commoda contingat EDUCATIO. Non tantùm sane ingenij indoles hebescit, & à labore ad otium reddimur proclives, quòd si à teneris haud fuerimus probè exerciti. Sed nec veritatem, vel qua par erat ratione amamus, vel possumus adsequi, nisi adfueti simus hanc omnibus alijs anteferre, & cum primis honesta amplecti, turpia autem habere odio. Atqui rempublicam ea quæ honesta sunt maximè beatam reddunt, turpia autem non dedecorant tantùm sed etiam corrumpunt, ut aliàs docetur.

Accedit, quod quædam respublicæ solis bonis artibus non queant vel institui vel conservari: adeoque ad plenam omnium rerumplicarum scientiam omnino requiratur & malarum artium cognitio. Cum præterea & optimæ respublicæ soleant malis aliorum artibus corrumpi, quòd corruptelæ illæ caveantur, necessum utique est, malas illas artes, etiam bonarum rerumplicarum conservandarum gratia, debere haud ignorari. Ad hoc fieri sæpenumero non potest, ut respublicæ sint salvæ, nisi ad leoninam generositatem vulpinæ aliquid versutis accesserit. Quamvis verò vulpina isthæc non simpliciter in malis artibus numeranda, ut multi perperam existimant, sed *pura* sint; attamen nisi animus virtute fuerit munitus, facilè etiam illa in devia quem deducunt & degenerant in malas fraudes. Itaque quod Aristoteles desiderat in Moralis Philosophiæ auditore, *animum præcursum consuetudine, ut rectè gaudeat ac oderit*, id profectò jure majori à Politicæ discipulo est postuiandum. Nec enim cæteroquin poterit honestas & sceleratas artes probè distinguere: atque adeo non poterit rebuspublicis quibusque congrua media & vere salutifera præscribere: sed vel solas fraudes sectabitur, illasq;

illasq; unice laudabit, vel præ nimio vitiorum odio dolosi nihil docebit unquam. Opus igitur omnino est, ut animus benè sit præcultus, adeoque & proba educatio ad talem animi culturam capescendam est necessaria.

Multum porro obstat, ne iustam viam teneas parandæ scientiæ civilis, quod si haud fueris aduersus accuratæ doctrinæ. Prudenter sanè dictum est Aristoteli l. 2. Metaph. cap. ult. αἱ ἀκρόασις καὶ τὰ ἐν συμβαίοντι, *auditiones doctrine eiusq; differunt pro auditorum consuetudine.* Qui verò civilem tractant doctrinā, eorum pleriq; hodie adsuuerunt humaniori quam vocant litteraturæ, eoque sententioas affabrè compositas, utq; ita loquar papavere aut selamo quasi sparsas, aut historias iucundas adsectantur; quicquid vero accuratorem sapit Philosophiam, fugiunt pæne ut scopulos, quasi curiosum nimis illud sit & Scholasticam subtilitatem redoleat. Et verò λυπηρὸν τὸ ἀκριβές, *molestum est omne quod accuratum est.* Nec tamen Civilis scientia absque illa subtili curiositate perficitur aut sibi constat; nec rempubl. quamvis, omni quidem ex parte, ignoratis istis subtilioribus rectè curaveris. Omnino igitur etiam hinc locum habet consilium illud Aristotelis: δὲ περὶ παιδείας πῶς ἕκαστη διὰ παιδείαν, *probe à pueris oportet institui, quemadmodum doctrinæ quavis sit accipiendæ.* Oportet inquam exerceri in ijs quæ ad accuratam scientiam faciunt; ut inoffenso pede possis etiam ad Civilem doctrinam quàm exactissimam progredi, neve ejus loco contentus sis eo quod plebejam ruditatem vix antecellit.

HISCE vero dotibus omni ex parte probè instructus, atq; ita rectè à teneris educatus & assuefactus, ad Scientiam civilem illam eruendam, felici potes successu aggredi.

Est autem ut aliàs ita & in Politica doctrina primus

post experientiam labor, ut ex singularibus ijs, quæ usu aut proprio aut alieno comperta habes, universalia AXIOMATA & pronunciata conficias. Quod quemadmodum possit commodissimè fieri, quum in Logicis doceatur, saltem doceri merito debeat, non est quod hîc reperamus.

Sunt autem talia universalia axiomata Politica quamplurima, jam tum omnibus temporibus à prudentissimis quibusque observata: quod nos docent monumenta adsertionum ejusmodi plena. Iis igitur utendum quidem esse, non est dubium. Immo si tutò possis illa usurpare, jam tum magnum est factum laborum compendium; utpote quum necessum non sit, uti laborem ipsemet impendas construendis illis universalibus axiomatibus; quod aliàs operæ haud est exigua.

Attamen omnino hîc opus est cautela; quippe quum fieri possit, ut falsa pro veris accipias, nec quodlibet tale adsertum, etiam si rectum, certam indubitataque mereatur fidem. Necessum igitur est, ut anteaquam ejusmodi quid in Scientiæ usum admittatur, veritas ejus probè sit perspecta. Explorari aurem id potest triplici ratione. *Primum:* si inquiras in auctoritatem illorum à quibus Politica *γνώμη* est profecta; num ea tanta sit, ut propter auctoritatem illam tuto possis axiomati in medium allato confidere. *Secundo:* si examines ipsam *γνώμην* ad experimenta, sive usu proprio comperta, sive in historicis scriptis memorata. *Tertio:* si causam pronunciati investigaveris, eâ enim cognitâ non est quod amplius dubites.

Ac tertium quidem illud est maximè accuratum quid; facilius tamen est primum & secundum. Nec enim historiarum perito difficile est, examinare universalia pronuntiata



ciata ad Experientiam tanquam ad Lydium lapidem. In promptu quoque est intelligere, num multi in eandem sententiam consentiant, & num sententiæ auctor magnovauerit rerum usu, aut num prudentiæ laude excelluerit, nec ne. Quod videlicet omnibus, vel permultis prudentibus, vel etiam civilium rerum perquam peritis placuit, fieri vix potest ut fallat. Hinc sane rectè docet Aristoteles lib. vi. Ethic. c. ii.: δι' ἐμπειρίαν τῶν ἐμπείρων καὶ πρεσβυτέρων καὶ φρονίμων ταῖς ἀναποδείκταις φάσιν ἔχ' ἥσθον τῶν δοσδεύειν, ἀλλ' οὐδὲ τὸ ἔχειν ἐκ τῆς ἐμπειρίας ὄμμα, ἐρεῖται τὰς ἀρχάς. *Usuperitarum & senum & prudentum pronuntiatis, quamvis demonstratione carentibus, non minùs attendendum atq; obtemperandum est, quàm ipsismet demonstrationibus. Illi enim quoniam usu isto quasi oculum aliquem comparavere, perspiciunt ipsa rerum principia. Qua de re aliàs ex professo discitur.*

II.

Sunt porrò ejusmodi universalia pronuntiata, quæ proximè experimentis innituntur, non nisi principia Scientiæ civilis, quod ex Apodicticis constat: eoque nequaquam in ijs est subsistendum, sed urendum potiùs illis ad ulteriorem ipsiusmet Scientiæ exstructionem. Et verò plurima licet ratiocinando adsequi, usu nondum comperta: perinde ut in Arte Medica & plerisq; scientijs contemplativis usu solet venire. Quoniam verò Politica Scientia potissimum occupatur in cognitione ejus, quod civili societati sive omni sive singulis ejus speciebus utile est: facile apparet, utilitatem publicam præbere maximam vim ratiocinationum Politicarum: sicut etiam in Artibus pleraque solent sine potissimum æstimari. Ante omnia igitur operam dare oportet, ut rerum publicarum, & in universum omnium & singularum specierum, scopus sit exactè cognitus

gnitus: quò de omnibus rerumpubl. institutis & legibus quàm expeditissimè possit institui inquisitio. Neque verò de medijs quæ ad finem aliquem ducunt judicaveris rectius, quàm sine ipso accuratè perspecto. Leges autem & instituta civilia nihil nisi media sunt boni publici impetrandi.

Præter finem tamen multum quoque præbet argumentorum, ipsummet (ut ita loquar) subjectum civilis societatis: planè ut in omnibus artibus magnum est momentum in subjecti natura collocatum. Est autem subjectum in Politicis, præcipuum quidem humana natura, inquantum illa est civilium bonorum capax: secundarium verò bona civilia ipsamet. Necesse est itaq; est, ut ingenij humani indolem, quemadmodum illa animata esse soleat circa res civiles, idque secundum omnes ejus differentias, ab ætate, à sexu, à fortuna, à consuetudine dependentes: ad hoc ipsamet bona civilia (qualia sunt virtus omnis generis, divitiæ & quæ & naturales & artificiales, potentia, honor, voluptas) quantam omnia illa vim habeant in civili societate, intimè cognita habeat, quisquis ritè de civilibus negotijs velit ratiocinari.

Quoniam porrò omnium actionum civilium suæ sint effectrices causæ, principales pariter & instrumentales, actiones itidem multum differant pro earum diversitate; liquet utique, haud parvum de forma actionum Civilium argumentum, etiam à natura illius effectricis causæ & posse & debere accipi: atque adeo & hæc non debere ignorari.

Hæc vero omnia si teneas, & argumentandi artis si sis peritus, ad summam Scientiæ Civilis perfectionem pervenire, haud amplius fortasse fuerit tibi difficile.

CAPUT

## CAPUT XII.

*Neg puerum neg juvenem aptum esse adsequenda Civili  
Prudentia: deberetamen & posse utrumq; ad illam plene ali-  
quando comparandam institui: quemadmodum  
item fieri hoc oporteat.*

**Q**uoniam verò omnia hæc quæ diximus ad Prudentiam civilem comparandam sint necessaria, nullo monente jam tum æmini non est perspicuum, fieri non posse ut integram illam sine discrimine quilibet è vulgo adolescens vel juvenis plene consequatur. Idque quoniam isthæc ætas haud soleat vulgo ab experientia virtute & iudicio sufficienter esse instructa. Enimverò *seris venit usus ab annis*. Et solet ætas isthæc animi affectibus esse multum obnoxia. Exactum quoque iudicium ætas demum largitur virilis. Et vero in juvenibus plarisque, ut scitè dixit Aristoteles, τὸ βέλτερον ἐστὶ ἀπλές, perinde ut in foeminis idem est ἀνεγν. Etsi enim reperiantur præcocia quædam ingenia, quæ naturæ quadam prodigalitate anticipant multorum annorum beneficia; rarum tamen hoc est. Sed & illi quoq; , utut habeant rerum aliquarum usum, atque ita ad res nonnullas gerendas interdum summa cum felicitate magno omnium stupore admoveantur: tamen experientia omnibus numeris absoluta, qualis ad integram scientiam requiritur, ut instructi sint, fieri non potest. Verum nobis sermo est de eo quod plerumque usjuvenire solet; itaque rara illa non est quod hic nos moremur.

Si juvenis autem non est capax integræ Civilis scientiæ, non est quoq; idem ejus doctrinæ idoneus auditor. Id quod jam olim ab Aristotele l. 1. Ethic. c. 2. est pronunciatum. Est videlicet is demum auditor idoneus, qui iudicio valet

M

adse-

adsequi, rectè an secus sese habeant quæ à magistro proponuntur. Judicare autem de omnibus civilibus negotijs non potest juvenis propter τὴν ἀνευρίαν, & animi virtute nondum subacti ut & judicij imperfectionem, ceu modò est dictum.

Et si verò non scientiam exquisitam, Opinionem tamen sive δόξαν, potest nihilominus de omnibus rebus civilibus juvenis sibi comparare. Immo si in Logicis fuerit probe institutus, uti possit judicare num quid ritè ex positis principijs sit collectum, poterit cum haud exiguo fructu ipsammet Scientiam civilem etiam exactissimam audire; modò tamen incidat in commodum magistrum. Cujus nempe ea est eruditio eaque auctoritas, ut illi saltem circa ea quorum veritas non nisi per experientiam potest innotescere, tutò liceat credere. Nasceitur quidem ita non Scientia sed Opinio: utpote quum sic ea quæ principiorum loco sunt tantum propter auctoritatem magistri credantur. Meritò tamen contenta est Opinione, ætas Scientiæ perfectæ nondum capax. Quemadmodum felix illa ætas est prudentium tutelâ, ipsamet nondum apta rebus suis administrandis. Donec nempe paullatim maturescente judicio, & rerum usu accedente, ea quæ hætenus non nisi ob magistri auctoritatem erant credita, firmiter explorentur, adeoque proprio quò dicitur remigio possis jam navigare.

Indubiè autem illis magistris quàm tutissimè fidem habueris, qui rerum usu, prudentiæ item ac doctrinæ nomine, quàm maximè eminent. Adeoque quin hi potissimum præ alijs sint sectandi, omni vacat dubitatione. Est autem duplex quasi ordo magistrorum. Alij enim muti sunt, ut in proverbio loquimur, alij coram docent ore. Quum utrique autem sint consulendi, hos illis tamen juveni-

venia-

uentuti esse utiliores, modò sint quales esse debeant, itidem extra controversiam est: nec verò temerè quis ignorat, quantum latentis *εσπερας* vox viva habeat. Certè rarum est, ut sine vivo magistro illa ætas tantum proficiat, quantum potest proficere, cùm in alijs scientijs & artibus, tùm etiam in Politicis. Id quod jam olim iudicio suo ipse Socrates comprobavit, utpote qui Xenophonte l.4. Memorabil. teste, ne Themistocli quidem suum magistrum defuisse censuerit, Euthydemo ad scientiam hanc sine magistro adspiranti dicens: *Stultum esse arbitrari, non posse quem prestare vilissimis in artibus, nisi idoneos sit magistros nactus, gubernanda verò civitatis notitiam sponte sua & ultrò hominibus obvenire.*

Quamvis verò manu ductione commodi magistri possit juvenis hætenus, quemadmodum diximus, Scientiæ Politicæ fieri particeps, si nullâ is tamen valeat Logices peritiâ, ne quidem illuc facile pertingere poterit.

At idem saltem opinionem aliquam civilium rerum sibi comparaverit, si optimas prudentiæ civilis sententias animo comprehendat; & ob existimationem eorum à quibus sunt profectæ fidem ijs aliquamdiu habeat.

Ut ipsemet hac ætate ex singularibus eventis communia ejusmodi pronunciata & universales regulas exstruat, nativum ætatis vitium vix permittit: certè præ imbecillitate isthac non potest id fieri prout aliàs par est.

Hinc autem manifestum porrò est: non posse juvenem ex sola historiarum lectione civilem scientiam addiscere, nisi summâ cum difficultate; & quidem nisi adsit simul ingentij quædam præcox solertia, id quod rarum est. Ulteriùs item hinc consequens est: non esse juvenem idoneum historiæ civilis lectorem, quippe qui fructum ejus solidum,

ut ia dicam, quæ scilicet consistit in illa axiomatum ex singularibus confectio, nequeat decerpere,

Aliqua tamen ex parte sic satis idoneus historiæ lector esse potest; si nimirum ante prudentibus sententijs animum instruxerit, multò magis, si eo quo diximus modo scientiam didicerit. Ita sanè poterit attendere ad multa, quæ aliàs illum non possunt non fugere: imo præterea sententiarum doctrinæq; totius civilis certitudinem, ad exempla historica quam promptissimè examinaverit. Certè ita qui est imbutus, illum cum eximio civilis prudentiæ profectu historias terere, usu ipso experimur. Tempus contrà & operam perdere videmus vulgò juvenes, qui ex historijs etiam optimè conscriptis student civilem scientiam consequi, animo nullis antè præparato sapientum præceptis. Illis ex adverso qui differentias rerum publ. & quæ ad earum sanitatem & morbos attinent, ex optimorum magistrorum institutione jam audierunt, feliciter pergentibus. Propterea quòd præceptorum veritatem ad historiam exigere non multum impeditæ sit operæ, certè facilioris multò, quàm proprio quod ajunt Marte conari ex historijs scientiam condere.

Fatemur quidem etiam nos, posse juvenem multarum rerum memoriam, nullo licet magistro, certè nullo Politico magistro, ex historia petere; & hoc si tantum spectet, haud ipsi esse ad historiæ lectionem opus præviâ quadam Politicâ institutione, sed sufficere ei præter linguæ quâ scripta est Historia, locorum quandam temporumque notitiam, qualem ex Geographicis & Chronologicis petere est. Quin fatemur, talem Historiæ omnis generis cognitionem non jucundam tantum esse, sed & liberaliter institutum quemvis decere: quandoquidem scil. rusticum est & puerile,

rile, ignorare omnia quæ alibi gesta sunt. Verùm non de quavis historiæ lectione nos nunc agimus, sed de illa duntaxat, quæ ad civilem scientiam parandam queat juveni conducere.

Longè minùs porro adolescente aptus est scientiæ huic addiscendæ Puer aliquis, idque quoniam à judicio & rerum usu multò est imparatior. Et verò vix intelligat ille vocum doctrinæ hujus significationes: tantum abest ut res ipsas adsequatur. Non tamen abs re est, etiam illam ætatem manuducere nonnihil jam tum ad Prudentiam hanc; si præsertim illam aliquando exercere fuerit propositum. Fieri autem hoc potest, pueritiam ipsam bonis moribus & sententijs imbuendo. Id sane quo majore factum industria, in posterum jam adultior quis eo felicius poterit progredi. Hinc probatum est hoc consilium prudentioribus quibusque jam olim. Id quod vel Æschines docuerit, cujus verba sunt: *Διὰ τὸ τοῦ τῶν παλαιῶν γνῶμας παῖδες ἐκμαθάνομεν, ἢ ἀνδρες γενόμενοι ἀπὸ τῆς ἡρώμεθαι.* *Eam ob causam sententias veterum pueri ediscimus, ut viri facti iis utamur.* Quoniam autem ea quæ numeris sunt inclusa omnium facillimè & memoriæ mandentur & firmissimè hæreant; ejusmodi numeris inclusas sententias maximè pueris esse ediscendas, manifestum est: præsertim si ab auctore ipso singularem aliquam auctoritatem simul sint natæ.

## CAPUT XIII.

*Quid requiratur ad Prudentiam civilem, ut in rerum actu quis illam quam optime exerceat.*

**D**E omnibus ijs quæ ad Civilem scientiam ipsam faciunt addiscendam, forrasse plus satis jam dictum. Antequam tamen hunc locum deferamus, paucis addendum;

quum Scientia hæc operationis sit gratiâ, adeoq; in effectum amet deduci, quemadmodum id possit quàm commodissimè fieri. Et vero ejusmodi Prudentia singularis jam tum olim primum meruit Politicæ titulum: adhuc eam actu exercentes etiamnum Politici & audiunt præcipuè & æstimantur.

Ante omnia vero extra controversiam collocamus: illum quàm optimè reipubl. posse consulere, qui Prudentiæ civilis non partem sed quod ejus est integrum animo comprehendit: Proximo loco censendum illum, qui saltem potissimas ejus partes accuratè didicit; Tertium locum autem mereri, qui addidit universalia præcepta illa quæ respondent negotijs istis civilibus singularibus, quæ quis tractanda suscipit: ut (v. gr.) qui curam regni alicujus aggreditur, saltem quæ ad regni naturam & salutem pertinent, qui vestigialium ille isthuc facientia, teneat. Hinc manifestum verò est, quemlibet in actu rerum versaturum oportere vel integram vel ex parte Philosophiam Civilem didicisse. Quamvis enim jam tum ingenij vim quantum valeat agnoverimus, simul tamen ostendimus, quantum præpolleat addidisse Scientiam. Ita sanè opera Medica ab ijs qui Medicam artem didicerunt constat quàm rectissimè exerceri, nautica à nautis, & in universum artium omnium opera ab optimis artificibus.

Præter Prudentiam autem universaliorem hanc necessum est accedat accurata cognitio, cum personarum rerum omnium singularium, circa quas & cum quibus ex præscripto Politices aliquid agendum venit. Planè ut artifex omnis secundum artem suam necessum est intimè habeat cognita singularia omnia subjecta, circa quæ sua ars debet laborare.



Ea vis ad agendum profectò est in singularium rerum notitia, ut interdum ij qui illa duntaxat norunt sint ad res agendas aptiores longe illis qui universali prudentia sunt præditi. Quod ipsum ab Aristotele jam tum olim est monitum l. 6. Ethicorum cap. 1. Verba illius ita Latine verti possunt. *Omnis actio versatur in rebus singularibus. Ideo, quidam non instructi Scientia, ad agendum aptiores sunt iis qui Scientiam sibi comparaverunt, & in aliis rebus ij qui sum earum atq. Experienciam habent. Nam si quis sciat carnes leves esse concoctæ faciles & salubres, leves autem quæ sint ignoret, non efficit sanitatem: sed is potius, qui avinam carnes scit leves & salubres esse.*

Quoniam verò reipubl. negotiorum omnium, Alia eaque plurima inter cives & in rebus propriis hærent; Alia cum exteris, præsertim vicinis civitatibus, de quæ rebus peregrinis intercedunt: manifestum hinc est, ante omnia domestica quælibet quàm accuratissimè perspicienda esse, juxtim verò peregrina etiam cognoscenda, inter quæ hæc vicinissima maximè, in quantum saltim quæque illorum rempubl. tuam attingunt.

Sunt porro harum singularium rerum aliæ jam præteritæ, aliæ adhuc præsentis. Atqui has quidem ignorari minimè omnium debere, certè in has maximè respiciendum esse palàm est, quoniam actiones omnes civiles circa has potissimum occupantur. Operæ tamen est præteritæ quoque, præsertim proxima ætati suæ, addat ille, cui consilium est reipubl. ritè operam dare; idque quandoquidem horum etiam cognitio magnum sæpe in consilijs & deliberationibus habeat momentum. Quid, quod & futura prænovisse summe in vita civili sit utile

utile? Qui futurorum certe est providus, idem maxime aptus est malis cavendis & bonis curandis.

Discuntur autem cum præterita, tum præsentia quam maxime usu & experientiâ, ut alia quævis singularia : atque adeo sive propria sive aliena experientia. Ac Præsentia quidem proprio usu, quemadmodum & præteritorum maxime propinqua, didiceris. Si aliena autem fuerit experientia consulenda, (quod est frequentissimum) tum hæc omnia optimè discuntur ab eo, qui Politicæ Prudentiæ simul est consultus : quandoquidem is longe intimius singularia quæque novisse idoneus est. Perinde nimirum atque Artis Medicæ peritus naturam singulorum corporum humanorum longè aptior est perspicere, quàm idiotarum aliquis. Multa sane rerum civilium momenta occultiora sunt & arcaniora, eoquæ fugiunt sæpè quamvis aliàs satis cautos. Hæc igitur ut solus Politicæ Prudentiæ gnarus intelligit, ita solus potest docere.

Non vivi autem duntaxat magistri hîc queunt consuli, sed etiam scripta monumenta, cum alia quæque ad res civitatis singulares pertinentia tum cumprimis Historica. Quemadmodum autem cognitio præsentium aut recentium rerum prævalet ad res agendas, cognitioni rerum antiquarum : ita etiam recentiorum rerum monumenta plus afferunt commodi. Ideoque in hunc quidem finem Historiæ earum quæ pro tempore sunt civitatum, præ veteribus singulari cura & studiovolvendæ sunt. Quinimmo siquidem illæ Historiæ pari cum priscis monumentis laude sint conscriptæ, possintque non minùsatque veteres ad Scientiam ipsam comparandam facere, compendium operæ haud exiguum in recentioribus historiis est collocatum : utpote quum uno eodem-

eademque labore & Scientiam Politicam, & simul quæ ad res agendas proximè pertinent singularia, liceat isthac ratione acquirere.

Est autem eorum quæ ad civitatem quamque & rempublicam attinent, ingens satis copia. Quæ omnia ad quatuor caussarum genera quam commodissimè reuteris: cum quævis civilis societas imò actio quævis civilis quatuor caussis perficiatur: sicuti fit etiam in Naturalibus.

Omnia igitur illa scienda sunt curaturo integram civitatem aliquam, aut opus aliquod civile. Attamen ut rectè est l. 1. Rhet. cap. 4. observatum Aristoteli, quinq; numero in deliberationem maximè solent in republ. quavis venire. Agitur enim potissimum aut de vectigalibus & redditibus publicis: aut de pace & bello: aut de regionis custodia: aut de ijs quæ importantur & exportantur: aut denique de legibus. Unde consequens est, omni reipubl. benè consulturo, præterquam quòd teneat horum omnium universalem scientiam, in id maximè laborandum esse, uti civitatis & propriæ & vicinarum saltim omnia illa addiscat, quæ ad quinque hæc rerum classes possint conducere; prout idem Aristoteles prudenter admonuit. Ex. gr. Circa vectigalia; unde illa capiantur aut capi possint minimo damno, & in quæ necessariò veniat aliquid impendendum aut vulgo soleat impendi. Circa bellum & pacem: quæ vires, quævé arma & tux suppetant reipublicæ & hosti, quæ item bellandi sit commoditas. Circa regionis custodiam: illius ac vicinæ omnis situm, robur & debilitatem. Circa importanda & exportanda: quænam desint aut supersint & tibi & alijs, quemadmodum item quævis optime possint sive exportari sive adduci aliunde. Circa leges denique: cum aliarum præcipuè instituta quævis publica ac privata populi & tui & vicini,

Secundum horum omnium accuratam notitiã, ut ad res gerendas sis idoneus, nihil aliud requiritur quàm sedula in civilibus illis rebus exercitatio, idque in id ut ad agendum eò sis promptior. Facit nimirum exercitium, ut omnia quæ cum ad Scientiam ipsam tum ad subjectorum singularium notitiam pertinent, animo quasi obversentur, adeoque in memoria quàm maximè sint expedita: prout etiam in omnibus alijs Artibus & Scientijs usuvenire, nemini est ignotum. Eleganter sanè Plinius junior: *Difficile est tenere quæ acceperis, nisi exerceas.* Quocirca non etiam est cur Politicam facturo alia porro nunc magnopere commendemus.

Observandum tamen, quemadmodum in eo qui adspirat ad Scientiam Politicam requiritur, eximia ingenij & judicij vis, magna item industria & proba educatio: Ita eadem cum primis exigi in omni reipublicæ cujusvis administratore. Imo dixerim multò maxime talia in Pragmatico homine necessaria esse, propter singularium rerum agendarum & multitudinem, & ambiguitatem, & difficultatem, majorem quàm est eorum quæ ad Scientiam pertinent. Etiam porro hoc notandum: quandoquidem nonnullæ reipublicæ non possint solis bonis artibus regi, in illarum quidem rectoribus non debere exactam virtutem reperiri, sed satis esse, si rectores illi sint semiboni aut semiminali. In alijs tamen rectius sese habentibus rebus publicis, regentium virtus quo perfectior est, eo in publicum est utilius.

Cum primis postremum animo insigere oportet id quod jam tum sæpius diximus: Universalia Politicæ Prudentiæ præcepta non posse omnia quæ in singulis negotijs agenda aut omitrenda veniunt, comprehendere.: atque  
adco.

adeo, tametsi universalis illa teneas accuratissime, omnino tamen adhuc multa te ignorare. Hinc verò palam est, exigi in quovis prudente rerum administratore vim aliquam eximiam, quæ etiam non scripta & non præcepta pro renatâ possit subito pernoscere & in alterutram partem decernere: præsertim si rei difficultas moram deliberandi haud patiatur. Versatur autem facultas illa bonam partem in omnium omnino circumstantiarum accuratâ expensione, atque in investigatione latentium causarum singularis cujusque eventus. Hoc sane posse, reapse præstat prudentem Pragmaticum Politicum. Est autem hæc facultas fere illa quam Aristoteles *δενότης* appellat, describitque, l. 6. *Ethicorum Nicomachior. cap. 12.*

Haud parum verò habet difficultatis isthæc singularem rerum civilium accurata cognitio: longe enim difficultate superat Prudentiam Politicam universalem. Quin imo in hoc præcipue consistit ipsa Practica prudentia civilis. Id quod itidem jam olim est Aristoteli observatum. Cujus in eam sententiam neætareæ verba ex l. 5. *Ethicor. cap. ix.* non possum non hic ad ultimum adducere. Ubi scilicet accurate docuisset, quantum sit situm in notitia eorum quæ verè & secundum omnes suas circumstantias sunt iusta, addit hæc sequentia. *τῶτα δὲ πλέον ἔργον ἢ τὰ ὑγιεινὰ εἰδέναι· ἐπὶ κακῇ μὲν καὶ οἶνον καὶ ἐλέβορον, καὶ καῦσον καὶ τομῶν εἰδέναι ράδιον· ἀλλὰ πῶς δὲ τῶμας πρὸς ὑγίαιαν, καὶ τῆς, καὶ πότι, πρὸς τὸν ἔργον, ὅσον ἰατρὸν εἶναι.* Hoc autem majus est opus quam nosse id quod salubre est. Nam & ibi facile est, novisse mel, & vinum, & helleborum, & ustionem, & scetionem: at verò, quemadmodum hæc adhibenda sint in usum sanitatis, & cui, & quando, aque magnum est opus quam esse medicum.



*De Ordine in docenda Politica Scientia observandâ.*

**Q**uemadmodum Politica prudentia, cum illa universalis, tum altera singularis Pragmatica, possit debeatque comparari, jam docuimus. Proximum est paucis aliquid adjicere, de Ordine in docenda saltem universali illa Prudentia observanda. Est sane & hoc scitu utile, quandoquidem justus ordo efficit, ut doctrina commode in animum possit quasi illabi, & deinceps memoria comprehendere. Sicut ex adverso vitiosus ordo turbat mentem, ut nec accipere possit doctrinam nec bene retinere.

Quamvis autem & de Ordine, quis demum sit justus, multæ sint contentiones, nos tamen nunc, quasi extra controversiam, collocabimus virtutem ejus in convenientia cum cognitione nostra. Hæc verò exigit, ut antecedant *primum* quæ aliorum notitiæ viam quasi muniunt, & sine quibus alia accipi nequeunt: *secundo*, quæ faciliora sunt cognitu: *tertio* quæ perfectiora & reliquis quasi pro regula sunt. Exigit eadem, ut seorsim tradantur quæ alijs inspersa vel obscuritatem parerent vel magnam inducerent intercapedinem: qualia fere sunt quæ ad aliorum illustrationem aut nihil aut non in totum faciunt. Exigit postremo, ut si vocabulorum significationes habeant quid ambigui, illarum definitiones ante omnia constituentur: & principia demonstrationum ipsis demonstrationibus præmittantur, nisi alibi illa seorsim sint tradita.

Hæc igitur quidem in omni omnino tractatione etiam Politici cujuslibet argumenti sunt accurate observanda. In omni, dico, cujuslibet argumenti tractatione. Potest scilicet &

cet & Tractatio argumenti cujuslibet diversimode institui, & ipsum argumentum esse aliud atque aliud.

Enimvero alia Tractatio est plena accurata & omnibus numeris perfecta: alia rudior. Habet autem utraque suum locum etiam in doctrina Politica. Philosophia enim Civilis postulat Tractationem exquisitissimam. Pragmaticæ autem nonnunquam sufficit alia rudior. Quam differentiam Aristoteles ipsemet in docendo attendendam monuit, dum l. 3. Polit. cap. 5. ita loquitur: *Illius qui circa unamquamq; doctrinam Philosophatur, & non respicit solum ad utrum agere, proprium est nihil præservidere, & nihil quidquam omittere sed veritatem aperire de re qualibet.* In eandem sententiam ab illo prolixius nonnulla l. 1. cap. 6. Eudemiorum Moraliū differuntur; quæ tamen haud adducam nunc, ne ab instituto deflectere nimium velle videar: quoniam hæc jam tum scire convenit. Tractatio porro aut integram suscipit Politicam Prudentiam docendam, aut duntaxat aliquam ejus partem.

Ceu ante tamen diximus, in quavis omninò tractatione cujuslibet argumenti, juxta illa proposita in medium præcepta ordo docendi est instituendus. Fortassis verò haud abs re fuerit, si saltem nonnihil hæc adumbremus quasi *συνολογίας* integri Corporis Politici, secundum illa Ordinis *διδασκαλικῆς* præcepta.

Quandoquidem igitur integra Prudentia versatur circa omnem omnino civilem societatem, omnesq; societatum illarum civiles affectiones (ceu supra ostendimus) plena autem cognitio quatuor causarum notitiâ absolvitur, partem est, initio omnium agendum esse de ijs quæ Civili societati omni sunt communia, idque secundum illam quadru-

plicem caussarum classẽ, habita tamen (ut semper) potissima ratione causse formalis.

Proximum fuerit summas differentias civitatum indicare: quæ cum à diversitate formæ (quæ est regimen ipsum sive respublica) maxime oriantur, hæ cum primis ostendendæ fuerint.

Iis constitutis jam porro ad speciei cujuslibet tractationem fuerit progrediendum. Quas inter cum una sit ex voto & simpliciter optima, adeoque omnium perfectissima, primum illa merito locum sibi postulat. Itaque de illa docendum jam omne illud fuerit, quicquid huic proprium est, atque adeo quicquid ad civitatem beatissimam potest pertinere. Quæcunque tamen illi uni non competunt, neutiquam in hunc statim locum conjicienda videntur.

Inde demum pergendum ad reliquas civitatum & rerum publicarum species. Et quidem, si quod illæ habent commune id ante omnia docendum venit. Habent autem communia quam multa, ad constitutionem conservationem mutationemque rerum publicarum unicè facientia.

Quoniam porro illis iridem suæ sunt differentia & species specialiores, illas item differentias oportebit quàm accuratissime in lucem producere, & exponere oculis. Hinc itaque demum ad magis specialia deveniendum, singulæque illæ species seorsim attendendæ examinandæque. Quo fiet, ut nihil tandem possit superesse quod doceri mereatur.

Hoc Ordine videtur quàm commodissime universa doctrina Politica tradi posse. Et sane hunc fere ordinem optimus docendi magister Aristoteles, in Politico suo opere observavit. Quanquàm enim ordo ille minus hodie appareat  
in



in superstitibus voluminibus, id tamen non Aristotelis sed librariorum culpa esse factum, jam tum in nostra Introductione demonstravimus. Ut proinde hanc nostram de Ordine Politicæ doctrinæ sententiam liceat nobis tanti viri consensione, citra ejus injuriam, roborare.

## CAPUT XV.

*De Politicæ Scientiæ aut Civilis Philosophiæ optimis  
per omnem ætatem scriptoribus.*

**E**orum quæ initio agere instituiamus nihil superest agendum, quàm ut doceamus, quemadmodum Politica Prudentia Universalis, sive Scientia & Philosophia Civilis, hætenus excolta &, ratione ejus ab omni retro memoria repetita, semper quàm optimè scripto fuerit tradita. Etiam id igitur paucis nunc expediemus.

Ac prisca quidem tempora si consulamus, primi & soli olim Græci transtulerunt ad nos suorum in hoc argumento conatuum monumenta. Aliarum sanè gentium nulla fere non civitates instituit sic satis prudenter, ipsam autem regendarum civitatum Prudentiam vel docere nesciverunt, vel certe nihil ejus ad nos usque transmisere. Nec enim huc referre licet sententias Politicas sparsim dictas, quamvis aureas & multæ plenas prudentiæ: cujusmodi reperire est in Salomonis quoque sacris proverbijis.

Cæterum quinam etiam apud Græcos primi hoc in campo laboraverint, atque adeo quando apud illos cepit excoli hæc Philosophia, videtur nonnihil esse affirmatu difficilius. Ciceroni enim si credimus, princeps *Socrates Philosophiam deporravit è cælo, & in urbibus collocavit, & in domos etiam introduxit, & coëgit de vita & moribus rebusque bonis & malis quarere*. Ex adverso, superant hodieque in  
Stobæa.

Stobæanis Eclogis, Pythagoricæ Scholæ præstantium virorum, Socratis ætate majorum, quædam hujus argumenti & quidem varia. Ad hoc si non aliunde, saltim ex Aristotelis Politico opere, libro cum primis secundo, palàm est, etiam alios ante Socratem ad curam hanc suâ operam contulisse, nec infeliciter. Verum enim verò incertæ nihilominus fidei sunt illa Pythagorica, quæ Stobæus suo operi inseruit. Et vero aliàs ostendimus, Naturalis quoque Philosophiæ illa opuscula, quæ Timæi Locri & Ocelli Lucani nomen præse ferunt, supposititia esse. Cum igitur etiam illa Politica, ante Stobæum, scriptorem utique non nisi sequioris ævi, nemo memoraverit nobis, haud profecto etiam illa certam fidem merentur. Seculo scilicet Christiano secundo & tertio ejusmodi multa conficta videntur, ab ijs qui Pythagoricæ veteris Philosophiæ restauratores voluerunt videri. Quæ certe Hippodamo tribuuntur à Stobæo, haud parum aliena sunt ab ijs, quæ in Hippodamum Milesium refert Aristoteles *l. 2. Politic.* Nisi duo fuerint Hippodami, & Stobæanus sit Doricus aliquis, alius ab Aristotelis Milesio: vel ea quam Riccobonus invenit conciliatio, sit admittenda. Quicquid vero hujus sit; omnia etiam illa Stobæana Pythagoricorum fragmenta, tantum in ijs quæ in Optima republica sint forte observanda occupantur, imo ejus quoque argumenti non nisi pauca attingunt. Itaque ad Politicam Scientiam parum adjuvant comparandam.

Socratis auditorem laudatoremque maximum Platonem, certius est hanc Philosophiam summo studio exorandam suscepisse. Superant hodieque illius cum aliarum præcipue De Republica alterum, Alterum de Legibus inscriptum opus; utrumque & prolixum & summa sermonis suavitate conditum, & plenum veræ frugis Politicæ.

Verum

Verum enimvero desideraveris meritò in utroque cum iustum docendi ordinem, tum plenam de omni republica tractationem. Et verò neutrum agit de omni republica, sed utrumque duntaxat de optimâ. Illo licet discrimine, quod in opere de Republica doceatur potius idcâ quædam perfectissimæ civitatis, quàm talis aliqua quæ reapse inter homines obtineri possit. Alterum de Legibus, usui humano sit commodum magis ac utile. Ad hoc in illo priore multa profectò reperiis quæ non propriè pertineant ad Politicam doctrinam, quædam & commenta Poëtica potius quàm gravem Philosophiam redolentia: quales sunt Eris Armenii fabulæ. Ex adverso in illo opere etiam eorum, quæ de optimâ republica veniunt differenda, per multa ne quidem sunt tacta. In altero, autem præclaræ quidem Leges recitantur, de ipsa autem republicâ itidem habentur perpauca. Quod ipsum & Aristoteles olim iudicavit *l. 3. Polit. cap. 4.* Taceo nunc, nonnullis absurdis sententiis auctoritatem operi saltem priori detractam esse. Hand pauca tamen peregregia cum ex utroque volumine tum præsertim ex illo de Legibus hauseris; præsertim quoniam illa parte Aristotelici libri deficiunt.

Integram hanc Philosophiam primus omnium conatus fuit ARISTOTELES tradere. Quin etiam præstitit hoc ipsum tanta felicitate, ut parum absuevit ab omnimoda perfectione. Verum & illius libri mutili, disiecti, & hiatibus compluribus deformes, ad nos pervenerunt. Agimus aliàs de illius operis conditione omni pluribus: itaque non est quare nunc velimus illis repetendis immorari. Id unum sufficit in memoriam revocasse, neminem quenkum ad Philosophiam hanc illustrandam paratiorem accessisse Aristotele. Quippe qui & demonstrandi artis fuerit peritissimus, & rerum civilium historiam omnem habuerit in promptu, & simul cum

O

scriben-

scribendi valuerit facultate, tum industria fuerit in comparabili. Vt vel hinc non possit non quivis meritò de operis præstantia bene suspicari. Si quid sane judico, unus Aristoteles omnes omnium temporum conatus hætenus quidem longo intervallò superavit.

Qui Aristoteli in Lyceo successit Theopraſtus, ut in aliis ita & hac in Philosophia, quantum ex Laërtiano indice apparet, plurimū laboravit. Cicero l. 3. de Legibus testatur, *Theopraſtum inſtitutum ab Ariſtotele, habitaffe in eo genere rerum.* Idem de Dicæarcho & Demetrio Phaleræo hoc ſubjungit : *Ab eodem Ariſtotele doctus Dicæarchus huic rationi ſtudioque non deſuit. Poſt à Theopraſto Phaleræus ille Demetrius, mirabiliter doctrinam ex umbraculis eruditorum otioque, non modò in ſolem atque pulverem, ſed in ipſum diſcrimen aciemque perduxit. Nam & mediocriter doctos magnos in republ. viros, & doctiſſimos homines non nimis in republica verſatos, multos commemorare poſſumus: qui verò utraq; re excelleret, ut & doctrinæ ſtudio & regenda civitate princeps eſſet, quis facile præter hunc inveniri poteſt?* Hæc ita Cicero: ſed quo tempore illorum libri adhuc ſupererant. Cum vero jamdudum illi perierint, nihil attinet, illos hîc laudaviſſe, aut quæ de illis ex antiquis monumentis hinc inde aliàs haud exiguo labore excerptiſimus, attuliſſe in medium.

De Heraclide Pontico, perinde atque de Ariſtotele loquitur idem Cicero: *hunc profeſſum à Platone illuſtraſſe omnem civilem in diſputando locum.* Memorant alii illum etiam Ariſtotelis inter auditores: quaſi utrumque audiverit. Verùm nec huius quidquam eſt reliquum, præter fragmenta operis de Moribus gentium variisque ſui ævi rebus publicis.

Præter hosce paucos autem non eſt quiſquam, in ipſomet omni illo Græcæ Sapientiæ florentiſſimo ævo, qui laudem aliquam ex cultura huius Philoſophiæ acceperit. Et verò Academici

cademici, Platonice scholæ heredes, ad ineptam ἀνεπαλ-  
 ψίαν prolapsi sunt. Ipse Theophrasti in Peripaterico Ly-  
 ceo successor Strato Lampfacenus ambiit & impetravit  
 Physici nomen, quum alii illi Politici Philosophi audiissent,  
 eum alibi testatur Cicero. Hunc secuti, solidiore omni an-  
 tecessorum doctrina ad hoc destituti (libris scilicet Aristote-  
 lis & Theophrasti sub terrâ reconditis) ultra trivi alia vix  
 sapuerunt, quod nos etiam Strabo docuit. De Stoico Di-  
 one quum dixisset Cicero, *quædam subtilius ab illo de magistra-*  
*tibus disputata, Atticusque addidisset, At tandem ? Etiam*  
*à Stoicis ista tractata sunt ? Respondit Tullius ; Hoc sane nisi*  
*ab eo quem modo nominavi : & postea à magno homine, & in pri-*  
*mis erudito Panætio. Nam veteres ( Stoici scilicet ) verbotenus*  
*acute illi quidem, sed non ad hunc usum popularem de republica dis-*  
*ferebant. Ab hac familiâ magis ista venerunt, Platone principe. Unde*  
*intelligimus, à Stoica etiam schola nihil esse olim profectum*  
*quod magnopere hîc profuerit. Multo minus est, quod*  
*existimemus Epicureos aliquod fecisse hîc pretium operæ :*  
*quoniam illi reipublicæ curationem omnem damnaverunt*  
*tanquam suæ felicitati inimicam. Huc spectat illud de se-*  
*metipso Ciceronis l. 8. Epistol. familiar. 20 ad Pætum. Om-*  
*nem nostram de republica curam, cogitationem de dicenda in se-*  
*natu sententia, commentationem causarum, abiecit, in Epicuri*  
*nos adversarij nostri castra coniecimus. Ex quibus patet, à Theo-*  
*phrasti fere usque ætate ad Ciceronis ævum, omnem hanc*  
*Philosophiam desertam atque planè incultam jacuisse.*

Iam autem paulo ante Ciceronem, uno ipso adhuc vi-  
 vo, redierunt quidem iterum in lucem Aristotelis scripta,  
 reperere etiam illi suos illustratores & commentatores, &  
 tum statim & omni pene secuta tempestate, Græcos, Ara-

bes & Latinos, nemo tamen illorum Politicum opus ornare vel conatus est, donec seculo Christiano decimotertio Thomas Aquinas inusitato hactenus exemplo hoc agere ausus fuit. Similiter qui Politico commentario Platonem illustraverit, nemo inventus est. Procli enim quæ exstant & levia sunt, & Politicam Philosophiam nulla ex parte sapiunt.

Qui porro suo preceptu aliquid conscribere sit ausus, Græcorum omnium nullus omnino est. Vnus Cicero, inter Latinos, ad Platonis exemplum, sex de Republica libros & aliud de Legibus volumen exaravit. Quorum illi datum perierunt, nisi quod somnium Scipionis supersit: hujus tres fere libri exstant. Itidem vero Cicero de sola optima republica egit utroque in opere: neutiquam Aristotelico more de omni reipublicæ specie: ceu fieri debuerat. Etsi igitur in libris de Legibus sint quædam haud aspernanda, forte etiam in libris de Republica præclara quædam fuerint tradita, universa tamen Civilis doctrina vix eminus fuit à Tullio tacta.

Porro nec Arabum scriptorum quisquam (quos penes tamen aliquamdiu regnum omne stetit melioris & veteris Philosophiæ) hinc vel hilum præstiterunt. Nec enim Averrois Epitome Platónica, meretur laudem ullam eximiã.

Hæc verò misera ratio fuit omnis hujus Philosophiæ, donec demum, ante hos circiter ducentos annos, Græcæ & Latinæ literæ iterum cœperunt efflorescere. Quod temporis intervallum est profectò ingens. Ex eo autem, Aristoteles cum primis, nactus est varios, cum qui de Græco Latine verterent Politicū illud opus, tum qui vel Paraphrasi, vel notis, vel justis commentariis illud illustrarent.

De

De hisce tamen dicere sententiam hic nolumus: quando-  
quid ea cura pertinet ad Introductionem nostram in opus  
Politicum Aristotelicum, indeque possit facile recipi quod  
in usum est.

Quid de iis qui suo pte Marte aggressi sunt Philo-  
sophiam hanc tradere, sit sentiendum, haud item pronun-  
ciatu difficile est; si expendantur illa quæ in lucem prodie-  
runt scripta, ad ista saltem quæ in hisce Propoliticis propo-  
suimus, atque ad hanc quasi normam omnia exigantur. Ma-  
nifestum sane hinc fiet, nihil eorum quod hactenus in lu-  
cem prodit, vel universam Scientiam civilem omnem-  
que adeo ejus ambitum persecutum, vel justis demonstra-  
tionibus Politicis esse usum, vel denique debitum ordinem  
observasse. Nihil certe non una aliqua parte laborare.

Quam censuram cum is qui hisce Propoliticis bene est  
instructus possit facile instituire, nihil etiam est causa, qua-  
re de singulis Politicis recentis ævi scriptis hic mul-  
tum nos quidem laboremus.

F I N I S

O 3

INDEX

## INDEX CAPITUM

## Libri Propoliticorum.

## CAP. I.

*Politicam Prudentiam non consistere, in morum  
elegantia, aut peritia omnibus blandiendi;  
ut nec in quavis reipubl. curatione: non item  
in religionis & honesti neglecto cultu.* pag. 1.

## CAP. II.

*De Juris & Civilis Prudentia affinitate ac  
discrimine.* pag. 6.

## CAP. III.

*Rhetoricam Artem magno errore à Sophistis anti-  
quis Gracia habitam cum Politica eandem  
esse. Differre item Politicam Prudentiam  
à cunctis, ut & usu aliquo rerum parta pru-  
dentia.* pag. 19.

## CAP. IV.

*De Subjecto ejusque affectionibus, circa qua Poli-  
tica doctrina versatur.* pag. 21.

## CAP. V.

*Politicam prudentiam differre, à Prudentia qua-  
libet, ut & à Militari, Oeconomica, Chrema-  
tistica, & Morali.* pag. 29.  
CAP. VI.



*Prudentiam Civilem non esse peritiam aliquam  
merè experimentalem : neque solam Experi-  
entiam satis esse, siue ad Scientiam siue ad V-  
sum civilium rerum.* pag. 40.

## CAP. VII.

*Civilium rerum certam peritiam aliquam posse  
accipi , idque demonstrativis ratiocinationi-  
bus : etsi illa non sint demonstrationes primi  
ordinis atque omnium exactissima.* pag. 50.

## CAP. IIX.

*Quo nomine certa Civilium rerum cognitio debe-  
at appellari : quâ item dignitate aestimari.*

pag. 58

## CAP. IX.

*Quemadmodum Experientia cum propria tum a-  
liena inserviat comparanda civili Prudentia:  
utque aliena quam optime possit ex historicis  
monumentis accipi.* pag. 70.

## CAP. X.

*Experientiam rerum civilium, siue usu siue histo-  
riarum lectione comparatam, non sufficere  
ad Prudentiam siue scientiam Politicam ac-  
quirendam.* pag. 77.

*Quibus adminiculis debeat esse instructus, is qui  
Civilem prudentiam sibi comparare vult;  
quidque illum porro agere oporteat.*

pag. 81.

## CAP. XII.

*Neque Puerum neque Iuvenem aptum esse adse-  
quenda Civili Prudentia; debere tamen &  
posse utrumque ad illam plene aliquando com-  
parandam institui: quemadmodum item fieri  
hoc oporteat.*

pag. 82.

## CAP. XIII.

*Quid requiratur ad Prudentiam civilem, ut in re-  
rum actu quis illam quàm optime exerceat.*

pag. 93.

## CAP. XIV.

*De Ordine in docenda Politica Scientia observanda.*

pag. 100.

## CAP. XV.

*De Politica Scientia aut Civilis Philosophia optimis  
per omnem ætatem scriptoribus.*

pag. 103.

HERM. CONRINGII  
DISSERTATIO  
EPISTOLICA  
DE  
VARIA ET MAXIME VERA  
JURISPRUDENTIA.

P



*VIRO MAGNIFICO NOBILISSIMO AMPLIS-  
SIMO ET CONSULTISSIMO*

**H E N R I C O** Langenbeck

**I**Cto,

Serenissimi Brunsv. & Lyneburgensium

Ducis

**CHRISTIANI LUDOVICI,**

Cancellario & Sanctiori Consiliario &c.

Amico suo magno.

*S. P. D.*

**HERMANNUS CONRINGIUS.**



**MAGNVM** est nomen Prudentiæ Iuris *Varia est*  
& ingens apud omnes gloria. Si rem ipsam *peritia Iu*  
verò spectemus, non unum quid sed multi- *ris: non*  
plex variumque isthac voce usurpatur; id- *omnis au-*  
que adeò inter se diversum, ut de nonnul- *tem forte*  
lis fortassis haud injuria dubites, num tanti nominis men- *Pruden-*  
suram adimpleant. *sie nomē*  
*meretur.*

Enimverò nulla gens, civitas nulla, imò nulla omni- *Omnium*  
no societas, quamvis exigua atque ex hominibus pretii *latarum*  
contempti conflata, reperitur aut esse potest, cui non sint *Legum,*  
jura & leges. Quæ jura & Leges proinde numero sunt in- *cumpr-*  
finita, quemadmodum & coetus ejusmodi civiles numero *nis luda-*  
nullo queunt comprehendi. Has Leges verò inter cum- *icarnum,*  
primis celeberrimâ dudum fuerunt famâ, apud Judæos qui-

*Romanarum & Pontificiarum est sua aliqua peritia.*

dem non illæ duntaxat quas per Mosen Deus ipsi Israelitico populo promulgavit, sed etiam (& præcipuè quidem) quas Magistri Judæorum, tanquam à Mose arcanâ traditione acceptas, falso quidem & inepte, venditantes, processu temporis in grande unum volumen Mischnæ & Gemaræ compegere; in Europa autem tantum non universâ, cum illæ quas Justiniani Romanorum quondam, magni sane Imperatoris, auspicijs & jussu, vasto itidem volumine Tribonianus est complexus, tum quas Romani Pontifices proximis aliquot seculis ediderunt, mole & varietate cæteris haud impares. Etsi autem harum legum præcipua hodie passim sit auctoritas atque existimatio, ac proinde harum cognitio dignitate prima sit: cum tamen & reliquarum Legum in suis civitatibus, quarum sunt in usum conditæ, haud minor sit vis, illarum quoq; notitia patilem ferme, saltem in singulis rebus publicis, locum solet invenire. Eo tamen discrimine, quod ubi leges sunt paucæ & intellectu faciles, non ea Peritorum juris auctoritas esse possit, quanta est alibi, ubi præ copia & obscuritate leges in paucorum notitiam perveniunt; utpote quum hi eo ipso legum penè fiant domini.

*I. Peritiæ Legum Spectes est In rebus privatis alicujus civitatis cognitio.*

Cæterum & illarum, quæ singulis civitatibus propriæ sunt, Legum cognitio varijs sese modis habere solet. *Primum* enim, cum ipsum cujusque civitatis jus, aliud sit Publicum, aliud Privatum: est quidem interdum ut utriusque juris peritiam quis teneat, interdum tamen abest alterutra; nec minus tamen illa in vulgus audit peritiæ juris splendido cognomento. Romani sanè olim privati juris solitaria cognitio, isthoc titulo fuit plarumque venditata. Unde Antonium, virum magnum, Cicero ita differentem producit: *Si quæreretur, quoniam Jurisconsultum verè nominare-*

*tur?*

tur? eum dicerem, qui Legum & Consuetudinis ejus qua privati in civitate uterentur, & ad respondendum, & ad agendum, peritus esset. Pauci sanè tùm fuere ad exemplum Atteij Capitonis compositi, quem Gellius, *publici privatiq; juris peritissimum* nuncupavit. Nec vero non hodieque idem obtinet, idque moribus Europæ tantùm non universæ.

Quoniam verò omnes inter populorum Leges primâ dudum famâ fuerint Romanæ, & quidem Justinianæ, usque adeò ut hæ Civilis juris nomen præalijs per excellentiam adeptæ sint; hinc *secundo* has Justinianæ novisse, id præsertim, esse Jus civile tenere, existimatur. Et tamen multum id abest à peritia juris illius, quod in civitate quavis hodie obtinet. Nec enim Justinianicum illud jus usquam terrarum, nisi aliqua sui parte & quidem exigua, vim legis amplius habet. Alicubi nullum illi pretium est. Ubivis statuta & consuetudines domesticæ prævalent; & rebus publicis libera est potestas jus illud vel de novo acceptandi, vel rejiciendi etsi jam quadantenus receptum. Eòq; nec ipse Tribonianus hodie quidem sit idoneus in ulla civitate jus dicere secundum Leges. Perinde atque observare passim est, quamvis peritissimos juris illius, ipsi pares Cujacio, in foris nostris exiguum admodum posse, si vè agendæ causæ fuerint si vè judicandæ.

Hæret porrò legum illarum singularium peritia, interdum in nuda cognitione sensus legum: Ut nimirum intelligas duntaxat, quid legibus sit sancitum, quidque adeò illæ sibi velint. Est verò & illud scire haud levis operæ; tùm præsertim, quando leges sunt vetustæ, & præ nimia quadam copia aut verè aut certè in speciem inter sese dissident. Id quod usulvenit præcipuè circa Romanas leges; illas etiam quas Justiniani cura accepimus. In sola sanè

II.

*Species est  
Juris Ju-  
stiniani  
peritia.*

III.

*Species  
cōstat nu-  
dâ cogni-  
tione sen-  
sus Legū.*

earum mente exponenda laboraverunt plurimi, præ alijs verò pretium operæ fecerunt eximi viri, Cujacij, Balduini, Pithœi, Fabri, Gothofredi, Fabrotti, & si qui alij Romanarum rerum veterum notitiam accuratam ad hoc Romani juris studium attulerunt. Perinde atque illis adminiculis destituti, vix est, ut integri quidem legum illarum Corporis: (nam de quibusdam Legibus, quarum maximus est usus, non equidem id dixerim) plenum intellectum assequantur. Ea sanè est & difficultas & prolixitas studij hujus, ut qui huic animum appulerunt, ipsum fori usum plerumque neglegant, imò ad judicia causarum inidonei penè reddantur, nisi vel ampla ingenij capacitas eos erigat, vel nonnihil ipsi remittant ab illa cura.

## IV.

Ceterum plerumque hæc Legum cognitio comitem habet *solertiam*, quâ causæ ad Leges tanquam normam possunt exigi. Et verò in id potissimum solet peritia isthæc comparari; Ut nimirum vel possis judicare controversias quasque civium, vel illis patrocinari, ad legum præscriptum. Plane autem posterior illa solertia à Legum peritiâ strictim ita distâ, (etsi uno communi nomine vulgò veniat) multum diversa est. Nam omnis quidem civilis ac forensis contentio est de eo, quod contra Leges ab aliquo actum creditur; attamen potissimum versatur in ijs dubitationibus: factum sit quidpiam ab illo qui accusatur nec ne, & si factum, sponte an invite, si sponte an deliberato consilio an repentino aliquo animi motu; si invite an per ignorantiam, eamque aut vincibilem aut invicibilem, an vero per violentiam factum sit. Quæ quatenus verissimiliter queant persuaderi Rhetoricæ, quatenus autem certis argumentis judicanda sint, ejus peritiæ est quæ in judice postulatur. Ut ad causas siye agendas siye arbitrandas tum  
demum



demum Legum cognitio sit necessaria, quando jam de ijs quæ diximus constat. Sola nimirum superstitæ questione: utrum consentaneum fuerit legibus nec ne id quod est factum. Et verò hanc ob rationem, apud Græcos paritèr & Romanos, (in quibus olim primò omnium causidicina in artem redacta est) illi qui egerunt in foro causas, rarò Legum sibi peritiam comparavere, contenti in dubijs Jurisconsultum aliquem, (quorum nemo tum egit causas) adiisse.

V.

Ad hoc solet plerumque, etiam illa ad forensæ usum *Species* composita legum peritia absolvi, non attento num lex *desit* bene an secus lata sit. Imò verò ea in vulgus obtinet sen- *tur cogni-* tentia; non esse fas rationem & commoda legum quærere; *tione usus* utque liceat, inveniri tamen non posse; certè operam esse *noxe* inanem. Quod verum sit nec ne, nunc haud definitio. *Legum.* Causas legum vulgo ignorari, & tamen illas qui ignorant Peritos ac Consultos imò Prudentes Legum existimari, VI. palàm est.

VI.

Posse tamen etiam rationes usumque Legum haud *Species* ignorari, & illam Scientiam cum primis laudem mereri *simul ra-* perfectæ latarum legum prudentiæ; non difficile ad eò est *tiones at-* perspectu. *que com-*

Enim verò fatemur quidem & nos, verissimum esse Ju- *gum co-* liani JCr illud: *non omnium quæ à majoribus constituta sunt* *gnoscit.* *Antique* ratio reddi potest: si rationis voce intelligas, id quod pri- *legis cu-* mam ferendæ legi occasionem dedit. Quæ enim assequa- *iusq, pri-* mur illa omnia, præsertim si lex sit vetusta, & gestarum in *ma latio-* republica rerum nulla in vulgus suppetant monumenta? *nis causa* Attamen & illa primordia Legum novisse, quin plurimam *rarisime* faciat ad veram Legum intelligentiam, quantum arbitror, *sciri po-* vacat dubio. Certè ad Legum aliquot Romanarum in- *test. Est ta-* *men scitu* *terpre-* *nilis*

*Quidam  
id tenta-  
runt do-  
cere circa  
Leges Ro-  
manas.*

interpretationem Franciscus Balduinus, (is enim nisi fallor princeps id vidit) cumprimis verò Jacobus Gothofredus V.V. C.C. plurimum lucis ex historia temporum, quibus Leges fuere olim latæ, attulerunt. Et huc pertinet Wolfgangi Freymonij labor in conficiendo Indice Constitutionum Imperatoriarum, (quæ præ alijs Legibus *ωρίστηται* sunt imò *ωρίσθηται*) ad temporum seriem dispositarum. Imò collimaverunt isthuc, qui Romanorum Jurisconsultorum veterum illa fragmenta, unde Pandectæ Justinianæ constructæ sunt, in libros quosq; suos postliminiò revocarunt. Quos inter eminent Indicibus editis Antonius Augustinus & Jacobus Labirtus. Nam & ita in conspectum quodammodo venit, quâ occasione quove sensu pleraque illorum jurium, quæ in Pandectis nunc lacera & disjecta visuntur, olim ab auctoribus suis scripta ac pronunciata fuerint. Sed & illis, qui Leges duodecim Tabularum, aliasque antiquas Romanorum juris constitutiones, cumprimis verò qui Edictum perpetuum restituere sunt annisi, eadem videtur mens fuisse. Ut nimirum, quoniam Pandectæ sunt conflatae ex fragmentis illorum scriptorum, qui cumprimis ad Leges illas veteres & Edictum perpetuum sunt commentati, factâ collatione occasio dictorum eò rectius elucescat.

*Justinia-  
nus tamē  
illam cu-  
ram im-  
probavit.*

Verum illa quidem interpretandi Juris Romani diligentia saltem sententiæ Justiniani non satis convenit. Utpote qui ista interpretationis adminicula omnia, partim aboleverit, præfationibus Constitutionum præcisiss, & obscuris multumq; disjunctis librorum Juridicorum veterum fragmentis in centonē conjectis; partim incerta reddiderit, sub antiquis Librorum auctorum annorumque inscriptionibus, pluribus novis Casarea sua potestate editis: in universum quoque nihil ab se editum, voluerit amplius veterum illorum

illorum Jctorum aut Cæsarum censerî, sed sua. Quod exemplum in Basilicis promulgandis alij Cæsares secuti, quicquid illorum (ut ita dicam) adminiculorum, in Justiniano Corpore superfuit, totum abjecerunt. Benè an secus vel à Justiniano vel ab alijs id actum sit, jam non disputo. Id patet, illam interpretandi Juris Justiniani rationem Justiniano ipsimet non probatam fuisse. Liquet etiam, quod illa inquisitio in Legum Romanarum verum sensum & rationem factæ earum lationis, ad illam qua de nos jam loquimur Prudentiam juris nihil faciat.

Hoc nimirum volumus: latarum legum omnium talem aliquam cognitionem posse accipi, ut sciamus, num latæ leges, ante omnia æterno illi & nobiscum nato juri, deinde & reipublicæ alicujus usui, satis convenient nec ne. Ad quæ cognoscenda, parùm præstat scire originem & occasionem factæ lationis legum. Tum nempe duntaxat aliquid valet, quando expendere animus est usum latæ legis ad tempora ejus prima: quamvis etiam ad sensum legum accuratè percipiendum, novisse illa omnium primordia, referat semper plurimum. Certè vehementer errant viri magni, inque his ipsemet Jacobus Gothofredus, qui in illa primordiorum (ut ita dicam) cognitione, veram accuratamque Romanarum legum scientiam collocatam esse arbitrantur. Est enim quidem illa præstabilis eruditio, quæve paucissimis contingat; estque aded illa, quâ olim videtur sese multum aded commendasse, C. Plinij Secundi judicio, Titus Aristo Jurisconsultus: ab ea tamen quam modò tetigimus juris pericia immane quantum diffidet.

Possè verò talem aliquam acquiri, qualem nos ante indicavimus latarum legum cognitionem, non est quod dubitemus. Utiqûe enim expendi omnia ad naturæ jus

Q

queunt

*Maxime  
vera la-  
tarum le-  
gum pru-  
dentia  
longè est  
diversa à  
notitiâ le-  
gum ori-  
ginis.*

*Ea potest  
acquiri.*

queunt: nec reipublicæ cuiusvis singularis commoda atque incommoda novisse intellectus humani caprum excedit. Ubi noveris igitur, & quid ipsa rerum natura quasi sanxerit, & quid exigat uniuscujusque reipublicæ ratio, poteris utique latarum legum examen ejusmodi quale diximus instituere, atque adeò talem tibi illarum scientiam comparare.

*Peritia*

*Juris alij  
nominibus ci-  
vilibus, quæ  
destituti-  
sunt facul-  
tate judi-  
candi, aut  
cavendi,  
indigna  
est titulo  
Prudentiæ  
Juris.*

Et verò omnes inter species peritiæ latarum legum, quas modo commemoravimus, hæc maximè videtur elucere, & Prudentiæ legum nomen promereri. Quis sanè meritò Prudentiæ grande nomen dederit saltem illi legum peritiæ, quæ circa solum latijuris sensum hærescens inidonea est consulere humanæ vitæ? Tali autem peritia legum nonnullos esse instructos, jam audivimus. Non equidem diffitebimur, etiam hanc peritiam mereri eximiam laudem: imò jam tum professi sumus, Romanarum legum talem peritiam non posse quem perfectè consequi sine magnæ doctrinæ subsidijs, ac proinde hætenus illam solos Cujaciorum & primæ notæ alios paucos, assequutos esse. Si tamen dicendum quod res est, Philologica potius quædam, sive, quod perinde est, Grammatica aut Historica hæc legum est peritia, quam Scientia, vel Ars, vel Prudentia justiciæque civilis.

*Quid Ci-  
vile juris  
nominibus  
hic intel-  
ligendū.  
Romanū  
jus reapse  
hodiè non  
est am-  
plius jus  
civile.*

*Civile* cum ajo, intelligo tantum illud jus, quod in aliqua singulari obtinet civitate: nec enim nunc ago de eo, quod pro diversitate rerum publicarum multiplex est & diversum. Et verò etsi illa quæ plene affecta est omnia quæ in aliqua singulari republica hodiè obtinent, possit civile hodierni alicujus juris scientia aliquatenus dici, Romanum tamen illius juris plenissima etiam cognitio non id nomen pari ratione meretur; quoniam illud jus nusquam terrarum

rum omni ex parte reapse vim civilis legis retinet. Hujus certe perquam multa novisse, perinde ferme est atque leges Atticas aut Spartanas novisse: quod indicio maximo est, verum esse quod diximus, ejusmodi cognitionem esse historicam.

Longè ad vitam & communem usum est utilior illa recepti juris peritia, quæ comitem habet juris ad facta applicandi facultatem. Imò illam qui fraudant Prudentiæ titulo, injuriam profectò faciunt insignem peritiæ isthac instructis plurimis Jurisconsultis. Et verò cum Prudentia sit illa vis, quæ circa humana occupatur bona, atque adeò quæ id quod in vita utile est aut noxium assequi & consulere idonea est; quo merito Prudentiam non dixeris illam peritiæ, quæ & novit quid sit moribus atque institutis civitatis consensaneum (hoc est autem illud, quod in publicum est utile,) & simul actus omnes civiles ad normam institutorum civilium arbitratur ac dirigit? Hoc omne verò præstat illa juris peritia quam nunc tangimus. Communis sanè omnium gentium usus semper ejusmodi peritiæ Prudentiæ nomine decoravit. Non alia utique peritiæ fuerunt instructi olim Romanorum Jurisconsulti; quos tamen Prudentes juris appellatos esse ab omnibus, vacat controversia. De C. Aquilio Jurisconsulto ipsemet Cicero pronunciat: *Ejus prudentiam populus Romanus in cavendo non in decipiendo perspexit.* Jamdudum ante C. Ælium catum h. e. cavendi prudentem Ennius cecinerat illo suo:

*Egregie cordatus homo catus Ælius Sextus.*

Tullius certe sapientiæ quidem nomen immerito præcis illis Romani juris peritis tribui censuit: Prudentiæ autem ultrò largitus est, illa etiam pro Muræna oratione, quæ Jurisconsultis istis iniquior fuisse creditur. Quid, quod illis peritiæ

Q :

hujus

*Juris ci-  
vilis peri-  
tia, quæ  
conjun-  
cta est  
cum fa-  
cultate  
applican-  
di juri ad  
factum,  
revera est  
quædam  
jurispru-  
dentia. Idg-  
a non  
nullis sine  
caussa ne-  
gatur.*

huius contemptoribus, cum Aristotelis voluerint haberi sectatores, ipsemet Aristoteles debuerit meritò linguam temperare? Is videlicet ipse Aristoteles passim laudat δικαστικὴν peritiam *Prudentia* cognomento: nec tamen aliam ille legum peritiam iudici inesse debere existimavit, quàm illam qua de nunc sermo est. Ineptè sanè *Prudentiæ* titulus idèò denegatur huic peritiæ, quod ratione juris nesciat. Ipsæ scilicet leges & mores huic *Prudentiæ* sunt loco rationum. Inverso nempe ordine procedit ἡ νομοθετικὴ & δικαστικὴ. Illi leges sunt opus aut conclusio: huic principium concludendi aliquid de negotijs civilibus. Nec verò cui legis auctoritas pro norma est, is abs ratione agit. Id sane affirmare, cum injuria est conjunctum non duntaxat legibus obsequentium, sed etiam iudicum omnium.

*Peritissimū* Et si verò *Prudentiæ* nomine digna omninò sit talis iudiciaria legum peritia: indubiè tamen majoris est *Prudentiæ*, ipsas legum illarum rationes, atque adèò commoda & noxas, quas illi queant reipublicæ alicui præstare, posse expendere atque iudicare. Hoc certè usum maximum humanæ vitæ adferre est idoneum. Certè civitati plus commodi præstare aptus est is, qui tenet legum civilium utilitatem & noxam; quàm qui novit duntaxat, secundum leges & mores usitatos controversias civiles decidere. Ac proinde plus in illa peritia est *prudentiæ*.

*Hanc In-* Et sanè in illo qui reipublicæ præsidet, sive auctoritate sive consilio, non tam illa quam hæc *Prudentia* unicè requiritur. Perinde ut iudici illa ferè sufficit, hæc non nisi leviter adsit necessum est. Nec verò rempublicam probè administraveris, si ignores, num leges & mores recepti rectè sese habeant, & si non habeant, quatenus corrigi debe-

ant



ant & mutari. Enimverò non est quod nos turbent illa Ne-  
rati: *Rationes eorum quæ constituntur inquiri non oportet,*  
*alioquin multa ex his quæ certa sunt subverterentur.* Agit  
enim ille non de reipubl. præside sed de iudice; & quidem  
illo, qui in iudicando non tam legum normam velit sequi  
quam sui animi ratiocinationes. Iudici sanè illam si per-  
mittas licentiam, subvertentur multa ex his quæ sunt certa;  
& legum tandem ipsis in iudicijs non nisi inanis umbra su-  
perforet: quo nihil est civitati perniciosius. Dispar verò  
multum est ratio Iudicis, & illius qui ad reipubl. sedens cla-  
vum, civitatem omnem gubernat atque administrat. Usque  
sanè adeò, ut quod hujus est in officio, id alteri ne quidem  
extremo, ut ajunt, digito fas sit attingere.

Sed hoc discrimen variæ latæ juris peritiæ, quodque *Variam*  
adeò hæc demum præ alijs Prudentia juris sit, quum reli-  
quæ nonnullæ non nisi commune illud Peritiæ nomen *esse juris*  
mereantur, intelligere fortasse non multum est difficile. *peritiæ,*  
Videtur sanè illa jam affecutus, ipsemet ille meus stupidus *ultimâ*  
adversarius: Novisti hominem, Vir Magnifice, ideoque no- *maxime*  
lo ejus nomine chartas maculare. Etsi enim antehac me *dignâ ti-*  
petiisset isthac sua quæstione: *tuâ juris*  
*An probabilis sit novatorum* *prudentiæ,*  
*diffinitio inter juris Peritum & juris Prudentem?* inquit. *non ante*  
Iclemni Panegyricam adversus me curasset ab aliquo dupon- *sine di-*  
diorum suorum magnis clamoribus agitari: in nuperis *scrimine*  
tamen thesibus scripsit; *omnem*  
*cardinem controversiæ nostræ* *etiam ad-*  
versari, in ijs quæ Hopperus habet initio tituli 23. libri quar- *versariis*  
ti, ibi vero ab Hoppero granissimis verbis sententiam me- *mens an*  
am damnari. Summa autem doctrinæ illius loci est: *ignovit*  
*Politicam legum interpretationem, in Senatu & republica, ubi de*  
*legibus condendis & corrigendis agitur, & utrum rectè lata*  
*sunt inquiritur, potissimum versari: eoque nec in communibus*

*scholis tractari debere, ubi leges ipsas juvenes, nisi triginta quinque annos nati & composito sint animo, non autem iudicium de legibus, quas ut decet colere oportet, addiscere debent: nec in foro & tribunali, ubi secundum leges non de iis est iudicandum. Quorum cum nihil adverteretur illi à me propositum inter iuris Peritiam & Prudentiam differentiam, sed potius ipso statim initio illam roborer, videtur ille homo, velle hoc iam incauto lectori persuasum: quasi de ipsa illa differentia nihil inter nos fuerit controversia, sed forte de eo; in iuris lati Prudentiam vel censuram Politicam fas sit in communibus scholis doceri, idque ipse negaverit cum Hoppe, ego affirmaverim. Qualibus figmentis (nec enim illam quam fingit controversiam ego unquam verbulo tetigimus) est hominis, querere effugia, quando capus & convictus est: tanquam scilicet hac ratione in tato collo-  
cetur illius pristina jamque agnita incertitia.*

*Forensis  
prudentiam  
iuris  
non mereri  
iurispru-  
dentiam  
bitiosum  
elogium,  
ab aliis  
quoque  
animad-  
versum  
est: atque  
ideo  
hi, diver-  
sa tamen  
ratione,  
cogitant  
de for-  
manda*

Viderunt verò & alij nonnulli magno ingenio doctrinaque illustres Iurisperiti Romani, pragmaticam illam forensemque peritiam non æquare pondus, quod inest nominibus, quibus in ipsis Pandectis Iustinianeis Romani iuris Prudentia extollitur, eoque cogitaverunt de facie aliqua Artis aut Scientiæ illi concilianda, modis tamen & conatibus multum diversis. *Alij* nimirum id dederunt operam, ut legum illarum cum æterno iure æquitæque consensum ostenderent: rati hoc esse demum veram & non fucatam juris Philosophiam profiteri. Laboraverunt *Alij* in eo, ut communissimis quibusdam axiomatibus niti plurima corporis Iustiniani pronuntiata, docerent: hoc sanè potissimum fuit curæ Matthæo Gribaldo. *Alij* denique si ex pronuntiatis Iustinianeis communioribus, nullo naturalis aut positivi iuris facto discrimine, fluere multa alia mon-  
strarent.



strarent, hoc ipso sese Iuris Scientiam tradere arbitrati sunt: *vera ali-*  
 qua in sententia fuisse Antonium Fabrum prodit sanè e- *qua Iuris*  
 jus Scientia Iurisprudentiæ Papinianæ. *scientia.*

Verum enimvero tot præstantium virorum conatus *Cōm illi*  
 nemo æquus arbiter non laudaverit quidem plurimum: ne- *laudabi-*  
 que sibi tamen illi neque alijs cordatioribus satisfecerunt. *los quidē*  
 Quo factum, ut nonnulli haud dubitaverint apertè profi- *sunt, non*  
 teri, nulla esse latarum legum certa principia, & frustra in *assensu sa-*  
 Scientiâ Legum comparanda laborari. At verò de hisce *mē, quod*  
 quidem aliàs. *vulnerāt.*

Ut autem cum illis reliquis nunc agamus. Utique de- *Aberra-*  
 mum in principiorum verorum indemonstrabilium neces- *vunt in i-*  
 sariarumque notitiâ rerum scientiam sitam esse, caret du- *pse Legū*  
 bio. Quæ illi verò attulerunt, non profecto sunt Legum, *veris prin-*  
 siue Romanarum siue aliarum, vera fundamenta ac propria *cipiis.*  
 principia.

Faber sanè quæ produxit ab illo ordine absunt lon- *Ant. Fa-*  
 gissimè: quod nemo non mecum judicabit Analytices pe- *ber.*  
 ritus, saltem qui inspexerit opus illud Papinianæ scientiæ,  
 cœtera eximium.

Axiomata à Gribaldo producta sunt illa quidem prin- *Math.*  
 cipia legum atq; actionum humanarum, perinde atq; rerum *Gribal-*  
 naturalium aliarumque penè omnium, (sunt enim ex Me- *duc.*  
 taphysicis magnam partem petita) attamen illa Metaphy-  
 sica atque adeò communia (perinde atque Physica Mathe-  
 matica atque Moralia, quæ iidem inveniunt suum locum  
 in Politicis aut Nomotheticis demonstrationibus inter-  
 dum, seu abbi docemus pluribus) non sunt verè propria  
 domestica & proxima potissimaque Legum principia, quæ  
 maximè tamen idonea sunt demonstrandæ Legum recti-  
 tudini. Et verò etiam illa communia tum demum in de-  
 monstra-

monstratione inveniunt locum, quando ad materiam specialem restricta merentur pro domesticis accipi.

Magis ad rem solent accedere illi, quos primo loco commemoravimus. At profecto in nulla republica leges omnes condi. solent, quoniam ita jubeat naturalis æquitas: eoque illa quidem non est legum civilium primum principium. Enimverò, saltim plerarumque, Legum etiam optimarum ea est natura & conditio, ut naturaliter justæ sint haud alio sensu, quam quod non sint injustæ, sive quod naturali juri haud adversentur: (prout vox justum est  $\mu\lambda\delta\sigma\eta\mu$ ) non quod Natura ipsa ita sanxerit. Positivæ enim utique sunt Leges plæræque: atque adeò vim justæ naturalis non assequuntur. Quæ Natura nimirum simpliciter quidem jussit per sunt pauca, plura ex hypothesi constituit; at negotia civilia longè ampliorem normam exigunt. Quinimò ea etiam quæ Natura vetuit impunè permitti, quæ mandavit non mandari, in civitate interdum est necessum.

Enimverò mirari sæpè subiit, qui potuerint multi adeo præstantes doctores ita celsipitare circa ipsa Iuris principia: cum Iustinianus tamen Cæsar diserte & frequenter adeò, idque verbis optimorum maximorumque Romanæ jurisprudentiæ scriptorum, quæ Iuris quidem Civilis Romani in universum rationes sint ac fundamenta, omni orbi propagaverit. In ipsum Titulum de Legibus recepit utique Cæsar ille hæc Pauli: *Ius singulare est, quod contra tenorem rationis, propter aliquam UTILITATEM, auctoritate constituentium introductum est.* Hæc item Modestini: *Nulla juris ratio aut æquitatis benignitas patitur, ut quæ salubriter pro UTILITATE hominum introducuntur, ea nos duriori interpretatione contra ipsorum COMMODOM producamus ad severitatem.* In ipso Titulo de Iustitia & Iure hæc Ulpiani

sunt

sunt verba: *Publicum jus est quod ad STATVM rei Romana spectat, Privatum quod ad Singulorum VTILITATEM: sunt enim quaedam publicè VTILIA, quaedam privatim.* Ibidem scripsit Paulus: *Jus dicitur altero modo, quod omnibus aut pluribus in qua, civitate VTILE est: ut est Jus civile.* Ipsi-  
 met Papiniani hæc verba sunt de jure Prætorio: *Jus Prætorium est, quod Prætores introduxerunt, adjuvandi, vel supplendi, vel corrigendi Juris civilis gratia, propter VTILITATEM PVBLICAM.* Titulus de Constitutionibus Principum habet hæc verba Ulpiani: *In rebus novis constituendis evidens esse VTILITAS debet, ut recedatur ab eo jure quod diu aquum visum est.* Idem planè de Jure publico & privato Romano, tyronibus ipsis inculcatum voluit Cæsar, statim in initio Institutionum. Imò idem quoque non obscure de Jure gentium voluit doceri illos ipsos Titulo secundo: *Jus gentium, inquit, omni humano generi commune est; nam VSV EXIGENTE ET HVMANIS NECESSITATIBVS, gentes humana jura quaedam sibi constituerunt.* Mitto alia complura, vel enim ex hisce paucis satis constat, principium, saltem magnum, Civilis & Gentium juris, Justiniano Cæsare & ipsis illis Jurisconsultorum Romanorum omnium primatibus auctoribus, esse *utilitatem*. Quid? quod (si bene rem explices) non alia sit ipsiusmet Naturalis *justi* *propè mater & equi*. Etiam hoc scilicet producit quasi ab Utilitate naturæ ejus quæ humano est generi communis. Verùm id subtilius est fortè quàm ut huic loco conveniat: alibi tamen seorsim à nobis demonstratur. Illud abunde jam est manifestum, Romani atque adeò omnis Civilis juris, maxime proprium atque domesticum principium ac fundamentum esse, civilem utilitatem. Si sane fides habenda est Cæsari ipsi Justiniano atque optimis maxi-

mis illis consultis juris: habenda autem meritò est, cum pariter omnium prudentum sententiâ, & evidentibus rationibus, demonstrare id in promptu sit.

*Falluntur*

*ergo qui*

*Leges po-*

*nitivas co-*

*eo arbi-*

*trio stare*

*existimâr.*

Hoc ipso autem simul palàm fit, quantum illi & à recta ratione & ab ipsorummet optimorum juris Romani conditorum sententia aberrant, qui Leges positivas civiles nullo certo niti fundamento, sed solo cœco arbitrio stare vel cadere arbitrantur. Verùm non est quod illa nunc nos

Cæterum utilitatem constituti juris intelligere, (quâ in re consistere si non omnem saltim potissimam ejus, si qua est, scientiam, quamve notitiam summè commodam esse omni illi qui ea quâ par est ratione reipublicæ suæ studet consulere, affirmavimus) possit forte videri difficilior, quam ut hominibus assequi sit concessum. Certe paucissimos reperias, qui viam rationemque id consequendi tradere sint aggressi. Verum enimverò nec ego quidem negaverim, paucos admodum id certâ quadam via ac ratione agere: usus tamen docet, tantâ sic satis multos polere judicii acrimonia, ut vel naturâ vel usu longo comparatâ ingenij facultate, commoda & noxas recepti juris optime atque exacte comprehendant. Utrique enim videas multos leges receptas corrigere, supplere, mutare, antiquare, imò & novas condere, insigni felicitate: quod profectò fieri non potest, nisi usu & noxa legum intime perspectâ. Vobis certe Magnifice LANGENBECI, qui ad clavum reipublicæ sedetis, familiare hoc est; inque eo non exigua pars vestræ est prudentiæ, & præclarorum de publico meritorum laudis, collocata. Si faciunt autem hoc multi (ut faciunt) vi quadam ingenij, ergo etiam certâ quadam viâ & arte idem effici potest. Licet enim

utique

*Utilitas  
Juris con-  
stituti li-  
cet certa  
quadam  
scientia  
intellige-  
re.*

utique observare, & in unum cogere illos modos, quibus uruntur in isto felice Legum judicio illi ingeniosi. Quod est viam certam atque artem quandam producere. Hac sanè ratione omnes artes initiò sunt conditæ. Si verò certa quadam via judicium instituitur, non potest non profectò illud cum summo reipubl. gerendæ commodo esse conjunctum; multum sanè illa methodus præstiterit isti, solis ingenij dotibus innixæ facultati.

Evidens hoc usque est adeò, ut etsi pauci, nonnulli tamen, meditati sint Juris quam vocarunt artem condere. Utinam verò par successus omnem illorum conatum excipisset! At nonnulli statim in ipsa janua, ut ajunt, impegerunt, Artem istam juris collocantes in dispositione quadam concinna legum Justinianearum: quasi illam qui teneat jam sit artifex legum simpliciter omnium. At nec ego quidem haud negaverim, isthoc sensu memorari: Ciceronem cogitasse *de jure civili* (Romano scilicet) *in artem sua est redigendo*, & Celsum Jurum dixisse; *jus*, h. e. Leges Romanas, probo ordine collocatas, *artem esse boni & aequi*. At illa quoque ipsa vocis *ars* usurpatio multum ab ita verò ejus usu: & ejusmodi profectò ars, ad commoda atque incommoda legum pernoscentia, omnino nihil valet. Nec verò vel ipsius Romani juris usum aut noxam illius beneficio assequaris; tantum abest, ut illa te idoneum reddat alterius civitatis legibus arbitrandis.

Haud me latet, ea nonnullos erga Romanum jus duci superstitione, ut tanquam certum indubitatumque habent, esse illud omnibus numeris perfectum commodumque; non correctionis porrò, non mutationis capax; aptum denique & sufficiens omnibus rebus publicis: eoque ad illud Jus, quicquid alibi tenetur, tanquam ad normam exigen-

omnibus  
rebus  
publicis.

dum; ut illud scilicet ubivis sit utile quod huic conveniens, illud noxium quod ab hoc dissentit. Verum hæc quidem postulata (postulant enim hæc credi, nulla cum sint ratione instructi) excedunt modum. Et verò satis insanæ illi (insania enim mera est) confutandæ sufficit communis omnium gentium, omnium rerum publicarum, omnium seculorum, ab hoc placito dissensio.

Ipsimet  
Romani  
proscen-  
ge. secus  
de suis La-  
gibus ju-  
dicarunt.

Nec enim ipsosmet Romanos exceperim; utpote qui nunquam adeò inepta superstitione leges suas sint venerati, sed semper ultrò fassi, maximam partem suarum legum esse jus suæ civitati proprium, ut Atheniensibus Atticum, atque pro usu exigente mutabile, solis *naturalibus legibus* semper *semis atq. immutabilibus permanentibus*.

Romani  
sua Le-  
ges XII  
Tabula-  
rum usu  
exigente  
mutave-  
runt.

Imò verò quas ipsimet leges suas non mutavere? Utique enim prima & maxima auctoritas fuit decem Tabulis: his statim additæ duæ, ubi animadversum, *desse aliquid* istis primis legibus, (ut loquitur ipse Pomponius) neve crederetur vel sic ferendis legibus impositum finem, ipsimet undecimæ Tabulæ hanc legem inseruerunt: *Quod populum Populus jussit, id jus ratum esto*. Eopse pene tempore, (si Pomponio credimus: non mereri autem in omnibus fidem, dudum doctis innouit) *compositum prudenter illud Jus Civile* quo *disputatio forei* comprehensa, & confectæ *Actiones legis* quæ formulis (non dicam qualibus; Justinianus ipse illas appellat *antiqua subtilitatis ludibria*) constabant. *Secutus inde immensus aliarum super alias accervatarum legum cumulus*, ceu dicebat Livius; imò (ut Tacitus loquitur) *perventum est ad multitudinem ac varietatem legum infinitam*; adeò, ut quemadmodum antebac *flagitiis ita tunc legibus sit laboratum*. Quo malo Julius Cæsar per-motus, teste Tranquillo, *Jus civile ad certum modum redi-*

gere

gere atq. ex immensâ diffusâq. Legum copia optima quæq. & necessaria in paucissimos conferre libros destinavit.

Nec verò mansit duodecim Tabulis primus honor: *Lex XII*  
 imo tantam non omnis earum vis, nisi in *Legis Actioni*. *Tabula-*  
*rum tan-*  
*dem tota*  
*est anti-*  
*quata.*  
*bus* centumviralium causarum, jam ante Cæsarum ætatem, lege *Aebutia* lata consopita est: quod Juris peritus quidam jam olim Aulo Gellio respondit. Et verò testis est Ludovicus Charondas, in fragmento quodam Romanæ antiquitatis sibi repertum: *L. Aebusius* Tribunus plebis, vir popularis, legem tulit ad populum, ut *XII tabularum capita*, quæ inusilia essent reipublicæ, tollerentur: quæ lex multis contradi-centibus tandem lata est. Ille certè Jurisperitus Gellianus, Hadriani ævo non dubitavit profiteri, interpretationem Decemviralis Juris non magis ad se pertinere, quam Juris Faunorum & Aboriginum. Eadem tempestate ipse Sextus Cæcilius, præstans sanè Jurisconsultus, fassus est Favonino, *Plariso*, ipsis duodecim tabularum Legibus jam populum *Populus*  
*ipse Roma-*  
*nus mul-*  
*tum de-*  
*traxit an-*  
*tiquitati*  
*XII Ta-*  
*bular.*  
*cum pri-*  
*mis per E-*  
*dita Pra-*  
*toria.*  
*Romanum uti desisse*, addita excusatione: Legum oportunitates & medelas pro temporum moribus, & pro rerum publicarum generibus, ac pro utilitatum presentium rationibus, pro-visorum quibus medendum est ferioribus, mutari atq. flecti, neq. uno statu consistere; quin, ut facies cæli & maris, ita rerum ac fortuna tempestatibus varientur. Et verò utique Romanus Populus non ipse tantum processu temporis pluraque mutavit suis Senatûsconsultis & Plebiscitis; sed & Prætoribus suis facultatem concessit (bene an secus jam non disputo) *leges corrigendi adjuvandi & supplendi.*

Jam verò & Prætorum illud Honorarium Jus, quam instabile initio fuerit, non passus est nosignorare Dio: *Prætores*, inquit, omnes ea jura, secundum quæ jus ipsi dicturi essent albo inscripti proponebant. Nec enim



*In Prætoribus* jura & leges omnes ad contritus pertinentes exprimere, ut  
*an* fuit id uno eodemque tempore faciebant, nec abs se scripta servabant,  
*an* sed alibi mutabant scripturam sapienter, & in hac re multa, cum fa-  
*an* cile creditur, ad gratiam vel odium quorundam fiebant. Igitur  
*Edictum* C. Cornelius Tribunus plebis rogationem tulit, ut & statim  
*perpetuum* à principio Prætores prædicerent, quo iure essent usuri, & de-  
 inde nequaquam ab hoc desisterent. Illa Prætorij Juris ma-  
 jor solito constantia cœpit quidem anno v. dcxævi;  
 fuit tamen perexigua. Quemadmodum nimirum ipsa  
 Prætura annua fuit, ita & Edicta Prætorum non nisi annua-  
 lia. Plurimum enim falluntur, qui rogatione Cornelia  
 majorem stabilitatem arbitrantur Edictis datam esse: quum  
 utique Cicero ipse adhuc disertè affirmet: *qui plurimum*  
*tribunt Edicto Prætoris, Edictum Legem annuam esse dicunt.*  
 Jussu demum Hadriani Cæsaris à Salvio Juliano conditum  
 est Edictum illud Perpetuum vocatum.

*Ipsam E-* Non vana quidem appellatione, si conferas cum an-  
*dictum per-* tecessis temporibus, quando *varie* illud inconditè, à Præ-  
*petuum la-* toribus promebatur, ut Aurelij Victoris verba mutue-  
*boravit* mur: at non eo tamen sensu, quasi nec addere nec demere  
*plurimum* aliquid illi fas fuerit. Ipse divus Hadrianus (verba sunt  
*discordia* ipsiusmet Cæsaris Justiniani) in compositione Edicti hoc aper-  
*comment-* tissime definivit; ut si quid in Edicto positum non invenitur, hoc  
 ad ejus regulas, ejusque conjecturas & imitationes, possit nova  
 instruere auctoritas. Sed & facta Jurisconsultis Edictum  
 interpretandi facultate, horum commentationibus penè  
 illud enervatum fuit. Justinianus sane conqueritur: An-  
 tiquos Edicti Perpetui commentatores opus moderatè confectum  
 in infinitum distraxisse, ut penè omnis Romana sanctio sit con-  
 fusa. Item: in antiqui Edicti factum esse ordinatione, ut illud  
 brevissimum constitutum, ex differentium commentantium dif-  
 ferentia



ferentia seu diversitate, in infinitam extenderetur multitudinem. Certè ipsum illud Edictum commentariorum mole & discordia tandem quasi suffocatum videtur; atque ita evanuisse.

Eadem inconstantia fuit Senatusconsultorum & Plebiscitorum. Tacitus de ijs non dubitavit profiteri; duodecim Tabulas *finem equi juris*, sive ejus quæ æqualitatem conservârit inter Plebem & Senatum, fuisse: secutas autem *leges, etsi aliquando in maleficos ex delicto, sapius tamen diffensione ordinum, & apiscendi illicitos honores, aut pellendi claros viros, aliâq; ob prava, per vim lasas esse*. Pluraque verò etiam illorum, statim Cæsarum ævo, vim omnem legis perdiderunt.

Ipsismet porro Cæsareis Constitutionibus utique nihil incertius fuit & inconstantius. Citò profecto perierunt omnes quæ Hadrianum antecessere. Nec enim aliam temere dederis causam, quare ab Hadriano demum usque Constitutiones Cæsareæ in Codicem Gregorianum, Gallieno circiter imperante, collectæ sint. Non aliæ verò Cæsarium omnium usque ad Constantinum Magnum Constitutiones ætatem aliquam sunt nactæ, quam illæ quæ in Codice Gregoriano & Hermogeniano locum aliquem invenerunt: cum fuerint tamen fere infinitæ. Voluit verò quondam tantum non omnes, (*Rescripta* scilicet, quæ bonam Constitutionum partem absolvunt) tollere Macrinus Imperator. Ita enim de illo testatur Capitolinus: *Fuit in jure non incallidus, adeo ut statuerit omnia Rescripta veterum Principum tollere; ut jure non Rescriptis ageretur; nefas esse dicens, leges videri, Commodi & Caracalla & hominum imperitorum voluntates, cum Trajanus nunquam libellis responderis, ne ad alias causas facta perferrentur,*

Senatus-  
consulta  
& Plebi-  
scita Ro-  
mana su-  
erunt ita-  
dem in-  
constan-  
tia.

Cæsareæ  
Constitu-  
tiones plu-  
rimæque  
mutaverunt.

ferentur, quæ ad gratiam composita viderentur. Tametsi verò ille Macrini conatus irritus fuerit & (ceu ante diximus) à Gregorio pariter & Hermogene Jctis magna diligentia collectæ fuerint Cæsareæ constitutiones, ad Constantianum usque, duos in Codices; omnibus tamen illis vim atque auctoritatem, novo Codice edito, Theodosius secundus Imperator detraxit. In Novella certè ejus primâ hæc verba legas: *Quamobrem deterfa nube voluminum, in quibus multorum nihil explicantium atates atrita sunt, compendiosam Divinam Constitutionum scientiam ex D. Constantini tempore roboramus: nulli post Kalendas Januarias concessâ licentia, ad forum & quotidianas advocaciones jui Principale deferre, vel litis Instrumenta componere, nisi ex his videlicet libris, qui in nostri nominis vocabulum transierunt, & sacris habentur in scriniis.*

Juriscon-  
sult. Ro-  
manorum  
veterum  
ingens o-  
lim fuit  
discordia.

Postremò & Jurisprudentes ipsos Romanos, quibus auctoritatem condendi Juris primus Augustus concessit, (alios enim non tangimus) usque ad Marcum Imperatorem, totas in sectas divisos fuisse constat, latissime diffundente sese sententiarum divortio. Exinde nonnihil moderatiores fuerunt res quidem: attamen nec ita dissidium omne quievisse, ex ipsiusmet Cæsaris Justiniani querelis palàm est. Ille scilicet in universum affirmat, *Romanam sanctionem intestinis praelis vacillasse*. Jamque tum Cæsarem illum audivimus conquerentem, de discordia interpretum Edicti perpetui: hi vero omnes utique post Hadrianum vixere. Tantum nimirum illorum fuisse dissidium, ut ne rursus daretur legibus occasio seditionis & ambiguitatis, territus exemplo interpretum Edicti, vetuerit Imperator, Codici suo commentarios addere. Cum perro Jurisprudentum illorum scripta in duo millia librorum extendere.

renderentur, (Amelius enim dicens, *Iurisprudentiam multorum camelorum onus esse*, videtur respexisse simul & illos, quorum scripturae seu libri ad ius pertinentes nulli auctoribus in forum recepti vel usitati fuerunt, quosque proinde ab aliis recte segregat Imperator Justinianus) pauci tamen admodum in iudiciis vim aliquam & auctoritatem denique retinuerunt: ut reliquorum dignitatem tandem periisse, necessum sit. Imperator sanè affirmat, *sex tantummodo libros, & ipsos confusos, & jura utilia in se perraro habentes*, à voce magistris iuris studiosos accepisse. Indubie verò igitur non plures in foro retinuerunt aliquem locum; cum iudicia à juris peritis in scholâ edoctis regerentur. Imo verò diserte idem Imperator ait: *Homines qui antea lites agebant, licet multas leges fuerant posita, tamen ex paucis lites proferebant, vel propter inopiam librorum, quos comparare iis impossibile erat, vel propter inscientiam: & voluntate iudicum magis quam legitima auctoritate lites dirimebantur.*

Ex quibus omnibus id utique est sole clarius, saltim ante Justinianum, ipsismet Romanis nunquam fuisse persuasum, suas leges esse simpliciter omnium optimas, ac tales quas mutare sit nefas, quasque adeò recipere debeant omnes populi omnesque reipublicæ, utut à monarchico statu plurimum abeuntes.

At verò nec ipsemet Justinianus Corpori suo tantas laudes tantamque perfectionem attribuit. Id quidem ille sibi persuaderi passus est, omnem suis auspiciis confusionem, obscuritatem, dissonantiam, & superfluitatem Romani iuris, quibus illud vitiiis antehac gravissimè laboraverat, feliciter sublatam, (assecutus id fuerit nec ne, non est hujus loci agitare) nequaquam tamen existimavit, ita perfectum sese illud dedisse, ut vel solis Romanis rebus omni ex parte illud semper sufficiat; multo minus ut sit idoneum omnium aliarum

Patet ergo, Romanos, ante Justinianum iuris sui imperfectionem agnovisse.

Justinianus Imperator itidem factus est, ius suum non esse omnino perfectum, sed aliquando mutandum.

huius contemptoribus, cum Aristotelis voluerint haberi sectatores, ipsemet Aristoteles debuerit merito linguam temperare? Is videlicet ipse Aristoteles passim laudat *δικαστικὴν* peritiam *Prudentiæ* cognomento: nec tamen aliam ille legum peritiam iudici inesse debere existimavit, quam illam qua de nunc sermo est. Ineptè sanè *Prudentiæ* titulus idèò denegatur huic peritiæ, quod ratione juris nesciat. Ipsæ scilicet leges & mores huic *Prudentiæ* sunt loco rationum. Inverso nempe ordine procedit ἡ νομοθετικὴ & *δικαστικὴ*. Illi leges sunt opus aut conclusio: huic principium concludendi aliquid de negotijs civilibus. Nec verò cui legis auctoritas pro norma est, is abs ratione agit. Id sane affirmare, cum injuria est conjunctum non duntaxat legibus obsequentium, sed etiam iudicum omnium.

*Petissimū mereri In-  
vispruden-  
tiæ cognom-  
entum  
peritiam  
juris, qua  
utilitas &  
noxæ legū  
intelligi-  
tur.* Et si verò *Prudentiæ* nomine digna omninò sit talis iudiciaria legum peritia: indubiè tamen majoris est *Prudentiæ*, ipsas legum illarum rationes, atque adèò commoda & noxas, quas illi queant reipublicæ alicui præstare, posse expendere atque judicare. Hoc certè usum maximum humanæ vitæ adferre est idoneum. Certè civitati plus commodi præstare aptus est is, qui tenet legum civilium utilitatem & noxam; quàm qui novit duntaxat, secundum leges & mores usitatos controversias civiles decidere. Ac proinde plus in illa peritia est *prudentiæ*.

*Hanc In-  
vispruden-  
tiam repe-  
viri oportet in re-  
store rei-  
publicæ* Et sanè in illo qui reipublicæ præsidet, sive auctoritate sive consilio, non tam illa quam hæc *Prudentia* unicè requiritur. Perinde ut iudici illa ferè sufficit, hæc non nisi leviter adsit necessum est. Nec verò rempublicam probè administraveris, si ignores, num leges & mores recepti rectè sese habeant, & si non habeant, quatenus corrigi debeant.

aut

ant & mutari. Enimverò non est quod nos turbent illa Ne-  
 ratij: *Rationes eorum quæ constituntur inquiri non oportet,*  
*alioquin multa ex his quæ certa sunt subverterentur.* Agit  
 enim ille non de reipubl. præside sed de iudice, & quidem  
 illo, qui in iudicando non tam legum normam velit sequi  
 quam sui animi ratiocinationes. Iudici sanè illam si per-  
 mittas licentiam, subvertentur multa ex his quæ sunt certa,  
 & legum tandem ipsis in iudicijs non nisi inanis umbra su-  
 perforet: quo nihil est civitati perniciosius. Dispar verò  
 multum est ratio Iudicis, & illius qui ad reipubl. sedens cla-  
 vum, civitatem omnem gubernat atque administrat. Usque  
 sanè adeò, ut quod hujus est in officio, id alteri ne quidem  
 extremo, ut ajunt, digito fas sit attingere.

Sed hoc discrimen variz lati juris peritiz, quodque *Variam*  
 adeò hæc demum præ alijs Prudentia juris sit, quum reli- *esse juris*  
 quæ nonnullæ non nisi commune illud Peritiz nomen *peritiam,*  
 mereantur, intelligere fortasse non multum est difficile. *Ultimū*  
 Videtur sane illa jam affectus, ipsemet ille meus stupidus *maxime*  
 adversarius. Novisti hominem, Vir Magnifice, ideoque no- *dignā ti-*  
 lo ejus nomine chartas maculare. Etsi enim antehac me *tulo Iuris-*  
 petiisset isthac sua quæstione: *prudētia,*  
*An probabilis sit novatorum* non autē  
*distinctio inter juris Peritum & juris Prudentem?* inque so- *sine di-*  
 lemni Panegyricam adversus me curasset ab aliquo dupon- *scrimine*  
 diorum suorum magnis clamoribus agitari in nuperrimis *omnem*  
 tamen thesibus scripsit, *cardinem controversia nostra* *etiam ad-*  
 versari, in ijs quæ Hopperus habet initio tituli 13. libri quar- *versatino*  
 ti, ibi vero ab Hoppero gravissimis verbis sententiam me- *menti a-*  
 am damnari. Summa autem doctrinæ illius loci est: *gnovit.*  
*Politicam legum interpretationem, in Senatu & republica, ubi de*  
*legibus condendis & corrigendis agitur, & utrum rectè lata*  
*sunt inquiritur, potissimum versari: eoque nec in communibus*

*scholis tractari debere, ubi leges ipsas juvenes, nisi triginta quinque annos nati & compositis sint animo, non autem iudicium de legibus, quas ut decet colere oportet, addiscere debent: neque in foro & tribunali, ubi secundum leges non de iis est iudicandum. Quorum cum nihil adverteretur illi à me propositæ inter juris Peritiam & Prudentiam differentiæ, sed potius ipso statim initio illam roborer, videtur ille homo, velle hoc jam incauto lectori persuasum: quasi de ipsa illa differentia nihil inter nos fuerit controversiæ, sed foret de eo; an juris lati Prudentiam vel censuram Politicam fas sit in communibus scholis doceri, idque ipse negaverit cum Hoppe-ro, ego affirmaverim. Qualibus figmentis (nec enim illam quam fingit controversiam ego unquam verbulo tetigi) mos est hominis, quærare effugia, quando captus & convictus est: tanquam scilicet hac ratione in tuto collocetur illius pristina jamque agnita inscitia.*

*Forensis  
prudenti-  
am juris  
non mereri  
Iurispru-  
dentiam  
bitiosum  
slogium,  
ab aliis  
quoque, an-  
madver-  
sum est;  
atque, ideo  
bi, diver-  
sa tamen  
ratione,  
cogitant  
de for-  
manda*

Viderunt verò & alij nonnulli magno ingenio doctrinaque illustres Iurisperiti Romani, pragmaticam illam forensemque peritiam non æquare pondus, quod inest nominibus, quibus in ipsis Pandectis Iustinianeis Romani juris Prudentia extollitur, eoque cogitaverunt de facie aliqua Artis aut Scientiæ illi concilianda, modis tamen & conatibus multum diversis. Alij nimirum id dederunt operam, ut legum illarum cum æterno jure æquitæque consensum ostenderent: rati hoc esse demum veram & non fucatam juris Philosophiam profiteri. Laboraverunt Alij in eo, ut communissimis quibusdam axiomatibus niti plurima corporis Iustiniani pronuntiata, docerent: hoc sanè potissimum fuit curæ Matthæo Gribaldo. Alij denique si ex pronuntiatis Iustinianeis communioribus, nullo naturalis aut positivi iuris facti discrimine, fluere multa alia monstrarent.

strarent, hoc ipso sese Iuris scientiam tradere arbitrati sunt: *vera ali-*  
 qua in sententia fuisse Antonium Fabrum prodit sanè e- *qua Iuris*  
 jus Scientia Iurisprudentiæ Papinianæ. *scientia.*

Verum enimvero tot præstantium virorum conatus *Cōatus illi*  
 nemo æquus arbiter non laudaverit quidem plurimum: ne- *laudabi-*  
 que sibi tamen illi neque alijs cordationibus satisfecerunt. *les quidē*  
 Quo factum, ut nonnulli haud dubitaverint apertè pro- *sunt, non*  
 teri, nulla esse latarum legum certa principia, & frustra in *assensu sa-*  
 Scientiâ Legum comparanda laborari. At verò de hisce *mē, quod*  
 quidem alijs. *voluerūt.*

Ut autem cum illis reliquis nunc agamus. Utique de- *Aberra-*  
 mum in principiorum verorum indemonstrabilium neces- *rant in i-*  
 sariarumque notitiâ rerum scientiam fitam esse, caret du- *psis Legū*  
 bio. Quæ illi verò attulerunt, non profecto sunt Legum, *veris prin-*  
 siue Romanarum siue aliarum, vera fundamenta ac propria *cipiis.*  
 principia.

Faber sanè quæ produxit ab illo ordine absunt lon- *Ant. Fa-*  
 gissimè: quod nemo non mecum judicabit Analytices pe- *ber.*  
 ritus, solum qui inspexerit opus illud Papinianæ scientiæ, *Cōatus illi*  
 coetera eximium.

Axiomata à Gribaldo producta sunt illa quidem prin- *Math.*  
 cipia legum atq; actionum humanarum, perinde atq; rerum *Gribal-*  
 naturalium aliarumque penè omnium, (sunt enim ex Me- *doctr.*  
 taphysicis magnam partem petita) attamen illa Metaphy-  
 sica atque adeò communia (perinde atque Physica Mathe-  
 matica atque Moralia, quæ isidem inveniunt suum locum  
 in Politicis aut Nomotheticis demonstrationibus inter-  
 dum, ceu abhi docemus pluribus) non sunt verè propria  
 domestica & proxima potissimaque Legum principia, quæ  
 maximè tamen idonea sunt demonstrandæ Legum recti-  
 tudini. Et verò etiam illa communia tum demum in de-  
 monstra-

monstratione inveniunt locum, quando ad materiam specialem restricta merentur pro domesticis accipi.

Magis ad rem solent accedere illi, quos primo loco commemoravimus. At profecto in nulla republica leges omnes condi solent, quoniam ita jubeat naturalis æquitas: eoque illa quidem non est legum civilium primum principium. Enimverò, saltim plerarumque, Legum etiam optimarum ea est natura & conditio, ut naturaliter justæ sint haud alio sensu, quam quod non sint injustæ, sive quod naturali iuri haud adversentur: (prout vox justum est *πλοῦς*.) non quod Natura ipsa ita sanxerit. Positivæ enim utique sunt Leges pleræque: atque adeò vim iusti naturalis non assequuntur. Quæ Natura nimirum simpliciter quidem iustitæ persunt pauca, plura ex hypothesi constituit; at negotia civilia longè ampliorem normam exigunt. Quinimò ea etiam quæ Natura vetuit impunè permitti, quæ mandavit non mandari, in civitate interdum est necessum.

Ex ipso Enimverò mirari sæpè subiit, qui poruerint multi adeo præstantes doctores ita cespitare circa ipsa Iuris principia: cum Iustinianus tamen Cæsar diserte & frequenter adeo, idque verbis optimorum maximorumque Romanæ jurisprudentiæ scriptorum, quæ Iuris quidem Civilis Romani in universum rationes sint ac fundamenta, omni orbi prælaverit. In ipsum Titulum de Legibus recepit utique Cæsar ille hæc Pauli: *Ius singulare est, quod contra senectutem & utilitatem rationis, propter aliquam UTILITATEM, auctoritate constituendum introductum est.* Hæc item Modestini: *Nulla iuris ratio aut æquitatis benignitas patitur, ut quæ salubriter pro UTILITATE hominum introducuntur, ea nos durioris interpretatione contra ipsarum COMMODOM producamus ad severitatem.* In ipso Titulo de Iustitia & Iure hæc Ulpiani sunt



sunt verba: *Publicum jus est quod ad STATVM vel Romana spectat, Privatum quod ad Singulorum VTILITATEM: sunt enim quædam publicè VTILIA, quædam privatim.* Ibidem scripsit Paulus: *Jus dicitur altero modo, quod omnibus aut pluribus in qua, civitate VTILE est: ut est Jus civile.* Ipsi-  
met Papiniani hæc verba sunt de jure Prætorio: *Imo Prætorium est, quod Prætores introduxerunt, adjuvandi, vel supplendi, vel corrigendi Juris civilis gratia, propter VTILITATEM PUBLICAM.* Titulus de Constitutionibus Principum habet hæc verba Ulpiani: *In rebus novis constituendis evidens esse VTILITAS debet, ut recedatur ab eo jure quod diu æquum visum est.* Idem planè de Jure publico & privato Romano, tyronibus ipsis inculcatum voluit Cæsar, statim initio Institutionum. Imò idem quoque non obscure de Jure gentium voluit doceri illos ipsos Titulo secundo: *Jus gentium, inquit, omni humano generi commune est, nam VSP EXIGENTE ET HUMANIS NECESSITATIBVS, gentes humana jura quædam sibi constituerunt.* Mitto alia complura, vel enim ex hisce paucis satis constat, principium, saltim magnum, Civilis & Gentium juris, Justiniano Cæsare & ipsis illis Jurisconsultorum Romanorum omnium primatibus auctoribus, esse *utilitatem.* Quid? quod (si benè rem explices) non alia sit ipsiusmet Naturalis *justi* *propè mater & æqui.* Etiam hoc scilicet producit quasi ab Utilitate naturæ ejus quæ humano est generi communis. Verùm id subtilius est fortè quàm ut huic loco conveniat: alibi tamen scorsim à nobis demonstratur. Illud abunde jam est manifestum, Romani atque adeò omnis Civilis juris, maxime proprium atque domesticum principium ac fundamentum esse, civilem utilitatem. Si sane fides habenda est Cæsari ipsi Justiniano atque optimis maxi-

mis illis consultis juris: habenda autem merito est, cum pariter omnium prudentum sententiâ, & evidentibus rationibus, demonstrare id in promptu sit.

*Falluntur*

*ergo qui*

*Leges po-*

*sitivas co-*

*co arbi-*

*trio stare*

*existimât.*

Hoc ipso autem simul palam fit, quantum illi & à recta ratione & ab ipsorummet optimorum juris Romani conditorum sententiâ aberrant, qui Leges positivas civiles nullo certo niti fundamento, sed solo cœco arbitrio stare vel cadere arbitrantur. Verùm non est quod illa nunc nos

Cæterum utilitatem constituti juris intelligere, (quâ in re consistere si non omnem saltem potissimam ejus, si qua est, scientiam, quamve notitiam summè commodam esse omni illi qui ea quâ par est ratione reipublicæ suæ studet consulere, affirmavimus) possit forte videri difficilius, quam ut hominibus assequi sit concessum. Certe paucissimos reperias, qui viam rationemque id consequendi tradere sint aggressi. Verum enimverò nec ego quidem negaverim, paucos admodum id certâ quadam via ac ratione agere: usus tamen docet, tantâ sic satis multos polere judicii acrimonia, ut vel naturâ vel usu longo comparatâ ingenij facultate, commoda & noxas recepti juris optime atque exacte comprehendant. Utrique enim videas multos leges receptas corrigere, supplere, mutare, antiquare, imò & novas condere, insigni felicitate: quod profectò fieri non potest, nisi usu & noxa legum intime perspectâ. Vobis certe Magnifice LANGENBECI, qui ad clavum reipublicæ sedetis, familiare hoc est; inque eo non exigua pars vestræ est prudentiæ, & præclarorum de publico meritorum laudis, collocata. Si faciunt autem hoc multi (ut faciunt) vi quadam ingenij, ergo etiam certâ quadam viâ & arte idem effici potest. Licet enim utique

*Utilitatem*

*Juris con-*

*stituti li-*

*cet certa*

*quadam*

*scientia*

*intellige-*

*re.*

utique observare, & in unum cogere illos modos, quibus utuntur in isto felice Legum judicio illi ingeniosi. Quod est viam certam atque artem quandam producere. Hac sanè ratione omnes artes initio sunt conditæ. Si verò certa quadam via judicium instituitur, non potest non profectò illud cum summo reipubl. gerendæ commodo esse conjunctum; multum sanè illa methodus præstiterit isti, solis ingenij dotibus innixæ facultati.

Evidens hoc usque est adeò, ut etsi pauci, nonnulli tamen, meditati sint Juris quam vocarunt artem condere. Utinam verò par successus omnem illorum conatum excipisset! At nonnulli statim in ipsa janua, ut ajunt, impegerunt, Artem istam juris collocantes in dispositione quadam concinna legum Justinianearum: quasi illam qui teneat jam sit artifex legum simpliciter omnium. At nec ego quidem haud negaverim, isthoc sensu memorari: Ciceronem cogitasse *de jure civili* (Romano scilicet) *in artem redigendo*, & Celsum Jctum dixisse; *jus*, h. e. Leges Romanas, probo ordine collocaras, *artem esse boni & æqui*. At illa quoq; ipsa vocis *artis* usurpatio multum abt, à verò ejus usu: & ejusmodi profectò ars, ad commodà atque incommoda legum pernoscentia, omnino nihil valer. Nec verò vel ipsius Romani juris usum aut noxam illius beneficio assequaris; tantum abest, ut illa te idoneum reddat alterius civitatis legibus arbitrandis.

Haud me latet, ea nonnullos erga Romanum jus duci superstitione, ut tanquam certum indubitatumque habebant, esse illud omnibus numeris perfectum commodumque, non correctionis porrò, non mutationis capax; aptum denique & sufficiens omnibus rebus publicis: eoque ad illud Jus, quicquid alibi tenetur, tanquam ad normam exigendum

omnibus  
rebus  
publicis.

dum; ut illud scilicet ubi vis sit utile quod huic conveniens, illud noxium quod ab hoc dissentit. Verum hæc quidem postulara (postulant enim hæc credi, nulla cum sint ratione instructi) excedunt modum. Et verò satis infania illi (infania enim mera est) confutandæ sufficit communis omnium gentium, omnium rerum publicarum, omnium seculorum, ab hoc placito dissensio.

Ipsimet

Romani

præsen-

ge secus

de suis Lo-

gibus ju-

dicant.

Nec enim ipsosmet Romanos exceperim; utpote qui nunquam adeò inepta superstitione leges suas sint venerati, sed semper ultrò fassi, maximam partem suarum legum esse jus suæ civitati proprium, ut Atheniensibus Atticum, atque pro usu exigente mutabile, solis naturalibus legibus semper firmis atq. immutabilibus permanentibus.

Romani

suas Le-

ges XII

Tabula-

rum usq.

exigente

mutave-

run.

Imò verò quas ipsimet leges suas non mutavere? Utique enim prima & maxima auctoritas fuit decem Tabulis: his statim additæ duæ, ubi animadversum, deesse aliquid istis primis legibus, (ut loquitur ipse Pomponius) neve crederetur vel sic ferendis legibus impositum finem, ipsimet undecimæ Tabulæ hanc legem inseruerunt: *Quod postremum Populus jussit, id jus ratum esto.* Eo pene tempore, (si Pomponio credimus: non mereri autem in omnibus fidem, dudum doctis innotuit) compositum prudenter illud *Jus Civile* quo *disputatio fori* comprehensa, & confectæ *Actiones legis* quæ formulis (non dicam qualibus; Justinianus ipse illas appellat *antiqua subtilitatis ludibria*) constabant. *Secutus inde immensus aliarum super alias acervatarum legum cumulus*, ceu dicebat Livius; imo (ut Tacitus loquitur) *perventum est ad multitudinem ac varietatem legum infinitam*; adeò, ut quemadmodum antebac flagitius ita tunc legibus sit laboratum. Quo malo Julius Cæsar permotus, teste Tranquillo, *Jus civile ad certum modum red-*  
gere

gere atq. ex immensâ diffusâq. Legum copia optima quæq. & necessaria in paucissimos conferre libros destinavit.

Nec verò mansit duodecim Tabulis primus honor: *Lex XII*  
 imo tantam non omnis earum vis, nisi in *Legis Actioni* Tabula-  
*bus centumviralium causarum*, jam ante Cæsarum ætatem, rum tan-  
 lege *Æbutia lata conscripta est*: quod Juris peritus quidam dem tota  
 jam olim Aulo Gellio respondit. Et verò testis est Ludo- est anti-  
 vicus Charondas, in fragmento quodam Romanæ anti- quata.  
 quitatis sibi repertum: *L. Æbutius Tribunus plebis, vir po-*  
*popularis, legem tulit ad populum, ut XII tabularum capita, que*  
*inutilia essent reipublica, tollerentur: qua lex multis contradi-*  
*centibus tandem lata est.* Ille certè Jurisperitus Gellianus,  
 Hadriani ævo non dubitavit profiteri, interpretationem  
 Decemviris Juris non magis ad se pertinere, quam Juris  
 Faunorum & Aboriginum. Eadem tempestate ipse Sex-  
 tus Cæcilius, præstans sanè Jurisconsultus, fassus est Favo-  
 rino, *Plarisq. ipsis duodecim tabularum Legibus jam populum* *Populus*  
*Romanum uti desisse*, addita excusatione: *Legum oportunitate* ipse Roma-  
*tes & medelas pro temporum moribus, & pro rerum publica-* nus mul-  
*rum generibus, ac pro utilitatum presentium rationibus, prog-* tum de-  
*ritiorum quibus medendum est feruoribus, mutari atq. flecti,* traxit an-  
*neq. uno statu consistere; quin, ut facies cæli & maris, ita rerum* *Horitatis*  
*ac fortuna tempestatibus variantur.* Et verò utique Roma- *XII Ta-*  
 nus Populus non ipse tantum processu temporis plara- bular.  
 que mutavit suis Senatusconsultis & Plebiscitis; sed & cum pri-  
 Prætoribus suis facultatem concessit (bene an secus jam di- *mis per E-*  
 non disputo) *leges corrigendi adjuvandi & supplendi.* *dicta Pra-*  
*toria.*

Jam verò & Prætorum illud Honorarium Jus, quam instabile initio fuerit, non passus est nosignorare Dio:  
*Prætores, inquit, omnes ea jura, secundum qua jus*  
*ipsi dicturi essent albo inscriptis proponebant. Nec enim*

*Ius Prætorium fuit inconstans, & ad conditum Edictum perpetuum.* jura & leges omnes ad contraktus pertinentes exprimebant, nec id uno eodemque tempore faciebant, nec abs se scripta servabant, sed alibi mutabant scripturam sæpius, & in hac re multa, cum facile creditu, ad gratiam vel odium quorundam fiebant. Igitur C. Cornelius Tribunus plebis rogationem tulit, ut & statim à principio Prætores prædicerent, quo iure essent usuri, & deinde nequaquam ab hoc deflecterent. Illa Prætorij Juris major solito constantia cœpit quidem anno v. dcxxvi, fuit tamen perexigua. Quemadmodum nimirum ipsa Prætura annua fuit, ita & Edicta Prætorum non nisi annalia. Plurimum enim falluntur, qui rogatione Cornelia majorem stabilitatem arbitrantur Edictis datam esse: quum utique Cicero ipse adhuc disertè affirmeret: *qui plurimum tribuunt Edicto Prætoris, Edictum Legem annuam esse dicunt.* Jussu demum Hadriani Cæsaris à Salvio Juliano conditum est Edictum illud Perpetuum vocatum.

*Ipsam Edicti perpetui laboravit plurimam discordiam commentantium.* Non vana quidem appellatione, si conferas cum antecessis temporibus, quando variè illud inconditè, à Prætoribus promebatur, ut Aurelij Victoris verba mutemur: at non eo tamen sensu, quasi nec addere nec demere aliquid illi fas fuerit. Ipse divus Hadrianus (verba sunt ipsiusmet Cæsaris Justiniani) in compositione Edicti hoc aperissime definivit; ut si quid in Edicto positum non invenitur, hoc ad ejus regulas, ejusque conjecturas & imitationes, possit nova instruere auctoritas. Sed & facta Jurisconsultis Edictum interpretandi facultate, horum commentationibus penè illud enervatum fuit. Justinianus sane conqueritur: Antiquos Edicti Perpetui commentatores opus moderatè confectum in infinitum distraxisse, ut penè omnis Romana sanctio sit confusa. Item: in antiqui Edicti factum esse ordinatione, ut illud brevissimum constitutum, ex differentium commentantium differentia

ferentia seu diversitate, in infinitam extenderetur multitudinem. Certè ipsum illud Edictum commentariorum mole & discordia tandem quasi suffocatum videtur; atque ita evanuisse.

Eadem inconstantia fuit Senatusconsultorum & Plebiscitorum. Tacitus de ijs non dubitavit profiteri; duodecim Tabulas *sinem aequi juris*, sive ejus quæ æqualitatem conservârit inter Plebem & Senatum, fuisse: secutas autem *leges, etsi aliquando in maleficos ex delicto, sapius tamen diffensione ordinum, & apiscendi illicitos honores, aut pellendi claros viros, aliâq. ob prava, per vim latas esse*. Pluraque verò etiam illorum, statim Cæsarum ævo, vim omnem legis perdididerunt.

*Senatusconsulto & Plebiscito Romana fuerunt interdum inconstantia.*

Ipsismet porro Cæsareis Constitutionibus utique nihil incertius fuit & inconstantius. Cito profecto perierunt omnes quæ Hadrianum antecessere. Nec enim aliam temere dederis causam, quare ab Hadriano demum usque Constitutiones Cæsareæ in Codicem Gregorianum, Gallieno circiter imperante, collectæ sint. Non aliæ verò Cæsarum omnium usque ad Constantinum Magnum Constitutiones ætatem aliquam sunt nactæ, quam illæ quæ in Codice Gregoriano & Hermogeniano locum aliquem invenerunt: cum fuerint tamen fere infinitæ. Voluit verò quondam tantum non omnes, (*Rescripta* scilicet, quæ bonam Constitutionum partem absolvunt) tollere Macrinus Imperator. Ita enim de illo testatur Capitolinus: *Fuit in jure non incallidus, adeo ut statuerit omnia Rescripta veterum Principum tollere; ut jure non Rescriptis ageretur; nefas esse dicens, leges videri, Commodi & Caracallæ & hominum imperitorum voluntates, cum Trajanus nunquam libellis responderis, ne ad alias causas facta perferrentur,*

*Cæsareæ Constitutiones plerumque mutaverunt.*

renderentur, (Amelius enim dicens, *Iurisprudentiam multorum camelorum onus esse*, videtur respexisse simul & illos, quorum scripturæ seu libri ad Ius pertinentes nullis auctoribus in forum recepti vel usitati fuerunt, quosque proinde ab aliis recte segregat Imperator Justinianus) pauci tamen admodum in iudiciis vim aliquam & auctoritatem denique retinuerunt: ut reliquorum dignitatem tandem periisse, necessum sit. Imperator sanè affirmat, *sex tantummodo libros, & ipsos confusos, & jura utilia in se perraro habentes, à voce magistræ Iuris studiosos accepisse*. Indubie verò igitur non plures in foro retinuerunt aliquem locum; cum iudicia à juris peritis in scholâ edoctis regerentur. Imo verò diserte idem Imperator ait: *Homines qui antea lites agebant, licet multæ leges fuerant positæ, tamen ex paucis lites proferebant, vel propter inopiam librorum, quos comparare iis impossibile erat, vel propter inscientiam: & voluntate iudicum magis quam legitima auctoritate lites dirimebantur*.

Ex quibus omnibus id utique est sole clarius, saltim ante Justinianum, ipsismet Romanis nunquam fuisse persuasum, suas leges esse simpliciter omnium optimas, ac tales quas mutare sit nefas, quasque adeò recipere debeant omnes populi omnesque reipublicæ, ut ut à monarchico statu, plurimum abeuntes.

At verò nec ipsemet Justinianus Corpori suo tantas laudes tantamque perfectionem attribuit. Id quidem ille sibi persuaderi passus est, omnem suis auspiciis confusionem, obscuritatem, dissonantiam, & superfluitatem Romani Iuris, quibus illud vitis antehac gravissimè laboraverat, feliciter sublata, (assecutus id fuerit nec ne, non est hujus loci agere) nequaquam tamen existimavit, ita perfectum sese illud dedisse, ut vel solis Romanis rebus omni ex parte illud semper sufficiat; multo minus ut sit idoneum omnium aliarum

Patet ergo, Romanos, antè Justinianum Iurum sui imperii perfectione agnovisse.

Justinianus Imperator itidem assus est, Iurum non esse omnino perfectum, sed aliquando mutandum.



aliarum gentium rebus publicis moderandis, aut quod debeat esse jus commune omnium hominum. Ingenue & prudenter optimus Imperator, in ipsa Constitutione quâ Digesta confirmavit, diserte aurea hæc verba reliquit scripta : *Sed quia divinæ quidem res perfectissimæ sunt, humani verò juris conditio semper in infinitum decurrit, & nihil est in ea, quod stare perpetuo possit, (multas etenim formas edere Natura novas deproperat,) non desperamus quædam postea emergi negotia, (scribendum autem censeo : non dubitamus quædam posse emergere) quæ adhuc legum laqueis non sunt innovata (rectius : innodata).* Mox sanxit : si quid tale contigerit, h. e. si novam legem Romanæ reipublicæ usus exegerit, Augustum implorandum esse remedium : quia ideo Imperialem fortunam rebus humanis Deus præposuerit, ut possit omnia quæ noviter contingunt, & emendare, & componere, & modis & regulis competentibus tradere. Nec vero (ceu ante sueverat, saltem ad Constantinum Magnum usque) Jurisconsultis voluit concedere hanc facultatem : prudentissimo consilio; præsertim cum illorum interpretationes Romanum Ius (si Justiniano credimus) dissidiis suis corrupissent, & nimia onerassent mole. Non autem sanxit ita solum Imperator, sed reapse complura eorum quæ in Digestis & Codice definierat, totis centum sexaginta octo Novellis mutavit : idque non unius Triboniani consilio, ut multi huic iniquiores calumniantur, sed Triboniano etiam dudum defuncto. Et Justinianus verò mortuus hic est anno Justiniani undevigesimo, Justinianus verò annis triginta octo & mensibus septem Imperio præfuit. Quo ansam dedit infesto calumniatori Procopio, ut scriberet, *illo Cesare nullum fuisse stabile jus.*

Justinianus  
non censuit  
suum Ius  
esse aptum  
omnibus po-  
pulis, sed  
solum Ro-  
mano Im-  
perio

Voluisse porro laudatissimum Imperatorem, suum illud Ius, omnibus populis extra Romanum Imperium collocatis, aut diversis aliis rebus publicis, non tantum non ob-

trudere,

trudere, sed nec commendare tanquam omnibus utile atque idoneum, argumento vel unum illud est: quod id ipsum nusquam in universo Corpore habeatur. Ineptè profectò huc trahuntur illa: *Omnes populi legibus tam à nobis promulgatis quàm compositis reguntur.* Sermo enim ibi est, de populis Imperio Romano tunc subditis. Quo sensu nimirum dixerant jam olim Imperatores, Gratianus Valentinianus & Theodosius: *Cunctos populos quos clementiæ nostræ regit imperium: & passim florentibus Romanorum rebus loqui mos fuit.* Ex adverso autem ita de jure suo omni ille ipse Imperator etiam tyrones instituit: velle se *exponere jura*, non simpliciter, sed *populi Romani.* Hujus porro Iuris id quod *publicum* dicitur esse illud, quod *ad statum*, non omnium gentium, sed *rei Romanæ spectat.* *Privatum* jus collectum esse ex naturalibus præceptis, aut gentium, aut civilibus. Esse porro *Ius civile Romanorum*, non quo omnis civitas, sed quo *Populus Romanus* utitur: *Populum enim Romanum partim suo proprio, partim communi hominum jure uti.* Perinde videlicet atque omnes populi, qui legibus & moribus reguntur, partim suo proprio partim communi omnium hominum jure utuntur: nam quod quisque *Populus* ipse sibi jus constituit id ipsum proprium civitatis esse, vocarique *Ius civile*, quasi jus proprium ipsius civitatis. Porro naturalia quidem jura quæ apud omnes gentes peræque observantur, divina quadam providentia constituta, semper firma atque immutabilia permanere: ea verò, quæ ipsa sibi quæque civitas constituit, sæpè mutari solere, vel tacito consensu populi vel alia postea lege lata. Denique quandocumque nova lex fieri debeat, id utilitate æstimandum esse: in rebus enim novis constituendum evidentem esse utilitatem debere, ut recedatur ab eo jure quod diu æquum visum.

Hæc est perpetua & constans ipsiusmet Justiniani doctrina de Jure suo; consentanea rectæ rationi & Prudentiæ

Justiniani  
de suo Iure  
sententia  
civilis differt plu-

*rimam à  
vulgaribus  
doctorum  
quorundā  
placitis.*

civili gubernandarum rerumpublicarum. Quæ imma-  
quantum diffidet ab illis insanis placitis, quæ magistrorum  
nonnulli hodie orbī persuasum eunt : Justinianeum Ius o-  
mne esse velut cœlitus datum ius, quo omnes respublicæ ac  
que ad eò omnes homines debeant regi, idque nulla unquam  
facta mutatione : non observari quidem illud plenè passim,  
sed cum injuria id fieri & contra æquitatem. Quæve simi-  
lia sunt umbraticorum aliquot hominum : (hi enim soli ista  
solemnia delirant) portentosa somnia.

*Qui fiat ta-  
me, ut pas-  
sim hodie  
usum inve-  
niat Im-  
perialium.*

Quamvis verò istorum crassissimorum errorum ratio  
non difficulter pateat omnibus, qui in Republ. & Consilio de  
civilibus negotiis probe instituendis occupati, saltim usu  
quotidiano edocentur, si aliunde fortassis haud acceperint,  
quàm alienum sit à gerenda republica, eaque bonis legibus  
moderanda, ad sola Justinianeæ respicere, iisque pro unica  
norma adoratis, id demum salutare arbitrari, quod Iuribus  
illis est conveniens; solet tamen incautiores id nonnunquam  
reddere aliquantulum ambiguos: si Ius Justinianicum est u-  
ni populo Romano, qualis ille fuit tempore conditi istius  
Iuris, commodum, quæ ergo fiat, ut illud tantum non in uni-  
versa Europa sit receptum, quasi in communem omnium  
tot populorum legem, qui tamen reipublicæ forma multum  
dissent. At verò observandum est, Ius illud Justinianicum  
non solum civilia sed etiam naturalia & gentium jura com-  
prehendere, quæ communis est ratio omnium legum corporis,  
quo aliqua civitas utitur. Eam porro esse omnium civita-  
tum naturam, ut salvo statu suo multa queant habere com-  
munia, etiam civilia instituta, præsertim si non aspirent ad ac-  
curatam felicitatis civilis possessionem. Cum Monarchico  
denique statu omni, Imperium Romanum illud vetus ma-  
ximè convenire; ac proinde, cum Leges illæ Justiniani idoneæ  
fuerint

fuerint Imperio Romano, saltim plurimas earum locum aliquem in similibus Monarchiis posse invenire. Jam verò nusquam terrarum plene Ius illud receptum est. Nec recipi potest: præsertim si publicum Ius spectes. Privati Iuris non nisi illa passim obtinent, quæ communia vel sunt omnium hominum, vel esse possunt rerum publ. illarum, quæ perfectionem summam suæ formæ curant negligentius, aut certe quò populi subditi ratione non adeò accurate habentes, permittunt illum quidem vivere secundum leges dominatui idoneas, modo aliis legibus sit cautum illis quos penes est summa reipublicæ potestas. Si quippe etiam illi velint privatum illud Ius Justinianicum inter sese observare, brevi tota eorum res publ. mutaretur. In Monarchias recipi juris illius plura possunt, propter similitudinem quam habent magis minusve cum Imperio isto Romano vetere. Certè salutem & conservationem status sui non Romano Iuri, sed propriis moribus & constitutionibus, debent. Respublicæ quæque ævi nostri: abs quibus si esset, dudum cum Romano illo Iure interiissent. Hinc multæ satis Respublicæ cum incautius Romanorum illorum jústo plura admisissent, magnam pristini status jacturam fecere. Quod usu experti prudentiores, hodie passim locorum, sensim Romanis illis rejectis, res suas propriis statutis in tuto collocant.

Sed (hem!) quantum me detinet illa nonnullorum *Excusatio digressio* superstitionis Romani Iuris veneratio! Fortassis verò haud *salta de Iuri Romano nimis superstitioso cultu.* abs te fuit, nonnihil prolixius (cum rationibus multis abstinete ipsum nostrum hoc institutum jubeat) saltim propria, Romanorum prudentum Cæsarumque, ac spontanea confessione, ostendere, quàm superstitio illa non sit consentanea ipsi sicut Romanorum menti; imò quàm illa vehementer isti adversetur. Præsertim cum speciem normæ omnium legum.

Romano Iuri falso affingens, veram genuinamque legum in usum civilem censendi arbitrandique scientiam, quantum in se est, propellat, summo cum rerumpublicarum detrimento. Nec verò fas est, ut ad tam pestilentes errores boni atque intelligentes conniveant, offensæ metu potentis factionis.

Examina-  
re Legum  
Latarum u-  
tilitatem,  
munus est  
Prudentia  
Legisla-  
toria.

Ut redeamus autem in viam; esse aliquam scientiam, qua liceat examinare leges quasque, utiles ne sint rebuspublicis an non sint, hoc quidem jam palàm est: ut & frustra illam ab aliquâ Romani juris peritia exspectari. Non difficile verò etiam hoc definitu est, non aliam illam esse, quàm quæ omnibus in universum rebuspublicis leges salutare condere, & noxias novit reiicere. Enimverò primaria omnium legum censura occupatur in earum ad formam quamvis reipublicæ sive publicum statum expensione. Utpote quum prima legis cujusque civilis dos sit, statui civitatis suæ utilem, altera illi non inutilem esse, etsi ad alias aliquas necessitates civitatis proximè respiciat. Justè igitur probeque legem ut examines, necessum est, naturam ante omnia teneas illius formæ aut illius status reipubl. ad quam examen est instituendum. Ac proinde, ut ad quamlibet formam queas oblatam quamque legem arbitrari, oportet instructus sis omnis generis rerumpublicarum accurata notitiâ; quæ leges scilicet, qui mores, quæ instituta, cuilibet formæ convenient, quæ noceant atque adversentur. Est autem hoc illius facultatis utique quam Græci olim Νομογενική appellavere. Nec verò quæ altera scientia commoda & incommoda lata legis dijudicaverit, quàm illa quæ leges suas cuique rerumpublicarum generi condere atque dispensare idonea est: qualem sese Νομογενική profitetur.

Legisla-  
toria est  
verissima  
Prudentia  
Iuris.

Et verò hæc demum simpliciter & κατ' ἐξοχήν JYRIS-  
PRUDENTIA nuncupari meretur. Quippe quum omnis alia  
singul-

singularis civilis juris cognitio, non nisi vel Romani, vel Græci, vel Germanici, ac similis alterius sit juris; atque adeò semper, non nisi cum aliquâ adjecta nota singularis alicujus civitatis, Prudentia juris merito dicenda veniat. Sola vero Legislatoria hæc, citra omnem exceptionem ac simpliciter, Prudentiam absolvat juris in universum omnis; quale scilicet in omnis generis civitatibus condi illud & observari debeat.

Est autem & hæc Philosophiæ Civilis illius, quàm Politicam appellamus, portio, eaque pernobilis. Nec enim Leges salubres condere, aut à noxiis discernere est, nisi ejus scientiæ, quæ in universum tenet omnia rerum publicarum discrimina, quidq; earum quamvis servare, quid mutare & corrumpere possit: quod omne curæ est uni Politicæ Prudentiæ. Etsi enim solis Legibus Politica assequi nequeat rerum publicarum salutem, imò interdum ex usu sit à legibus abstinere, quoniam tamen leges rectæ & salubres optimum sunt ac frequentissimum tutandæ reipublicæ omnis remedium, itaque non nisi portio quidem est Politices ἡ Νομοθετικῆς, eximia tamen & usus maximi. Et verò quicquid in Politica doctrina demonstratur utile esse alicui rerum publicarum speciei, (varix autem sunt & multæ species) id omne in legem transit, si opus sit & res ferat. Perinde nimirum atque in Mathematicis ex Theoremate arque Problemate facili negotio fit Canon, qui instar habet civilis legis. Quando nam opus sit autem in leges ejusmodi scita recipere, ut & in universum, quæ leges, quo tempore, quâ circumspeditione, quo modo, condendæ corrigendæ abrogandæ sint, atque adeò omne νομοθετικὸν negotium, unicè iidem pertinet ad curam Politices sive Civilis Philosophiæ.

Utinam verò, quemadmodum hæc omnia pertinent ad Politicam doctrinam, ita ab iis, qui magistri audiunt nobilissimæ

*Legislatoria est pars Politica aut Civilis Prudentia.*

*Politica scientia magistri tamē Legislatoriam*



*prudentiā  
non docue-  
runt hactē-  
nus.*

*Non ipse  
Plato.*

lissimæ scientiæ, exactè pleneque sint tradita! At verò & in veterum pariter & recentiorum scriptis haud parum superest quod desideremus.

Princeps omnium apud Græcos Plato de juris & legum veris principiis haud pauca disseruit, cum primis in opere de Republica. Docuit itidem præclara multa de legibus & institutis illis, quæ ex sua sententia sint observanda in republica, cum eâ quam optando quasi finxit, tum alterâ quam existimavit minore difficultate posse in usum transferri. At vero omnis illa de Legum principiis disputatio in eo unicè occupata est, ut refelleret pestilentem, qui jam tum animos hominum coeperat inficere, errorem: quasi jus omne ex sola hominum libidine & arbitrio suspensum, nihil verò ejus stabile & à natura ipsa profectum sit. Leges ipsas porro & instituta adeò laudata, soli optimæ reipublicæ ipsemet Plato convenire arbitratus est. Longe plura & alia tamen exiguntur ad id, ut fias ferendum legum peritus, & quidem non in civitate duntaxat optimâ, quæ vel nunquam vel rarissime reperitur, sed omninò in quavis. Ne nunc dicam, quam illa Platonica instituta à vero & recto in quam multis aberrent.

*Non etiam  
Aristoteles.*

Aristotelis Politica doctrina longè quidem est ad usum commodior, manca tamen vitio ævi & mutila, plusquam teritiâ & nobilissimâ sui parte. Itaque de iis quæ ad statum publicum omnis generis rerum publicarum spectant, saltim potissima (nec enim dixerim omnia, imò vix pleraque) sic satis feliciter atque exactè tradita in venias in Aristotelico opere. Ut facile sit, iis, quæ ibi sunt demonstrata, legum aliquam formam indere, atque ad illorum normam omnium rerum publicarum jura publica saltim potissima examinare. Ipsam tamen *νομοθεσίαν* (quid nempe in legum latione sit observandum, ut & quænam privatim debeant in optima aut non malè ordinata,

nata, civitate instituta teneri) in illo quidem opere, quale hodie superat, frustra quæsieris. Quamvis ego haud dubitem, saltem horum pleraque virum summum esse persecutum in iis libris qui intereiderunt: quum videam & in Ethicis, & in Rhetoricis quoque, præclara multa quæ huc faciant, eum docuisse.

Præter verò hosce duumviros nemo ex omni Græcorum numero reliquus est, qui vel manum huic negotio admovent.

*Multo minus alium ali-  
quis Græcorum.*

Latinos inter scriptores veteres nescio an quis præter unum Tullium aliquid hoc in argumento fuerit conatus: etsi nusquam gentium plures legum peritia inclarus sint. Enimvero quotquot Prudentum juris nomen inter illos sunt assequuti, videas ferè in eo ingenium suum exercuisse, ut jura unius Romani populi interpretarentur ad usum forensem. Quod quidem præclarum & in illa republica fuit utilissimum: à vera tamen juris legumque Philosophia toto, quodajunt, cælo remotum esse, ex his quæ ante attulimus jam palam est.

*Non etiam  
aliquis Romanorum  
peritiarum  
juris  
veterum.*

Altius legum naturam docere exorsus est Tullius: nec dissimulavit quas credidit fore maxime commodas. Verùm potissima pars nobilissimi voluminis, quo argumentum hoc persequutus est, periit: ita ut non nisi de paucis, quid ex sententia Tullij sit constituendum, appareat. Periit quoque ejusdem Tullij opus de Republica, quo in dubie doctrina hæc indem fuit illustrata. Ad hoc omnia à Tullio adducta ad usum unius optimæ reipublicæ spectant: de ipsa verò legumlatione habent nihil. Eoque nec ab illo disertissimo viro multum adjumenti est quod Nemo discipulus expectet.

*Vnus Cicero  
sapientia ali-  
quid circa  
Legislatoriam:  
non tam il-  
lam docere  
potuit.*

T

Post



Post Cice-  
ronem ne-  
mo hoc ar-  
gumētum  
est aggres-  
sus, per ali-  
quot secula

Post Tullium verò nemo Latinorum scriptorum, ne-  
mo Arabicorum ( qui soli tamen aliquot seculis studia  
sapientiæ æmulati sunt ) ultra mille trecentos annos Civi-  
lem Philosophiam excoluit quamvis vestigiis veterum inhe-  
rens: tantum abest ut eorum quisquam ipsam *repositas* de  
qua veterum quoque monumenta plerumque silent, illu-  
straverit. Ex eo tempore, ab eximiis quibusdam viris,  
quorum alij, in Theologorum, alij Jurisconsultorum, alij in  
Philosophorum classibus, locum atque nomen consecuti  
sunt, quæ huc pertinent majore solito cura sunt disputata,  
quæ merito laudes: si tamen dicendum quod res est, non  
nisi obiter sparsimque hæc acta, & plerisque *repositas* par-  
tibus neglectis.

Primum &  
minus mul-  
tum hic co-  
natus est  
Joachimus  
Hopperus.

Princeps ( quod equidem sciam ) imò unus, utilissi-  
mum hunc civilis Philosophiæ locum seriò & dara opera  
aggressus est V. C. Joachimus Hopperus, magno, omnique  
doctrina veterum Philosophorum pariter ac juris-  
consultorum, ut & pietate morumque insigni  
gravitate, plane imbuto animo.

*Quæ de Hoppero & ejus opere diximus, illa  
legi rectius possunt in ipsamet nostra o-  
peris illius Præfatione.*

DE  
POLITICA LEGUM  
INTERPRETATIONE

EXCERPTA EX H. CONRINGII  
Dissertatione ad Leg. I. Codicis Theodo-  
siani de Studiis liberalibus Urbis Ro-  
mæ & Constantinopolis.;





**N**ec est, nisi vehementer fallimur, mens Legis illius nostræ. Et vero ea exposita, satis jam officio nostro perfuncti queamus videri. At vero multum adhuc abest, ut sensu illo Legis percepto veram ejusdem prudentiam sinus assecuti. Nec enim qui tali aliqua ratione tenet sensum Legum, easse opera simul intelligit, num leges convenient reipublicæ nec ne: id quod intelligere grande illud Prudentiæ cognomentum quammaxime promeretur. Et si enim hac scientia destitutus, secundum leges & controversias decidere, & cavere clientibus, & de jure possis respondere, idque omne agere prudentia quædam sit & quidē prudentia juris; utpote quum omnis ea mentis nostræ facultas, quæ humanæ vitæ recte consulere idonea est, passim apud omnes Prudentiæ titulo audiat, singulativero illa quæ id ex præscripto legum præstat, communi omnium consensu Prudentia juris usurpetur: longe tamen potius indubie Prudentiæ munus est, ipsarummet legum commoda atque incommoda perspicere posse, imo hæc demum mensuram nominis Prudentiæ juris adimpleri; quod vis ipsa vocis satis indicat. Adco plena autem Legum cognitio requiritur in illo Politico viro, qui ad clarum reipubl. sedens leges illi præscribere ex officio tenetur. Quî enim intelligat, num ferenda sit nova lex, num vetus abroganda, num hujus aliquid corrigendum, nisi usu omni & noxa Legum probe perspecta? Nihil tale jure postules ab iis quorum gloria in prompto est obsequio. Ne Iudici quidem nefas est isthæc ignorasse: quamvis peritiam quam appellant leges interdum in judiciis sint temperanda

randæ, *Græcæ* autem absqueejus non si plura notitia esse nequeat. Illa enim moderandarum legum peritus, potestas supra dignitatem est iudicis; munus *τὸ νομοθετῆς* qualis in republica Rex est, & in universum omnis quem penes est potestas summa. Nec temere communicari iudiciis aut magistratibus potest, absque summo reipubl. dispendio. Cetero usupso docemur: non satis sibi hodie ea in re caventibus passim civitatibus, etsi ipsemer Justinianus longe prudentissime id omne sibi solitanquā summo Principi in sua republ. olim vindicaverit; quia de re alias accuratius disferendum.

Igitur non profecto satis fuerit, dedisse in eum modum mentem hujus Legis, si quem in republ. gerendum ulum invenire debeat interpretatio nostra. A nobis autem merito hoc forte expectaveris, saltem ratione muneris quo in inclura hæc Juba fungimur: utpote quum *Πολιτικὴ φιλοσοφία* sit *τὸ νομοθετικόν* omnem novisse, atque adeo latarum legum examen in ulum reipubl. posse instituire. Et verò quam hactenus exhibuimus, Historica quadā duntaxat vel Grammatica (ne quid dissimulemus) interpretatio fuit: altera autem illa demum Politica est. Quod ipsum non sine singulari quadam animi voluptate videmus iam etiam ante nos agnovisse, summum virum & æternum Frisix nostræ decus Joachimum Hopperum, nunquam sane laudandi scripti *de Vera Jurisprudentia lib. IV. tit. 16. & 2.* Quamvis ipse ejusmodi interpretationem Legum nequam volumine isthoc dederit, majori forte isti operi eam reservans, cujus huius libri non nisi præludium aliquid esse debuerunt, quantum ex illorum prologo pariter ac epilogot & ex libri quarti tituli quarti fine colligere est. Agimus igitur etiam quod officij ratio exposulit; si licim paucis, ne prolixa dissertatione moremur tempora aliorum, usibus reipublicæ dedicata.

Ve.

Verum ante hoc quam agamus, cogimur quasi adducere, huc nonnulla eorum quæ alibi plenius docemus, quo Politica hæc interpretatio veris certisque principiis suis quasi muniarur. Omnis lex aut iubendo, aut vetando; aut permittendo sciscit nonnihil de actu aliquo civili; perinde atque omnis quæstio & deliberatio Politica circa actum aliquem civilem occupatur. Actus porro, ut in universum omnis etiam naturalis, ita & omnis civilis; simul causam suam efficientem, materialem & finalem habet quidem: Finalis tamen causæ in Legibus rara fit mentio, quod non interfit obsequentium eam scire, imo interfit sæpenumero eam in vulgus ignorari. Materialis quoque & Efficientis causæ memoria nonnunquam in Lege desideratur, sed non nisi quando aut de iis jam tum liquet, aut lex est imperfecta. Perfecta autem est quæ integre determinat omnia quæ ad actum pertinent. In definienda vero causa Formali actuum potissimum lex omnis versatur. Hinc jam tum pene sub initium dissertationis huius observavimus, in ipsa nostra hac Lege primariò quidem de Actuum quorundam forma, simul tamen aliquid etiam scitum esse de efficiente causa, quinã scilicet actus illos debeant edere, & de causa materiali circa quas personas nempe aut res (ut omnis materia ejusmodi Politica vel est res vel persona) oporteat actus illos exercere; solus causæ finalis nulla omnino facta mentione.

Quoniam porro actio in universum omnis, adeoque & civilis, speciem formamque suam à fine quidem potissimum, ex parte autem etiam à materia atque effectrice causa consequitur: hinc in examine Legis formam actus alicujus definientis, præcipue ad finem sive scopum actus, ex parte tamen etiam ad agentem personam, atque ad circa quod actus occupatur, est respiciendum.

Simi-

Similiter & Effectricis causse cum principalis tum instrumentalis, (quarum illa in civilibus semper est persona a qua, hæc modò persona modò res) aptitudo ad materiã formam a finem, & finem venit exigenda. Materix vero (quæ in civilibus nunc persona nunc res aliqua est) idcirco ad effecttricem formalem finalemque causam spectanda est. Idque non minus in civilibus negotiis adeoque & ipsis Legibus ac deliberationibus, quàm promiscue in omnibus quæ naturæ, cum primis autem humano operi, sunt obnoxia. Illa verò aptitudo utriusque potest accipi ex ijs quæ ad essentialiam pertinent. Qualia sunt alia quidem communia, alia vero ad societatem civilem solùm spectant, atque adeo proprie sunt πολιτικά; cum illa communia sint partim μεταφυσικά, partim φυσικά, partim etiam ἐθικά, & fiant demum πολιτικά, si quando ad negotium aliquod politicum adstringuntur.

Finis deniq; civilium actuum (ut aliàs quoque) aut est remotus aut proximus; item aut externus aut internus; ut & aut universalis vel particularis. Nec particularis finis recte se habet nisi universali integræ reipublicæ fini conveniat: nec proximus, nisi ille congruat remoto: nec internus, nisi respondeat is externo. Eòque in examine finalis causæ hic ordo semper est observandus.

Et verò quæ modò attulimus in omni νομοθεσία observanda veniunt ejus portio quasi est latarū Negū examinatio Politica. Imò observanda illa veniunt in omni deliberatione & tractatione civilium negotiorū: nec aliunde possunt peti idoneæ probationes Politicæ, quæ ita institutæ vim habent verarum demonstrationum. Alibi hæc à nobis suoque loco plenius docentur, heic non nisi obiter quasi adferenda fuerunt.

Unum adhuc præmonendū est antequam ad rem ipsam aggrediamur. Veterum latarum legum examen difficile esse,

esse, propterea quod censura nequeat probe institui, nisi omnibus, quæ modò diximus, exacte perspectis, harum vero plena cognitio ob antiquitatem & monumentorum defectum vel omnino non vel ægre haberi possit. Et sanè hæcenus longè est verissimum illud Juliani: *Non omnium quæ à maioribus sunt constituta ratio reddi potest.* Illarum tamen legum antiquarum censura minus est difficilis, si exigantur illa ad certum aliquem notumque reipublicæ statum. Id quod fieri par est, si fortè velis in usum præsentem illas transferre, atque adeò ex ævo vetere commodum aliquod remedium tuæ reipublicæ petere. Nec verò prudentis est hominis ejusmodi censurâ haud institutâ admittere in usum alienas leges: sed talis quidem ἀντιπροσέτις (ut scite illam appellat Hopperus) plane indigna est & neutiquam ferenda: cum rerum-publicarum varia admodum sit conditio, intantum quidem, ut uni quod prodest maxime obsit alteri.

VERUM tempus monet, hisce sepositis ad institutum negotium accedere. Et quidem initium faciemus de causâ finali Legis, quoniam id exposcit ratio Examini: quod nulla ex parte institui rectè potest nisi de fine omnia fuerint antè constituta. &c.

CÆTERVM hæc quidem proxime voluisse Cæsarem Legge isthac sua consequi, manifestum satis est. Nondum liquet tamen, vel num hunc finem rectè sibi propositum ille habuerit, vel num media quæ adhibuit fuerint paria finis isti assequendo: quorum prius primo loco inquirendum est. Ut autem jam ante monuimus, fines ejusmodi ad finem ultimum integrumque reipublicæ æstimandi sunt: eoque attendendum venit, quis ille fuerit Imperii Romani, quo tempore Lex condita est. Est autem hoc fortè incertius. Et si enim status imperii simpliciter μεταρρετός fuerit, adeoque indubie



salus reipubl. tum fuerit in conservatione monarchici talis regiminis posita: cum duo tamen sint genera *monarchías*, in quorum utroque bonum quidem spectatur commune, at verò in alio dominantium commodum primariò quæritur & non nisi pene ex accidente commodum subditorum, in alio vero ex pari dominantium atque parentium salus attenditur; non perinde certum est cujusmodi tum fuerit Romanum Imperium. Multum autem interest cujusmodi fuerit cum neutiquam omni ex parte iisdem institutis utraque *monarchía* queat conservari. Et verò omnes leges Romanæ in universum monarchiæ sunt quàm aptissimæ, in cujus duntaxat usum etiam sunt conditæ: cæterum videtur (ut solet) fluctuasse illam rempublicam; & modò communis boni ex æquo, modò dominantium potius rationem habitam. Plurimum fanè falluntur qui existimant, omni perinde statui Leges Romanas convenire: id enim omnino est *admirari*, & à mente ipsorummet Romanorum legislatorum alienissimum: arguitque talis opinio summam Politices vel regendæ reipubl. inscitiam, imò & ignorantiam Romanarum legum. Nec enim id verum est, nisi fere de paucis illis quæ faciunt simpliciter ad usum communem omnium rerumpublicarum: reliquarum & numerus est maximus, & uni illi speciei quàm *monarchías* dicimus congruunt, ad alias rerumpubl. formas translata: illas mutant ac perturbant: interim & illarum aliæ favent magis herili aliæ civili monarchiæ, tanquam Romana respublica duas hæc inter species quasi dubia hæserit. Nec enim omnibus par Cæsaribus animus, quorum hodieque leges in Codicibus supersunt. Multum profecto à Trajani, Hadriani, Antonini Pij, Marci, Severorum, civili in rempubl. benignitate alii abfuerunt: eò que vel in gratiam vel augendo do-

minata

minatui constituta sunt ab ijs haud pauca : quæ nec Justinianus mutavit omnia , sive per incuriam , in illa infinitâ discordantium legum multitudine recensendâ inevitabilem , sive quod nec ipse ab herilibus studiis fuerit alienus : perinde ut primus fere omnium qui Constantinopoli vixere Imperatorum , non tantum nomine sed etiam re ipsa fuit *avro-  
neg'rap* , quod observavit *l. 5.* Agathias. Cæterum Valeriani Cæsaris illæ virtutes , quas procul adulatione describit Ammianus Marcellinus sub finem *l. 13.* ( ne de aliis nunc dicam ) vetant nos sequi us aliquid suspicari. Ut proinde habendus ille sit inter eos quibus persuasum fuit , *Finem justî  
imperij* ( quæ verba ibidem sunt *cap. 23* Ammiani ) *utilitatem  
obedientium æstimari & salutem* : atque adeò Romani Imperij administratio non tam dominantis commoda quam bonum commune tum spectaverit. Ille imo fuit Cæsar iste , ut haud injuria dixeris , non amplificandæ potentæ , non parandis opibus , non vitæ luxuriosæ studuisse tum rempublicam Romanam , sed veræ felicitati. Quam in virtutis exercitio , cum eorum quæ ad vitæ civilis usum requiruntur justâ copîâ , collocant sapientes : etsi alias , non privatim duntaxat sed & publice à magnis civitatibus ea in re peccetur vehementer.

EXCERPTA  
EX JOACHIMI HOPPERI  
FRISII J.C.  
*LIBRIS DE*  
VERA JURISPRUDENTIA.



JOACHIMI HOPPERI

DE

VERA JURISPRUDENTIA

LIBRI I

TITULUS I

DE PRIMA JURISPRUDENTIA ET QUOMODO  
DIVIDATUR.

QUONIAM igitur de doctrina paterna nobis instituendus est sermo, aedum hoc primum mihi expedi, mi frater, quam potissimum de re agat. G. De prima illa magna; & vera omnibusq; partibus absoluta Jurisprudentia, quam civilem sapientiam Ulpianus, Græci Philosophiam Politicam nominant: ad quam quidem collata (quod sine invidia dicatur) quæ vulgo dicitur Jurisprudentia, in tam parvum & angustum naturæ locum conclusa reperitur (quantumcumque vasta & latè diffusa videatur) ut vix minimi momenti instar habeat: unde qui eam sustinent, magna professos in parvis versari, & non tam Juris & Justitiæ, quam litigandi vias tradere, quidam de veteribus sapientibus scriptum reliquit. S. Quid? eam quomodo describis? G. Ajo principem esse disciplinam, quæ reipublicæ jure ac legibus administrandæ, gubernandæque præest. Nam cum omnes artes ac scientiæ vel publicæ sint, quæ imperant; vel privatæ, quæ parent; hæc prioris est generis, princeps omnium artium

ac disciplinarum, per quam reges (ut ille ait) regnant, & legum conditores iusta decernunt. Atque eam David sibi & filio suo optans, Deus, inquit, iudicium tuum regi da & iustitiam tuam filio regis: iudicare populum tuum in iustitia, & pauperes tuos in iudicio. Et Salomon neque amorum, neque opum potentiam à Deo petens: Dabis, inquit, servo tuo cor docile, ut populum tuum iudicare possit, & discernere inter bonum & malum. Sacri autem canones, de disciplina hæc loquentes, artem artium eam vocant; quippe quæ & quas disciplinas inferiores in repub. esse, & quales quemque addiscere, & quousque oporteat, præscribat. S. Quonam autem modo eam parcaris? G. In universalem Jurisprudentiam, & specialem; ut in artibus condendis vocabula artium non defugiamus. S. *Universala* quænam est? G. Quæ per totum mundum diffusa, omnibusque gentibus ac populis communis, artem ipsam Politicam, qua iure legibusque constituendis resp. regitur ac gubernatur, comprehendit; in qua quidem non seclusa aliqua aquula tenetur, sed unde universum flumen erumpit. S. *Specialem* verò? G. Quæ circa unius alicujus populi iura, legesque, ex arte generali deductas, versatur. Nam quemadmodum in cæteris disciplinis aliud ars ipsa oratoria est, aliud oratio, Demosthenis fortè, ex arte facta; aliud ars poëtica aliud poema Homeri ex arte factum ita & hæc aliud ipsa juris ac legum condendarum ars est, aliud lex alicujus populi, Atheniensis fortè, aut Romani, ex arte facta; Unde & Plato libros suos duodecim, tum quidem de Legibus inscripsit, quod specialis est Jurisprudentiæ; tum verò de Legum latione, quod universalis. S. Rectè. G. Nos autem Platonem sequuti, qui solus princeps disciplinam hanc coluit, ejusque non solum vestigia, quædam minimè obscura impressit, sed & plurima ornamenta adjumentaque illi sub-

mini-

ministravit; de utraque summatim differemus. Nam haut satis est unam nosse, nisi & aliam noris, quæ cum ea necessario debet esse conjuncta. Sic ut ab universali ad specialem per certos gradus descendas, & à speciali rursus ad universalem per eosdem ascendas; prout de Angelis, quos in quiete per visum Jacob sursum ac deorsum per scalam discurrentes videbat, est proditum. Nec aliò pertinet Thesei filium, de quo in fabulis est: nempe ut certa ratione ac via, à principis generalibus in rerum specialem labyrinthum intrerur, & eodem modo denuo, à rebus specialibus ad principia generalia remeetur. S. Intelligo. G. Et quidem naturæ ordinem sequuti, primò generatim de arte ipsa universali dicemus; deinde autem particularim de summis capitibus Iuris civilis Romani, quò utimur. Quæ quo pacto ex arte universali manarint, eoque tanquam ad caput suum revocentur, quantum quidem pro instituta brevitate satis videbitur, demonstrabimus. Sic ut non circa artis ipsius tractatum modò consistamus, sed & ad usum, quantum in nobis est, eam transferamus. S. Probè. G. Quinimo cum Jus civile Romanum partim publicum sit. partim privatum (prout in omnium populorum legibus accidit) ut posteriùs latiùs tradetur; dici potest, Jurisprudentiam nostram omnem, vel *universalem* esse, quæ per totum mundum paret, ut diximus: vel *generalem*, quæ Jus publicum complectitur: vel *specialem*, quæ Jus privatum: ut secundum hoc tribus omnino tractatibus omnia comprehendantur. Nunc autem ad rem Deo duce accedamus.

## TITVLVS II.

## DE UNIVERSALI JURISPRUDENTIA.

**S**Eco de *universali* Jurisprudentia quid ais? G. Eam in veram divido, vulgarem, & assimilatam: S. *Vera* quæ  
nam

nam est? G. Quæ in vulgus hætenus ignota, certa via ac ratione, certisque principiis ex natura notatis constar, unde non errans & vaga opinio, sed stabilis firmaque scientia existit. S. *Vulgaris* autem? G. Qua vulgo passim utimur, quæque non tam ratione ac intelligentia, quam usu, & multarum rerum memoria opinioneque nititur. S. *Assimulata* verò? G. Quæ neque scientia, neque opinione, sed phantasia duntaxat (visum Latini vocant) continetur. Inter quæ quidem quidnam sit discriminis, à Platone luculenter scis esse traditum. S. Ita memini. G. Nam cum scientia pro animo sit, opinio autem pro corpore; phantasia pro umbra meritò censetur, quippe quæ neque scientiam, neque opinionem, sed errorem hominum duntaxat aucupatur. S. Sic est. G. Nobis autem de Vera primùm exponendum est, in qua præcipua opera, ut par est, ponetur: deinde autem de vulgari, & assimilata, quas cum vera post deinceps comparabimus.

## TITVLVS III.

## DE VERA IURISPRUDENTIA.

S Quid veræ autem Jurisprudentiæ, anne partes aliquas siue species supponis? G. Maxime: duas nempe. S. Cedo quas? G. Primariam & secundariam. S. Quam dicis *Primariam*? G. Quam Nomotheticen Plato vocat: cui inde nomen est, quòd jure legibusque condendis, & de conditis judicandis, reipublicæ regendæ gubernandæque præest; unde & Ars ipsa Regia nominatur, quam in antro Iovis, per totos novem annos (cui numero quæ vis insit, post videbimus) Minos didicisse, Homerus prodidit. S. *Secundariam* autem? G. Quæ Dicastice ab eodem Platone dicitur: & secundum nominis sui rationem, non quidem circa leges condendas, sed conditas exsequendas, & judicia secundum eas exercenda versatur, quam Rhadamanto idem poëta tribuit. S. Probè

Probè narras. G. Atque utrosque quidem hosce significat David, cùm ait: *Et nunc Reges intelligite*, (quod Nomothetarum est: *erudimini qui iudicatis terram*, (quod Dicastarum.) Pertinetque eodem, quod de Lege & Prophetis in Evangelio pròditur, & quod Dominus *tanquam auctoritatem habens*, (quod legislatoris est,) *non autem ut Scriba & Pharisei*, (quod interpretum,) *docuisse* scribitur. De utraque separatè distincteque tradendum est.

## TITULUS IV.

DE NOMOTHETICE, AN SIT IN NATVRA,  
ET IN ARTEM REDIGI POSSIT.

S. ERGO de Nomothetice quid ais? G. De ea primùm dicam, an sit aliqua in rerum natura juris ac legum condendarum ars. Quo inquirendo, simul & unde sit, & quando primum inter homines exstiterit, apparebit. Deinde quæ ejus definitio; tum quæ divisio. Unde ad reliqua, nectendo alia ex alijs, progredietur oratio. S. De primo quid? An dubium autem est artem hanc in natura exstare, cùm quotidie alias atque alias leges condi videamus? G. Imò verò ob hoc ipsum vel maximè dubitari potest, naturæ, an arte, an divinitus, vel etiam casu fortuito, & pro voluntate ac libidine cujusque ea res regatur. Dum non modò apud diversas nationes diversas leges exstare, sed & in eadem civitate, nunc has, nunc illas, exsistere videmus, nec unquam homines cessare alias ex alijs leges ducere. Cui accedit, quòd, licet plurimæ ubique sint leges, nullius tamen unquam in omni memoria scriptum exstitit, quo ars ipsa juris ac legum condendarum, plenè perfecteque describatur. Nam quòd vulgo artem Juris in ea ratione ponunt, qua leges dissipatæ ac disjectæ in ordinem rediguntur, certisque capitibus ac membris secundùm genera & species describuntur, ut de Papirio & Flavio, alijsque apud



Romanos est proditum; non verè sed per abusionem dicitur. Nam ipsa vera juris ac legum condendarum ars, naturâ leges omnes præcedit, quippe ex qua illæ exprimantur: fuitque in natura multis antè seculis, quàm lata est inter homines aut scripta lex ulla. Hujus autem facultatis methodicæ vis & effectus naturâ leges sequitur: ut postquam ex arte conditæ sunt, certo ordine digerantur. Nec quidquam prohibet quo minùs non modò artem ipsam Juris & legum condendarum, quæ primaria est, sed & leges ex arte conditas, quæ secundariæ sunt, quis ignoret, aut certè earum non valde sit peritus: & tamen à facultate hac methodica, quæ tertio demum loco succedit, minimè abhorreat. Atque hac quidem ratione apud Ciceronem de Jure civili in artem redigendo disseritur: & Hipparchus poemata Homeri ante disiecta in certum ordinem conclusisse dicitur. S. Quid ergo, tu an facultatem istam Nomotheticen, qua jura legesq; conduntur, in naturâ exstare, & in artem includi posse ais, an non? G. Aio exstare, & in artem includi posse. S. At quamnam autem ratione? G. Hac nimirum, Quicquid consilio ac ratione regitur, à Deo & natura est, & in artem ingenio humano includi potest. Nam ars nihil aliud est, quàm collectio quædam præceptorum ex natura manantium, unumque finem spectantium. Jura autem legesq; condere, consilio & ratione regitur. Nam hinc lex à Chrysippo summa ratio dicitur in natura posita: & à Papiniano commune præceptum, virorum prudentum consultum. Est igitur à Deo & natura, & in artem ingenio humano includi potest. S. Intelligo. G. Ac quod objicitur, à nemine unquam artem hanc descriptam, aut literis proditam fuisse, certè præterquam quòd Platonem ejus meminisse, quædamq; illius minimè obscura vestigia imprexisse, jam antè diximus; quem & Aristoteles in Politicis est secutus. Cui accedit quod

Plutar-

Plutarchus in Themistocle, quandam tum temporis regendæ reipublicæ artem à Solone profectam existisse ait. Tum etiam si horum nihil exstaret, tamen omninò putandum est, aliquando existisse. *Nihil enim, inquit ille, sub cælo novum est, nec valet quisquam dicere, ecce hoc recens est; jam enim præcessit in sæculis, quæ fuerunt ante nos.* S. Sic est. G. Ac quod de varietate ac diversitate legum dicitur, quasi illa nullam legum condendarum artem esse arguat. Primùm si quid in legibus condendis, vel imperitia, vel cupiditate, vel alia aliqua animi labe peccetur, (ut sæpe accidit, cum precio leges figuntur ac refiguntur,) id artem non convellere, per se, nisi fallor, lucet. Præter quòd varietas quæ in legibus accidit, tantum abest ut artem tollat, ut eam vel maximè stabiliat. Etenim nihil est quod arti ac prudentiæ magis congruat, quam rebus subjectis & earum circumstantijs, quæ sæpe mutantur, leges quæ de ijs feruntur accommodare. Cui adde, quòd non quilibet, sed is demum qui verè arte præditus est, intelligit, unam eandemque rem, quantum ad formam externam attinet, multis modis rectè habere se posse: quod ex artis ipsius & naturæ abundantia contingit. Nam cum nullum unum uni tam sit simile, quàm homo est homini; quanta tamen figuræ oris sit diversitas, constat; & in mari nihil sane opus est, ut ad eandem lineam navigetur, dummodo idem cursus teneatur. S. Probè narras. G. Et quod porrò dicitur, crebram legum humanarum mutationem facere; ut non tam ratione & consilio, quàm divinitus, vel casu fortuito, aut pro cuiusque voluntate & arbitrio, res ea regi videatur. Certè sic omnino sentiendum est, primam legum omnium ac principem causam unum esse Deum: secundam autem, naturam, & quæ ab ea existunt necessitates ac casus fortuiti quos vocamus: tertiam verò, artem, sive hominem, qui primis igniculis à Deo & na-

tura acceptis, ut de Prometheo proditum est, reliquas leges inferiores, tanquam minor quidam Deus, ut Timæus ait, inde (non autem ex sensu suo) deducit, & quasi parvam quandam naturam in maiore constituit. Nam quemadmodum in re nautica primæ partes Dei sunt, secundæ autem maris & tempestatis, tertiæ verò artis nauticæ, sive hominis ad utrumque se accommodantis: idem & circa jura legesque condendas accidit. In qua re tantum interest, artene quis præditus sit an non sit, quantum inter docti & indocti sapientiam interesse Pindarus ait. Nam cum illius sapientia certa sit & stabilis, & tanquam catenis ligata; hæc contra instabilis est & incerta: haud secus atque de Dædali statuis in fabulis est proditum, quas ligatas manere non ligatas fugere ajunt. S. Perpulchre sanè. G. Atque est quidem hæc juris ac legum condendarum ratio, non modò senior omnium populorum legibus ac institutis (ut diximus) sed & cum ipsa natura humana prodita, & ex Deo ac naturâ deducta. Constat enim, principio rerum, primum parentem, postquam Deus hominem creasset matremque & feminam fecisset, mox legem matrimonialem inde deduxisse, & in republica constituisse, qua vir patrem & matrem relinquere, & adhærere uxori jubetur. S. Ita res est. G. Nec verò ad rem pertinet, quòd nullis hæc disciplina tum inclusa erat certis regulis; quoniam ipsa vera perfectaque scientia civilis, quæ à natura homini erat insita, supra omnes est regulas. Quæ quidem tum primùm inventæ fuere, postquam animus labe peccati obscuratus, his minoribus præditijs, & adminiculis opus habere cœpit, ut per ea, tanquam per scalas, ad ipsam scientiam, accedente usu & natura, paulatim enitatur. S. Verum. G. Atque ita quidem si quis de omnium artium ac scientiarum præceptionibus sentiat, minimè, ut puto, errabit. Sin verò secus, existimans eas sic describi posse, ut  
omnem

omnem omnino rem comprehendant, non Deus quidem, inquit Plato, sed ipse sibi mentem eripuit.

## TITULUS V.

## DE DEFINITIONE NOMOTHETICES.

S. QVONIAM igitur Nomotheticen, sive juris & legum condendarum artem in natura esse constat, indeq; erui posse & certa via ac ratione comprehendi; age quznam ea sit, & quomodo definiatur, ostende. G. Sanè si non quantum velimus, certè quantum possumus, prastare conabimur. Nam definitione bene constituta, divisioneque rectè inde deducta, reliqua per se quodammodo sequuntur. Et verò ne quid erremus, tres ordine definitiones adferemus: ex quibus prima substantiam sive essentiam Nomothetices continebit; altera materiam & formam; reliqua vim & effectum, propriumque ejus officium ac finem. S. *Prima* autem quznam est? G. Quæ apud Vipianum ex Celso exstat, cum ait, *Jus* (quo nomine scientiam ipsam juris eo loco significat) *artem esse boni & æqui*. Quod perinde est, atque si Justitiæ dixeris; unde Juris hujus nomen (nam nomina convenientia debent esse rebus) deductum esse scribit: quoniam propria omnis rationis legum substantia in hoc consistit, ut id quod rectum justumque est lege describatur. Accùm universæ scientiæ politicæ tres omnino sint partes: *ut* vitæ necessaria civitas habeat, quod agricolarum & opificum ministerio efficitur; *ut* libera sit, quod est rei militaris; *ut* sibi amica, quod per magistratus & judices: his *quarto* loco accedens justitia, vitam & motum per leges illi tribuit. Sic ut ea præsentè omnia rectè se habeant, absente autem, vix ullum momentum ad beatam vitam bonumque civitatis statum habere videantur. Et verò cum illorum neque accessione melior, neque decessione pe-

jor vita fiat ; absente justitia, quæ omni pondere gravior est quàm reliqua, ne digitus quidem in ea revera porrigendus est. Nam cum hæc caduca sint & mobilia, illa altissimis defixa est radicibus. S. Revera dicis. G. Et quidem *boni & equi* potius quàm justitiæ artem eam dicere voluit Vlpianus, quoniam univर्सæ justitiæ nobilissima pars, ipsum æquum bonum est, (ut posterius demonstrabitur,) quòd, scrupulositate ommissa, pleraque omnia referre verum Jurisconsultum decet: ut de Servio Sulpitio Cicero prodit. S. Ita res est. G. Ac vocatur quidem *ars*, quoniam suis regionibus ac finibus circumscripta, certis & nunquam fallentibus doctrinis ac præceptis, ex naturâ haustis ac delibatis, & in unum exitum spectantibus, constat: quod artis est proprium. S. Jam altera definitio quænam est? G. Quam Justinianus Imperator ab Vlpiano sumptam ponit, cum ait: *JURISPRUDENTIA est divinarum & humanarum rerum notitia, justî & injusti scientia*. Ubi cum res divinæ & humanæ pro materia subjecta sint, justum & injustum pro forma habentur. Quia enim reipublicæ, quemadmodum hominis, duæ sunt partes, corpus & animus: res divinæ & humanæ pro corpore; justitia autem & jus pro animo sunt. S. Probè. G. Nec verò abs re est, quòd cum justî & injusti scientia dicatur, quod intelligentiæ est: quæ à capite rem accersens, per causas & earum continuationes eam cognoscit, principiis à Deo ipso, qui prima rerum omnium causa est, repetitis. Rerum divinarum & humanarum *notitia* tantum dicitur, ad discriminè opinionis, quæ circa interiora & eorum simulachra & imagines duntaxat versatur. Nam præterquam quòd formarum, quæ perpetuæ sunt, propriè scientia est; materiæ autem, quæ immutatur, non scientia, sed notitia: tum ratio quoque dictat, ejus quo disciplina ipsa continetur, cujusmodi est forma, scientiam esse habendam; eorum autem circa quæ versatur, cujusmodi est materia,

ria,

ria, notitiam sufficere, quatenus ad formam in ea discernendam ac dijudicandam sat est. Nam haud parum saepe accidit, ut diversi artifices circa unam & eandem rem versentur, non simpliciter quidem & absolute; sed quatenus suo cuiusque instituto convenit. Quo quidem modo de natura hominis & Hippocrates tractat ut medicus, & Plato ut philosophus: & de arboribus caedendis Varro ut rei rusticæ scriptor, & Ulpianus ut jurisconsultus. S. Optimè sanè. G. Atque ab istis quidem duobus, nempe quòd circa res divinas & humanas, justumque & injustum hæc facultas versatur, & in scientia pariter & notitia consistit; nomen illi tributum est, *Jurisprudentia*. Nam *juris* nomine, justi & injusti circa res divinas & humanas descriptio continetur: *prudencia* autem, quæ tanquam Ianus bifrons, nunc supera spectat nunc infera, scientia pariter & notitia. Vnde fit ut & *sapientia civilis* apud Pomponium vocetur: sic ut *sapientia* vocabulum pro prudentia, *civilis* pro republica, iusta descriptione accipiatur. Et *philosophia* apud Ulpianum: quæ à jurisprudentia & sapientia civili non nisi sono nominis differt. Nam cum philosophia secundum nominis sui rationem, tum quidem amor boni sit, quod juris & iustitiæ est in rebus civilibus tractandis; tum autem scientia veri, quod sapientiæ ac prudentiæ; per se patet, eandem omnium horum nominum vim esse & effectum. S. Revera dicis. G. Quæ quidem, quòd tria sunt numero, & ex duobus vocabulis constant, cum eo congruit; quòd hæc scientia in ter binis spectatur, nempe in scientia & notitia justī & injustī, rerum divinarum & humanarū. S. Dehinc de tertia definitione Nomotheticæ expecto ut dicas. G. Hæc autem ita se habet. *Nomotheticæ ars est ac scientia civilis ac regia, quæ iustitia in hominem ac rempublicam per jura legesq. inducitur*. S. Cur artem vocas civilem ac regiam? G. Quoniam reipublicæ regendæ

gendæ præest, ut suprà demonstravimus. S. Cur circa justitiam eam dicis versari? G. Quia quemadmodum medicinæ proprium munus est, sanitatem in corpus, ita Nomothetices est, justitiam in animum inducere. Nam quod sanitas est corpori, hoc justitiam in animo esse Socrates probat, & nos inferrius latius explicabimus. Atque hunc quidem finem disciplinæ politicæ esse propositum, docet Sapiens, eum ait; *Diligite justitiam qui judicatis terram*. S. Cur circa hominem & rempublicam? G. Quia uti corpus medicinæ, ita homo quantum ad animum attinet, & respublica Nomotheticæ subiecta est, ad justitiam in ea inducendam: sic ut duo illa semper inter se conjungantur. Quod quidem ita fieri debere, ea re inter cætera Plato demonstrat, quod libros suos de optimo civitatis statu, tum quidem De republica inscribit, tum autem De justo. Et Poëta, plenam perfectamque reipublicæ descriptionem duobus versibus comprehendens: *O Regina* (inquit) *novam cui condere Juppiter urbem, Justitiæq; dedit gentes frenare superbas*. Et Juppiter civilem vitam in hominum cœtus inducturus, Pudorem & Justitiam per Mercurium misisse, in Protagora scribitur. Nec alio quoque pertinet quod Christus ipse in Evangelio, regnum Dei quærit jubet & justitiam ejus: addens alio loco, deficiente justitia in populo Israëlítico, fore ut & regnum Dei ab iis auferatur. Et quidem non solum hominem, sed & rempublicam huic disciplinæ subiectam esse dicimus; quia optandum quidem esset, virum politicum singulos homines obire & justos efficere posse, quod primum est: sed quoniam id fieri nequit, proximum ei est, ut civitate constituta, eam generaliter & universè quàm queat justissimè describat, licet singuli qui in ea degunt homines, alii boni, alii mali, alii perfecti, alii imperfecti sint. Uti & de ecclesia sua Dominus ipse ait. S. Cur denique circa jura legesq;? G. Quia quod

quod in arte medica pharmaca sunt ad sanitatem in corpus inducendam: hoc in ista disciplina sunt jura & leges, per quas tanquam instrumenta media inter justitiam & rempublicam interjecta, unum cum alio conjungitur, & tum quidem actiones justitiæ certis præceptionibus comprehenduntur, tum autem ipsi homines certa via ac ratione ad eas suscipiendas præparantur. Unde fit ut leges in sacris literis justificationes appellentur, quasi per quas homines justitiæ participes efficiantur. S. Præclare narras. G. Et quidem cum præcipuum hujus disciplinæ officium sit, leges ferre ac constituere ad justitiam in hominem inducendam, fit ut & nomen inde acciperit. Nam Nomothetice haud aliud est, quam si legum latricem sive conditricem artem dixeris. S. Verum. G. Sed hæc quidem de tribus Nomothetices definitionibus; quæ quàm aptæ & convenientes inter se sint, per se, nisi fallor, patet jam satis.

## TITVLVS VI.

## DE DIVISIONE NOMOTHETICES.

S. **I**gitur de divisione Nomothetices quid deinceps habes dicere? G. Enimverò quemadmodum in plerisque aliis disciplinis accidit, ita & hanc tum quidem Theoreticen esse ajo, tum autem Practicen. S. Quam vocas Theoreticen? G. Quæ circa cognitionem eorum versatur, eaque ex naturæ obscuritate eruit, quæ ad justitiam in rempublicam per leges inducendam pertinent. S. Practicen verò? G. Quæ re ipsa id præstat, justitiam in rempublicam per leges inducens. Sed nobis primum dicendum est de Theoretice: nam haud sanè ad agendum paratus esse quis potest, nisi prius ea quæ agenda sunt, cognorit. S. Ergo de Theoretice quid ais? Anne & illa rursus suas habet species, in quas dividatur? G. Habet verò: nam & simplex est, & conjuncta. S. Quæ est Simplex? G.

Y

Quæ



Quæ de supradictis, hoc est, iustitia in rempublicam per legem inducenda, simpliciter & absolute tractat, docens separatè ac seorsim quid iustitia sit, quid respublica, quid lex. Nam haud sanè viam ac rationem cerne quis queat, quâ iustitia in rempublicam per legem inducatur, nisi quid eorum quidque sit sigillatim antè cognòrit. S. Quæ Coniuncta? G. Quæ quo pacto tria illa natura inter se affecta sint, & quonam modo iuncta se habeant, ostendit; absque quo certè nulla ratione fieri queat ut ad opus quis accedat. Nam quemadmodum in naturali parte medicinæ primùm elementa quæ vocantur & eorum qualitates per se cognoscendæ sunt, quod simplicis partis est, tum autem eorum mixturæ & temperamenta, quod coniunctæ: ita & hîc usu venit. S. Intellego. G. Verùm cùm Simplex pars coniunctam naturâ præcedat; de ea prius nobis est explicandum. S. At quonam autem pacto? G. Quoniam circa iustitiam in rempublicam per legem inducendam, tota res, ut jam diu diximus, versatur; *primùm* de republica dicam, ut materia subiecta ante omnia cognoscatur, & à principe Deo, à quo omnes res divinæ & humanæ, quarum in definitione Iurisprudentiæ primùm fit mentio, profiunt, exordium capiatur: *Deinde* de iustitia, quæ & ipsa à Deo procedit, ut forma quæ in materiam inducenda est, cujus definitio Iurisprudentiæ secundo loco meminit, intelligatur: *Tum* autem de lege, quæ originem quoque suam à divina mente ducens, tanquam pro instrumento est medio inter iustitiâ & rempublicam interjecto, ad unum cum alio coniungendum. S. Quid ergo? visne de singulis te interrogem? G. Sanè volo; sed ea qua dictum est lege: nempe ut summa rerum capita, tanquam fastigia quædam, pro ætatis & ingenii nostri mediocritate, duntaxat attingamus; alia autem majoribus illis libris relinquamus, unde hauriri poterunt.

JOACHI.

JOACHIMI HOPPERI  
DE VERA JURISPRUDENTIA  
LIBRI IV.

## TITULUS VI.

## DE DICASTICE ET EIVS DIVISIONE.

3. **A**BSOLUTA igitur Nomotheticæ, quid? anne sequitur de Dicastice mihi ut respondeas? nam hic ordo nobis est propositus. G. Verum. S. Hanc ergo quomodo describis? G. Aio artem esse, quæ ex Nomotheticæ desumpta, viam ac rationem tradit, qua jure legibusque exequendis & ad effectum deducendis, justitia in rempublicam inducitur: quod quia per judicia potissimum efficitur, nomen inde accepit. S. Rectè. G. Ac est quidem ideo necessaria, quoniam non potest Nomotheticus solus omnia obire, ut suprâ probavimus; sed opus habet magistratibus sub se, quibus tanquam oculis & auribus manibusque & pedibus utitur, ipse in summa reipublicæ arce residens cunctaque contemplans. S. Probè G. Nec verò conveniret, majorem illam curam ipsum relinquere, & inferioribus rebus operam dare: quoniam Apostoli negabant se prædicationem verbi Dei deserturos, & ministraturos mensis, sed mandabant eam rem Diaconis. S. Pulchrè. G. Et est res perinde atque si in media urbe fontemingas, unde ad omnes urbis regiones aqua ducatur: cui rei cum unus sit præpositus curator aquarum, qui veram fontis gubernandi & aquæ ducendæ rationem solus teneat, alios sub se habeat qui singuli singulis regionibus urbis præsent, & licet ipsam artem non habeant, rationem tamen tenent quâ mandata ejus exequantur, quorum curam ipse gerat utrum rectè faciant nec ne. Uti de Minoë legislatore fiebat, qui Dicastas

sub se habebat duos, Rhadamantum in urbe, & Talum in agro. S. Quid? hanc Dicasticam quomodo dividis? G. In Intelligentiam juris ac legum per Nomotheticen constitutarum (nam absque illa nulla potest fieri executio) & ipsam Executionem: de quibus singulis exponemus.

## TITULUS VII.

DE INTELLIGENTIA IVRIS ET LEGVM,  
EIVSQVE DIVISIONE.

**S.** INTELLIGENTIA juris ac legum quonam modo paratur? **G.** Recta docendi discendique juris ratione, quæ tribus interpretandi generibus continetur. S. Quibus verò illis? **G.** Scholastica, quæ in scholis ferè locum habet; Forensi, quæ in iudicio; & Politica, quæ in republica. Quamquam omnes sunt omnium: quoniam quæ in scholis traduntur, animos ad ea præparant quæ in foro & republica geruntur.

## TITULUS XXIII.

DE POLITICA IVRIS AC LEGVM IN-  
TERPRETATIONE.

**S.** HABEO de scholastica ac forensi juris ac legum interpretatione: de Politica nunc reddito. **G.** Hæc ab eo nomen habet, quòd in senatu ac republica, ubi de legibus condendis & corrigendis agitur, & utrùm rectè latæ sint nec ne inquiritur, potissimum versatur. Et adeo neque in communibus scholis tractari debet, ubi leges ipsas juvenes, non autem iudicium de legibus, quas ut Deas colere oportet, addiscere debent; neque in foro ac tribunali, ubi secundùm leges non de ijs est iudicandum. S. Rectè. **G.** Sed maximè omnium pertinet ad eos qui arte Nomothetica instructi (nam inde proximè effluit) legibus in civitate sunt præpositi. Quos, noturnos iudices ac senes Plato in secunda Socratis republica vocat. Deinde ad summos etiam Dicastas, qui Nomothetis proximi,

proximi, aliquam etiam circa leges inferiores constituendas ac corrigendas partem obtinent, ut post dicetur. Post ad maximos quosque legum doctores, ætate, eruditione, & virtute præstantes, qui hanc facultatem cum ijs seorsim communicare possunt, qui tricesimum quintum annum egressi, tales se jam in studijs & vitæ moribusque probaverint, ut, etiamsi quas leges inferiores non optimè constitutas reperiant, non tamen ob id minus eas colendas, & tanquam tutelares civitatis deos, ut dictum est, in pretio habendas putent, consentent tum quidem se nondum satis eas intelligere, tum verò dominabus etiam discipulis esse parendum. Quos utique in hac disciplina convenit exerceri, ut ubi ad rempublicam venerint, eam quam oportet operam circa usum & exercitium legum navare possint. S. Probè. G. Sed qui aliter sunt affecti, quemadmodum ad interiorē illam partem reipublicæ, ita nec ad hanc disciplinam admitti debent: ne ea instructi supra leges se efferant, &, si quid in ijs non verissimum fortasse reperiant, totas rejicere & abolere contendant. quemadmodum sæpe accidisse, & quidem hoc tempore contingere, videmus. Nec aliò pertinet quod dicit Dominus: non esse sanctum dandum canibus, nec projiciendas margaritas ante porcos, ne fortasse conculcent eas pedibus & conversi dirumpant nos. S. Hanc igitur Politicam interpretationem quamnam esse dicis? G. Partem quandam Nomotheticæ, de qua suprà expositum est: & ideo quæ de ea jam diximus, multo magis in ipsa Nomothetice locum habent. S. In quo autem consistit? G. In duobus. S. Quod est Primum? G. Ut certa via ac ratione dijudices utrum leges latæ recte se habeant, nec ne: idque tum quidem secundum substantiam, quoad res; tum autem secundum formam, quoad personas, tum verò secundum naturalia, quoad res & perso-

nas, prout suprà est expositum. Atque hæc quidem est interpretatio, quæ à primis principiis repetita hominem verè prudentem & politicum efficit, & ad rempublicam regendam ac gubernandam idoneum reddit. S. Quod secundum? G. Ut si inveniatur, legem non rectè se habere, dispicias ecquid mutanda sit nec ne: nam sæpe fit ut quædam sint in republica non optima, quæ tamen non sunt mutanda, nempe cum plus periculi & mali in mutatione est, quàm in ipsa re boni, ut suprà latius est expositum.

## TITULUS XXVIII.

### DE VULGARI JURISPRUDENTIA.

S. EXPOSITIS igitur ijs quæ ad Veram Jurisprudentiam pertinent; quid, visne de Vulgari Jurisprudentia, & Assimulata deinceps te interrogem? G. Volo sanè: ac primum quidem de Vulgari dicam, deinde de Assimulata, quid sit, quomodo dividatur, & quis ejus sit usus. S. Ergo Vulgarem Jurisprudentiam quam vocas? G. Facultatem administram, quæ circa unius alicujus populi leges, earumque vulgarem intelligentiam & usum versatur. S. Quamobrem facultatem administram vocas? G. Quoniam non princeps arsest ac scientia, ut Vera; sed ancillula quædam ejus ac pedissequa, cujus opera utitur, ut mox dicetur: & ideo qui illi præsumunt, non veri & expressi sed plebei sunt ac minuti Jurisconsulti. S. Cur circa unius alicujus populi leges eam dicis versari? G. Quoniam licet apud plerasque nationes exstet, per se tamen non universalis est sed legibus specialibus circa quas versatur ita astricta, ut ijs sublatis simul & ipsa intereat. Quod significare volebat Imperator ille, qui uno die totam Jurisconsultorum Romanorum sapientiam è medio se sublaturum minabatur. Ac si quid subinde veræ scientiæ hoc genus homines habere videntur, non ratione & arte constat,

constat, sed bonitate naturæ, ut Plato ait, & multarum rerum memoria cum longo usu & experientia conjuncta, quæ sæpe similitudinem quandam ac faciem gerit sapientiæ cum non sit. Nam quemadmodum qui in sole ambulant, tamen colorantur; ita qui in continenti rerum usu versantur aliquid subinde sapientiæ colligere videntur, licet eam revera ne primoribus quidem labris attigerint, Verumq; Jurisconsultum ne pictum quidem, ut dicitur, viderint. S. Quamobrem adjicis, ad vulgarem legum intelligentiam & usum hanc jurisprudentiam pertinere? G. Quoniam cum legum duplex sit tractatio; una Vera, quæ certa ratione ac intelligentia constat, & altera Communis, quæ opinione fertur vaga & incerta. Prior ad veram jurisprudentiam, Posterior adhuc vulgarem pertinet. Et quidem cum Prima brevis sit & sibi semper consentiens, quoniam certis finibus circumscripta arteque tota tincta, eâ tanquam mensura uritur, ad quam unamquamque rem propositam dimititur: Vulgaris contra quia mensura caret, nec definitam habet regionem: cujus terminis septa teneatur, nec certum quid quod sequatur; infinita est & contentione plena, multisque difficultatibus obstructa, ut ex immensis scriptis eorum qui illam sequuntur, & opinionum varietatibus, quibus summa dissensione certantes, tanquam fluctibus in vasto mari sursum ac deorsum jactantur, videre licet. Qui quidem certis quibusdam destinatisque sententijs quasi addicti & consecrati, alij in aliorum auctoritate delitescunt cum ipsi nihil clarè videant, haud absimiles ijs sunt, qui noctu oberrantes eò accurrunt, ubi plurimas voces aliorum, æquè atque ipsi oberrantium, attolli audiunt: vel qui, cum ratione non possunt clamore, vincere student. S. Quid? Jurisprudentiam hanc Vulgarem quomodo dividis? G. In duas facultates, quemadmodum ipsam. Veram  
suprà:

Romanos est proditum; non verè sed per abusionem dicitur. Nam ipsa vera juris ac legum condendarum ars, naturà leges omnes præcedit, quippe ex qua illæ exprimantur: fuitque in natura multis antè seculis, quàm lata est inter homines aut scripta lex ulla. Hujus autem facultatis methodicæ vis & effectus naturà leges sequitur: ut postquam ex arte conditæ sunt, certo ordine digerantur. Nec quidquam prohibet quo minùs non modò artem ipsam Juris & legum condendarum, quæ primaria est, sed & leges ex arte conditas, quæ secundariæ sunt, quis ignoret, aut certè earum non valde sit peritus: & tamen à facultate hac methodica, quæ tertio demum loco succedit, minimè abhorreat. Atque hac quidem ratione apud Ciceronem de Jure civili in artem redigendo differitur: & Hipparchus poemata Homeri ante disiecta in certum ordinem conclusisse dicitur. S. Quid ergo, tu an facultatem istam Nomotheticen, qua jura legesque conduntur, in naturà exstare, & in artem includi posse ais, an non? G. Aio exstare, & in artem includi posse. S. At quanam autem ratione? G. Hac nimirum, Quicquid consilio ac ratione regitur, à Deo & natura est, & in artem ingenio humano includi potest, Nam ars nihil aliud est, quàm collectio quædam præceptorum ex natura manantium, unumque finem spectantium. Jura autem legesque condere, e consilio & ratione regitur. Nam hinc lex à Chrysippo summa ratio dicitur in natura posita: & à Papiniano commune præceptum, virorum prudentum consultum. Est igitur à Deo & natura, & in artem ingenio humano includi potest. S. Intellico. G. Ac quod objicitur, à nemine unquam artem hanc descriptam, aut literis proditam fuisse, certè præterquam quòd Platonem ejus meminisse, quædamque illius minimè obscura vestigia imprexisse, jam antè diximus; quem & Aristoteles in Politicis est secutus. Cui accedit quod

Plutar.

Plutarchus in Themistocle, quandam tum temporis regendæ reipublicæ artem à Solone profectam existisse ait. Tum etiam si horum nihil exstaret, tamen omninò putandum est, aliquando existisse. *Nihil enim, inquit ille, sub cælo novum est, nec valet quisquam dicere, ecce hoc recens est; jam enim præcessit in sæculis, quæ fuerunt ante nos.* S. Sic est. G. Ac quod de varietate ac diversitate legum dicitur, quasi illa nullam legum condendarum artem esse arguat. Primum si quid in legibus condendis, vel imperitia, vel cupiditate, vel alia aliqua animi labe peccetur, (ut sæpe accidit, cum precio leges figuntur ac refiguntur,) id artem non convellere, per se, nisi fallor, lucet. Præter quòd varietas quæ in legibus accidit, tantum abest ut artem tollat, ut eam vel maximè stabiliat. Etenim nihil est quod arti ac prudentiæ magis congruat, quam rebus subiectis & earum circumstantijs, quæ sæpe mutantur, leges quæ de ijs feruntur accommodare. Cui adde, quòd non quilibet, sed is demum qui verè arte præditus est, intelligit, unam eandemque rem, quantum ad formam externam attinet, multis modis rectè habere se posse: quod ex artis ipsius & naturæ abundantia contingit. Nam cum nullum unum uni tam sit simile, quàm homo est homini, quanta tamen figuræ oris sit diversitas, constat; & in mari nihil sane opus est, ut ad eandem lineam navigetur, dummodo idem cursus teneatur. S. Probè narras. G. Et quod porrò dicitur, crebram legum humanarum mutationem facere, ut non tam ratione & consilio, quàm divinitus, vel casu fortuito, aut pro cuiusque voluntate & arbitrio, res ea regi videatur. Certè sic omnino sentiendum est, primam legum omnium ac principem causam unum esse Deum: secundam autem, naturam, & quæ ab ea existunt necessitates ac casus fortuiti quos vocamus: tertiam verò, artem, sive hominem, qui primis igniculis à Deo & na-



tura acceptis, ut de Prometheo proditum est, reliquas leges inferiores, tanquam minor quidam Deus, ut Timæus ait, inde (non autem ex sensu suo) deducit, & quasi parvam quandam naturam in maiore constituit. Nam quemadmodum in re nautica primæ partes Dei sunt, secundæ autem maris & tempestatis, tertiæ verò artis nauticæ, sive hominis ad utrumque se accommodantis: idem & circa jura legesque condendas accidit. In quare tantum interest, artene quis præditus sit an non sit, quantum inter docti & indocti sapientiam interesse Pindarus ait. Nam cum illius sapientia certa sit & stabilis, & tanquam catenis ligata; hæc contrà instabilis est & incerta: haud secus atque de Dædali statuis in fabulis est proditum, quas ligatas manere non ligatas fugere ajunt. S. Perpulchre sanè. G. Atque est quidem hæc juris ac legum condendarum ratio, non modò senior omnium populorum legibus ac institutis (ut diximus) sed & cum ipsa natura humana prodita, & ex Deo ac naturâ deducta. Constat enim, principio rerum, primum parentem, postquam Deus hominem creasset maremque & feminam fecisset, mox legem matrimonialem inde deduxisse, & in republica constituisse, qua vir patrem & matrem relinquere, & adhærere uxori jubetur. S. Ita res est. G. Nec verò ad rem pertinet, quòd nullis hæc disciplina tum inclusa erat certis regulis; quoniam ipsa vera perfecta que scientia civilis, quæ à natura homini erat insita, supra omnes est regulas. Quæ quidem tum primùm inventæ fuere, postquam animus labe peccati obscuratus, his minoribus præditijs, & adminiculis opus habere cœpit, ut per ea, tanquam per scalas, ad ipsam scientiam, accedente usu & natura, paulatim enitatur. S. Verum. G. Atque ita quidem si quis de omnium artium ac scientiarum præceptionibus sentiat, minimè, ut puto, errabit. Sin verò secus, existimans eas sic describi posse, ut  
omnem

omnem omnino rem comprehendant, non Deus quidem; inquit Plato, sed ipse sibi mentem eripuit.

## TITULUS V.

## DE DEFINITIONE NOMOTHETICES.

S. QVONIAM igitur Nomotheticen, sive juris & legum condendarum artem in natura esse constat, indeq; erui posse & certa via ac ratione comprehendi; age quznam ea sit, & quomodo definiatur, ostende. G. Sanè si non quantum velimus, certè quantum possumus, prestare conabimur. Nam definitione bene constituta, divisioneque rectè inde deducta, reliqua per se quodammodo sequuntur. Et verò ne quid erremus, tres ordine definitiones adferemus: ex quibus prima substantiam sive essentiam Nomotheticas continebit; altera materiam & formam; reliqua vim & effectum, propriumque ejus officium ac finem. S. *Prima* autem quznam est? G. Quæ apud Vipianum ex Celso exstat, cùm ait, *Jus* (quo nomine scientiam ipsam juris eo loco significat) *artem esse boni & æqui*. Quod perinde est, atque si *Justitiæ* dixeris; unde *Juris* hujus nomen (nam nomina convenientia debent esse rebus) deductum esse scribit: quoniam propria omnis lationis legum substantia in hoc consistit, ut id quod rectum justumque est lege describatur. Ac cùm universæ scientiæ politicæ tres omnino sint partes: *ut* vitæ necessaria civitas habeat, quod agricolarum & opificum ministerio efficitur; *ut* libera sit, quod est rei militaris; *ut* sibi amica, quod per magistratus & judices: his *quarto* loco accedens justitia, vitam & motum per leges illi tribuit. Sic ut ea præsentè omnia rectè se habeant, absente autem, vix ullum momentum ad beatam vitam bonumque civitatis statum habere videantur. Et verò cùm illorum neque accessione melior, neque decessione pe-

jor vita fiat ; absente justitia, quæ omni pondere gravior est quàm reliqua, ne digitus quidem in ea revera porrigendus est. Nam cum hæc caduca sint & mobilia, illa altissimis defixa est radicibus. S. Revera dicis. G. Et quidem *boni & aequi* potius quàm justitiæ artem eam dicere voluit Vlpianus, quoniam universæ justitiæ nobilissima pars, ipsum æquum bonum est, (ut posterius demonstrabitur,) quòd, scrupulositate omiſsa, pleraque omnia referre verum Jurisconsultum decet : ut de Servio Sulpitio Cicero prodit. S. Ita res est. G. Advocatur quidem *ars*, quoniam suis regionibus ac finibus circumscripta, certis & nunquam fallentibus doctrinis ac præceptis, ex naturâ haustis ac deliberatis, & in unum exitum spectantibus, constat: quod artis est proprium. S. Jam *altera* definitio quænam est? G. Quam Justinianus Imperator ab Vlpiano sumptam ponit, cum ait : *JURISPRUDENTIA est divinarum & humanarum rerum notitia, justî & injusti scientia*. Ubi cum res divinæ & humanæ pro materia subjecta sint, justum & injustum pro forma habentur. Quia enim rei publicæ, quemadmodum hominis, duæ sunt partes, corpus & animus : res divinæ & humanæ pro corpore ; justitia autem & jus pro animo sunt. S. Probè. G. Nec verò abs re est, quòd cum justî & injusti scientia dicatur, quod intelligentiæ est: quæ à capite rem accersens, per causas & earum continuationes eam cognoscit, principiis à Deo ipso, qui prima rerum omnium causa est, repetitis. Rerum divinarum & humanarum *notitia* tantum dicitur, ad discriminè opinionis, quæ circa interiora & eorum simulachra & imagines duntaxat versatur. Nam præterquam quòd formarum, quæ perpetuæ sunt, propriè scientia est ; materiæ autem, quæ immutatur, non scientia, sed notitia: tum ratio quoque dicat, ejus quo disciplina ipsa continetur, cujusmodi est forma, scientiam esse habendam ; eorum autem circa quæ versatur, cujusmodi est materia,

ria,

ria, notitiam sufficere, quatenus ad formam in ea discernendam ac dijudicandam sat est. Nam haud parum saepe accidit, ut diversi artifices circa unam & eandem rem versentur, non simpliciter quidem & absolute; sed quatenus suo cuiusque instituto convenit. Quo quidem modo de natura hominis & Hippocrates tractat ut medicus, & Plato ut philosophus: & de arboribus cadendis Varro ut rei rusticæ scriptor, & Ulpianus ut jurisconsultus. S. Optimè sanè. G. Atque ab istis quidem duobus, nempe quòd circa res divinas & humanas, justumque & injustum hæc facultas versatur, & in scientia pariter & notitia consistit; nomen illi tributum est; *Jurisprudentia*. Nam *juri* nomine, justi & injusti circa res divinas & humanas descriptio continetur: *prudencia* autem, quæ tanquam Janus bifrons, nunc supra spectat nunc infera, scientia pariter & notitia. Vnde fit ut & *sapientia civilis* apud Pomponium vocetur: sic ut *sapientia* vocabulum pro prudentia, *civilis* pro republica, iusta descriptione accipiatur. Et *philosophia* apud Ulpianum: quæ à jurisprudentia & sapientia civili non nisi sono nominis differt. Nam cum philosophia secundum nominis sui rationem, tum quidem amor boni sit, quod juris & justitiæ est in rebus civilibus tractandis; tum autem scientia veri, quod sapientiæ ac prudentiæ; per se patet, eandem omnium horum nominum vim esse & effectum. S. Revera dicis. G. Quæ quidem, quòd tria sunt numero, & ex duobus vocabulis constant, cum eo congruit; quòd hæc scientia inter binis spectatur, nempe in scientia & notitia justii & injusti, rerum divinarum & humanarum. S. Dehinc de *tertia* definitione Nomothetices exspecto ut dicas. G. Hæc autem ita se habet. *Nomothetice ars est ac scientia civilis ac regia, qua justitia in hominem ac rempublicam per jura legesq. inducitur*. S. Cur autem vocas civilem ac regiam? G. Quoniam rei publicæ regendæ

gendæ præest, ut suprà demonstravimus. S. Cur circa justitiam eam dicis versari? G. Quia quemadmodum medicinæ proprium munus est, sanitatem in corpus, ita Nomotheticæ est, justitiam in animum inducere. Nam quod sanitas est corpori, hoc justitiam in animo esse Socrates probat, & nos inferiùs latius explicabimus. Atque hunc quidem finem disciplinæ politicæ esse propositum, docet Sapiens, cum ait; *Diligite justitiam qui judicatis terram*. S. Cur circa hominem & rempublicam? G. Quia uti corpus medicinæ, ita homo quantum ad animum attinet, & respublica Nomotheticæ subiecta est, ad justitiam in ea inducendam: sic ut duo illa semper inter se conjungantur. Quod quidem ita fieri debere, ea te inter cætera Plato demonstrat, quòd libros suos de optimo civitatis statu, tum quidem De republica inscribit, tum autem De justo. Et Poëta, plenam perfectamque reipublicæ descriptionem duobus versibus comprehendens: *O Regina* (inquit) *novam cui condere Juppiter urbem, Justitiæq; dedit gentes frenare superbas*. Et Juppiter civilem vitam in hominum cœtus inducturus, Pudorem & Justitiam per Mercurium misisse, in Protagora scribitur. Nec alio quoque pertinet quòd Christus ipse in Evangelio, regnum Dei quæri jubet & justitiam ejus: addens alio loco, deficiente justitia in populo Israëlítico, fore ut & regnum Dei ab iis auferatur. Et quidem non solum hominem, sed & rempublicam huic disciplinæ subiectam esse dicimus; quia optandum quidem esset, virum politicum singulos homines obire & justos efficere posse, quod primum est: sed quoniam id fieri nequit, proximum ei est, ut civitate constituta, eam generaliter & universè quàm queat justissimè describat, licet singuli qui in ea degunt homines, alii boni, alii mali, alii perfecti, alii imperfecti sint. Uti & de ecclesia sua Dominus ipso ait. S. Cur denique circa jura legesq; G. Quia quod

quod in arte medica pharmaca sunt ad sanitatem in corpus inducendam: hoc in ista disciplina sunt jura & leges, per quas tanquam instrumenta media inter justitiam & rempublicam interjecta, unum cum alio conjungitur, & tum quidem actiones justitiæ certis præceptionibus comprehenduntur, tum autem ipsi homines certa via ac ratione ad eas suscipiendas præparantur. Unde fit ut leges in sacris literis justificationes appellentur, quasi per quas homines justitiæ participes efficiantur. S. Præclare narras. G. Et quidem cum præcipuum hujus disciplinæ officium sit, leges ferre ac constituere ad justitiam in hominem inducendam, fit ut & nomen inde acciperit. Nam Nomothetice haud aliud est, quàm si legum latricem sive conditricem artem dixeris. S. Verum. G. Sed hæc quidem de tribus Nomothetices definitionibus; quæ quàm aptæ & convenientes inter se sunt, per se, nisi fallor, patet jam satis.

## TITVLVS VI.

## DE DIVISIONE NOMOTHETICES.

S. **I**gitur de divisione Nomothetices quid deinceps habes dicere? G. Enimverò quemadmodum in plerisque aliis disciplinis accidit, ita & hanc tum quidem Theoreticen esse ajo, tum autem Practicen. S. Quam vocas Theoreticen? G. Quæ circa cognitionem eorum versatur, eaque ex naturæ ob-  
 obscuritate eruit, quæ ad justitiam in rempublicam per leges inducendam pertinent. S. Practicen verò? G. Quæ re ipsa id præstat, justitiam in rempublicam per leges inducens. Sed nobis primum dicendum est de Theoretice: nam haud sanè ad agendum paratus esse quis potest, nisi prius ea quæ agenda sunt, cognorit. S. Ergo de Theoretice quid ais? Anne & illa rursus suas habet species, in quas dividatur? G. Habet verò: nam & simplex est, & conjuncta. S. Quæ est Simplex? G.

Y

Quæ

Quæ de supradictis, hoc est, justitia in rempublicam per legem inducenda, simpliciter & absolute tractat, docens separatè ac seorsim quid justitia sit, quid respublica, quid lex. Nam haud sanè viam ac rationem cernere quis queat, quâ justitia in rempublicam per legem inducatur, nisi quid eorum quidque sit sigillatim antè cognovrit. S. Quæ Conjuncta? G. Quæ quo pacto tria illa natura inter se affecta sint, & quonam modo juncta se habeant, ostendit; absque quo ceterè nulla ratione fieri queat ut ad opus quis accedat. Nam quemadmodum in naturali parte medicinæ primùm elementa quæ vocantur & eorum qualitates per se cognoscendæ sunt, quod simplicis partis est, tum autem eorum mixturæ & temperamenta, quod conjunctæ: ita & hîc usu venit. S. Intellico. G. Verùm cùm Simplex pars conjunctam naturâ præcedat; de ea prius nobis est explicandum. S. At quonam autem pacto? G. Quoniam circa justitiam in rempublicam per legem inducendam, tota res, ut jam diu diximus, versatur; *primùm* de republica dicam, ut materia subiecta ante omnia cognoscatur, & à principe Deo, à quo omnes res divinæ & humanæ, quarum in definitione jurisprudentiæ primùm fit mentio, profluunt, exordium capiat: *Deinde* de justitia, quæ & ipsa à Deo procedit, ut forma quæ in materiam inducenda est, cujus definitio jurisprudentiæ secundo loco meminit, intelligatur; *Tum* autem de lege, quæ originem quoque suam à divina mente ducens, tanquam pro instrumento est medio inter justitiâ & rempublicam interjecto, ad unum cum alio conjungendum. S. Quid ergo? visne de singulis te interrogem? G. Sanè volo; sed ea qua dictum est lege: nempe ut summa rerum capita, tanquam fastigia quædam, pro ætatis & ingenii nostri mediocritate, duntaxat attingamus; alia autem majoribus illis libris relinquamus, unde hauriri poterunt.

JOACHI..

JOACHIMI HOPPERI  
DE VERA JURISPRUDENTIA  
LIBRI IV.

## TITULUS VI.

## DE DICASTICE ET EIVS DIVISIONE.

3. **A**BSOLUTA igitur Nomotheticæ, quid? anne sequitur de Dicastice mihi ut respondeas? nam hic ordo nobis est propositus. G. Verum. S. Hanc ergo quomodo describis? G. Aio artem esse, quæ ex Nomotheticæ desumpta, viam ac rationem tradit, qua jure legibusque exequendis & ad effectum deducendis, justitia in rempublicam inducitur: quod quia per judicia potissimum efficitur, nomen inde acceperit. S. Rectè. G. Ac est quidem ideo necessaria, quoniam non potest Nomotheticus solus omnia obire, ut supra probavimus; sed opus habet magistratibus sub se, quibus tanquam oculis & auribus manibusque & pedibus utitur, ipse in summa reipublicæ arce residens cunctaque contemplans. S. Probè G. Nec verò conveniret, majorem illam curam ipsum relinquere, & inferioribus rebus operam dare: quoniam Apostoli negabant se prædicationem verbi Dei deserturos, & ministraturos mensis, sed mandabant eam rem Diaconis. S. Pulchrè. G. Et est res perinde atque si in media urbe fontemingas, unde ad omnes urbis regiones aqua ducatur: cui rei cum unus sit propositus curator aquarum, qui veram fontis gubernandi & aquæ ducendæ rationem solus teneat, alios sub se habeat qui singuli singulis regionibus urbis præsent, & licet ipsam artem non habeant, rationem tamen tenent qua mandata ejus exequantur, quorum curam ipse gerat utrum rectè faciant nec ne. Uti de Minoë legislatore fiebat, qui Dicastas



sub se habebat duos, Rhadamantum in urbe, & Talum in agro. S. Quid? hanc Dicastricam quomodo dividis? G. In Intelligentiam juris ac legum per Nomotheticen constitutarum (nam absque illa nulla potest fieri executio) & ipsam Executionem: de quibus singulis exponemus.

### TITULUS VII.

#### DE INTELLIGENTIA IVRIS ET LEGVM, EIVSQVE DIVISIONE.

S. **I**NTELLIGENTIA juris ac legum quonam modo paratur? I. G. Recta docendi discendique juris ratione, quæ tribus interpretandi generibus continetur. S. Quibus verò illis? G. Scholastica, quæ in scholis ferè locum habet; Forensi, quæ in judicio; & Politica, quæ in republica. Quamquam omnes sunt omnium: quoniam quæ in scholis traduntur, animos ad ea præparant quæ in foro & republica geruntur.

### TITULUS XXIII.

#### DE POLITICA IVRIS AC LEGVM IN- TERPRETATIONE.

S. **H**ABEO de scholastica ac forensi juris ac legum interpretatione: de Politica nunc reddito. G. Hæc ab eo nomen habet, quòd in senatu ac republica, ubi de legibus condendis & corrigendis agitur, & utrùm rectè latæ sint nec ne inquitur, potissimum versatur. Et adeo neque in communibus scholis tractari debet, ubi leges ipsas juvenes, non autem judicium de legibus, quas ut Deas colere oportet, addiscere debent; neque in foro ac tribunali, ubi secundùm leges non de ijs est judicandum. S. Rectè. G. Sed maximè omnium pertinet ad eos qui arte Nomothetica instructi (nam inde proximè effluit) legibus in civitate sunt præpositi. Quos noturnos iudices ac senes Plato in secunda Socratis republica vocat. Deinde ad summos etiam Dicastras, qui Nomothetis proximi,

proximi, aliquam etiam circa leges inferiores constituendas ac corrigendas partem obtinent, ut post dicetur. Post ad maximos quosque legum doctores, ætate, eruditione, & virtute præstantes, qui hanc facultatem cum ijs seorsim communicare possunt, qui tricesimum quintum annum egressi, tales se jam in studijs & vitæ moribusque probaverint, ut, etiam si quas leges inferiores non optimè constitutas reperiant, non tamen ob id minus eas colendas, & tanquam tutelares civitatis deos, ut dictum est, in pretio habendas putent, censentes tum quidem se nondum satis eas intelligere, tum verò dominabuse etiam discipulis esse parendum. Quos utique in hac disciplina convenit exerceri, ut ubi ad rempublicam venerint, eam quam oportet operam circa usum & exercitium legum navare possint. S. Probè. G. Sed qui aliter sunt affecti, quemadmodum ad interiorē illam partem reipublicæ, ita nec ad hanc disciplinam admitti debent: ne ea instructi supra leges se efferant, & si quid in ijs non verissimum fortasse reperiant, totas rejicere & abolere contendant. quemadmodum sæpe accidisse, & quidem hoc tempore contingere, videmus. Nec aliò pertinet quod dicit Dominus: non esse sanctum dandum canibus, nec projiciendas margaritas ante porcos, ne fortasse conculcent eas pedibus & conversi dirumpant nos. S. Hanc igitur Politicam interpretationem quamnam esse dicis? G. Partem quandam Nomotheticæ, de qua suprà expositum est: & ideo quæ de ea jam diximus, multo magis in ipsa Nomothetice locum habent. S. In quo autem consistit? G. In duobus. S. Quod est Primum? G. Ut certa via ac ratione dijudices utrum leges latæ recte se habeant, nec ne: idque tum quidem secundum substantiam, quoad res; tum autem secundum formam, quoad personas; tum verò secundum naturalia, quoad res & perso-

nas, prout suprà est expositum. Atque hæc quidem est interpretatio, quæ à primis principiis repetita hominem verè prudentem & politicum efficit, & ad rempublicam regendam ac gubernandam idoneum reddit. S. Quod secundum? G. Vt si inveniatur, legem non rectè se habere, dispicias ecquid mutanda sit nec ne: nam sæpe fit ut quædam sint in republica non optima, quæ tamen non sunt mutanda, nempe cum plus periculi & mali in mutatione est, quàm in ipsa re boni, ut suprà latius est expositum.

## TITULUS XXVIII.

## DE VULGARI JURISPRUDENTIA.

S. EXPOSITIS igitur ijs quæ ad Veram Jurisprudentiam pertinent; quid, visne de Vulgari Jurisprudentia, & Assimulata deinceps te interrogem? G. Volo sanè: ac primum quidem de Vulgari dicam, deinde de Assimulata, quid sit, quomodo dividatur, & quis ejus sit usus. S. Ergo Vulgarem Jurisprudentiam quam vocas? G. Facultatem administram, quæ circa unius alicujus populi leges, earumque vulgarem intelligentiam & usum versatur. S. Quamobrem facultatem administram vocas? G. Quoniam non princeps arsest ac scientia, ut Vera; sed ancillula quædam ejus ac pedissequa, cujus opera utitur, ut mox dicetur: & ideo qui illi præsumunt, non veri & expressi sed plebei sunt ac minuti Jurisconsulti. S. Cur circa unius alicujus populi leges eam dicis versari? G. Quoniam licet apud plerasque nationes exstet, per se tamen non universalis est sed legibus specialibus circa quas versatur ita astricta, ut ijs sublati simul & ipsa intereat. Quod significare volebat Imperator ille, qui uno die totam Jurisconsultorum Romanorum sapientiam è medio se sublaturum minabatur. Ac si quid subinde veræ scientiæ hoc genus homines habere videntur, non ratione & arte constat,

constat, sed bonitate naturæ, ut Plato ait, & multarum rerum memoria cum longo usu & experientia conjuncta, quæ sæpe similitudinem quandam ac faciem gerit sapientiæ cum non sit. Nam quemadmodum qui in sole ambulant, tamen colorantur; ita qui in continenti rerum usu versantur aliquid subinde sapientiæ colligere videntur, licet eam revera ne primoribus quidem labris attigerint, Verumq; Jurisconsultum ne pictum quidem, ut dicitur, viderint. S. Quamobrem adjicis, ad vulgarem legum intelligentiam & usum hanc jurisprudentiam pertinere? G. Quoniam cum legum duplex sit tractatio; una Vera, quæ certa ratione ac intelligentia constat, & altera Communis, quæ opinione fertur vaga & incerta, Prior ad veram jurisprudentiam, Posterior ad hanc vulgarem pertinet. Et quidem cum Prima brevis sit & sibi semper consentiens, quoniam certis finibus circumscripta arteque tota tincta, eâ tanquam mensura utitur, ad quam unamquamque rem propositam dimeritur: Vulgaris contrà quia mensura caret, nec definitam habet regionem, cujus terminis septa teneatur, nec certum quid quod sequatur, infinita est & contentionibus plena, multisque difficultatibus obstructa, ut ex immensis scriptis eorum qui illam sequuntur, & opinionum varietatibus, quibus summa dissensione certantes, tanquam fluctibus in vasto mari sursum ac deorsum jactantur, videre licet. Qui quidem certis quibusdam destinatisque sententijs quasi addicti & consecrati, alij in aliorum auctoritate delitescentes cum ipsi nihil clarè videant, haud absimiles ijs sunt, qui noctu oberrantes eò accurrunt, ubi plurimas voces aliorum, æquè atque ipsi oberrantium, attolli audiunt: vel qui, cum ratione non possunt clamore, vincere student. S. Quid? Jurisprudentiam hanc Vulgarem quomodo dividis? G. In duas facultates, quemadmodum ipsam Veram suprà:

suprà partiti sumus. S. Quas autem illas? G. In facultatē  
 Legulciorum & Pragmaticorum. S. Quos vocas Leguleios?  
 G. Qui verè legum intelligentiæ expertes & ignari, circa  
 verba earum duntaxat & antiquitates versantur: haud aliter  
 atque si quis verba quidem Arithmetica calleat, ipsam autem  
 Arithmeticam prorsus ignoret. S. Quos Pragmaticos? G.  
 Qui & ipsi à vera legum scientia alieni, circa varias quæstion-  
 culas ex legibus deductas versantur, quibus congerendis ac  
 memoriæ mandandis operam navant: haud secus atque si  
 quis multos quidem numeros, alios alijs additos, & in se mul-  
 tiplicatos, partim bene partim malè computatos, memoriter  
 teneat: ipsam autem addendi & multiplicandi artem prorsus  
 nesciat. Unde totum hoc genus exiguum meritò habetur ac  
 mendicum. S. Horum autem hominum quisnam est usus in re-  
 publica? G. Multus sanè, si non pulcher, necessarius certè.  
 S. At quid ita? G. Nam primum quidem Leguleii, quorum  
 minimè inelegans & illiberale studium est, haud contem-  
 nendam operam reipublicæ navant, cum ijs qui ad juris Civil-  
 lis principia cognoscenda ingrediuntur, & verba interpre-  
 tantur & origines & antiquitates & alia ejusmodi, quæ æ-  
 quum est liberum scire adolescentulum. S. Rectè. G. De-  
 inde Pragmatici nec ipsi exiguum munus in republica susti-  
 nent, cum litibus disceptandis se præstant: quod quidem tan-  
 to diligentius quàm quia ad altiora nati sunt obeunt, quòd  
 animulæ eorum majorum rerum non sunt capaces, & quòd  
 distrahendis magnum quid in civitate se facere existimant,  
 S. Optimè. G. Ac per hos quidem (cùm officium faciunt)  
 idipsum Nomothetæ ac Dicastæ efficiunt, quod Apostoli per  
 Diaconos efficiebant: quos ob id creabant ut essent qui  
 mensis servirent, ne ipsi à docendi maximo munere aliarum-  
 que rerum majorum præcuratore avocarentur. S. Probè:

G. Ac

G. Ac dicuntur autem officium facere, cum Nomothe-  
tis ac Dicastis parent, & ex eorum præscripto rem agunt:  
quod cum sit, neque facile errare possunt, ut cæcus qui du-  
ctorem pone sequitur valde gnaviter. Quoniam res quas tra-  
ctant ejusmodi fere sunt, ut non tam ipsa justitia, quam quæ-  
dam ejus simulachra (de quibus vulgus ut plurimum digla-  
diatur, uti Trojani & Græci super umbra Helenæ) in ijs insunt.  
In quibus sæpe non multum referre, quid ex pluribus sta-  
tuatur, verè docti non ignorant: licet vulgares illi ac minu-  
tuli magnis fere clamoribus de ijs, ut pueri de nucibus, cer-  
tent. S. Recte. G. Et quidem cum veri perfectique Juris-  
consulti ad prima principia omnia reducant, eoque tanquam  
ad clarissimos septentriones semper respiciant in totius orbis  
ambitu obeundo; hi communes, in quibus non tanta vis inge-  
nij inest, ea tantum spectant inferiora, quæ à superioribus sunt  
constituta, ad quæ, certis quibusdam in rebus minoribus, tan-  
quam pharos quosdam & alia signa in mari posita spectant, ad  
parvæ alicujus regiunculæ navigationem obeundam.

## TITULUS XXIX.

## DE ASSIMULATA JURISPRUDENTIA.

S. Nunc de Assimulata Jurisprudencia quid ais? G. Ea est,  
quæ circa juris & justitiæ umbras versatur. Quod ideo  
dico, quia neque leges ipsas & earum veras intelligentias per-  
sequitur, neque eisdem communem rationem & usum earum  
sed imaginem quandam & umbram duntaxat. Quæ neque sci-  
entia constat, ut Vera; neque opinione, ut Vulgaris; sed viso  
solo sive phantasia, ut supradictum est. S. Quo autem mo-  
do eam partiris? G. In Sophisticen & Rhetoricen, ut in  
Gorgia apud Platonem demonstratur. S. Quam vocas So-  
phisticen? G. Quæ argumentis brevibus ac conclusis, aliisque  
ejusmodi rebus, non veris quidem nec verisimilibus, sed

Z

assimu-

assimulatis tantum (quæ Sophismata propriè dicuntur) circa  
 externas legum imagines versatur, ut in phantasiam homi-  
 nis (quam vocant) eas inducat. S. Quam Rhetorice? G.  
 Quæ oratione latius fusa & ornata alijsque rebus eò pertinen-  
 tibus, externas umbras justitiæ in externas hominum actio-  
 nes infundere studet. S. Intellego. G. Et quidem cum circa  
 corporis curationem duæ versentur artes veræ, Athletica &  
 Medicina, quas imitantur & assimilant duæ earum æmula-  
 trices, Fucatoria & Coquinaria, circa animum idem usu  
 venit. Ut cum duæ ad eum excolendum essent artes veræ,  
 Nomothetice & Dicastice, duæ quoque earum sint æmula-  
 trices, Sophistice ac Rhetorice, inter quas medij interjecti  
 sunt Leguleij ac Pragmatici, de quibus jam dictum est. S. Quis  
 autem harum æmulatricum est usus? G. Haud exiguus certè,  
 dummodo Nomothetica ac Dicastica pareant. S. Quid ita  
 verò? G. Nam primum, quantum ad Sophisticen attinet,  
 quoniam multi sunt in civitate rudes & imperiti, ad quos  
 vera ratio adhiberi non potest, his Nomothetæ ac Dicastæ  
 Sophistas apponunt, ut levibus quibusdam ratiunculis ad  
 captum eorum accommodatis eos instruant, quibus legum  
 umbras quoquo modo percipiant; ut communiter accidit.  
 S. Teneo. G. Ac quantum ad Rhetorice: quoniam vul-  
 gus non ferè ex animo virtutem sequitur, nec iudicia semper  
 sufficiunt ut à malo deterreantur, constituuntur Rhetores,  
 qui tum quidem verborum suavitate ac lenocinio, tum au-  
 tem rerum externarum ritibus ac ceremonijs, cantibusque  
 ac picturis, si non veram virtutem nec mediam, externam  
 saltem ejus visionem ac speciem, in id genus homines indu-  
 cunt. Quod quidem si non omnino optimum, necessarium  
 certè est in republica. Nam ut ille ait: Est quodam prodire te-  
 nus si non datur ultra. S. Verum. G. Atque hac quidem  
 bona

bona in republica Sophistæ ac Rhetores faciunt, si Nomothetis & Dicastis, ut dixi, parcant, & ex eorum præscripto rem agant. S. Intellego. G. Sed si contrà superbia & opinionis errore elati imperium eorum detrectent, & quod deterius est, pro ijs ipsis, hoc est, veris Nomothetis ac Dicastis se venditent, vide quæso quantam pestem in rempublicam inferant & quam magnam stragem edant! S. Quis sic autem? dic obsecro. G. Quia cum suprà demonstratum sit, tum certò perire respublicas, cum veteres picturæ ac cantus aliæque parva magna quæ vocavimus mutantur; & leges divinæ & magnæ pro humanis & parvis aut contra humanæ & parvæ pro divinis & magnis habentur: hoc ita semper accidit, cum veris Nomothetis oppressis, Sophistæ ac Rhetores imperium civitatis per tyrannidem accipiunt. Atque hoc modo rempublicam Judaicam tum interiisse videmus, cum Scribæ eorum ac Sacerdotes in Sophistas ac Hypocritas mutati (nam eodem nomine in sacris literis censentur) in foro ac senatu dominarentur. S. Ita est. G. Atque id quidem eo etiam fit facilius & proclivius, quòd vulgus simulatione magis virtutis quàm ipsa vera & expressa capitur. Et non parùm sæpe verus Nomothetes ac Dicastes, verusque Rex, à Sophista ac Rhetore sive Tyranno perdifficiliter internoscuntur, propterea quod, ut Paulus ait, Angelus tenebrarum frequenter figuram assumit Angeli lucis: sic ut qui intus tyrannus est ac lupus, foris vestem ovis & boni Regis (ut apud Aristotelem ex Platone est) ostentet: sed ex fructibus eorum cognoscetis eos, inquit Dominus. S. Hi autem quinam sunt? G. Quòd cum verus Rex ac Nomotheta ejusque Dicasta, suorum commodorum oblitus, nihil aliud studio habeat, quàm ut rempublicam secundùm tres fines supra commemoratos, quàm abundantissimam liberrimam & supra omnia quam justis-



firmam (nam is proprius ejus finis est) efficiat, in quam rem omnibus viribus ac conatibus incumbit; Tyrannus ac Sophista contrà ad potentiam & commodum suum, quod animi errore sibi finxit, omnia revocans, ipsque cuncta dimetiens, nullam justitiæ in populo, nisi quatenus sibi fructuolum putat, rationem habet: sed hoc solum toto conatu dat operam, ut cunctos quàm deterrimos effectos, animique robore ac virtute spoliatos, servitute opprimat, omnesque omnium copias ac facultates ad se traducat. S. Probè narras. G. Et verò cum hæc sint duo extrema; unum bonum, quod Nomothetarum ac Dicastarum est; & alterum malum, quod pravorum Sophistarum ac Rhetorum; (nam & in bonam partem utrumque nomen accipitur) medij inter eos interjecti sunt, ut dixi, Leguleij & Pragmatici, qui in utrorumque vicinitate versantes, cum bonis ferè sunt boni, cum ad Nomothetas ac Dicastas se applicant; cum malis autem mali, cum ad pravos istos Sophistas ac Rhetores. Qui equidem nihil ferè tam absurdum & à ratione alienum, pro re ac potentia sua stabilienda amplificandaque proponere possunt, quod non aliqua legum contortione Leguleij eorum ac Pragmatici comprobent ac defendant: ut quotidie videmus. S. Revera dicis. Sed visne de comparatione Perfecti Jurisconsulti ad Vulgarem & Assimulatum, secundum institutum ordinem nunc dicere? G. Sanè volo: & quidem eo facto ipsum quoque Perfectum Jurisconsultum describam, & quo pacto in talem quis evadat demonstrabo: in quo finem huic instituto sermonique imponam.

## TITULUS XXX.

DE COMPARATIONE PERFECTI, VULGARIS,  
ET ASSIMULATI JURISCONSULTI.

**S**ERGO comparatio Perfecti Jurisconsulti, Vulgaris, & Assimulati.

simulati, quam est? G. Eam autem rectius percipies, si imaginem auræ similitudinem quandam tanquam ænigma ob oculos ponas in eamque tota cogitatione inspicias. S. Quamnam autem? G. Finge aninio locum quandam pulchrum & amœnum, arboribusque constitum, & limpidis fontibus irriguum, ubi solis claro lumine fruenter, & res ita uti sunt intuentes nonnulli homines, sed pauci tamen, degunt, hilaresque & amicè inter se vivunt. S. Sit ita. G. In proximo autem sit specus, non omnino quidem subterranea, sed lumine dubio, ubi non arbores, montes fontesve sint; sed eorum & aliarum rerum quæ supra terram exstant simulachra, ex argilla ligno marmore ficta, circa quæ homines multiplures quàm superiores versentur, ardentes faces manibus gerentes, quibus ad simulachra admotis, ea contemplantur, & uti quisque maximè circa eorum cognitionem versatus est, ita præ cæteris in honore habetur. S. Fiat. G. Post autem sit antrum subterraneum penitus obscurum & vacuum, ubi nullæ aliæ res sint quàm umbræ supradictorum simulacrorum & hominum, quæ in oppositos muros & parietes à facibus, quas dixi, jaciuntur; circa has autem magna versetur hominum multitudo, qui quid supra terram aut in media regione sit, prorsus ignorent, sed umbras illas simulacrorum, pro veris rebus ducant; quas qui ex illis in obscuro illo lumine quod à facibus procul projicitur aut in laternis à quibusdam circumferrur, acutissime vident & celerrime dijudicant, in magna apud eos sunt gratia & gloria sapientiæ. S. Miram rem fingis: sed perfice quam instituisti fabulam. G. Ex his hominibus in antro degentibus finge aliquando fieri, ut aliqui animadvertentes quoddam supra se esse lumen, eò recta via contendant; quid, ubi ad faces ipsas appropinquare cœperint, anne fore existimas, ut cum tenebris assue-

sint, lumen id oculis non ferant; & ideo plerique ex illis rursus in antrum se recipiant, narrantes socijs locum illum superiorem esse inhabitabilem, nec usquam rectius quam in ipso antro degi? S. Omnino certe. G. Sed qui in media regione forte manserint, ubi lumini illi nonnihil assueverint, caliginem ab oculis sermoverint, quid? anne contra omnino eos judicaturos existimas, nempe homines ibi degentes haud paulo suis esse feliciores, cum in claro luminis splendore, circa res veras (nam ejusmodi simulachra esse putabunt) non autem circa obscuras & caliginosas umbras versentur? S. Nihil est dubium. G. Quin & sic finge. S. Quoniam modo? G. Nempe nonnullos ex ijs qui ex infimo antro in mediam specum venerunt, & alios, animadvertentes dubium quoddam lumen superne infundi, eò recta proficisci: de his ergo quid? Vbi primum caput supra terram extulerint & clarum lumen solis aspexerint, anne futurum putas ut magnam oculorum hebetudinem, & capitis vertiginem, ob insolitum splendorem patiantur? Quem plerique non ferentes, quam poterunt ocyssime in mediam specum revertentur; nonnulli etiam non ante fugere cessabunt, quam in infimum antrum redierint, commemorantes sua quique in regione, quam intolerabilis illa superior sit regio & minime ferenda. S. Non queat fieri aliter. G. Ceterum qui illic manserint, ubi nonnihil se collegerint, & caliginem quam ob splendorem patiebantur, nonnihil deterferint, jam credo perspicis, quam se felices judicabunt, quod e tenebris & caligine emergerint, & ab umbris ac simulachris rerum ad res ipsas pervenerint, quas tum quidem ex umbrarum & simulacrorum similitudine quoquo modo agnoscent, tum autem maxime monstratu eorum quos ibi repererint. S. Sic est. G. Cum quibus suaviter degentes & vitam beatam

tam ducentes, utique miseros & infelices eos judicabunt à quibus discesserint, dum tenebris & caligine oppressi res fictas pro veris, ut in somniis, amplectuntur, magnisque contentionibus inter se (quod in suprema regione non fit) super ijs certant, & tandem errore & ignorantia vanaque cupiditate pleni, è vivis excedunt. S. Revera dicis. G. Itaque quid ais? anne quosdam ex illis misericordia motos sub terram redituros existimas, ut quos ibi reliquere homines, ad superiora ducant, secumque beatos faciant? G. Existimo sane: nam ad hoc vel maxime obligatos se sentient, ut non minus in alios quam se sint animati. G. Ubi ergo eò venerint, uno aut altero ex ijs qui in superiori regione semper vixerint fortasse comitati, & institutum urgere ceperint, dicittantes non veram illam esse vitam quā degunt sed somnolentam, nec res veras circa quas versantur, sed insomnias, quibus tanquam umbris & simulachris ludificantur, veram autem vitam & res veras supra terram exstare: quid? illis hæc dicentibus, an homines illos in dubio illo lumine & tenebris natos & educatos, ijsque assuetos, statim ijs fidem adhibituos existimas, an verò contrā pro stolidis & ineptis habituros? S. Habituros certè. G. Ac maximè quidem si nonnihil caligantes illos cespitantesque videant, quod ob subitam à luce ad tenebras mutationem utique fieri necesse est, sed ubi nonnihil se collegerint, non solum multo acutiùs quam alij cernent, sed & de simulachris illis & umbris haud paulo rectius judicabunt: quoniam res ipsas viderunt, quarum imagines ac similitudines partim bene partim malè factas, eas duntaxat esse referent. S. Verum. G. Caterùm hoc alij mihi mē credent, utpote erroribus suis jam assuefacti: ac potissimum quidem, cum id ij, quos superiori lumine attonitos statim intrò rediisse diximus, suo exemplo confirmabunt, sibi que id ipsum acci-

Quæ de supradictis, hoc est, iustitia in rempublicam per legem inducenda, simpliciter & absolute tractat, docens separatè ac seorsum quid iustitia sit, quid respublica, quid lex. Nam haud sanè viam ac rationem cerne quis queat, quâ iustitia in rempublicam per legem inducatur, nisi quid eorum quidque sit sigillatim antè cognòrit. S. Quæ Conjuncta? G. Quæ quo pacto tria illa natura inter se affecta sint, & quonam modo juncta se habeant, ostendit; absque quo certè nulla ratione fieri queat ut ad opus quis accedat. Nam quemadmodum in naturali parte medicinæ primùm elementa quæ vocantur & eorum qualitates per se cognoscendæ sunt, quod simplicis partis est, tum autem eorum mixturæ & temperamenta, quod conjunctæ: ita & hîc usu venit. S. Intellego. G. Verùm cùm Simplex pars conjunctam naturâ præcedat; de ea prius nobis est explicandum. S. At quonam autem pacto? G. Quoniam circa iustitiam in rempublicam per legem inducendam, tota res, ut jam diu diximus, versatur; *primùm* de republica dicam, ut materia subiecta ante omnia cognoscatur, & à principe Deo, à quo omnes res divinæ & humanæ, quarum in definitione Iurisprudentiæ primùm fit mentio, profluunt, exordium capiatur: *Deinde* de iustitia, quæ & ipsa à Deo procedit, ut forma quæ in materiam inducenda est, cujus definitio Iurisprudentiæ secundo loco meminit, intelligatur: *Tum* autem de lege, quæ originem quoque suam à divina mente ducens, tanquam pro instrumento est medio inter iustitiâ & rempublicam interjecto, ad unum cum alio conjungendum. S. Quid ergo? visne de singulis te interrogem? G. Sanè volo; sed ea qua dictum est lege: nempe ut summa rerum capita, tanquam fastigia quædam, pro ætatis & ingenii nostri mediocritate, duntaxat attingamus; alia autem majoribus illis libris relinquamus, unde hauriri poterunt.

JOACHI.

JOACHIMI HOPPERI  
DE VERA JURISPRUDENTIA  
LIBRI IV.

## TITULUS VI.

## DE DICASTICE ET EIUS DIVISIONE.

3. **A**B SOLUTA igitur Nomothetice, quid? anne sequitur de Dicastice mihi ut respondeas? nam hic ordo nobis est propositus. G. Verum. S. Hanc ergo quomodo describis? G. Aio artem esse, quæ ex Nomothetice desumpta, viam ac rationem tradit, qua jure legibusque exequendis & ad effectum deducendis, justitia in rem publicam inducitur: quod quia per judicia potissimum efficitur, nomen inde accepit. S. Rectè. G. Ac est quidem ideo necessaria, quoniam non potest Nomotheticus solus omnia obire, ut suprà probavimus; sed opus. habet magistratibus sub se, quibus tanquam oculis & auribus manibusque & pedibus utitur, ipse in summa reipublicæ arce residens cunctaque contemplans. S. Probè G. Nec verò conveniret, majorem illam curam ipsum relinquere, & inferioribus rebus operam dare: quoniam Apostoli negabant se prædicationem verbi Dei deserturos, & ministraturos mensis, sed mandabant eam rem Diaconis. S. Pulchrè. G. Et est res perinde atque si in media urbe fontemingas, unde ad omnes urbis regiones aqua ducatur: cui rei cum unus sit propositus curator aquarum, qui veram fontis gubernandi & aquæ ducendæ rationem solus teneat, alios sub se habeat qui singuli singulis regionibus urbis præsent, & licet ipsam artem non habeant, rationem tamen tenent qua mandata ejus exequantur, quorum curam ipse gerat utrum rectè faciant nec ne. Ulti de Minoë legislatore fiebat, qui Dicastas

sub se habebat duos, Rhadamantum in urbe, & Talum in agro. S. Quid? hanc Dicasticam quomodo dividis? G. In Intelligentiam juris ac legum per Nomotheticen constitutarum (nam absque illa nulla potest fieri executio) & ipsam Executionem: de quibus singulis exponemus.

## TITULUS VII.

DE INTELLIGENTIA IVRIS ET LEGVM,  
EIVSQVE DIVISIONE.

**I**NTELLIGENTIA juris ac legum quonam modo paratur? G. Recta docendi discendique juris ratione, quæ tribus interpretandi generibus continetur. S. Quibus verò illis? G. Scholastica, quæ in scholis ferè locum habet; Forensi, quæ in iudicio; & Politica, quæ in republica. Quamquam omnes sunt omnium: quoniam quæ in scholis traduntur, animos ad ea præparant quæ in foro & republica geruntur.

## TITULUS XXIII.

DE POLITICA IVRIS AC LEGVM IN-  
TERPRETATIONE.

**H**ADEO de scholastica ac forensi juris ac legum interpretatione: de Politica nunc reddito. G. Hæc ab eo nomen habet, quòd in senatu ac republica, ubi de legibus condendis & corrigendis agitur, & utrùm rectè lata sint nec ne inquiritur, potissimum versatur. Et adeo neque in communibus scholis tractari debet, ubi leges ipsas juvenes, non autem iudicium de legibus, quas ut Deas colere oportet, addiscere debent; neque in foro ac tribunali, ubi secundùm leges non de ijs est iudicandum. S. Rectè. G. Sed maximè omnium pertinet ad eos qui arte Nomothetica instructi (nam inde proximè effluit) legibus in civitate sunt præpositi. Quos nocturnos iudices ac senes Plato in secunda Socratis republica vocat. Deinde ad summos etiam Dicastas, qui Nomothetis proximi,

proximi, aliquam etiam circa leges inferiores constituendas ac corrigendas partem obtinent, ut post dicetur. Post ad maximos quosque legum doctores, ætate, eruditione, & virtute præstantes, qui hanc facultatem cum ijs seorsim communicare possunt, qui tricesimum quintum annum egressi, tales se jam in studijs & vita moribusque probaverint, ut, etiam si quas leges inferiores non optimè constitutas reperiant, non tamen ob id minus eas colendas, & tanquam tutelares civitatis deos, ut dictum est, in pretio habendas putent, censentes tum quidem se nondum satis eas intelligere, tum verò dominabus etiam discipulis esse parendum. Quos utique in hac disciplina convenit exerceri, ut ubi ad rempublicam venerint, eam quam oportet operam circa usum & exercitium legum navare possint. S. Probè. G. Sed qui aliter sunt affecti, quemadmodum ad interiorē illam partem reipublicæ, ita nec ad hanc disciplinam admitti debent: ne ea instructi supra leges se efferant, & si quid in ijs non verissimum fortasse reperiant, totas rejicere & abolere contendant. quemadmodum sæpe accidisse, & quidem hoc tempore contingere, videmus. Nec aliò pertinet quod dicit Dominus: non esse sanctum dandum canibus, nec projiciendas margaritas ante porcos, ne fortasse conculcent eas pedibus & conversi dirumpant nos. S. Hanc igitur Politicam interpretationem quamnam esse dicis? G. Partem quandam Nomotheticæ, de qua suprà expositum est: & ideo quæ de ea jam diximus, multo magis in ipsa Nomothetice locum habent. S. In quo autem consistit? G. In duobus. S. Quod est Primum? G. Ut certa via ac ratione dijudices utrum leges latæ recte se habeant, nec ne: idque tum quidem secundum substantiam, quoad res; tum autem secundum formam, quoad personas; tum verò secundum naturalia, quoad res & perso-



constat, sed bonitate naturæ, ut Plato ait, & multarum rerum memoria cum longo usu & experientia conjuncta, quæ sæpe similitudinem quandam ac faciem gerit sapientiæ cum non sit. Nam quemadmodum qui in sole ambulant, tamen colorantur; ita qui in continenti rerum usu versantur aliquid subinde sapientiæ colligere videntur, licet eam revera ne primoribus quidem labris attigerint, Verumq; Jurisconsultum ne pictum quidem, ut dicitur, viderint. S. Quamobrem adjicis, ad vulgarem legum intelligentiam & usum hanc jurisprudentiam pertinere? G. Quoniam cum legum duplex sit tractatio; una Vera, quæ certa ratione ac intelligentia constet, & altera Communis, quæ opinione fertur vaga & incerta, Prior ad veram jurisprudentiam, Posterior ad hanc vulgarem pertinet. Et quidem cum Prima brevis sit & sibi semper consentiens, quoniam certis finibus circumscripta arteque tota tincta, eâ tanquam mensura utitur, ad quam unamquamque rem propositam dimeritur: Vulgaris contrà quia mensura caret, nec definitam habet regionem: cujus terminis septa teneatur, nec certum quid quod sequatur, infinita est & contentione plena, multisque difficultatibus obstructa, ut ex immensis scriptis eorum qui illam sequuntur, & opinionum varietatibus, quibus summa dissensione certantes, tanquam fluctibus in vasto mari sursum ac deorsum jactantur, videre licet. Qui quidem certis quibusdam destinatisque sententijs quasi addicti & consecrati, alij in aliorum auctoritate delitescunt cum ipsi nihil clarè videant, haud absimiles ijs sunt, qui noctu oberrantes eò accurrunt, ubi plurimas voces aliorum, æquè atque ipsi oberrantium, attolli audiunt: vel qui, cum ratione non possunt clamore, vincere student. S. Quid? Jurisprudentiam hanc Vulgarem quomodo dividis? G. In duas facultates, quemadmodum ipsam Veram  
suprà:

suprà partiti sumus. S. Quas autem illas? G. In facultatem Leguleiorum & Pragmaticorum. S. Quos vocas Leguleios? G. Qui verè legum intelligentiæ expertes & ignati, circa verba earum duntaxat & antiquitates versantur: haud aliter atque si quis verba quidem Arithmetica calleat, ipsam autem Arithmeticam prorsus ignoret. S. Quos Pragmaticos? G. Qui & ipsi à verà legum scientia alieni, circa varias quæstionculas ex legibus deductas versantur, quibus congerendis ac memoriæ mandandis operam navant: haud secus atque si quis multos quidem numeros, alios alijs additos, & in se multiplicatos, partim bene partim malè computatos, memoriter teneat: ipsam autem addendi & multiplicandi artem prorsus nesciat. Unde totum hoc genus exiguum meritò habetur ac mendicum. S. Horum autem hominum quisnam est usus in republica? G. Multus sanè, si non pulcher, necessarius certè. S. At quid ita? G. Nam primum quidem Leguleii, quorum minimè inelegans & illiberale studium est, haud contemnendam operam reipublicæ navant, cum ijs qui ad juris Civilis principia cognoscenda ingrediuntur, & verba interpretantur & origines & antiquitates & alia ejusmodi, quæ æquum est liberum scire adolescentulum. S. Rectè. G. Deinde Pragmatici nec ipsi exiguum munus in republica sument, cum litibus disceptandis se præstant: quod quidem tanto diligentius quàm qui ad altiora nati sunt obeunt, quod animulæ eorum majorum rerum non sunt capaces, & quod histræctandis magnum quid in civitate se facere existimant. S. Optimè. G. Ac per hos quidem (cum officium faciunt) id ipsum Nomothetæ ac Dicastæ efficiunt, quod Apostoli per Diaconos efficiebant: quos ob id creabant ut essent qui mensis servirent, ne ipsi à docendi maximo munere aliarumque rerum majorum procuratione avocarentur. S. Probè: G. Ac

G. Ac dicuntur autem officium facere, cum Nomothe-  
tis ac Dicastis parent, & ex eorum præscripto rem agunt:  
quod cum sit, neque facile errare possunt, ut cæcus qui du-  
ctorem pone sequitur valde gnaviter. Quoniam res quas tra-  
ctant ejusmodi fere sunt, ut non tam ipsa justitia, quam quæ-  
dam ejus simulachra (de quibus vulgus ut plurimum digla-  
diatur, uti Trojani & Græci super umbra Helenæ) in ijs insunt.  
In quibus sæpe non multum referre, quid ex pluribus sta-  
tuatur, verè docti non ignorant: licet vulgares illi ac minu-  
tuli magnis fere clamoribus de ijs, ut pueri de nucibus, cer-  
tent. S. Recte. G. Et quidem cum veri perfectique Juris-  
consulti ad prima principia omnia reducant, eoque tanquam  
ad clarissimos septentriones semper respiciant in totius orbis  
ambitu obeundo; hi communes, in quibus non tanta vis inge-  
nij inest, ea tantum spectant inferiora, quæ à superioribus sunt  
constituta, ad quæ, certis quibusdam in rebus minoribus, tan-  
quam pharos quosdam & alia signa in mari posita spectant, ad  
parvæ alicujus regiunculæ navigationem obeundam.

## TITULUS XXIX.

## DE ASSIMVLATA JURISPRUDENTIA.

S. Nunc de Assimulata Jurisprudencia quid ais? G. Ea est,  
quæ circa juris & justitiæ umbras versatur. Quod ideo  
dico, quia neque leges ipsas & earum veras intelligentiæ per-  
sequitur, neque eadem communem rationem & usum earum  
sed imaginem quandam & unbram duntaxat. Quæ neque sci-  
entia constat, ut Vera; neque opinione, ut Vulgaris; sed viso  
solo sive phantasia, ut supra dictum est. S. Quo autem mo-  
do eam partiris? G. In Sophisticen & Rhetoricen, ut in  
Gorgia apud Platonem demonstratur. S. Quam vocas So-  
phisticen? G. Quæ argumentis brevibus ac concisis, aliisque  
ejusmodi rebus, non veris quidem nec verisimilibus, sed

Z

assimu-

assimulatis tantum (quæ Sophismata propriè dicuntur) circa  
 externas legum imagines versatur, ut in phantasiam homi-  
 nis (quam vocant) eas inducat. S. Quam Rhetoricen? G.  
 Quæ oratione latius fusa & ornata alijsque rebus eò pertinen-  
 tibus, externas umbras justitiæ in externas hominum actio-  
 nes infundere studet. S. Intellico. G. Et quidem cum circa  
 corporis curationem duæ versentur artes veræ, Athletica &  
 Medicina, quas imitantur & assimilant duæ earum æmula-  
 trices, Fucatoria & Coquinaria, circa animum idem usu  
 venit. Ut cum duæ ad eum excolendum essent artes veræ,  
 Nomothetice & Dicastice, duæ quoque earum sint æmula-  
 trices, Sophistice ac Rhetorice, inter quas medijs interjecti  
 sunt Leguleij ac Pragmatici, de quibus jam dictum est. S. Quis  
 autem harum æmulatricum est usus? G. Haud exiguus certè,  
 dummodo Nomothetica ac Dicastica pareant. S. Quid ita  
 verò? G. Nam primum, quantum ad Sophisticen attinet,  
 quoniam multi sunt in civitate rudes & imperiti, ad quos  
 vera ratio adhiberi non potest, his Nomotheta ac Dicastæ  
 Sophistas apponunt, ut levibus quibusdam ratiunculis ad  
 captum eorum accommodatis eos instruant, quibus legum  
 umbras quoquo modo percipiant; ut communiter accidit.  
 S. Teneo. G. Ac quantum ad Rhetoricen: quoniam vul-  
 gus non ferè ex animo virtutem sequitur, nec iudicia semper  
 sufficiunt ut à malo deterreantur, constituuntur Rhetores,  
 qui tum quidem verborum suavitatem ac lenocinio, tum au-  
 tem rerum externarum ritibus ac ceremonijs, cantibusque  
 ac picturis, si non veram virtutem nec mediam, eternam  
 saltem ejus visionem ac speciem, in id genus homines indu-  
 cunt. Quod quidem si non omnino optimum, necessarium  
 certè est in republica. Nam ut ille ait: Est quodam prodire te-  
 nus si non datur ultra S. Verum. G. Atque hac quidem  
 bona

bona in republica Sophistæ ac Rhetores faciunt, si Nomothetis & Dicastis, ut dixi, parcant, & ex eorum præscripto remagant. S. Intellico. G. Sed si contra superbia & opinionis errore elati imperium eorum detrectent, & quod deterius est, pro ijs ipsis, hoc est, veris Nomothetis ac Dicastis se venditent, vide quaso quantam pestem in rempublicam inferant & quam magnam stragem edant! S. Qui sic autem? dic obsecro. G. Quia cum supra demonstratum sit, tum certò perire respublicas, cum veteres picturæ ac cantus aliæque parva magna quæ vocavimus mutantur; & leges divinæ & magnæ pro humanis & parvis aut contra humanæ & parvæ pro divinis & magnis habentur: hoc ita semper accidit, cum veris Nomothetis oppressis, Sophistæ ac Rhetores imperium civitatis per tyrannidem accipiunt. Atque hoc modo rempublicam Judaicam tum interiisse videmus, cum Scribæ eorum ac Sacerdotes in Sophistas ac Hypocritas mutati (nam eodem nomine in sacris literis censentur) in foro ac senatu dominarentur. S. Ita est. G. Atque id quidem eo etiam fit facilius & proclivius, quòd vulgus simulatione magis virtutis quam ipsa vera & expressa capitur. Et non parùm sæpe verus Nomothetes ac Dicastes, verusque Rex, à Sophista ac Rhetore sive Tyranno perdifficiliter internoscuntur, propterea quod, ut Paulus ait, Angelus tenebrarum frequenter figuram assumit Angeli lucis: sic ut qui intus tyrannus est ac lupus, foris vestem ovīs & boni Regis (ut apud Aristotelem ex Platone est) ostentet: sed ex fructibus eorum cognoscetis eos, inquit Dominus. S. Hi autem quinam sunt? G. Quòd cum verus Rex ac Nomotheta ejusque Dicastæ, suorum commodorum oblitus, nihil aliud studio habeat, quam ut rempublicam secundum tres fines supra commemoratos, quam abundantissimam liberrimam & supra omnia quam justis-

firmam (nam is proprius ejus finis est) efficiat, in quam rem omnibus viribus ac conatibus incumbit; Tyrannus ac Sophista contrà ad potentiam & commodum suum, quod animi errore sibi finxit, omnia revocans, ipsque cuncta dimeriens, nullam justitiæ in populo, nisi quatenus sibi fructuosum putat, rationem habet: sed hoc solum toto conatu dat operam, ut cunctos quàm deterrimos effectos, animique robore ac virtute spoliatos, servitute opprimat, omnesque omnium copias ac facultates ad se traducat. S. Probè narras. G. Ea verò cum hæc sint duo extrema; unum bonum, quod Nomothetarum ac Dicastarum est; & alterum malum, quod pravorum Sophistarum ac Rhetorum; (nam & in bonam partem utrumque nomen accipitur) medij inter eos interjecti sunt, ut dixi, Leguleij & Pragmatici, qui in utrorumque vicinitate versantes, cum bonis ferè sunt boni, cum ad Nomothetas ac Dicastas se applicant; cum malis autem mali, cum ad pravos istos Sophistas ac Rhetores. Qui equidem nihil ferè tam absurdum & à ratione alienum, pro re ac potentia sua stabilien-  
da amplificandaque proponere possunt, quod non aliqua legum contortione Leguleij eorum ac Pragmatici comprobent ac defendant: ut quotidie videmus. S. Revera dicis. Sed visne de comparatione Perfecti Jurisconsulti ad Vulgaris & Assimulatum, secundum institutum ordinem nunc dicere? G. Sanè volo: & quidem eo facto ipsum quoque Perfectum Jurisconsultum describam, & quo pacto in talem quis evadere demonstrabo: in quo finem huic instituto sermonique imponam.

## TITULUS XXX.

DE COMPARATIONE PERFECTI, VULGARIS,  
ET ASSIMULATI JURISCONSULTI.

**S**E Rco comparatio Perfecti Jurisconsulti, Vulgaris, & Assimulati.

simulati, quamnam est? G. Eam autem rectius percipies, si imaginem aut ac similitudinem quandam tanquam anigma ob oculos ponas in eamque tota cogitatione inspicias. S. Quamnam autem? G. Finge animo locum quandam pulchrum & amœnum, arboribusque consitum, & limpidis fontibus irriguum, ubi solis claro lumine fruenter, & res ita uti sunt intuentes nonnulli homines, sed pauci tamen, degunt, hilaresque & amicè inter se vivunt. S. Sit ita. G. In proximo autem sit specus, non omnino quidem subterranea, sed lumine dubio, ubi non arbores montes fontesve sint; sed eorum & aliarum rerum quæ supra terram exstant simulachra, ex argilla ligno marmore ficta, circa quæ homines multiplices quàm superiores versentur, ardentes faces manibus gerentes, quibus ad simulachra admotis, ea contemplantur, & uti quisque maximè circa eorum cognitionem versatus est, ita præ cæteris in honore habetur. S. Fiat. G. Post autem sit antrum subterraneum penitus obscurum & vacuum, ubi nullæ aliæ res sint quàm umbræ supradictorum simulacrorum & hominum, quæ in oppositos muros & parietes à facibus, quas dixi, jaciuntur; circa has autem magna versetur hominum multitudo, qui quid supra terram aut in media regione sit, prorsus ignorent, sed umbras illas simulacrorum, pro veris rebus ducant; quas qui ex illis in obscuro illo lumine quod à facibus procul projicitur aut in laternis à quibusdam circumfertur, acutissime vident & celerrime dijudicant, in magna apud eos sunt gratia & gloria sapientiæ. S. Miram rem fingis: sed perfice quam instituisti fabulam. G. Ex his hominibus in antro degentibus finge aliquando fieri, ut aliqui animadvertentes quoddam supra se esse lumen, eò recta via contendant; quid, ubi ad faces ipsas appropinquare cœperint, annc fore existimas, ut cum tenebris assues-

sint. lumen id oculis non ferant; & ideo plerique ex illis rursum in antrum se recipiant, narrantes socijs locum illum superiorem esse inhabitabilem, nec usquam rectius quam in ipso antro degi? S. Omnino certe. G. Sed qui in media regione forte manserint, ubi lumini illi nonnihil assueverint, caliginem ab oculis sermoverint, quid? anne contra omnino eos judicaturos existimas, nempe homines ibi degentes haud paulo suis esse feliciores, cum in claro luminis splendore, circa res veras (nam ejusmodi simulachra esse putabunt) non autem circa obscuras & caliginosas umbras versentur? S. Nihil est dubium. G. Quin & sic finge. S. Quonam modo? G. Nempe nonnullos ex ijs qui ex infimo antro in mediam specum venerunt, & alios, animadvertentes dubium quoddam lumen superne infundi, eò recta proficisci: de his ergo quid? Vbi primum caput supra terram extulerint & clarum lumen solis aspexerint, anne futurum putas ut magnam oculorum hebetudinem, & capitis vertiginem, ob insolitum splendorem patiantur? Quem plerique non ferentes, quam poterunt ocysime in mediam specum revertentur; nonnulli etiam non antè fugere cessabunt, quam in infimum antrum redierint, commemorantes sua quique in regione, quam intolerabilis illa superior sit regio & minime ferenda. S. Non queat fieri aliter. G. Ceterum qui illic manserint, ubi nonnihil se collegerint, & caliginem quam ob splendorem patiebantur, nonnihil deterferint, jam credo perspicis, quam se felices judicabunt, quod è tenebris & caligine emerferint, & ab umbris ac simulachris rerum ad res ipsas pervenerint; quas tum quidem ex umbrarum & simulacrorum similitudine quoquo modo agnoscent; tum autem maxime monstratu eorum quos ibi repperint. S. Sic est. G. Cum quibus suaviter degentes & vitam beatam



tam ducentes, utique miseros & infelices eos judicabunt à quibus discesserint, dum tenebris & caligine oppressi res fictas pro veris, ut in somniis, amplectuntur, magnisque contentionibus inter se (quod in suprema regione non fit) super ijs certant, & tandem errore & ignorantia vanaque cupiditate pleni, è vivis excedunt. S. Revera dicis. G. Itaque quid ais? anne quosdam ex illis misericordia motos sub terram redituros existimas, ut quos ibi reliquere homines, ad superiora ducant, secumque beatos faciant? G. Existimo sane: nam ad hoc vel maxime obligatos se sentient, ut non minus in alios quam se sint animati. G. Ubi ergo eò venerint, uno aut altero ex ijs qui in superiori regione semper vixerint fortasse comitati, & institutum urgere ceperint, dicittantes non veram illam esse vitam quā degunt sed somnolentam, nec res veras circa quas versantur, sed insomnia, quibus tanquam umbris & simulachris ludificantur, veram autem vitam & res veras supra terram exstare: quid? illis hæc dicentibus, an homines illos in dubio illo lumine & tenebris natos & educatos, ijsque assuetos, statim ijs fidem adhibitueros existimas, an verò contrà pro stolidis & ineptis habituros? S. Habituros certè. G. Ac maximè quidem si nonnihil caligantes illos cespitantesque videant, quod ob subitam à luce ad tenebras mutationem utique fieri necesse est, sed ubi nonnihil se collegerint, non solum multo acutius quam alij cernent, sed & de simulachris illis & umbris haud paulo rectius judicabunt: quoniam res ipsas viderunt, quarum imagines ac similitudines partim bene partim malè factas, eas duntaxat esse referent. S. Verum. G. Cæterum hoc alij mini mē credent, utpote erroribus suis jam assuefacti: ac potissimum quidem, cum id ij, quos superiori lumine attonitos statim intrò redisse diximus, suo exemplo confirmabunt, sibi que id ipsum acci-

disse commemorabunt. S. Verum. G. Quibus accedentes alij qui simulachrorum & imaginum præ cæteris periti inter eos habentur, eaque de causa in magno apud eos nomine sunt & gloria, distantes mera insomnia esse quæ de rebus superis homines illi adserunt, & de vero lumine rebusque veris tradunt; quid anne illos plerique omnes sequenter, idemque quod ipsi statuent? S. Omnino. G. Quæ re non commoti, si tamen viri illi in instituto suo pergant, & non solum vulgus, sed & majores illos non de errore modo & ignorantia, verum etiam de ambitione cupiditate avaritia & alijs vitijs liberè reprehendant, quid? anne tandem futurum existimas, ut non tantum pro stolidis & imperitis, sed & pro improbis & injustis atque adeo nepharijs ac seditiosis hominibus habeantur, atque ut ejusmodi, alij cum probro ejiciantur, alij infamia notentur, alij flagris cadantur, alij denique morte mulcentur? S. Maximè. G. Quæ quidem re fiat, ut optimis illis viris plerisque sublati, homines illi in tenebris suis umbrisque maneant, nec quemquam qui secus suaserit, admittant. S. Verum. G. Nisi fortasse pauculi aliqui reperiantur, qui aurem illis præbentes, ad meliora se referant, eorumque ductum sequentes, à simulachris & imaginibus veli penitus se abducant, vel certè non pro veris rebus eas habeant, quas apud solos superos exstare censeant, quò ut perveniant omni conatu adnitantur. Quod quidem qui faciunt, primum vel co ipso sunt felices, quòd ita sentiunt viamque illam insistant; tum autem felicissimi efficiuntur, cum ad res ipsas superas ipsumque lumen superum eos evadere contingit. An non? S. Maximè. G. Ergo cum ænigma ita se habeat, jam ad rem propositam, si placet, breviter (nam cætera tacita cujusque cogitationi relinquenda sunt) accomodemus. S. Placet. G. Et quidem cum ea de causa

causa in hunc sermonem digressi sumus, ut quæ inter Veram & Vulgarem Assimulatamque jurisprudentiam comparatio sit demonstremus; quid? Veram ubinam potissimum ponemus, anne ea in parte supra terram, ubi clarissimo lumine omnia circumfundi diximus? S. Ibi sanè. G. Vulgarem autem an alibi, quam ea in regione quam mediam vocavimus? S. Non alibi. G. Et Assimulatam denique nunquid alio loco quam in infima? S. Non alio. G. Ergo certe nobis statuendum est, quemadmodum hæ regiones, ita & gradus istos Iurisprudentiæ se habere inter se. S. Verum. G. Sic ut primo loco sit Vera Iurisprudentia, secundo Vulgaris inde dependens, & tertio Assimulata, ordine ultima: nunquid? S. Maximè. G. Quæ quidem ordo si mutetur, & inferiores à superiore se dependere non solum non agnoscant, sed quod deterius est, superiores se esse contendant; quid? an aliud eventurum existimas quàm quod jam commemoravimus? S. At quidnam autem? G. Nempe quòd dictata superioris non modò non admittent, verum etiam ridebunt & è civitate ejicient, planeque extirpabunt, si poterunt. S. Verum. G. Quod quidem vult Evangelium, cum dicit: Lucem in tenebris lucere, & tenebras eam non comprehendere, hominesque tenebras magis amare quàm lucem: unde & potestas tenebrarum dicitur, cum superiores ab inferioribus opprimuntur, eorumque quasi tempestate obruuntur. S. Intellego. G. Caterùm si, uti oportet, inter se convenient, & inferiores à superiore se dependere agnoscant, ejusque dictatis pareant, quid? anne è contrà eveniet, ut omnia quam rectissimè se habeant? S. Nihil est dubium. G. Nam hac ratione fiet, ut non modò superiora, sed & inferiora & media, ritè administrantur, & secundum ejus præscriptionem, quatenus cujusque regionis natura ferre potest, dirigantur. S. Sic est. G. Quod quidem cum sit, plena demum & perfecta omnibusque numeris ac partibus absoluta Iuris.

prudencia in republica constituta esse dicetur; quæ tùm quidam tribus istis sub quaternario, tùm autem ter binis subseptenario continetur. S. Præclarè. G. Qua quidem qui instructus & imbutus est, enimvero is est in quo Veri Iurisconsulti nomen meritò ponatur: de cujus descriptione nunc nobis est dicendum.

## TITULUS XXXI.

## DE DESCRIPTIONE PERFECTI JURISCONSULTI.

S. **E**A autem quænam est? G. Aio perfectum Jurisconsultum virum esse bonum. Vera jurisprudentia instructum. unde & Philosophus, & Sacerdos, & Jurisconsultus appellatur. S. Cur *virum bonum*? G. Quoniam principium sapientiæ timor Domini: & in cor malevolum non intrat sapientia. Est: quæ hoc discriminis inter hanc principem disciplinam & alias inferiores; quod cum in illis nihil impediatur quo minus bonus quis medicus sit & tamen male sanus; & bonus calcifex & tamen sine calceis; in hac utrumque necessariò debet esse conjunctum; sic ut nemo verè juris ac justitiæ possit esse consultus, nisi idem sit & justus: absque quo non prudentem juris & consultum, sed callidum & astutum vastrumque vocamus. Et quidem cum ex iis circa quos Medicus versatur, alii ægri sint ad curandum, alij discipuli ad docendum; circa quos Iurisconsultus versatur, omnes ejusdem ferè sunt generis, nempe ut justitiam cum prudentia in eos inducat (quamquam hoc interest, quòd alij ad parendum duntaxat se parant, quod minoris operæ est; alij ad imperandum etiam, quod majoris) quod nisi primùm circa se præstet, non est idoneus ut circa alios id efficiat. Sic ut fundamentum hujus rei in re sit positum, ut qui bonus Iurisconsultus est dicendus, primùm ipse bonus sit & justus. S. Cur *Vera jurisprudentia* dicis debere esse instructum? G. Quoniam ea sola perfecta cum sit, perfectum Iurisconsultum efficere potest: Vulga-

Vulgaris autem & Assimulata, non perfectos, sed imperfectos efficiunt, quos Pragmaticos, & Leguleios, Sophistasque, & Rhetores vocari supra audivimus; cum perfecti, Nomothetæ & Dicastæ nomen haberent. S. Cur denique tribus nominibus, *Philosophi*, *Sacerdoti*, & *Juriconsultis*, cum vocari ais? G. Ut doceam perfectum Jurisconsultum verè trismegistum esse, sive ter maximum, & ter unum in republica. S. At quid ita? G. A scientia nempe, bonitate, & auctoritate sive potentia. S. Quomodo à *Scientia*? G. Quatenus verus est sapiens. Unde Jurisprudentia civilis sapientia, & vera minimeque simulata Philosophia, apud Ulpianum dicitur, & Sempronius Jurisconsultus apud Romanos Sophos cognominabatur. Et quidem inter Philosophiam & Jurisprudentiam non nisi sonum nominis interesse, jam supra demonstratum est. nam quemadmodum Philosophia, ita & Jurisprudentia partim sapientiâ constat, ad se, juxta Delphicum oraculum foris in ingressu templi positum, noscendum; partim justitiâ, ad se regendum ac gubernandum, iuxta alterum Delphicum intus in eodem templi ingressu collocatum, quod est: Nequid nimis. Nec verò inter utrumque hominem, Philosophum nempe, & perfectum Jurisconsultum, aliud interest, quàm quòd ille secum potissimum agit, alios negligens, quod vitæ contemplativæ est: hic autem alios præcipuè curat, se minimè omittens, quod activæ. Estque res haud aliter, atque si eundem Joannem Baptistam nunc in deserto agentem spectes, quod Philosophi est; nunc populum docentem ac baptizantem, quod Jurisconsulti sive hominis politici. S. Quomodo à *bonitate*? G. Quatenus Jurisconsultus vir verè bonus ac justus est & sanctus, ut modò diximus; unde *Sacerdos* apud Ulpianum appellatur, ab illo nempe sacrificio omnium sacrificiorum maximo, quod sacrificium justitiæ in Psalmis vocatur: in quo non oves aut bo-

res, sed homines, & quidem optima eorum pars voluntas. Deo offertur, & in Dei voluntate collocatur. Quod quidem sacrificium verus Jurisconsultus tum in se procurat, ad se iustum probandum; tum in republica, ad iustitiam in ipsam infundendam; tum in singulis in ea hominibus, ad eos bonos & iustos efficiendos. Atque hoc est quod vult Vlpianus Jurisconsultus, cum *tu autem boni & aequi esse dicis, unde merito quis nos Sacerdotes appelles.* nam quod mox subiicit, primum; *iustitiam namque colimus, boni & aequi notitiam profiteamur,* ad ipsos met Jurisconsultos pertinet, ut se iustos pariter & prudentes præstent: deinde, *aquum ab iniquo separantes, licitum ab illicito discernentes,* ad ipsam rempublicam & res divinas & humanas, ut quemadmodum iustum est, aut certe non iniustum, hoc est, licitum, describantur, & denique *bonos non solum metu poenarum, verum etiam pramiorum exhortatione efficere cupientes,* ad homines qui sunt in republica, ut quàm optimi sint ac iustissimi. S. Quomodo tandem ab auctoritate sive potentia? G. Quatenus non modo consulentibus tanquam ex oraculo de jure responderet, quod minus est; sed & toti rei publicæ, jure ac legibus constituendis tuendisque consulit, quod maius; unde & *jurisconsulti* nomen propriè est deductum. Erat apud veteres Romanos idem & Consulum & Prætorum erat nomen, inde deductum. quod & consulendo, & judicando, & judicari jubendo præbant. Nec verò ad rem pertinet, utrùm ipsa ad rempublicam accedat, nec ne. Nam id neque per unam causam faciet, quod avari est; neque honoris, quod ambitiosi; sed necessitate coactus, poenæ vitandæ causam duntaxat, ne malis omnia occupantibus, illis parere cogatur, quod solum boni viri. Quoniam facultas ipsa per se hanc vim habet, ut qui ea præditus est, ea ipsa re tum quidem sibi præsit, ut Philosophus, tum autem rei publicæ, ut Jurisconsultus; tum autem sibi & rei publicæ ut Sacerdos. S. Optimè profectò. G. Atque hæc qui-

quidem res cum ad Dei ipsius vim ac numen proximè accedat, ejusque vivum quoddam exemplar ac similitudinem in terris referat; sit ut hoc genus homines etiam Divi in sacris literis vocentur.

## TITULUS XXXII.

## QVO PACTO IN VERVM IURISCONSULTVM

## VIS EVADAT.

**S.** **R**ESTAT quo pacto in verum iuriconsultum quis evadat, & quænam ad eam rem requirantur, ut exponas. **G.** Ea autem tria sunt numero. **S.** Quod est *primum*? **G.** Ut naturam huic principi studio cognatam quis habeat. nam si quis malè, inquit Plato, affectus est natura (qualis naturaliter animi habitus inest multis) tum ad illa quæ discenda sunt, tum ad mores, eosque corruptos habeat; ne Lynceus quidem, ut ejusmodi animus videat, efficere possit. Atque ut summatim dicatur, neque acumen neque memoria faciet unquam, ut qui rei ipsius qua de agitur non est cognatus, ipsam inspiciat. Principium enim in habitibus alienis non sortitur. Quamobrem qui iustis alijsque quæcunque sunt pulchra non sunt apti natura atque cognati, licet alii ad alia ingeniosi simul sint & memores; rursus quicunque cognati sunt quidem sed hebetes & memoria parum validi; nunquam ad summum discendi veritatem pervenient, vel virtutis, vel vitij. Necessè enim est ea simul perdiscere, & falsum simul & verum totius essentia. **S.** Quod *secundum*? **G.** Labor ingens & studium immensum: quod proposito statim percipitur utrum natura quis verus iuriconsultus ac Philosophus sit, nec ne. Nam si cui ostendatur, inquit Plato, quàm magna ea res sit, quantoque studio & quantis laboribus comparatur; si verè sapientiam amat, eique natura cognatus atque ipsius possessione dignus est, quasi qui divinus sit, viam sibi mirabilem putat esse ostensam, perque eam sibi omni conatu existimat gradiendum, aliterque facienti vivendum esse non censet. Itaque

se ipsum atque etiam huius rei ducem impensius hortatur, neque prius desinit quam vel finem omnium fuerit consecutus, vel saltem tam sibi comparaverit facultatem, per quam ipse jam sine duce ad terminum perducere valeat. Hæc igitur atque ejusmodi rationibus rem illi considerant: per univèrsam vitam, quicquid omnino agat, ante omnia est Philosophiæ intentus, victuque quotidiano utitur, quo maximè queat ingenium & memoriam & iudicium conservare, seque sobrium præstans, contrariumque huic victum semper odio habens. At verò qui non sunt revera sapientiæ amatores, sed opinionibus duntaxat extrinsecus colorati, instar eorum qui sub sole uruntur atque colorantur; cum audierint quot discenda sunt, quanto labore, qua quotidiani victus temperantia Philosophicis studiis necessaria; rem protinus sibi duram impossibilemque; rati, ut operam ei dent, adduci non possunt. Plerique verò sibi met persuadent, sufficienter se omnia jam audivisse, neque studio prorsus ullo ulterius indigere. S. *Quod tertium?* G. Ut ad bonitatem naturæ, & laborem studiorum, simul & Dei numen accedat, Musaque politica divinitus afflet: quæ res totum demum absolvit, & ad suam perfectionem adducit. Sed id, ut præclare Plato ait, verbis nullo pacto exprimi potest, quemadmodum cæteræ disciplinæ; sed ex diuturna circa ipsum consuetudine, vitæque ad ipsum conjunctione, subito tandem, quasi ab igne scintillante lumen refulgens advenit, & in anima se ipsum jam alit. S. Pulcherrimè profectò. G. Et quidem uti bonitas naturæ per se infra artem est, studium autem humanum ita ut oportet institutum, in ipsa arte sita hoc divinum supra artem est positum, & tam per se plenum & perfectum, ut neque arte humana, neque bonitate naturæ indigeat; cum sit doctrina ipsa Dei, à qua homines quicquid ita divinitus afflati & imbuti sunt à Deo docti appellantur, & sine natura & arte ipsi sibi in Deo sufficiunt. Quod secus est, si quis afflatu numinis & arte destitutus, sola naturæ bonitate ni-

situr,



titur, quod non est satis; nec etiam si ad naturam ars sine numinis adspiratione accedat: quoniam omnis ars humana per se manca & mutila est, nisi Dei afflatu adjuvetur; nec ferè tam ea quæ artem ipsam continent, quàm quæ illam præcedunt, certa via tradi & in præcepta includi possunt. Nam quemadmodum in arte medica per facile est ostendere, quo pacto sanguis mittatur, vomitus cieatur, urina moveatur, corpus purgetur, & alia ejusmodi, quæ artem præcedunt; cæterum quando & quousque ad sanitatem in corpus inducendam id facere oportet, hoc opus, hic labor est, & supra omnia præcepta magna ex parte positum: ita & in hac scientia civili, non admodum difficile est, de doctrina, disciplina, ulu; item de sacramentis, sacris, sacrificiis; ad hæc de legibus, magistratibus, iudicijs, & alijs ejusmodi, ad justum, hominem, legem pertinentibus, quæ omnia substantiam ipsam artis præcedunt, differere. Cæterum quando nam & quousque itis uti oporteat, ad justitiam in hominem & rem publicam inducendam, in quæ substantia ipsa artis consistit; hoc verò supra omnes ferè regulas expositum, & ab unâ Dei gratia maximè ex parte dependet. S. Optime sane. G. Et ideo si singulari Dei numine quis afflatur, quod supra omnia est, & reliquis non indiget, ut jam dictum est, vera ratio ordinaria, qua in perfectum Jurisconsultum quis evadere possit, est, ut ad naturæ bonitatem, quæ primùm omnium adesse debet, laborem studiorum, & longi temporis usum & exercitium adjungat, easq; res addiscat, quas tum quidem generaliter ad sapientem & bonum efficiendum, tum autè specialiter, ad Politicam doctrinam, veramq; Jurisprudentiam percipiendâ, suprà diximus esse necessarias. Quibus tribus quarto loco continuè ad Deum preces, & alia pia sanctaq; exercitia accedunt: sic ut quæ naturæ plantanti, arti riganti, & exercitio colenti defunt, ille sua divina gratia, quæ sola incrementum dat, suppleat, & ad suam perfectionem perducatur, quatenus hu-

mana natura patitur, post divinam & mixtam. S. Quopactō id ais? G. Etenim cum hæc sint tria, Deus creator, supra; homo creatus, infra; & Deus homo, medius, qui utrumque conjungit: triplicem quoque Iurisprudentiam, & tres Iurisperitos constituere oportet. S. Qui sic verò? G. Nempe unam Iurisprudentiam divinam, in Deo ipso inclusam, non alij quam uni Iurisperito Deo cognitam, ad quam omnia quæ intelligentiā non percipimus referre debemus, & in eamquam summo lumine acquiescere. S. Audio G. Deinde alteram Iurisprudentiam humanam homini inditam, quæ res externæ humanæ ad imaginem ac similitudinem divinarum diriguntur, ubi umbræ intelligentiam sæpe obscurant, uti in divinis lumen efficit. S. Intelligo. G. Tum tertiam mediam, divinam & humanam, quæ Christi est Dei & hominis, qui à Patre luminum usq; ad imas umbras descendens, & rursus ex infimis ad summa rediens, per omnia quæcunque sunt, supra, infera, & medioxima, pervadit. Estq; solus Christus ipsa vera perfectæque Iurisprudentia, nec non ipse verus perfectusque Iurisperitus, & item omne id quod inde promanat. S. Quo pacto ipsa Iurisprudentia? G. Nam est verbum Dei & veritas, quod juris est ac legum; & sapientia, quod prudentiæ. S. Iurisperitus autem? G. Quoniam cum secundum substantiam sit Iurisprudentia ipsa; secundum personam utique Iurisperitum eum esse oportet. S. Ea denique quæ inde promanant? G. Quia cum Iurisprudentiæ & Iurisperiti tria propria sint opera, sacerdotis literis prodita, unum infimum executionis legis, quod legis peritorum est: alterum superius, quod legis doctorum; & tertium supremum lationis legis quod legislatorum: omnia tria à Christo præstata fuisse in Evangelio est proditum, vocatque eum nominatim Iacobus legislatorem nostrum. In quo uno omnia quæ hæcenus dicta sunt concluduntur.

F I N I S.

Agg 11.55.12











**D 12.**



22  
7-1